

Kalaallit Nunaanni sulinermi ajoqusernermut isumannaarineq pillugu inatsisip
allanngortinneqarnissaanut inatsit

(Nalunaarutiginninnermut malittarisassanik naligiissaarineq, sulinermi ajutoornerit il.il.
pineqartillugit akuersaarnissamut apeqqummik nalilersuineq)

UAGUT FREDERIK QULINGAT, Guutip Saammaassineratigut Danmarkip Kunngia,
Uppernarsarparput:

Folketingip inatsit manna akuerigaa aamma Uagut akuersinitsigut aalajangersaraa:

§ 1

Kalaallit Nunaanni sulinermi ajoqusernermut isumannaarineq pillugu inatsimmi, tak. inatsimmut nalunaarut nr. 75, 16. januar 2017-imeersumi, allanngortinneqartumi inatsit nr. 461, 15. maj 2017-imeersumi § 2-kkut aamma inatsisikkut nr. 1523, 18. december 2018-imeersukkut, tulluuttut allanngortinneqassapput:

1. § 6-imi imm. 1-ip kingorna immikkoortutut nutaatut ikkunneqassaaq:

»Imm. 2. Inuup ajoqusernera, tak. imm. 1, timikkut imaluunniit tarnikkut ajoqusernerusinnaavoq aamma ataavartuusinnaavoq imaluunniit qaangiuttussaasinnaalluni. Piumasaqaataannngilaq, inuup ajoqusernera suliaritittariaqarnermik kinguneqarnissaa, imaluunniit inuup ajoqusernerata suliarineqareersimanissaa.«

Imm. 2 tamatuma kingorna imm. 3-nngussaaq.

2. § 14, imm. 1-imi, oqaaseqatigiit pingajuat, atorunnaarsinneqassaaq.

3. § 15, imm. 1 aamma 2, atorunnaarsinneqassapput.

Imm. 3 tamatuma kingorna imm. 1-inngussaaq.

4. § 18, oqaaseqatigiit siulliat, allanngortinneqassaaq »suliffeerunnermi ikiorsiissutit« uunga »suliffissarsiortunut ikiorsiissutit pillugit Inatsisartut inatsisaat nr. 7, 20. juni 2022-meersoq malillugu napparsimanerup nalaani suliffissarsiortunut ikiorsiissutit«

5. § 21, imm. 7, oqaaseqatigiit pingajuat, ima oqaasertaqassaaq: »Ajoqusertup piffissamik aalajangiinnermiit ukiut marluk imaluunniit sivikinnerusumik utoqqalinersiaqarnissamut ukioritat angussappagit, tak. utoqqalinersiaqarneq pillugu Inatsisartut inatsisaat, taarsiissutissat § 31, imm. 4-mi malittarisassat malillugit tunniunneqassapput, inummut utoqqalinersiaqarnissamut ukiorititat ukiut marluk qaangiunneranni angusussaappagit, aningaasanngorlugit ataatsikkut tunniutassatut naleqqersuut atorlugu, ukiumoortumik ingerlaavartumik taarsiissutinik amerlisarlugu.«

6. § 21, imm. 8 aamma 9-tut ikkunneqassapput:

»Imm. 8. Taarsiissutit § 31, imm. 1, oqaaseqatigiit siullianni malittarisassat malillugit aningaasanngorlugit ataatsikkut tunniutassanngortinneqarpata, ajoqusertoq piffissamiit inuussutissarsiornermik annaasaqarnerup uppersarsineqarneraniit ingerlaavartumik taarsiiffigineqarnissamut pisinnaatitaavoq, taamaattoq sulinermi

ajouserup nalunaarutigineqarnera piffissaq sioqqullugu minillugu, aamma taarsiissutit aningaasannngortinneqarnerannut piffissaq angullugu.

Imm. 9. Imm. 7-mi 8-milu malittarisassat §§ 46 aamma 47 malillugit sulianut suliareqqitassannngortinneqartunut atuutissapput. Suliareqqitassannngortitsinermut qinnuteqarnermut piffissaq sioqqullugu imaluunniit Arbejdsmarkedets Erhvervssikringip suliaq suliareqqittussaappagu, tak. § 47, suliani taakkunanani taarsiissutitinnit tunniussisoqarneq ajorpoq.«

7. § 28, imm. 2, oqaaseqatigiit aappaat, ima oqaasertaqassaaq:

»Inunnut sulisitsisuminni najugaqartunut nerisaqarnermut ineqarnermullu akigititat, aningaasarsianit akileraarutit pillugit Inatsisartut inatsisaanni nr. 12 2. November 2006-imeersumi, § 19 a, naapertorlugu Kalaallit Nunaanni Akileraartarnermut Aqutsisoqarfimmit ukiumut pineqartumut akigititat aalajangersarneqartut annertoqatigivaat.«

8. § 30, imm. 4, oqaaseqatigiinni siullerni, allannngortinneqassapput »Sapaatit akunneri sisamat« uunga: »sapaatit akunneri arfineq-marluk«, aamma »sapaatit akunnerinut sisamanut piffissarititaq« allannngortinneqassaaq imaalillugu: »sapaatit akunnerinut arfineq-marlunnut piffissarititaq«.

9. § 31, imm. 4, ima oqaasertaqassaaq:

»Imm. 4, Ingerlaavartumik taarsiissutit aningaasannngorlugit ataatsikkut tunniutassannngortinneqarneranni, piffissami tunniutassannngortitsiffiusumi taarsiissutissat annertussusaat tunngavigalugit tunniutassannngortitsisoqassaaq. Piffissaq aningaasat ataatsikkut tunniunneqarsinnaaffiat, tassaavoq piffissaq tunniutassannngortitsiffik. Tunniutassannngortitsineq taamaallaat siunissamut sunniuteqassaaq. Ingerlaavartumik taarsiissutitinnit aningaasannngorlugit tunniutassannngortitsinermut naleqqersuutit, qaammatinut aamma ukiunut ilivitsunut, sillimmasiinernik naatsorsuisarnermut tunngatillugu tunngaviit tunngavigalugit aalajangersarneqassapput. Ingerlaavartumik taarsiissutitinnit aningaasannngorlugit ataatsikkut tunniussisoqartarnissaanut malittarisassat, Suliassaqartitsinermut ministerip Namminersorlutik Oqartussat isumaqatigiinniarfigereerlugit aalajangersassavai.«

10. § 35, imm. 1-3, atorunnaarsinneqassapput, aamma taarsiullugu ikkunneqassaaq:

»Sulisitsisup, ullormiit sulinnngiffiusumiit siullermiit kingusinnerpaamik ullut 14-it qaangiutsinnagit sulineri ajutoorneq nalunaarutigissavaa, ajutoorneq ajoquserup nalinginnaasumik sulisarnermiit sulinnngitsoorneranik kinguneqarpat, ullup ajoquserfiusup saniatigut.

Imm. 2. Sulineri ajutoornerit, sulinnngitsoornermik kinguneqanngitsut, kisianni inatsit malillugu ikiorsiissutitinnit pisartagaqarnissamut piumasaqaateqarfiusinnaasutut nalilerneqartut, tak. § 10, kingusinnerpaamik ullup ajutoorfiusup kingorna ullut 14-it qaangiutsinnagit sulisitsisumit nalunaarutigineqassapput.«

Imm. 4 tamatuma kingorna imm. 3-nngussaaq.

11. § 35, imm. 4, oqaaseqatigiit aappaanni, imm. 3-nngortumi, oqaaseqatigiit aappaanni, »imm. 1-3« ima allannngortinneqassaaq: »imm. 1 aamma 2 aamma § 38«.

12. § 36, imm. 1, atorunnaarsinneqassaaq.

Imm. 2 aamma 3 tamatuma kingorna imm. 1 aamma 2-nngussapput.

13. § 37, imm. 1-imi, »Sulisitsisoq nalunaaruteqartussaataasoq, tak. § 36« ima allanngortinneqassaaq: »Sulisitsisoq, tak. § 35, imm. 1 aamma 2«.

14. § 38, imm. 1-imi, »Namminersorlutik Oqartussat isumaqatigiinniarfigereerlugit suliaasaqartitsinermut ministeri malittarisassanik aalajangersaassaaq, nakorsat« ima allanngortinneqassaaq: »Nakorsat«.

15. § 39, imm. 1, oqaaseqatigiit siullianni, »Nalunaarutiginninneq« kingorna ikkunneqassaaq: »sulinermit ajutoornerit aamma inuussutissarsiornermi nappaatit pillugit«.

16. § 39, imm. 4, ima allanneqassaaq:

»Imm. 4. Ajutoornerit pillugit suliani paasissutissanut tunngasut akiligassat tamaasa sillimmasiisarfiup akilissavai. Inuussutissarsiornermi nappaatit pillugit suliani paasissutissanut tunngasut akiligassat tamaasa Arbejdsmarkedets Erhvervssikringip akilissavai. Oqaaseqatigiit siullianni aamma aappaanni akiligassat ilaatigut tunngapput nakorsat nalunaarutaannut akiligassat, tassunga ilanngullugit nakorsat immikkut ilinniarsimasut nalunaarutaat aamma toqusumik pilattaalluni misissuinermit nalunaarutit, aamma oqaaseqaatinut uppersaatinullu allanut, tassunga ilanngullugit kukkunersiuisut naatsorsuutaat pisariaqartinneqartut aamma nutserinerit.«

17. § 42 ima allanneqassaaq:

»§ 42. Arbejdsmarkedets Erhvervssikringip imaluunniit Ankestyrelsen § 41 malillugu paasissutissanik pissarsiniartinnani, Arbejdsmarkedets Erhvervssikringip imaluunniit Ankestyrelsen paasissutissat qanoq ittut pissarsiarinissaanut pisariaqalersinnaanera pillugu ajoquseritoq imaluunniit qimagaasut allakkatigut ilisimatissavai. Arbejdsmarkedets Erhvervssikringip imaluunniit Ankestyrelsen aamma ajoquseritoq imaluunniit qimagaasut tamatumunnga akerliliilluni nalunaaruteqarsinnaanermut piffissarititamik tunissavai aamma ajoquseritoq imaluunniit qimagaasut tamatumuunakkut eqqartuussivinni suliaassanngortitsinermi ajoqutaasinnaasut pillugit ilisimatissallugit.«

18. § 43, imm. 2, oqaaseqatigiit siullianni aappaannilu, »Ajoqusersimasooq« kingorna ikkunneqassaaq: »aamma ingiaqatigisaq pisariaqartinneqartoq«.

19. § 44 atorunnaarsinneqassaaq.

20. § 49, imm. 2, oqaaseqatigiit pingajuat, atorunnaarsinneqassaaq.

21. § 49-mi imm. 3-p kingorna immikkoortutut nutaatut ikkunneqassaaq:

»Imm. 4. Ankestyrelsen inatsit manna malillugu sulianik ingerlatsinerani inatsisitigut isumannaatsuuneq aamma inunnik isumaginninnermit suliaasaqarfimmi allaffissornerq pillugit inatsimmi kapitali 9 aamma §§ 68 aamma 70 atuutissapput, imaassimanngippat inatsisip matuma alla kingunerigaa.«

Imm. 4-8 tamatuma kingorna imm. 5-9-nngussapput.

22. § 49, imm. 6-mi, imm. 7-nngortussami, oqaaseqatigiit pingajuattut ikkunneqassaaq:

»Nalilersuinermit Arbejdsmarkedets Erhvervssikringip aalajangiinermi isummerfigisinnaavai immikkuualuttut piviusunik tunngavillit aamma inatsisinut tunngasut kiisalu missiliuussinerit.«

23. § 51-imi imm. 2-tut ikkunneqassaaq:

»Imm. 2. Ajoqusernermut sillimmasiisarfinnut Garantifondi § 49-mi taaneqartutut sulinermit ajutoornerit pillugit sulianik suliareqqitassanngortitsisinnaavoq, ajoqusernermut sillimmasiisarfinnut Garantifondi pillugu inatsit malillugu ajoqusernermut sillimmasiisarfinnut Garantifondip ingerlataani.«

24. § 52, imm. 6, oqaaseqatigiit aappaat, atorunnaarsinneqassaaq, aamma taarsiullugu ikkunneqassaaq: »Sulinermit ajutoornermut aningaasartuutit, ikiorteqarnermik qaangiisut, tak. oqaaseqatigiit siulliat, Arbejdsmarkedets Erhvervssikringimit akilerneqassapput. Oqaaseqatigiit aappaat malillugu aningaasartuutitut aningaasaliinerit, ukiumi aningaasartuuteqarfiusumi, sillimmasiisarfinni tamani, Kalaallit Nunaanni sulinermit ajoqusernermut isumannaarinermit ingerlatsisuni, aconto-tut akileqquneqassapput, kingornalu ukiumi tulluuttumi naleqqussarneqarlutik.«

25. § 52, imm. 6, oqaaseqatigiit pingajuanni, oqaaseqatigiit sisamaanngortussami »Arbejdsmarkedets Erhvervssikring« ima allanngortinneqassaaq: »suliassaqartitsinermit ministeri Arbejdsmarkedets Erhvervssikringip siulersuisuisa inassuteqarnerat malillugu« aamma »oqaaseqatigiit pingajuat« ima allanngortinneqassaaq: »oqaaseqatigiit sisamaat«

26. § 56, imm. 4-mi, »§ 52, imm. 6, oqaaseqatigiit aappaat aamma pingajuat« ima allanngortinneqassaaq: »§ 52, imm. 6, oqaaseqatigiit aappaanniit sisamaannut«

27. § 59 atorunnaarsinneqassaaq.

28. § 62, imm. 4-mi, »§ 52, imm. 6, oqaaseqatigiit sisamaat aamma tallimaat« ima allanngortinneqassaaq: »§ 52, imm. 6, oqaaseqatigiit tallimaat aamma arferngat«

29. § 64, imm. 1, nr. 2-mi, »inuussutissarsiornermit nappaatit aamma« ima allanngortinneqassaaq: »inuussutissarsiornermit nappaatit,«.

30. § 64, imm. 1-imi, nr. 2-p kingorna normutut nutaatut ikkunneqassaaq:

»3) § 68 malillugu Arbejdsmarkedets Erhvervssikringimit aningaasat, ataatsimoorussamik sillimmasiineq malillugu sulianut tunngatillugit, tak. §§ 67-69 aamma«.

Nr. 3 tamatuma kingorna nr. 4-nngussaaq.

31. § 64, imm. 4, oqaaseqatigiit siullianni, »akiliineq,« peerneqassaaq, aamma »aamma tamatuminna akiliisitsiniarneq« ima allanngortinneqassaaq: », aconto-mik akiliisitsiniarneq aamma kingornatigut naleqqussaaneq«.

32. § 65, oqaaseqatigiit siullianni, », Nationalbankip ullormiit ullormut erniaritittagaasa agguaqatigiissinnerannut naapertuuttunik« peerneqassaaq.

33. § 65, oqaaseqatigiit aappaanni, »naatsorsorneqassapput« ima allanngortinneqassaaq: »aalajangersarneqassapput«.

34. § 70, oqaaseqatigiit siullianni, »qimataat« kingorna ikkunneqassaaq: », taamaattoq tak. imm. 2«.

35. § 70-imi imm. 2-tut ikkunneqassaaq:

»Imm. 2. Imm. 1, oqaaseqatigiit siullianni, malittarisassaq atuutissanngilaq imaattoqarpat, nioqqutissanut akisussaaneq pillugu inatsimmi taarsiissuteqarnissamut akisussaasoqartoq imaluunniit akisussaanissamut peqqusisoqartoq.«

Atuutilersitsinermut aamma ikaarsaarnermut aalajangersakkat

§ 2

Imm. 1. Inatsit atuutilissaaq ulloq 1. januar 2026, taamaattoq tak. imm. 2.

Imm. 2. Suliassaqartitsinermut ministerip § 1, nr. 23-p, 27-p, 34-p aamma 35-p atuutilernissaannut piffissaq aalajangersassavaa. Ministerip aalajangersarsinnaavaa, aalajangersakkat piffissani assigiinngitsuni atuutilernissaat.

§ 3

Imm. 1. § 1, nr. 1, ajutoornerit pillugit sulianut, 1. januar 2026 sioqqullugu pisimasunut, atuutissanngilaq. Sulianut taakkununnga malittarisassat maannamut atuuttut atuutissapput.

Imm. 2. § 1, nr. 3, 5, 6, 7, 9 aamma 19 ajutoornerit pillugit sulianut, 1. januar 2026 sioqqullugu pisimasunut, imaluunniit inuussutissarsiordermi nappaatit pillugit sulianut, 1. januar 2026 sioqqullugu nalunaarutigineqarsimasunut, atuutissanngillat. Sulianut taakkununnga malittarisassat maannamut atuuttut atuutissapput.

Imm. 3. § 1, nr. 8 aamma 20, Arbejdsmarkedets Erhvervssikringip sulineri ajoqusernerit pillugit suliani aalajangiinerinut, Arbejdsmarkedets Erhvervssikringip 1. januar 2026 sioqqullugu aalajangiiffigisaanut, atuutissanngillat. Aalajangiinernut taakkununnga malittarisassat maannamut atuuttut atuutissapput.

Imm. 4. § 59 naapertorlugu, tak. Kalaallit Nunaanni sulineri ajoqusernermut isumannaarineq pillugu inatsimmut nalunaarut nr. 75, 16. januar 2017-imeersoq, Arbejdsmarkedets Erhvervssikringip sulineri ajutoornermut sillimmasiinernik tigusaqarnerata kingunerisaanik, pigisanik nalilinnik aamma pisinnaatitaaffinnik pigisaqalersimaguni, taakkua ajoqusernermut sillimmasiisarfinnut Garantifondimut tunniunneqassapput. Tunniussinermut peqatigalugu, ajoqusernermut sillimmasiisarfinnut Garantifondi pillugu inatsisip allanngortinneqarnissaanut inatsimmi nr. 1163, 8. juni 2021-meersumi § 1, peqatigiiffiit aningaasaliisartut il.il. pillugit inatsit, aningaasanik peqquserluutinik malunnarunnaarsaasarneq pillugu inatsit aamma inatsisit assigiinngitsut allat Kalaallit Nunaannut atuutilersinneqassapput, tak. inatsimmi § 17, imm. 3.

Imm. 5. § 59 naapertorlugu, tak. Kalaallit Nunaanni sulineri ajoqusernermut isumannaarineq pillugu inatsimmut nalunaarut nr. 75, 16. januar 2017-imeersoq, Arbejdsmarkedets Erhvervssikringi sulineri ajutoornermut sillimmasiinernik tunniussinerup kingunerisaanik pisussaaffilerneqarsimaguni, pisussaaffiit atuuttut aamma siunissami atuutilertussat ajoqusernermut sillimmasiisarfinnut Garantifondimut tunniunneqassapput. Tunniussinermut peqatigalugu, ajoqusernermut sillimmasiisarfinnut Garantifondi

pillugu inatsisip allanngortinneqarnissaanut inatsimmi nr. 1163, 8. juni 2021-meersumi § 1, peqatigiiffiit aningaasaliisartut il.il. pillugit inatsit, aningaasanik peqquserluutinik malunnarunnaarsaasarneq pillugu inatsit aamma inatsisit assigiinngitsut allat Kalaallit Nunaannut atuutilersinneqassapput, tak. inatsimmi § 17, imm. 3.

Imm. 6. Arbejdsmarkedets Erhvervssikringi sillimmasikkanut tunngasunik atortunik tigusaqarsimaguni, tassunga ilanngullugit inunnut paasissutissat, sulineri ajutoornernut aalajangersimasunut tunngasunik, tak. imm. 4 aamma 5, taakkua ajoqusernermut sillimmasiisarfiit Garantifondiannut tunniunneqassapput piffissamiit, ajoqusernermut sillimmasiisarfinnut Garantifondi pillugu inatsisip allanngortinneqarnissaanut inatsimmi nr. 1163, 8. juni 2021-meersumi § 1-ip, peqatigiiffiit aningaasaliisartut il.il. pillugit inatsisip, aningaasanik peqquserluutinik malunnarunnaarsaasarneq pillugu inatsisip aamma inatsisit assigiinngitsut allat Kalaallit Nunaannut atuutilersinneqarneranniit qaammatit arfinillit angullugit, tak. inatsimmi § 17, imm. 3. Arbejdsmarkedets Erhvervssikringi piffissami tassani suliaasat suliarineqartarneranni ikiissaaq, imaassimappat sulineri ajutoornerit pillugit sulianik ajoqusernermut sillimmasiisarfiit Garantifondiannut tunniussisoqartoq.

Imm. 7. Kalaallit Nunaanni sulineri ajoqusernermut isumannaarineq pillugu inatsimmi § 59 malillugu aningaasanik nalimmassaanermi, tak. inatsimmik nalunaarut nr. 75, 16. januar 2017-meersoq, sulineri ajoqusernermut isumannaarineq pillugu inatsimmi § 48, imm. 6, oqaaseqatigiit pingajuanni naleqqussaaneq pillugu aalajangersagaq assinganik atuutissaaq, tak. inatsimmik nalunaarut nr. 1186, 19. august 2022-meersoq. Aalajangersagaq assinganik atuutissaaq ukiumi, ajoqusernermut sillimmasiisarfinnut Garantifondi pillugu inatsisip allanngortinneqarnissaanut inatsimmi nr. 1163, 8. juni 2021-meersumi § 1, peqatigiiffiit aningaasaliisartut il.il. pillugit inatsit, aningaasanik peqquserluutinik malunnarunnaarsaasarneq pillugu inatsit aamma inatsisit assigiinngitsut allat Kalaallit Nunaannut atuutilertinneqarfianni, tak. inatsimmi § 17, imm. 3, aamma ukiumi marlunni tulliuttuni. Piffissami tassani aningaasat sinneruttuusinnaasut, § 59 malillugu Arbejdsmarkedets Erhvervssikringip akiliisitsiniutigisinnaasai, aningaasanik allanik siumoortumik akiliisitsiniarnermut tunngavigisamut ilaatinneqassapput, sulineri ajoqusernermut isumannaarineq pillugu inatsimmi § 48, imm. 6, oqaaseqatigiit pingajuanni nalimmassaaneq pillugu aalajangersakkap assinganik Arbejdsmarkedets Erhvervssikringip akilertinniagaanut, tak. inatsimmik nalunaarut nr. 1186, 19. august 2022-meersoq.

Inatsisissatut siunnersuummut oqaaseqaatit

Oqaaseqaatit nalinginnaasut

Imarisaa

1. Aallaqqaasiut aamma tunuliaqut
2. Inatsisissatut siunnersuutip immikkoortui pingaarnert
- 2.1. Sulinerimi ajutoornerit pineqartillugit akuersaarnissamut apeqqummik nalilersuineq oqinnerusoq
 - 2.1.1. Inatsisit atuuttut
 - 2.1.2. Suliassaqartitsinermut ministereqarfiup isumaliuutersuutai aamma aqqissuussineq siunnersuutigineqartoq
- 2.2. Piffissarititanik inatsisitigut aalajangerneqartunik atorunnaarsitsineq
 - 2.2.1. Inatsisit atuuttut
 - 2.2.2. Suliassaqartitsinermut ministereqarfiup isumaliuutersuutai aamma aqqissuussineq siunnersuutigineqartoq
- 2.3. Sulinerimi ajutoornernik nalunaarutiginninnermut piumasaqaatit allanngortitat
 - 2.3.1. Inatsisit atuuttut
 - 2.3.2. Suliassaqartitsinermut ministereqarfiup isumaliuutersuutai aamma aqqissuussineq siunnersuutigineqartoq
- 2.4. Suliaritinnermut aamma sungiusagaanermut aningaasartuutitut taarsiiffigitinneq
 - 2.4.1. Inatsisit atuuttut
 - 2.4.2. Suliassaqartitsinermut ministereqarfiup isumaliuutersuutai aamma aqqissuussineq siunnersuutigineqartoq
- 2.5. Misissortinnermut atatillugu ingiaqataasup pisariaqartup angalaneranut aamma akissarsianut annaasanut akiliineq
 - 2.5.1. Inatsisit atuuttut
 - 2.5.2. Suliassaqartitsinermut ministereqarfiup isumaliuutersuutai aamma aqqissuussineq siunnersuutigineqartoq
- 2.6. Sumiiffik apeqqutaatinnagu suliareqqitassanngortitsinissamut piffissarititaasunik assigiilersitsineq
 - 2.6.1. Inatsisit atuuttut
 - 2.6.2. Suliassaqartitsinermut ministereqarfiup isumaliuutersuutai aamma aqqissuussineq siunnersuutigineqartoq
- 2.7. Arbejdsmarkedets Erhvervssikringip missiliuussinikkut aalajangiinernik nalilersueqqissinnaanera
 - 2.7.1. Inatsisit atuuttut
 - 2.7.2. Suliassaqartitsinermut ministereqarfiup isumaliuutersuutai aamma aqqissuussineq siunnersuutigineqartoq
- 2.8. Taarsigassarsiat aningaasanngortinnerannut naleqqersuutitik nutarsaaneq
 - 2.8.1. Inatsisit atuuttut
 - 2.8.2. Suliassaqartitsinermut ministereqarfiup isumaliuutersuutai aamma aqqissuussineq siunnersuutigineqartoq
- 2.9. Arbejdsmarkedets Erhvervssikringip aningaasaleeriaasaanik allanngortiterineq
 - 2.9.1. Inatsisit atuuttut
 - 2.9.2. Suliassaqartitsinermut ministereqarfiup isumaliuutersuutai aamma aqqissuussineq siunnersuutigineqartoq
- 2.10. Sulinerimi ajutoornermut sillimasiinernik allaffissornerup Arbejdsmarkedets Erhvervssikringimiit ajoqusernermut sillimasiisarfinnut Garantifondimut tunniussineq
 - 2.10.1. Inatsisit atuuttut
 - 2.10.2. Suliassaqartitsinermut ministereqarfiup isumaliuutersuutai aamma aqqissuussineq siunnersuutigineqartoq
- 2.11. Nioqqutitut akisussaanermut malittarisassanut ataqatigiissinnera
 - 2.11.1. Inatsisit atuuttut

- 2.11.2. Suliassaqartitsinermut ministereqarfiup isumaliuutersuutai aamma aaqqissuussineq siunnersuutigineqartoq
- 2.12. Aalajangersakkat allat
 - 2.12.1. Inatsisit atuuttut
 - 2.12.2. Suliassaqartitsinermut ministereqarfiup isumaliuutersuutai aamma aaqqissuussineq siunnersuutigineqartoq
3. Pisortat aningaasaqarnerannut kingunerisassai aamma piviusunngortitsinerup kingunerisassai
4. Inuussutissarsiortut il.il. aningaasaqarnerannut aamma allaffissornerannut kingunerisassai
5. Innuttaasunut allaffissornikkut kingunerisassai
6. Avatangiisinut kingunerisassai
7. EU-mi inatsiseqarnermut tunngasut
8. Oqartussaqaarfiit aamma kattuffiit il.il. tusarniaaffigineqartut
9. Skema eqikkaaffiusoq

1. Aallaqqaasiut aamma tunuliaqut

Inatsisikkut nr. 1528, 21. december 2010-meersukkut Kalaallit Nunaanni sulinermi ajoqusernermut tunngatillugu suliassaqarfik, danskit sulinermi ajoquserneq pillugu inatsisaata peqqussutikkut atuutilersinneqarneranik tunngaveqartumik aaqqiissummiit nuunneqarpoq, Kalaallit Nunaanni sulinermi ajoqusernermut isumannaarineq pillugu inatsimmik immikkut ittumik atulersitsinikkut. Kalaallit Nunaanni sulinermi ajoqusernermut isumannaarineq pillugu inatsimmi malittarisassat, sulinermi ajoqusernermut isumannaarineq pillugu inatsimmi malittarisassanik annertuutigut tunngaveqarput, Kalaallit Nunaanni pissutsinut naapertuuttunik naleqqussaanertaqarlutik. Inatsisissatut siunnersuummi allannguutissatut siunnersuutit kingunerissavaat, Kalaallit Nunaanni sulinermi ajoqusernermut isumannaarineq pillugu inatsisip allanngortinneqarnissaa, taamaalilluni Kalaallit Nunaanni sulinermi ajoqusernermut tunngatillugu aaqqissuussineq annertunerusumik nutarterneqassalluni, peqatigalugu Kalaallit Nunaanni pissutsinut annertunerusumik naleqqussarneqarluni. Allannguutit sulinermi ajoqusernermut isumannaarineq pillugu inatsimmi allannguutitut assingupput, naammassineqartut inatsisikkut nr. 550, 7. maj 2019-meersukkut, inatsisikkut nr. 2200, 29. december 2020-meersukkut aamma nr. 1163, 8. juni 2021-meersukkut, Kalaallit Nunaanni pissutsinut naapertuuttunik naleqqussarneqarlutik.

Kalaallit Nunaanni sulinermi ajoqusernermut isumannaarineq pillugu inatsimmi allannguisoqassaaq, sulinerminnut atatillugu ajutoortut tamarmik ajutoornerisa sulinermi ajutoornertut akuersaarneqarnissaannut periarfissaq annertunerulersinniarlugu. Taamaalilluni Kalaallit Nunaanni sulinermi ajoqusernermut isumannaarineq pillugu inatsimmi allannguutit kingunerissavaat, maanna inatsit atuuttoq malillugu akuersaarinnittarnermiit, inuup ajoquserneri qaangiuttussat aamma annertunerusumik sulinermi ajutoornertut akuersaarneqarsinnaalernissaat. Ajutoornerup sulinermi pisimanissaa aamma sulinermi atukkanik pissuteqarnissaa, ilanngullugu nakorsaatinik pissutaasut ataqatigiissallutik pisup imaluunniit sunniutaasup aamma inuup ajoqusernerup akornanni piumasaqaat attatiinnarneqassaaq. Ajutoornermut qaangiuttussamut maannakkumut sanilliullugu annertunerusumik akuersaarneq, sulinermi ajoqusernerit pillugit oqartussaqaarfinni eqaannerusumik aamma sukkanerusumik suliassat suliarineqartarnerannik ikorfartuissaaq.

Siunnersuutigineqarpoq sulinermi ajutoornerit nalunaarutigineqartarnerinut piumasaqaatinik arlalinnik allannguinnissaaq, ilaatigut annertunerusumik eqqortumik aamma piffissaagallartillugu ajutoornerit nalunaarutigineqartarnerisa ikorfartorneqarnissaat siunertarlugu. Siunnersuutigineqarpoq, Kalaallit Nunaanni sulinermi ajoqusernermut isumannaarineq pillugu inatsit malillugu, nalunaarutiginnittarneq pillugu malittarisassat allanngortinneqarnissaat, taamaalillutik Kalaallit Nunaanni sullivinni avatangiisit pillugit

inatsit malillugu nalunaarutiginninnermut malittarisassanut annertunerusumik assingulerlutik. Nalunaarutiginninnissamut pisussaaffik sulisitsisumut atuutiinnassaaq, inatsit malillugu isumannaarinissamut pisussaaffeqartoq. Allannguutit kingunerissavaat, ajutoornerup kingunerisaanik ulloq sulinngiffiusoq siulleq, piffissamut nalunaarutiginniffiusumut aalajangiisunngornissaa. Nakorsat aamma kigutit nakorsaasa inuussutissarsiornermi nappaatinik nalunaarutiginninnissamut pisussaaffiat inatsisissatut siunnersuutip sunniuteqarfigissanngilaa.

Tamatuma saniatigut siunnersuutigineqarpoq taarsigassarsiat aningaasanngortinnerannut naleqqersuutit nutarterneqarnissaat, tamatuma kingorna taarsiissutaasut aningaasanngorlugit ataatsikkut tunniunneqassatillugit, inuussutissarsiorsinnaanermik annaasaqarnermut taarsiiffigitinneq aamma pilersuisumik annaasaqarnermut taarsiiffigitinneq naatsorsorneqassallutik, (ataasiartumik aningaasanngorlugit), ingerlaavartumik taarsiissutitut taarsiullugit. Ingerlaavartumik taarsiissutit aningaasanngorlugit ataatsikkut tunniutassanngortinneqarnerat pillugu malittarisassat atuuttut malillugit, naleqqersuutit assigiinngitsut atorneqassapput. Naleqqersuutit arlallit nutaanngilipput aamma kingunerilugu, assigiimmik naleqarnissamik tunngaviup, taarsigassarsiat ingerlaavartumik akilersorneqarnissaat imaluunniit ataasiartumik tamakkerlugit akilerneqarnissaat apeqqutaatinnagu, eqquutsinneqannginnera. Taarsigassarsiat aningaasanngortinnerannut naleqqersuutit nutarterneqarnissaannut siunnersuutip qulakkiissavaa, tamanna tunngavik naleqqersuutit malissagaat, kiisalu ajoquserut tamarmik taarsiiffigineqarnissaat naatsorsorneqassasoq pissutsinut atuuttunut naleqquttumik qaffasissusilimmik. Ilanngullugu siunnersuutigineqarput taarsigassarsiat aningaasanngortinnerannut naleqqersuutini immikkuualuttut arlallit. Taamaalilluni taarsigassarsiat aningaasanngortinnerannut naleqqersuutit akinik naleqqussaaneermik ilaqassalluni, akinik aamma aningaasarsianik qaffaanerit nalinginnaasut kingunerisaannik. Malitsigisaanik atuutilersinneqassaaq taarsigassarsiat aningaasanngorlugit ataatsikkut tunniutassanngortitanut akileraarut, akileraarut taanna taarsigassarsianut ukiumut ingerlaavartunut ilanngaatigineqartoq naapertorlugu. Taamaaqataanik pigisanit pissarsiat ilanngaatigineqassapput, aningaasanngorlugit ataatsikkut tunniussilluni (aningaasanngorlugit) taarsiissuteqarnermi anguneqarsinnaasutut nalilerneqartunik.

Ilanngullugu siunnersuutigineqarpoq, ajutoornermut sillimmasiisarfinnut Garantifondeni sulinermi ajutoornermut sillimmasiinernik allaffissornermik ingerlatsilissasoq, ima pisoqartillugu, sillimmasiisarfik sulinermi ajutoornermut sillimmasiinernik ingerlatsinissamut akuersissummik arsaarneqarpat. Malittarisassat atuuttut malillugit taamatut pisoqarpat Arbejdsmarkedets Erhvervssikringip sulinermi ajutoornermut sillimmasiinernik tiguisussaavoq. Ajutoornermut sillimmasiisarfinnut Garantifondeni misilittagaqarpoq sillimmasertunik aamma isumannaartunik isumaginninnermik pisuni, ajoqusernermut sillimmasiisarfiit sillimmasiisarfiit ingerlatsinissamut akuersissutaannik arsaarinnittoqartillugu. Arbejdsmarkedets Erhvervssikringip tamanna annertoqataanik misilittagaqarfiginngilaa. Siunnersuutikkut qulakkeerneqassaaq, Arbejdsmarkedets Erhvervssikringip qitiusumik suliassaminik ingerlatsisinnaalernera, tassaasoq sulinermi ajoquserneq pillugu inatsit malillugu arlaannaannulluunniit attuumassuteqanngitsumik aamma eqqortunik aalajangiinernik.

Suliassaqartitsinermut ministeqarfik aamma Namminersorlutik Oqartussat aamma siunnersuuteqarput, sulinermi ajoquserneq pillugu suliani akiliisitsinissamut piumasaqarsinnaaneq pillugu aalajangersakkamik atuutilersitsisoqassasoq, tunisassiap ajoquteqarnera pissutigalugu, taamaalilluni tunisassioortumut imaluunniit akunnermiliuttut niuertumut, tunisassianut akisussaaneq pillugu malittarisassat malillugit taarsiinissamut akisussaaffeqartumut akiliisitsinissamut piumasaqarneq periarfissaalerluni. Kalaallit Nunaanni sulinermi ajoqusernermut isumannaarineq pillugu inatsit malillugu Arbejdsmarkedets Erhvervssikringip maannamut suliat ingerlattarpai aamma taarsiissuteqarnissaq pillugu aalajangiisarluni. Siunnersuutikkut

qulakkeerneqassaaq, Kalaallit Nunaanni sulinermi ajoqusernermut isumannaarineq pillugu inatsit malillugu tunisassiorumut imaluunniit akunnermiliuttutut niuertumut, tunisassianut akisussaaneq pillugu malittarisassat malillugit taarsiinissamut akisussaaffeqartumut, taarsiiffiginninnermut aningaasartuutitut tunngatillugu sulinermi ajoqusernermut silimmasiisarfiit, suliffeqarfiit imminnut sillimmasersimasut aamma Arbejdsmarkedets Erhvervssikringi akiliisitsinissamut piumasaqarsinnaalernerat.

Tamatuma saniatigut siunnersuutigineqarput allannguinerit arlallit pingaartumik teknikkimut tunngasut, sulinermi ajoqusernerit pillugit oqartussaqaarfinni suliaassat suliarineqartarnerat pisariillisakkat ikorfartornissaannik siunertaqartut, aamma siunnersuutit allat, sulinermi ajoqusernermut tunngatillugu aaqquissuussamik immikkoortunik arlalinnik nutarterisut, ullumikkut malittarisassat naleqqukkunnaarmata, imaluunniit suleriaaseq inatsisip siunertaanut naapertuutinngitsumik ineriartorsimammat.

Taamaalilluni inatsisissatut siunnersuut aaqquissuussamik eqaannerusumik sunniuteqassaaq, sulianik ingerlatsineq piviusumut, ullumikkut suliffeqarnermi inuiaqatigiinnilu atugaasumut, naapertuunnerussalluni.

2. Inatsisissatut siunnersuutip immikkoortui pingaarnerit

2.1. Sulinermi ajutoornerit pineqartillugit akuersaarnissamut apeqqummik nalilersuineq oqinnerusok

2.1.1. Inatsisit atuuttut

Kalaallit Nunaanni sulinermi ajoqusernermut isumannaarineq pillugu inatsimmi ajutoornermik taaguut Kalaallit Nunaanni sulinermi ajoqusernermut isumannaarineq pillugu inatsimmi § 6-imi allaqqavoq, tak. inatsimmik nalunaarut nr. 75, 16. januar 2017-imeersoq. Ajutoornermik taaguutip assigeqqissaarpaa taanna ajutoornermik taaguut sulinermi ajoqusernermut isumannaarineq pillugu inatsimmut ulloq 1. januar 2004 eqqunneqartoq.

Ajutoornermik taaguutip atuuttup siunertarivaa ilaatigut pisariinnerulersitsineq, ajutoornermik taaguut malillugu ajoqusernermut nalunaarutigineqartumut nakorsaqaarnikkut annertunngitsunik piumasaqaateqartoqartussaammat, aamma anniaatit qaangiuttussat, tarnikkut ersiutit il.il. taassuminnga piumasaqaammik naammassinnittussaassammata.

Ajutoornermik taaguummot atuuttumut aallaqqaammot siunertarineqartoq malillugu ajoqusernerit tamarmik, ajutoornermik taaguummot 1. januar 2004 sioqqullugu atuuttumut, ilaatinneqarput. Ajutoornermik taaguut atuuttoq ajutoornerit ilaat akuersaarneqarnissaannut aamma periarfissiivoq, siornatigut suleriaaseq malillugu 1. januar 2004 sioqqullugu akuersaarneqarsinnaanngitsut ajutoornermik taaguummot tunngatillugu.

Peqatigalugu naqissuserneqarpoq, paasissutissat pigineqartut malillugit uppersaasiinnermut tunngatillugu naliliinnermik sulii ingerlatsisoqartariaqartoq, kiisalu pisup imaluunniit sunniutaasup inuullu ajoqusernerata akornanni pissutaasut ataqatigiissinnaanerannik inatsisitigut nakorsamiillu naliliiffigineqarluni, tassunga ilanngullugu pisoq imaluunniit sunniutaasoq inuup ajoquserneranut pineqartummut naleqquttumik pissutaanersoq.

Taamaalilluni ersarippoq inatsisiliortup siunertaringaa, pisup imaluunniit sunniutaasup inuullu ajoqusernerata akornanni pissutaasut ataqatigiissinnaanerata uppersarsineqarsinnaappat, sulinermi ajutoornerusok pillugu naliliiniarnermut annertunngitsumik piumasaqaateqartoqassasoq.

Ajutoornermut taaguummi maannakkut atuuttumi siornatigut ajoqusernertut marlunnut taaguutit ilaatinneqarput; sivikitsumik ajoquserluni sunniut annerpaamik ulluni tallimani sivisussuseqartoq aamma kivitsineri tassanngaannartumik ajoqusernerit.

Eqqartuussiviit Qullersaata eqqartuussutikkut 8. november 2013-imeersukkut naqissuserpaa (saqqummiunneqartoq Ugeskrift for Retsvæsen-imi 2014, qupperneq 452 H-mi), ajutoornermik taaguut ikiorsiissutit aallaavigalugit isigineqassasoq, sulineri ajoqusernermut isumannaarineq pillugu inatsit malillugu tunniunneqarsinnaasut. Tamanna suleriaatsimik allangortitsineri kinguneqarpoq, tamatuma kingorna anniaatit qaangiuttussat, suliaritinnissamik pisariaqartitsinngitsut, kisianni nammineerlutik qaangiuttussat, nalinginnaasumik inummuk ajoqusiinertut isigineqarsinnaanatik. Eqqartuussutit kingunerivaa ajutoornermik taaguutit atuuffinik nerukillisaaneq siornatigut suleriaatsimut sanilliullugu, aamma anniaatit qaangiuttussat akuersaaneqarsinnaallutik taarsiiffigitinnissamut imaluunniit ajunngitsorsiaqarnissamut pisinnaatitaaffik atuutilersinneqanngikkaluartoq.

Ankestyrelsimiit suleriaaseq eqqartuussutit kingunerisaanik, ajutoornerit, sulifimmi pisut, aamma taamaallaat ajoquserneri minnerusunik qaangiuttussanik kinguneqartut, taamaallaat sulineri ajutoornertut akuersaaneqarsinnaasut, ajoquserup uppersarsarsinnaappagu, suliaritinnissaq pisariartoq, kingunerisat malunniutaarunnissat imaluunniit annikillinissat qulakkeerniarlugu. Taamaalluni inatsimmi pineqassanngilaq sulineri ajutoorneq, ajutoorneq suliaritinnissaq apequtaatinngagu nammineerluni qaangiutissappat. Taamaattoq tamanna aallaavik Kalaallit Nunaannut annertunngitsumik naleqqussarneqarpoq.

Ankestyrelsi tunngaviummik aalajangiineri 61-16-imi paasivaa, ajoquserneq qaangiuttussaq, qaangiunnissaanut suliaritinnissaq pisariaqanngitsaq, sulineri ajutoornertut akuersaaneqarsinnaasooq, akuersaaneq pisumi tigussaasumi, Kalaallit Nunaanni sulineri ajoqusernermut isumannaarineq pillugu inatsit malillugu ajoqusertoq ullormusiaqarnissamut pisinnaatitaaffeqarneranik kinguneqassasoq. Suleriaaseq taanna kalaallit Nunaannut tunngatillugu tunngavilersorneqarpoq, tassunga peqatigitillugu Kalaallit Nunaanni innuttaasut, Danmarkimi innuttaasunut sanilliullugit, napparsimanermusiaqarnissamut akuerisaanissamut assinganik periarfissaqannginnerat.

Kalaallit Nunaanni sulimeri ajoqusernermut isumannaarineq pillugu inatsit malillugu ajoqusersimasooq tamakkiisumik imaluunniit ilaannakortumik sulisinnaanngikkuni taarsiullugu ullormusiaqarsinnaatitaavoq. Kalaallit Nunaanni sulineri ajoqusernermut isumannaarineq pillugu inatsit malillugu ullormusiaqartitsineq tassaavoq, sulineri ataatillugu ajutoornerup kingorna sulisinnaajunnaarneri, ajoqusersimasup isertitaqarnissamut periarfissatuaa. Taamaattumik kalaallinut ajoqusersimasunut pingaarutilerujussuuvoq, ajoquserneri sulineri ajoqusernertut akuersaaneqarnissat. Tamanna pissutigalugu Kalaallit Nunaanni 2016-imiilli tunngaviummik aalajangiineri taaneqartumi ajoqusernertut qaangiuttussanut tunngatillugu, qaangiunnissat pillugu suliarineqartariaqanngitsunut oqinnerusumik suleriaaseqartoqarpoq.

Taamaattoq tassunga suleriaatsimut oqinnerusumut tunngassuteqarput taamaallaat ajoqusernerit qaangiuttussat, ajoqusernerit akuersaaneqarneri kingunerisaanik, Kalaallit Nunaanni sulineri ajoqusernermut isumannaarineq pillugu inatsit malillugu ajoquserup ullormusiaqarnissamut pisinnaatitaaffeqarneranut. Taamaalluni ajoquserneri qaangiuttussanik suliaritinnissamut pisariaqartitsinngitsunik ilaqarpoq, maannakkuugallartoq Kalaallit Nunaanni sulineri ajoqusernermut isumannaarineq pillugu inatsit malillugu akuersaaneqarsinnaanngitsunik.

Ajoqusernernik taamaattunik nalilersuinnermut qitiuvoq, peqqissuseq, iluaalliuutit aamma anniaatit qanoq annertutiginersut apeqquataatinnagu, namminneerlutik qaangiunnissaat piffissami ajoqusernerit taamaattut atortagaanni. Ajoquserneq inummut ajoqusernarmik taaguummik ilaatinneqartutut isigineqanngilaq, ajoqusersimasooq suliaritissimappat, tassani suliaritinneq ajoqusernerup malitsigisaanut attuumassuteqarsimanani imaluunniit iluarsiaartuutaasimanani.

Eqqartuussiviit Qullersaata eqqartuussutikkut 9. november 2016-imeersukkut naqissuserpaa (saqqummiunneqartoq Ugeskrift for Retsvæsen-imi 2017, qupperneq 531 H-mi), ajutoorneq nalunaarutigineqartoq ajoqusernarmik ataavartumik qitimidut anniarneranut pissutaanngitsooq, aamma ajutoornerup kingunerisaanik qitikkut anniaatit tassanngaannartut, suliaritinngikkaluarluni namminneerlutik qaangiunnissaat. Taamaalliluni sulinermi ajutoorneq pineqanngilaq, ajoqusernarmik ilaatigut nakorsaatitornikkut suliaritissimanera, aamma taassuma suliaritinnerup ilaa qitikkut anniaatinut tassanngaannartunut attuumassuteqarsinnaanera apeqquataatinnagu.

2.1.2. Suliassaqartitsinnermut ministereqarfiup isumaliuutersuutai aamma aqqissuussineq siunnersuutigineqartoq

Maannakkut ajutoornermik taaguut peqqussutikkut 2008-mili ikkunneqarmalli aamma Kalaallit Nunaanni sulinermi ajoqusernarmut isumannaarinneq pillugu inatsisikkut 2010-mi ingerlateqqinneqarluni, ajutoornermik taaguut nassuiarneqarnera tunngaviummik allannguuteqarsimavoq. Tamanna pivooq Eqqartuussiviit Qullersaata 2013-imi aamma 2016-imi eqqartuussutaat, kiisalu Ankestyrelsimiit aalajangiinnerit tunngaviummik tunuliaqutaralugit. Nassuiarneqarnera Kalaallit Nunaanni ajutoornerit akuersaarneqartut procentiisa appariarnerannik kinguneqarsimavoq 2013-imi 78 pct. missaanniit 2020-mi 46 pct. missaannut.

Suliassaqartitsinnermut ministereqarfiup aamma Namminersorlutik Oqartussat nalilerpaat, ajutoornermik taaguut nassuiarneqarnerata ineriartornera aamma suliassaqarfimmi suleriaaseq nutaajunerpaaq, siunertat Folketingip aamma Kalaallit Nunaanni Inatsisartut isumaqatigiissutigisaannut naapertuukkunnaartut, maannakkut ajutoornermik taaguut 2010-mi Kalaallit Nunaannut eqqunneqarmat aamma kissaatigineqarmat, inuit amerlanerusut, sulinerminnut atatillugu ajutoortut, ajutoornerisa sulinermi ajoqusernertut akuersaarneqarnissaat.

Ajutoornermik taaguummik pilersitseqqinneq 2013-imi Eqqartuussiviit Qullersaanni eqqartuussut sioqqullugu inatsiseqartitsinnermi pissutsinut assingusumik kinguneqassaaq, inuit amerlanerusut, sulinerminnut atatillugu ajutoorsimasut, ajutoornerisa sulinermi ajoqusernertut akuersaarneqarnissaat, aamma akuersaarneqarnissamut apeqquut ullumikkumut ataatsimut isigalugu sukkannerusumik aalajangiiffigineqartarnissaa.

Tamanna tunngavigalugu siunnersuutigineqarpoq, inatsimmi erseqqissumik allaqqalissasoq, aamma inummut ajoqusernerit qaangiuttussat sulinermi ajutoornerit akuersaarneqarsinnaalernissaat, taakkua suliaritinnissamik piumasaqarfiusinnaaneri apeqquataatinnagu.

Inummut ajoquserneq qaangiuttussaq assersuutigalugu ikiusinnaavoq, annikitsumik pillutsinneq imaluunniit nujaartoorneq, qaratsamik sajuppillatsitsineq, piffissap sivikitsup iluani nammineerluni qaangiuttussaq, imaluunniit oqimaatsumik kivitinnermi naleqqussarnermiluunniit tassanngaannartumik qisuariaat. Inummut ajoquserneq qaangiuttussaq pineqassaaq, ajoqusernarmut nakorsartilluni suliaritinnissaq piumasaqaataassanersoq imaluunniit naamik apeqquataatinnagu. Akerlianik assersuutigalugu tilluusarneq annikitsooq, kimillanneq imaluunniit tupanneq sulii ajoqusernertut isigineqarsinnaassanngillat.

Immikkoortitsinermut aalajangiisuvoq, kingulliit malitsitut taaneqartut ajoquserup peqqissusaanut massakkut aamma kingorna sunniuteqannginnissaat. Sunniutit malitsigisaanniissaaq killiusoq, nalinginnaasumik paasinnittarnermi inummut ajoqusernertut isigineqanngitsoq. Imatut isumaqarpoq, ajoquserneq, timikkut imaluunniit tarnikkut kingunerluuteqanngitsoq, aamma ajoquserup nalinginnaasumik inissisimaneranut imaluunniit ulluinnarni inuunerminik ingerlatsineranut piffissami aalajangersimasumi imaluunniit piffissap sinnera sunniuteqanngitsoq, sulinermi ajoqusernertut akuersaarneqarsinnaanngitsoq.

Piumasaqaatigineqarpoq, pisup sulinermi ajutoornertut akuersaarneqarsinnaanissaa pillugu nalilersuineri, apeqqutaassasoq, pisoq imaluunniit sunniutaasoq piffissap sinnera imaluunniit qaangiuttussamik timikkut imaluunniit tarnikkut ajoqusernarmik kinguneqarnissaa, aamma pisoq imaluunniit sunniutaasoq naleqqutissanersoq inummut ajoqusernerup nalunaarutigineqarnissaanut. Naleqqunnermut tunngatillugu suleriaaseq taamaalilluni allanngortinneqarani aalajangiusimaneqarpoq. Taamaattoq ajoqusernerit, kapuutinit ipertuunik kapineqarnerup kingunerisaanik pilertut, sulii akuersaarneqarsinnaassapput, ajoquserup peqqissusaanut sunniuteqarsinnaaneri apeqqutaatinnagu.

Inatsimmi nr. 550, 7. maj 2019-imeersumi allannguinerup kingorna, allannguutit sulinermi ajoqusernarmut isumannaarineq pillugu inatsimmi malittarisassanik assigiissaarinnermik kinguneqassapput.

Siunnersuummi § 1, nr. 1, aamma taakkununga oqaaseqatit, innersuussutigineqarput.

2.2. Piffissaliissutini inatsisitigut aalajangerneqartunik atorunnaarsitsineq

2.2.1. Inatsisit atuuttut

§ 15, imm. 1-imi aalajangersakkami atuuttumi allaqqavoq, napparsimanermik katsorsaanerup, sungiusaanerup imaluunniit piginnaanngorsaaqqinnerup kingorna ajoquserup siunissami peqqissusaanik inuussutissarsiornikkullu periarfissaanik missiliuussinissamut tunngavissaqartillugu Arbejdsmarkedets Erhvervssikringip aalajangissagaa, ajoquserup § 21 malillugu inuussutissarsiorsinnaanermik annaasaqarnermut taarsiiffigitinnissamut aamma § 22 malillugu qaangigassarinnngisamik ajuuteqalernermut ajunngitsorsiassanut pisinnaatitaanersoq. Sulinermi ajoqusernerup nalunaarutigineqarnerata kingorna ukioq ataaseq qaangiutsinnagu aalajangiisoqassaaq. Inuussutissarsiornermi nappaatinut, Erhvervssygdomsudvalgemut saqqummiunneqartussanut, ukiunut marlunnut piffissaliussaavoq.

§ 15, imm. 2-mi aalajangersakkami atuuttumi ilanngullugu allaqqavoq, sulinermi ajoquserneq toqumik kinguneqarpat, toqusoqarneranik nalunaarutiginninnermiit piffissaliussat assingisa iluanni aalajangersarneqassasoq qimagaasut toqusoqartillugu ikaarsaarnermut aningaasanik, pilersuisumik annaasaqarnermut taarsiissutini aamma qimagaasunut ajunngitsorsiassanik pisinnaatitaanersut.

Malittarisassat atuuttut malillugit piffissaliussat naatsorsorneqartarput Arbejdsmarkedets Erhvervssikringip ajoquserneq imaluunniit napparsimaneq pillugu nalunaarutiginninnerup tiguneqarnerata kingorna. Tamatumunnga pissutaavoq Arbejdsmarkedets Erhvervssikringi suliiassap nalunaarutigineqartinnagu suliarinnissaanut periarfissaqanngimmat.

Taamaalilluni ajoquserup qimagaasullu inuussutissarsiorsinnaanermik annaasaqarnermut taarsiissutini aamma qaangersinnaanngisamik ajuuteqalernermut ajunngitsorsiassanik pisinnaatitaanersut pillugit Arbejdsmarkedets Erhvervssikringi piffissaliussat iluanni aalajangiinissamut pisussaaffeqarpoq. Peqatigalugu piumasaqaataavoq sulinermi ajoquserneq nalunaarutigineqartoq akuersaarneqarnerusoq pillugu aalajangiinnermik aalajangiineq imaqaasasoq (ataatsimoorussamik aalajangiineq).

Arbejdsmarkedets Erhvervssikringip qanoq sukkatigisumik aalajangiinissaanut piffissarititanik ilanngullugu § 44-mi aalajangersagaqarpoq, suliani ajoqusernerit imaluunniit nappaatit sulineri ajoqusernertut akuersaarneqarsinnaanngippata. Sulianut ajutoornernut tunngasunut, Arbejdsmarkedets Erhvervssikringip nalunaarummik tigusaqarneraniit piffissarititaavoq qaammatit pingasut. Sulianut inuussutissarsiornermi nappaatinut tunngasunut, qaammatit arfinillit piffissarititaavoq. Sulianut inuussutissarsiornermi nappaatinut tunngasunut, Erhvervssygdomsudvalgetimut saqqummiunneqartussanut, ukiut marluk piffissarititaavoq.

2.2.2. Suliassaqartitsinermit ministereqarfiup isumaliuutersuutai aamma aaqqissuussineq siunnersuutigineqartoq

§ 15-mi piffissaliussat inatsisitigut aalajangerneqartut pillugit Kalaallit Nunaanni sulineri ajoqusernermit isumannaarineq pillugu inatsisikkut, nr. 1528, 21. december 2010-meersukkut ikkunneqarput aamma inatsisinik atuuttunik ingerlatsiteqqiinerulluni. Akuersaarneq, ajunngitsorsiassat aamma taarsiissutissat pillugit ataatsimoorussamik aalajangiinissaq pillugu alajangersagaq illuatungeriit tusarniaaffigineqarnerinik ikinnerusunik kinguneqarnissaa naatsorsuutigalugu eqqunneqarpoq, ilanngullugu aallaaviatigut pisariaqarunnaassasoq suliami aalajangiinerit allat ilaat pillugu naammagittaalliuteqarnissamut piffissarititaasup qaangiunnissaanik utaqqinissaq, suliap ingerlateqqinneqarsinnaanissaanut.

Kalaallit Nunaanni sulineri ajoqusernermit isumannaarineq pillugu inatsit malillugu sulianik ingerlatsineri, piffissap suliassat suliarineqartarnerat sivikillineqarnissaanut atatillugu piffissaliussat inatsisitigut aalajangerneqartut aamma ataatsimoorussamik aalajangiineq suliani tamani kissaatigineqartumik sunniuteqarsimanngillat.

Taamaattumik siunnersuutigineqarpoq, Kalaallit Nunaanni sulineri ajoqusernermi isumannaarineq pillugu inatsit malillugu sulineri ajoqusernermi nalunaarutiginninnermik suliaqartarnermut aamma ajoqusertup ikiorsiissutini pisinnaatitaaneranut piffissarititat inatsisitigut aalajangerneqartut atorunnaarsinneqassasut. Tamatuma ilanngullugu kingunerissavaa, ataatsimoorussamik naliliisoqassanersoq pillugu piumasaqaataarutissammat.

Siunnersuummut tunngaviuvoq, piffissarititat inatsisitigut aalajangerneqartut suliassaqarfinni aalajangersimasuni suliassat suliarineqartarnerannik ukkataqarnissamut aamma suliassat suliarineqartarneranni piffissat naatsorsuutigineqartut nalunaarutiginnissaannut, innuttaasumut piffissami nalunaarutigineqareerfianni piviusorsiunngitsutut sulianilu amerlasuuni eqquutsinneqarsinnaanngitsutut naliliiffigineqartunut, Arbejdsmarkedets Erhvervssikringimut pituttuisuummata. Taamaallilluni ajoqusertumut aamma suliami pineqartunut allanut kiisalu suliassat sulinerineqartarnerannut aalajangersimasumut atatillugu saniatigut allaffissornissamut naatsorsuuteqarnermik tulluanngitsumik ajortumillu kinguneqassaaq.

Allannguinerup sulineri ajoqusernermit suliassanik sullissinermit tunngatillugu eqaannerusumik periuseqarnissamut tulleriiaarinissamullu Arbejdsmarkedets Erhvervssikringi peqatigalugu periarfississavaa. Allannguutissatut siunnersuutip sulineri ajoqusernerup akuersaarneqarnissaa pillugu piaartumik aalajangiinissamut siunertamik allannguineri kinguneqassanngilaq, aamma ajoqusertup ilanngullugu ilisimassavaa, sulineri ajoqusernermik Arbejdsmarkedets Erhvervssikringimut nalunaarutiginninnermi qanoq naatsorsuuteqassanerluni.

Allannguutissatut siunnersuutigineqartut Kalaallit Nunaanni pissutsit eqqarsaatigalugit sulineri ajoqusernermik isumannaarineq pillugu inatsimmi malittarisassanik nalimmassaanermik kinguneqassaaq, sulineri ajoquserneq pillugu aaqqissuussap pitsanngorsarnissaa pillugu 2022-mi Folketingimi

naalakkersuinikkut isumaqatigiissut tunngavigalugu 1. juli 2024-mi sunniuteqalertussatut allanngortinneqarmat.

Isumaqatigiissut naapertorlugu 2027-p tungaanut Arbejdsmarkedets Erhvervssikringimi suliaassanik suliarineqartarnerannut piffissaq pillugu marlunnik aalajangersimasunik anguniagaqartoqarpoq, piffissarititanik inatsisitigut aalajangerneqartunik taarsiisussat aamma Arbejdsmarkedets Erhvervssikringimi anguniakkanik aqutsinermik pisariillisaasussaq:

1. Sulinermi ajoqusernermut sulianut tamanut suliaassanik suliarineqartarnerannut piffissap agguaqatigiissinnera sivisunerpaamik qaammatinik arfineq-marlunnik sivilissuseqqassaaq. Tassani pineqarput siullermeertumik suliaassat, nangeqqitsinneqarlutik suliaassat, kukkunersiuinermi suliaassat aamma suliaassat Ankestyrelsen Arbejdsmarkedets Erhvervssikringimut nutaamik suliarineqarnissaa il.il. pillugu suliarneqqitassanngortitsilluni utertitsinneqartut
2. Ajoqusertoq inuussutissarsiorsinnaanermik annaasaqartillugu, suliaassat suliarineqartarnerannut piffissap agguaqatigiissinnera, sivilissuseqqassaaq qaammatit 20-ussapput.

Sulinermi ajoqusernermik sulianut tamanut suliaassat suliarineqartarnerannut piffissap agguaqatigiissinneranun tunngatillugu sivilissuseqqassaaq qaammatinut arfineq-marlunnut anguniagaqarneq suliaasaqarfitt tamaasa akimorlugit suliaassat suliarineqartarnerannut piffissap agguaqatigiissinnera pineqarpoq, taamaalillunilu sulinermi ajoqusernermik sulianut tamanut qaammatit arfineq-marluk iluanni naammassillugit suliarineqarnissaannik nassataqarnani.

Ajoqusertoq inuussutissarsiorsinnaanermik annaasaqartillugu, suliaassat suliarineqartarnerannut piffissap agguaqatigiissinnerani sivilissuseqqassaaq qaammatini 20-ni sivilissuseqqassaaq anguniakkamut tunngatillugu, tamanna inuussutissarsiorsinnaanermik annaasaqarneq aamma inuussutissarsiorsinnaanermik annaasaqarneq 15 procentiuppat anneruppalluunniit pillugu Arbejdsmarkedets Erhvervssikringip siullermeertumik aalajangiineranun tamanut atuuppoq. Tamanna suliaassat suliarineqartarnerannut agguaqatigiissinnerani katinneqassavaa.

Suliaassat suliarineqartarnerannut piffissamik anguniakkanun marlunnun naatsorsorneqassaaq Arbejdsmarkedets Erhvervssikringimut nalunaarutiginninnerup tiguneqarneraniit suliamik siullermik aalajangiinnissap tungaanun, aalajangiineq inaarutaanersoq utaqqiisaasuunersorluunniit apeqqutaatinnagu.

Naliliiffigineqarpoq, piffissarititan inatsisitigut aalajangerneqartut suliaassat suliarineqartarnerannun piffissamik ersarissunik anguniakkanik taarserneqarneranni Arbejdsmarkedets Erhvervssikringip siulersuisuisa sulianik naapertuunnerpaamik aqqissuussinissamut periarfissaat aamma akisussaaffiat nukittorsassagaa. Suliaassat suliarineqartarnerannun piffissamut anguniagaq pisariitsumik ersarissumillu ingerlatsinerup aqunneqarneranun atatillugu anguniakkat Arbejdsmarkedets Erhvervssikringi ilanngullugu annerusumik eqaannerusumik pisariinnerusumillu ingerlatsissinnaalissavaa.

Siunnersuummi piumasaqaataavoq anguniakkat qulaani taaneqartut Kalaallit Nunaanni sulinermi ajoqusernermut isumannaarineq pillugu inatsimmi sulianun ilaatinneqartunut aallaaviatigut aamma atuutissammata, Kalaallit Nunaanni pissutsit eqqarsaatigalugit aamma Kalaallit Nunaanni Namminersorlutik Oqartussat oqaloqatigalugit Kalaallit Nunaanni sulinermi ajoqusernermut isumannaarineq pillugu inatsit malillugu suliani suliaassat suliarineqartarnerannun piffissamut immikkut ittunik aalajangersaasoqanngippat. Peqatigalugu piumasaqaataavoq, ingerlatsinermi inatsisitigut tunngaviusut najoqqutassallu Kalaallit Nunaannun atuuttut naapertorlugit sulinermi ajoqusernermut suliaasaqarfimmi suliaassanun assigiinngitsunut ataasiakkaanun suliaassat suliarineqartarnerat pillugu anguniagassaliornissaq, tamanun

tikinneqarsinnaasariaqartut, aamma suliasat suliarineqartarnerannut piffissaq naatsorsuutigisaq pillugu Arbejdsmarkedets Erhvervssikringip suliami peqataasut ilisimatittariaqarlugit.

Ilanngullugu naatsorsuutigineqarpoq, suliami aalajangersimasumi suliasat suliarineqartarnerannut piffissaq naatsorsuutigineqartutut nalunaarutigineqartoq eqquutsinneqarsinnaanngippat, Arbejdsmarkedets Erhvervssikringip suliami peqataasut nalunaaruteqarfigissagai.

Suliasaqtitsinermut ministeri Arbejdsmarkedets Erhvervssikringimut siulersuisuunik ukiumoortumik nakkutilliinermi atallugu, tak. suliffeqarfik imminut pigisoq Arbejdsmarkedets Erhvervssikringi pillugu inatsimmi § 15, nakkutigissavaa, ingerlatsinermi inatsisitigut tunngaviusut naapertorlugit Kalaallit Nunaanni sulineri ajoqusernermut suliasaqaarfimmi suliasat suliarineqartarnerannut piffissat naapertuuttumik qaffasissuseqarnissaannut tamanut atuuttumik ukkaqarnissaq qulakkeerniarlugu, Kalaallit Nunaanni sulianut assigiinngitsunut ataasiakkaanut suliasat suliarineqartarnerannut piffissat pillugit siulersuisut ersarissunik tamanullu tikinneqarsinnaasunik anguniagassiornersoq.

Siunnersuut malillugu taarsiissutinik ajunngitsorsiassanillu siumoortumik tunniussinermi malittarisassat allanngortinnagit ingerlateqqinneqarput.

Siunnersuummi § 1, nr. 3 aamma 19, aamma taakkununga oqaaseqaatit, innersuussutigineqarput.

2.3. Sulineri ajutoornermik nalunaarutiginninnermut piumasaqaatit allanngortitat

2.3.1. Inatsit atuuttut

Qaagukkut sulineri ajoqusernermik nalunaarutiginnittoqarnissaa pillugu maannakkut malittarisassat, Kalaallit Nunaanni sulineri ajoqusernermut isumannaarineq pillugu inatsisikkut nr. 1528, 21. december 2010-meersukkut inatsimmut ikkunneqarput. Inatsimmi sulineri ajoquserneq pillugu nalunaarutiginninneq pillugu § 36 siusinnerusukkut atuussimasoq, Kalaallit Nunaanni sulineri ajoqusernermut isumannaarineq pillugu inatsisip atuutilersinneqarnissaanut peqqussummi nr. 991, 3. oktober 2008-meersumi ingerlateqqinneqarpoq.

Inatsit malillugu sulisitsisoq ajutoornermik nalunaarutiginnissaaq sapinngisamik piaarnerpaamik aamma kingusinnerpaamik ajoqusernerup pilerneraniit ullut qulingiluat qaangiutsinnagit, ajutoorneq inatsit malillugu pisartagaqarnissamut piumasaqarnissamut tunngavilersuisinnaasutut isigineqarpat, tak. § 35, imm. 1. Inatsit malillugu pisartagaqarnissamut piumasaqartoqassaaq, ajutoorneq peqqissutsikkut aamma inuussutissarsiornikkut kingunerluuteqartitsippat tassunga ilanngullugulanngullugu pisumi, ajoquserup nammineerluni suliaritinnermut aamma ikiuutitut aningaasartuutit akilersimallugit, sulineri ajoqusernermut isumannaarinnermiit matussuserneqarsinnaasut, tak. inatsimmi § 10. Sulisitsisut tamarmik ajutoornerup nalunaarutigineqarnissaanut pisussaaffeqarput, kiffartuussinermi nunami maani inunnik sulisitsisuulluni, apeqqaatinnagu sulineq akissarsiaqaataanersoq, akissasiaqaataanngitsoq, ataavartuunersoq, utaqqiisaagallartuunersoq imaluunniit qaangiuttusaaanersoq, tak. § 36 imm. 1. Aamma tamanna atuuppoq sulisitsisumut, kiffartuussinermi inunnik kalaallit umiarsuaanni sulisunut sulisitsisuusumut.

Inummut namminerisamik illuutigisami sulisuusumut imaluunniit namminerisamik kiffartuussinermik naammasinninnermik suliaqartumut, inatsit malillugu sillimmasernissamut piumasaqarfiunngitsumut, aamma sulisitsisoq nalunaarutiginninnissamut pisussaaffeqarpoq, tak. § 36, imm. 2. Ajoqusertoq namminersorluni inuussutissarsiortuuppat imaluunniit aappaasoq suleqataasoq aamma nammineerluni inatsit malillugu sillimmasersimalluni, pineqartoq nalunaarutiginnissaaq imaluunniit taassuma qimatai. Aamma

tamanna atuuppoq, inunnut nunami maani inuit inuunerannik annaassiniarlutik ajoqusernut, tamanna nalinginnaasumik sulineranut ilaangikkaluartoq, tak. § 36, imm. 3.

Sulinermi ajutoorneq Kalaallit Nunaanni sulinermi ajoqusernermut isumannaarineq pillugu inatsimmi § 6, imm. 1-mi nassuiarneqarpoq, inummut ajoqusernertut, tassanngaannaq pisimasumit imaluunniit sunniteqartumit pissuteqartoq, annerpaamik ullunik tallimanik sivilissuseqarsimasumik, aamma sulinermit pissuteqartoq. Tamanna piumasaqaataavoq, ajoquserneq ajoqusernut sulineranit imaluunniit pissutsinik sulinerup ingerlanneqarfiinik pissuteqarsimanissaa, tak. § 5. Sulinerup avataani timikkut nakuuserneq, sioorasaarinerit kiisalu pissusilersornerit mamiatsatsitsisut ilaatinneqarput, pisoq sulisisitsisumut sullissinermut attuumassuteqarpat.

Taamaattumik ajutoornerup inatsit malillugu nalunaarutigineqarnissaata nalilersornissaanut, sulisitsisoq sulisinnaajunnaarneq pillugu taarsiiffigitinnermi imaluunniit ajoqut ataavartoq pillugu ajunngitsorsiaqartitaanermi suliaritinnermut, sungiusagaanermut aamma ikiuutitut il.il. aningaasartuutitut akiliisoqarnissaanut piumasaqaateqartoqarsinnaanera pillugu nalilersuissaaq.

Inatsit malillugu ajutoorneq pisartagaqalernissamik kinguneqartussatut isigineqaraluarpuunniit, sulisitsisoq pisussaavoq ajutoorneq nalunaarutigissallugu, ajoqusertoq siornatigut tamakkiisumik sulileqqissinnaanera ilimagineqanngippat kingusinnerpaamik ajutoornerup kingorna sapaatit akunneri tallimat qaangiunneranni. Nalunaarutiginninnissamut piffissarititaasoq kingusinnerpaaq tassaavoq ullut qulingiluat, ajutoornerup kingorna sapaatit akunneri tallimat qaangiutereerneranni, tak. § 35, imm. 2.

Inatsimmi § 35, imm. 3-mi aamma allaqqavoq, inuussutissarsiornermi nappaatinut, tak. § 7, nalunaarutiginninnissamut piffissarititaasut naatsorsorneqassasut piffissamiit, nalunaarutiginninnissamut pisussaaffillip nappaatip inuussutissarsiortuunissamik piumasaqaateqarfiuneranik ilisimasaqalersimaneraniit.

Suliassaqartitsinermut ministeri piginnaatitaavoq, Kalaallit Nunaanni sulinermi ajoqusernermut isumannaarineq pillugu inatsimmi § 39, imm. 1 aamma 3 aamma § 75 malillugit, sulinermi ajoqusernerit pillugit nalunaarutiginninnissaq pillugu malittarisassanik erseqqinnerusunik aalajangersaanissamut. Sulinermi ajoqusernerit pillugit nalunaarutiginninnissaq pillugu malittarisassat, Kalaallit Nunaanni sulinermi ajoqusernermut isumannaarineq pillugu inatsit malillugu, ajutoornernik nalunaarutiginninneq pillugu nalunaarummi nr. 1656, 21. december 2010-meersumi aalajangersarneqarput. Inuussutissarsiornermi nappaatinik nalunaarutiginninnissamut malittarisassat, Kalaallit Nunaanni sulinermi ajoqusernermut isumannaarineq pillugu inatsit malillugu, nakorsat aamma kigutit nakorsaasa Arbejdsskade Styrelsenimut inuussutissarsiornermi nappaatinik nalunaarutiginnissamut pisussaaffeqarnerat pillugu nalunaarummi nr. 1624, 21. december 2010-meersumi aalajangersarneqarput.

Sulinermi ajutoorneq qarasaasiat aqqutigalugit www.anmeld.gl-ikkut imaluunniit pappialanngorlugu immersugassaq immikkut ittoq atorlugu Arbejdsmarkedets Erhvervssikringimut (Sulisilluni Ajoqusernerit pillugit Sullissivik) nalunaarutigineqassaaq. Ajoqusertoq imaluunniit qimagaasut inatsimmi § 40, imm. 1 malillugu, ajutoornerup pinneraniit piumasaqaateqarnissamut ukiumik ataatsimik piffissaqartinneqarput inatsit malillugu, sulisitsisup sulinermi ajoquserneq piffissaq eqqorlugu nalunaarutigisimanngippagu. Sillimmasertoqarsimanngippat, sulinermi ajutoorneq aamma Arbejdsmarkedets Erhvervssikringimut nalunaarutigineqassaaq. Tamanna atuuppoq, § 52, imm. 1 aamma imm. 2 malillugit isumannaarinissamut pisussaaffik naammassineqarsimanngikkaluarpalluunniit.

Sulinermi ajoqusernernik nalunaarutiginninnissamut pisussaaffik Kalaallit Nunaanni sulinermi ajoqusernermut isumannaarineq pillugu inatsimmik taamaallaat tunngaveqanngilaq, kisianni aamma Kalaallit

Nunaanni sullivinni avatangiisit pillugit inatsimmik aamma tunngaveqarluni. Taamaalilluni Suliassaqartitsinermut ministeri inatsimmut nalunaarummi nr. 1048, 26. oktober 2005-imeersumi § 58 naapertorlugu, Kalaallit Nunaanni sullivinni avatangiisit pillugit kingusinnerusukkut allannguutit ilanngullugit, sulinermi ajutoornernik, inuussutissarsiornermi nappaatinik aamma pissutsinik allanik sulinermi avatangiisinut tunngasunik nalunaarutiginninnissamut pisussaaffeqarnek pillugu malittarisassanik aalajangersaasinnaavoq. Pisinnaatitaaneq sulinermi ajoqusernernik nalunaarutiginnittarneq pillugu nalunaarutikkut nr. 401, 24. juni 1986-imeersuklut atuuttussanngortinneqarpoq, tassani allaqqalluni, sulinermi ajutoornerit tamarmik, ullup ajoquserfiusup saniatigut minnerpaamik ullormik ataatsimik sulisinnaanniginnermik kinguneqartut, nalunaarutigineqassasut. Nalunaarutiginninnissamut piffissarititaasoq tassaavoq, ullormiit sulinngiffiusumiit siullermiit ullut qulingiluat.

Sullivinni avatangiisit pillugit inatsimmi malittarisassat atuuttut malillugit piumasaqaatigineqarpoq, sulinermi ajutoorneq ajutoorsimasup nalinginnaasumik suliffianiit sulinngitsoornermik kinguneqarsimassasoq, sulisup ullormi ajoquserfimmi saniatigut suliffimmini atuuffini nalinginnaasoq piffissami suliffiusumi nalinginnaasumi isumagisinnaanngippagu. Tamanna aamma atuuppoq, ajoqusertoq sulinngiffeqarluartoq assersuutigalugu sapaatip akunnerata naanerani imaluunniit ferie tunngavigalugit. Aalajangiisuvoq, sulisoq ullup ajoquserfiup kingorna suliffimmini atuuffini nalinginnaasoq piffissami suliffiusumi nalinginnaasumi isumagisinnaaneraa. Taamaalilluni sulinngitsoornertut isigineqassaaq, ajoqusersimasup ajutoornerup kingorna taamaallaat ilaannakortumik sulinini nalinginnaasoq ingerlassinnaappagu, apeqqutaatinnagu sulisoq suliassanik allanik ingerlatsinersoq aamma taamaalilluni sulinermi sivilissusissaa naammassillugu. Taamaattumik ajoqusertoq sulinngitsoortutut isigineqarsinnaavoq, ajoqusersimasoq suligaluarpalluunniit.

Sulinngitsoornerup nalilersorneqarneranut apeqqutaanngilaq, ajoqusertoq ullormi ajoquserfimmini sulinngitsoorsimanersoq. Taamaalilluni ajutoorneq sulinngitsoornermik kinguneqartutut isigineqarsinnaavoq, naak ajoqusersimasoq ullormi ajoquserfiusumi tamakkiisumik suligaluartoq. Akerlianik sulinngitsoornertut isigineqassanngilaq, ajoqusersimasup taamaallaat ullormi ajoquserfiusumi sulinini nalinginnaasoq tamakkiisumik isumagisinnaanngippagu.

Sullivinni avatangiisinut inatsit malillugu sulisitsisoq sulinermi ajutoornermik Sullivinnik Nakkutilliisoqarfimmut nalunaarutiginninnissamut pisussaavoq. Immersugassaq immikkut ittoq Sullivinnik Nakkutilliisoqarfimmit tunniunneqartoq atorlugu nalunaarutiginnittoqassaaq.

2.3.2. Suliassaqartitsinermut ministereqarfiup isumaliuutersuutai aamma aaqqissuussineq siunnersuutigineqartoq

Ullumikkut ajutoornerit pillugit nalunaarutiginninnissamut assigiinngitsunik piumasaqaateqarpoq piffissarititaqarlunilu, sulinermi ajoquserneq pillugu inatsit aamma sullivinni avatangiisit pillugit inatsit naapertorlugit. Taamaattumik ajutoornerit pillugit nalunaarutiginninnissamut malittarisassat sulisitsisunut ujaasiffiginissaat ajornakusoorsinnaapput. Tamanna ajutoornerit eqqunngitsumik nalunaarutigineqarnissaannut annertunerusumik aarlerinaateqarneranik kinguneqarpoq, pitsaanngitsunik kinguneqartitsisinnaasoq, ilaatigut suliap suliarineqartarnera kinguaattoortittarmagu. Tamatuma saniatigut kingusinaarluni nalunaarutiginninneq ajoqusertumut inatsisitigut pitsaanngitsumik kinguneqarsinnaavoq, sulisinnaajunnaarneq pillugu taarsiiffigitinneq akilerneqarsinnaannigimmat nalunaarutiginninnissaq sioqqullugu, annaasaqarneq siusinnerusuklut pisimasinnaanera apeqqutaatinnagu.

Sulisitsisumut aamma ajoqusernumut ajutoorneq pillugu nalunaarutiginninnissamut malittarisassat naapertuunnerulertinniarlugit, siunnersuutigineqarpoq, sulinermi ajutoornerit pillugit malittarisassat pisariillisarnissaat, taamaalilluni ajutoornerit, inatsit malillugu taarsiiffigitinnissamut il.il. piumasaqaateqarfiusinnaasutut isigineqartut, nalunaarutigineqartarnerat ingerlaannassasoq. Tamatuma saniatigut ajutoornerit, ajoquser tup nalinginnaasumik suliffianiit sulinngitsoorneranik kinguneqarsimasut nalunaarutigineqassapput, ajutoorneq inatsit malillugu taarsiiffigitinnissamut il.il. piumasaqaateqarfiusinnaasutut isigineqarsinnaanera apeqquataatinnagu. Tamanna Kalaallit Nunaanni sulinermi ajoqusernermut isumannaarineq pillugu inatsisip allanngortinneqarnissaanik piumasaqarpoq.

Aaqquissuusinikkut siunnersuutigineqartukut Kalaallit Nunaanni sulinermi ajoqusernermut isumannaarineq pillugu inatsimmi malittarisassat naleqqussarneqarput Kalaallit Nunaanni sullivinni avatangiisit pillugit inatsimmi ajutoornerit pillugit nalunaarutiginninnermut malittarisassanut, tamatuma kingorna ajutoorneq nalunaarutigineqassalluni, ajutoorneq ajoqusersimasup nalinginnaasumik suliffianiit sulinngitsoornermik kinguneqarpat ullup ajoquserfiusup saniatigut.

Siunnersuutikkut nalunaarutiginninnissamut pisussaaffik sulisitsisumiiginnassaaq, Kalaallit Nunaanni sulinermi ajoqusernermut isumannaarineq pillugu inatsit malillugu isumannaarinissamut pisussaaffeqartoq. Ajutoorneq nalunaarutigineqartussaataasooq siunnersuutikkut nalunaarutigineqassaaq ulloq sulinngitsoorfiusoq siullermiit kingusinnerpaamik ullut 14-it qaangiutsinnagit. Tamanna atuuppoq, ajoquser tup ajutoornerup kingunerisaanik aatsaat kingusinnerusukut sulinngitsoornera apeqquataatinnagu. Taamaalilluni ulloq sulinngitsoorfik siulleq tassaavoq, nalunaarutiginninnissamut piffissarititaasumut aalajangiisoq.

Tamatuma saniatigut malittarisassat atuuttut malillugit sulisitsisoq ajutoornermik nalunaarutiginninnissamut pisussaaffeqaannassaaq, inatsit malillugu pisartagaqarnissamut piumasaqaatinik kinguneqartussatut isigineqartunik. Ajutoorneq sulinngitsoornermik kinguneqarsimanngippat, sulisitsisup ajutoorneq suli nalunaarutigissavaa, ajutoorneq inatsit malillugu taarsiiffigitinnissamik il.il. piumasaqarnissamut tunngavissaqartutut isigineqarpat. Piumasaqaat taanna malillugu nalunaarutiginninnissamut piffissarititaasooq ullup ajoquserfiup kingorna ullut 14-iupput.

Nalunaarutiginninnissamut malittarisassat nutaat Kalaallit Nunaanni sulinermi ajoqusernermut isumannaarineq pillugu inatsimmi § 39, imm. 3, aamma Kalaallit Nunaanni sullivinni avatangiisit pillugit inatsimmi § 58, malillugit nalunaarutikkut nutaatigut atuuttussanngortinneqassapput. Ajutoornerit Arbejdsmarkedets Erhvervssikringimut (Sulisilluni Ajoqusernerit pillugit Sullissivik) aamma Sullivinnik Nakkutilliisoqarfimmut nalunaarutigineqartarnerat ingerlaannassaaq.

Allannguutit kingunerissavaat, sullivinni avatangiisit pillugit inatsimmi malittarisassat Kalaallit Nunaanni pissutsinut naapertuuttunngortinneqarnerat.

Inatsissatut siunnersuummi § 1, nr. 10-miit 13-mut, kiisalu oqaaseqaatinut innersuussisoqarpoq.

2.4. Suliaritinnermut aamma sungiusagaanermut aningaasartuutitut taarsiiffigitinneq

2.4.1. Inatsisit atuuttut

Kalaallit Nunaanni sulinermi ajoqusernermut isumannaarineq pillugu inatsimmi § 14, imm. 1, oqaaseqatigiit siulliat malitseqarpoq, suliap ingerlanneqarnerani ajoquser tup suliaritinnermut, sungiusagaanermut aamma ikiuutitut aningaasartuutitut taarsiiffigitinnissamut pisinnaatitaasooq, imaluunniit § 47 malillugu suliap

suliereqqitassanngortinneqarnerani, pitsaanerpaamik peqqissinissamut suliaritinneq aamma sungiusagaaneq pisariaqarpata.

Aamma § 14, imm. 1, oqaaseqatigiit pingajuat malitseqarpoq, ajoquserup sungiusagaanermut aningaasartuutitut taarsiiffigitinnissamut pisinnaatitaaffianut piumasaqaataasoq, nakorsamit nakkutigineqartumik sungiusagaaneq kingornatigut suliaritinnerussasoq aamma napparsimalluni suliaritinnermut attuumassuteqassasoq.

Ajoquserup § 14 malillugu suliaritinnermut aningaasartuutitut taarsiiffigitissinnaanissaanut piumasaqaataavoq, piumasaqaatit nalinginnaasut arlallit naammassineqarsimanissaat. Taamaalluni piumasaqaataavoq, sulinermi ajoqusernerup kingorna pitsaanerpaamik peqqissinissamut suliaritinnissaq pisariaqartoq, suliaritinnissaq nakorsamit tunngavilersorneqassasoq aamma suliaritinneq ajoqusernerup kinguninngua ingerlanneqassasoq, aamma aallaaviatigut ajoqusernerup uninngaannartunngunnginnerani, ajoqusernerup pilernerata aamma suliaritinnerup pissutaasutigut ataqatigiinneri takutissinnaajumallugu. Ajoquserup suliarineqartariaqartumik nappaateqareersimappat aamma tamatumunnga suliaritittarluni, sulinermi ajoquserneq pillugu suliaritinnermut aningaasartuutitut taamaallaat taarsiiffigitittoqarsinnaavoq.

§ 14-ip aamma malitsigivaa, napparsimalluni suliaritinnermut aamma sungiusagaanermut aningaasartuutit akilernissaannut taamaallaat taarsiiffigitittoqarsinnaasoq, pisunut sulinermi ajoquserneq pillugu suliaritinnerup ingerlanneqarnerani. Imatut paasillugu, ajoquserneq ataavartoq, inuussutissarsiortutut sulisinnaajunaarneq pissutigalugu taarsiiffigitinnissamut imaluunniit ikiuutitut aningaasartuutit kiisalu malitsigisanik aningaasartuutit pillugit inaarutaasumik aalajangiinissap tungaanut, ajoqusernerup nalunaarutigineqarneraniit piffissami tiguneqarsimasunut imaluunniit piffissami pisimasunut, napparsimalluni suliaritinnermut imaluunniit sungiusagaanermut aningaasartuutit pineqarput.

Taanna suliaritinneq, aalajangersagaq malillugu akiliunneqarsinnaasoq, tassaapput napparsimalluni suliaritinneq, sungiusagaaneq aamma ikiuutit, soorlu isarussanut, kigutaasanut il.il. Napparsimalluni suliaritinnermik aamma sungiusagaanermik taaguutit siammasissumik paasineqassapput aamma pissutsit atuuttut malillugit assersuutigalugu timimik sungiusaasumik imaluunniit tarnip pissusaanik ilisimasalimmik suliaritittarnerit ilaatinneqarsinnaallutik. Ajoquserneq pineqartoq aalajangiisuusaaq, qasseriarluni suliaritinnissat pisariaqartitsisoqarneranut tunngatillugu. Taamaattoq suliaritinnermut, taamaallaat nipaallisaanermik sunniuteqartunut aningaasartuutit ilaatinneqanngillat.

§ 14, imm. 1, oqaaseqatigiit pingajuat malillugu, sungiusagaanermut aningaasartuutitut taarsiiffigitinnissamut pisinnaatitaaffimmut aamma piumasaqaataavoq, sungiusagaanermup kingorna nakorsamit nakkutigineqartumik suliaritinnerup ingerlanneqarnissaa aamma napparsimalluni suliaritinnerup aamma kingorna suliaritinnerup piffissatigut ataqatigiinnissaat.

§ 14, imm. 1, oqaaseqatigiit pingajuat malillugu, aningaasartuutit akilerneqarnissaannut taarsiiffigitinnissamut apeqqutip nalilersorneqarnerani, Arbejdsmarkedets Erhvervssikringip pingaartippaa, sungiusagaaneq pitsaanerpaaq angujumallugu imaluunniit ajoqusernerup kingunerit aaqinneqarnissaat siunertaralugu, suliaritinneq pineqartoq pisariaqarnerisooq. Arbejdsmarkedets Erhvervssikringip aamma pingaartippaa, ajoqusernerup uninngaannartunngunnginnerani suliaritittoqarnerisooq. Taamaalluni § 14, imm. 1, oqaaseqatigiit siulliit malitsigisaanik piumasaqaatit nalinginnaasut naapertorlugit suleriaaseq ilusilersorneqarpoq. Nakorsamik nakkutigineqarnissamik aamma sungiusagaanermup aamma napparsimalluni suliaritinnerup ataqatigiinnissaannik § 14, imm. 1, oqaaseqatigiit pingajuanni piumasaqaatit immikkut ittut, taamaallutik suleriaaseqarnermut, aalajangersakkap kingorna ineriartorsimasumut, nammineertumik sunniuteqanngillat.

2.4.2. Suliassaqartitsinnermut ministereqarfiup isumaliuutersuutai aamma aaqqissuussineq siunnersuutigineqartoq

Nakorsamit misissortissinnaanermut tunngatillugu Kalaallit Nunaanni aamma Danmarkimi pissutsit annertuumik assigiinngissuteqarput. Kalaallit Nunaanni peqqinnissakkut aaqqissuussinnermi nakorsat napparsimmaveqarfiit immikkoortortaqaarfiinut tallimanut attuumassuteqarput, nunami immikkoortuini illoqarfiit annersaanni inissisimasut. Illoqarfiit aamma nunaqarfiit minnerusut peqqinnissaqarfinnut attuumassuteqarput, taamaallaat peqqissaasunik sulisoqartinneqartut. Peqqinnissaqarfiit nakorsamit akuttunngitsumik tikeraarneqartarput. Nunaqarfinni minnerusuni taamaallaat nakorsaatinut peqqumaasiveqarpoq, innuttaasunit najugaqartuunit aqunneqartut. Taamaattumik nakorsamit suliaritissinnaaneq aamma tamatuma kingorna nakorsamit nakkutigineqartumik sungiusagaaqqissinnaneq Kalaallit Nunaanni illoqarfinnut ikitsuinnarnut killeqarput aamma pisut ilaanni piffissatigut killeqarlutik. Tamanna tunngavigalugu kingorna suliaritinnerup nakorsamit nakkutiginissaanut § 14, imm. 1, oqaaseqatigiit pingajuanni piumasaqaat, aallaavatigut Kalaallit Nunaanni naammassineqarsinnaanngilaq. Taamaattumik nalinginnaasumik kingorna suliaritinneq annertunerusumik peqqissaasunit sungiusarneqarsimasunit nakorsaannngitsunit ingerlanneqartarpoq.

Kalaallit Nunaanni nunap immikkoortui eqqarsaatigalugit immikkuullarissuunera pissutigalugu, § 14, imm. 1, oqaaseqatigiit pingajuanni napparsimalluni suliaritinnerup aamma kingorna suliaritinnerup ataqatigiinnissaannut piffissatigut piumasaqaat amerlanertigut naammassineqarsinnaasannngilaq.

Suliassaqartitsinnermut ministereqarfiup aamma Namminersorlutik Oqartussat nalilerpaat, Kalaallit Nunaannut tunngatillugu, kingorna suliaritinnerup taamaallaat nakorsamit nakkutiginissaanut piumasaqaatip imaluunniit napparsimalluni suliaritinnerup aamma kingorna suliaritinnerup ataqatigiinnissaannut piffissatigut piumasaqaatip naammassineqarnissaat naapertuutinnngitsoq. Taamaattumik siunnersuummi § 1, nr. 2-mi siunnersuutigineqarpoq, § 14, imm. 1, oqaaseqatigiit pingajuanni aalajangersakkap atorunnaarsinneqarnissaa.

§ 14, imm. 1, oqaaseqatigiit pingajuannik atorunnaarsitsinerup qulakkiissavaa, § 14-ip Kalaallit Nunaanni pissutsinut annertunerusumik naleqqussarneqarnissaa aamma Kalaallit Nunaanni suliarinnittarnermut atuutereersumut naapertuunnissaa.

2.5. Nakorsamik katsorsartinnermut il.il. ingiaqatigisap angalaneranut aamma sulinermik isertitanik annaasaanut akiliineq

2.5.1. Inatsisit atuuttut

Kalaallit Nunaanni sulinnermi ajoqusernermut isumannaarineq pillugu inatsit § 43, imm. 2 malillugu ajoqusertut imm. 1 malillugu nakorsamit suliaritinnermut il.il. atatillugu angalanermut aningaasartuutunut akiliunneqarnissamut pisinnaatitaaffeqarput, nakorsamit suliaritinneq il.il. Arbejdsmarkedets Erhvervssikringip imaluunniit Ankestyrelsip noqqaassuteqarnerata kingorna ingerlanneqarpat. Ajoqusertoq aamma imm. 1 malillugu nakorsamit suliaritinnermut il.il. atatillugu sulinikkut isertitanik annaasaminut uppernarsakkanut taarsiiffigitinnissamut pisinnaatitaaffeqarpoq, sulinngitsoorneq minnerpaamik akunnernik marlunnik sivisussuseqarpat.

§ 43, imm. 2-mi aalajangersagaq § 43, imm. 1-mi aalajangersakkamut ataqatigiittutut isigineqassapput, ajoqusertumut inassutaasoq ajoqusernerup kingorna piaarnerpaamik nakorsamit misissortinnermut peqataanissamut aamma tamatuma kingorna nakorsamit suliaritinnissamut imaluunniit

sungiusaqqinnissamut, nakorsap imaluunniit Arbejdsmarkedets Erhvervssikringip pisariaqartutut naliligaanut.

§ 43, imm. 1-ip siunertaraa, akuersaarneq, ajunngitsorsiaqarneq aamma taarsiiffigitinneq pillugit aalajangiinissamut tunngaviusinnaasunik, ajoqusertup peqqissutsikkut inissisimanera pillugu paasissutissanik pissarsinissamut aqqutissiuussinissaq. Tamatumunnga piumasaqaataasinnaavoq, ajoqusertup nakorsamit misissortinnissaa. Ajoqusernerup kingorna piaarnerpaamik misissortinnerit ingerlanneqassapput. Tamatumunnga pissutaavoq, taamaaliunngikkaanni misissortinnissap siunertaa maanngaannartinneqarsinnaammat.

Ukiopassuarni suleriaaseq malillugu ingiaqatigisamut pisariaqartinneqarsinnaasumut angalanermut aamma sulinermi isertitanik annaasaanut kiisalu akunnermusianut aamma ullormusianut akiliussisoqartarpoq. Suleriaaseq taanna Arbejdsskadestyrelsenip (massakkut Arbejdsmarkedets Erhvervssikringi) suliaritinnermut aningaasartuutunut akiliineq pillugu ilitersuutaani allaqqavoq.

§ 42, imm. 2, allanneqarnera malillugu ajoqusertup angalanermut aningaasartuutunut aamma sulinermi isertitanik annaasaanut akiliunneqarsinnaaneranut tunngavimmik imaqarpoq, kisianni ingiaqatigisamut aningaasartuutunut akiliunneqarnissamut tunngavimmik erseqqissumik imaqarnani.

2.5.2. Suliassaqartitsinnermut ministereqarfiup isumaliuutersuutai aamma aaqqiineq siunnersuutigineqartoq
Pisuni arlalinni ajoqusertoq nakorsamit misissortinnermut nammineerluni peqataasinnaassanngilaq. Tamanna ajoqusernerup malitsigisaanik imaluunniit pissutsinik allanik pissuteqarsinnaavoq. Taamaattumik ajoqusertup misissortinnissaminut ingiaqatigisaqarnissaa pisariaqarsinnaavoq, tassunga ilanngullugu misissortinnermut atatillugu angalanermut, misissortinnerup ingerlanneqarsinnaanissaanut.

Angalanermi ingiaqatigisap ajoqusertup misissortiffissamut misissortiffimmiillu angalaneranik ikiorsinnaavaa imaluunniit ajoqusertup misissortinnerani ikiorlugu, assersuutigalugu oqalutsitut.

Taamaalluni ingiaqatigisap peqataanerata qulakkeersinnaavaa, misissortinnerup piaarnerpaamik ingerlanneqarnissaa aamma pisariaqanngitsumik kinguarsaanertaqanngitsumik, aamma misissortinnermi nakorsap imaluunniit napparsimmaviusinnaasup immikkut ikiutissanik imaluunniit oqalutseqarnissamut isumaginnittussaatinnaagit. Taamaalluni ingiaqatigisap qulakkeersinnaavaa, misissortinnissap siunertaata kinguarsarneqannginnissaa imaluunniit taamaannaannartinneqannginnissaa.

Suliassaqartitsinnermut ministereqarfiup aamma Namminersorlutik Oqartussat nalilerpaat, § 43, imm. 2-p siammassissumik paasineqarnissaa, taamaalluni "sulinermi isertitanik annaasaqarneq aamma angalanermut aningaasartuutit"-nut siunertaqarluni nassuiaaneq aallaavigalugu aningaasartuutit pisariaqartinneqartut tamarmik ilaatinneqassasut, ajoqusertup misissortissinnaanissaanut. Tamanna aamma atuuppoq sulinermi isertitanik annaasaanut aamma ingiaqatigisap angalaneranut aningaasartuutunut, ingiaqatigisaqarneq pisariaqartinneqaraangat nakorsamit misissortinnissap ingerlanneqarnissaanut. Taamaallutik Suliassaqartitsinnermut ministereqarfik aamma Namminersorlutik Oqartussat suleriaaseq atuuttoq, toqqaannartumik inatsimmik atuuttumik malinninngitsoq, pillugu isumaqatigiipput.

Taamaattumik siunnersuutigineqarpoq inatsisitigut tunngavissamik atuutilersitsinissaq, inatsisinik atuuttunik aaqqissuussisussa, tamatuma kingorna ingiaqatigisaq pisariaqartoq akiliunneqarsinnaanngussalluni nakorsamit suliaritinnermut il.il. atatillugu.

Allannguutit kingunerissavaat sulinermi ajoqusernermut isumannaarineq pillugu inatsimmi malittarisassanik assigiilersitsineq.

Siunnersuummi § 1, nr. 19 oqaaseqaatillu innersuussutigineqarput.

2.6. Najugaqarfik apeqqutaatinnagu naammagittaalliuteqarnissamut piffissarititaasunik nalimmassaaneq

2.6.1. Inatsisit atuuttut

Ajutoornerit pillugit suliani sillimmasiisarfirmut, inuussutissarsiornermi nappaatit pillugit Arbejdsmarkedets Tillægspensionip siulersuisuinut aamma sulinermi ajoqusernermut akuersaernerit pillugit aalajangiinernut sulisitsisumut Arbejdsmarkedets Erhvervssikringip aalajangiineri pillugit naammagittaalliuteqarnissamut piffissarititaavoq sapaatit akunneri sisamat, tak. inatsimmi § 49, imm. 2, oqaaseqatigiit siulliat.

Ajoqusertunut imaluunniit qimagaasunut, naammagittaalliuteqarnissamut piffissarititaavoq sapaatit akunneri arfinillit, tak. inatsimmi § 49, imm. 2, oqaaseqatigiit aappaat. Ajoqusertoq imaluunniit qimagaasut Europap avataaniippata, naammagittaalliuteqarnissamut piffissarititaavoq qaammatit pingasut, tak. inatsimmi § 49, imm. 2, oqaaseqatigiit pingajuat.

Europap avataaniinnermi naammagittaalliuteqarnissamut piffissarititaq sivitsugaasoq qaammatit pingasunut inatsisikkut nr. 1528, 21. december 2010-meersukkut inatsimmut ikkunneqarpoq. Inatsisikkut siusinnerusukkut peqqussummi aalajangersagaq ingerlateqqinneqarpoq, piareersarluni suliarinninnerup tamanna ilanngullugu kingunerigaa, tak. Folketingstidende A 2010-11, L 6 saqqummiunneqartut ulloq 6. oktober 2010, qupperneq 34, aalajangersagaq naammagittaalliuteqarnissamut piffissarititaasut pillugit malittarisassanut assingusoq, sulinermi ajoqusernermut isumannaarineq pillugu inatsisini siullerniit pilersinneqartoq.

2.6.2. Suliassaqartitsinermit ministereqarfiup isumaliuutersuutai aamma aaqqissuussineq siunnersuutigineqartoq

Aalajangiinerit aamma naammagittaalliutit siornatigut taamaallaat allakkatigut nassiunneqartarput, taamaattumillu ajoqusertut imaluunniit qimagaasut sumiiffii apeqqutaasarlutik, qanoq pilertortigisumik pineqartut aamma Arbejdsmarkedets Erhvervssikringip akornanni attaveqatigiinnerup ingerlanneqarsinnaasarnernut. Ullumikkut ajoqusertumut imaluunniit qimagaasunut suli periarfissaavoq allakkatigut naammagittaalliuteqarnissaq, aamma periarfissaalerpoq oqartussa qarfinnut attaveqatigiinnermi allakkat digitaliusut aamma e-mailit atussallugit. Taamaalilluni ajoqusertup imaluunniit qimagaasup Europap avataani inissisimanera apeqqutaajunnaarpoq, qanoq sukkatigisumik aalajangiinerup imaluunniit naammagittaalliuteqarnerup anngunnissaanut. Inuiaqatigiinni digitalinngorsaanerup aamma pisortani attaveqatigiinnerup apeqqutaajunnaartippaa, Europap avataani inissisimanermit atatillugu naammagittaalliuteqarnissamut piffissarititaasumik sivitsuinissamut pisariqartitsineq.

Taamaattumik Suliassaqartitsinermit ministereqarfiup aamma Namminersorlutik Oqartussat siunnersuutigivaat, ajoqusertunut qimagaasunullu naammagittaalliuteqarnissamut piffissarititaasut sapaatit akunnerinut arfinilinnut inissillugit assigiissarnissaat sumiiffik apeqqutaatinnagu, taamaalilluni suliani ataasiakkaani naammagittaalliuteqarnissamut piffissarititaasoq pillugu isummertoqartariaqarunnaarluni.

Tamatuma kingunerissavaa malittarisassanik pisariillisaaneq aamma ajoquserturnut qimagaasunullu piffissarititaasumik naleqqussaaneq.

Ankestyrelsip pisuni immikkut ittuni piffissarititaasunut tunngatillugu immikkut akuersissuteqarnissamut periarfissaqarnera ingerlaqqissaq, tak. inatsimmi § 49, imm. 3. Tamanna tunngavigalugu Suliassaqartitsinermut ministereqarfiup aamma Namminersorlutik Oqartussat nalilerpaat, siunnersuummut atatillugu inatsisitigut illersugaanermut tunngatillugu nangaassutissaqanngitsoq. Tamatuma malitsigisaanik Justitsministereqarfiup ilitersuutaani 26. juni 2018-imeersumi naammagittaalliuteqarnissamut piffissarititaasunik naatsorsuisarneq pillugu allaqqasoqarpoq, oqartussaqaarfiup missiliussagaa, allagaq nunamut allamut nassiunneqarsimappat, aalajangiineq qaqugu tiguisussamut appuussimasutut isigineqassanersoq. Ankestyrelsip naammagittaalliuteqarnissamut piffissarititaasut pineqartillugit immikkut akersissuteqarnissaq tunngavissaqarneris pillugu nalilersuinermini immikkut eqqumaffigissavaa, naammagittaalliuteqarnissamut piffissarititaasooq sivikillisaq pissutaasinnaanersoq, suliani allannguinermini kalluarneqartuni naammagittaalliutip piffissaq eqqorlugu apuussimannginneranut.

Allannguutit kingunerissavaat, sulinermini ajoqusernermut isumannaarineq pillugu inatsimmi malittarisassat Kalaallit Nunaanni pissutsinut naapertuuttumik assigiissarneqarnissaat.

Siunnersuummi § 1, nr. 20, aamma oqaaseqaatit innersuussutigineqarput.

2.7. Arbejdsmarkedets Erhvervssikringip aalajangiinerit naammassisat tamaasa pillugit nalilersueqqissinnaanera

2.7.1. Inatsisit atuuttut

Inatsimmi § 49, imm. 6-imi aalajangersarneqarpoq, naammagittaalliutit pillugit aalajangiinerit, Arbejdsmarkedets Erhvervssikringimit aalajangiunneqartut, naammagittaalliuteqartup tamakkiisumik imaluunniit ilaannakortumik isumaqatigineqarnissaanut tunngavissaqarnerisooq naliliiffigineqarnissaat siunertaralugu Arbejdsmarkedets Erhvervssikringimut nassiunneqassasut. Naammagittaalliut suliaassanngorlugu Arbejdsmarkedets Erhvervssikringip Ankestyrelsimut nassiutissavaa, aalajangiinerup nalilersoqqereernerani naammagittaalliuteqartup isumaqatigineqarnissaanut tunngavissaqanngitsutut naliliippata, tak. § 49 imm. 6.

Nalilersueqqinneq pillugu malittarisassat atuuttut inatsisikkut nr. 1528, 21. december 2010-meersukkut inatsimmut ikkunneqarput. Inatsisikkut peqqussummi siornatigut atuuttuusimasooq § 51, imm. 6 ingerlateqqinneqarpoq, tassani nalilersueqqinneq pillugu malittarisassat sulinermini ajoqusernermut isumannaarineq pillugu inatsimmi nalilersueqqinneq pillugu malittarisassat pillugit aalajangersakkamut assingullutik, sulinermini ajoqusernerup kingunerisaanut isumannaarineq pillugu inatsisip aamma sakkutuunut il.il. ajoqusersimasunut taarsiiffiginninneq pillugu inatsisip allanngortinneqarnissaannik inatsisikkut nr. 488, 7. juni 2001-imeersukkut ikkunneqartunut. Sulinermini ajoqusernermut isumannaarineq pillugu inatsimmut oqaaseqaatini allaqqavoq, Arbejdsmarkedets Erhvervssikringi, suliaq nalilersoqqinneqarneranut atatillugu taamaallaat aalajangiinermini allannguinnissamut periarfissaqartoq, piviusunik tunngaveqartut aamma inatsisitigut kukkunerit pineqarpata. Taamaalilluni aalajangiinermini periarfissaanngilaq immikkuualuttumik missiliuussinermini nalilersueqqinnissaq.

Nalilersueqqinneq pillugu aalajangersakkap kingunerivaa, aalajangiinerit, piviusunik tunngaveqartut aamma inatsisitigut kukkunernik imaqartut, sukkasuumik iluarsineqarnissaat, ajoqusernut sukkannerusumik

inaarutaasumik aalajangiiffigineqarnissaat qulakkeerniarlugu. Aalajangersakkatigut siunertaanngilaq Arbejdsmarkedets Erhvervssikringip aalajangiinermi naammagittaalliutigineqartumi missiliuussinerup allanngortinnissaanut periarfissinneqarnissaa.

2.7.2. Suliassaqartitsinermut ministereqarfiup isumaliuutersuutai aamma aaqqissussineq siunnersuutigineqartoq

Kalaallit Nunaanni sulinermi ajoqusernermut tunngatillugu Suliassaqartitsinermut ministereqarfiup aamma Namminersorlutik Oqartussat kissaatigivaat naammagittaalliteqartarneq pillugu aaqqissuussinermik pisariinnerusumik pilersitsinissaq, aaqqissuussinermi ataqatigiinnerusumik aamma pisariinnerusumik ingerlatsinermut ikiuutaasussamik. Taamaattumik siunnersuutigineqarpoq aalajangiinernut ilaasunik Arbejdsmarkedets Erhvervssikringip missiliuussanik nalilersueqqissinnaanissaanut periarfissinniarlugu atuutilersitsinissaq.

Inatsisit atuuttut malillugit Arbejdsmarkedets Erhvervssikringip naammineq aalajangiussani naqqissinnaanngilai, naak naammagittaalliummik tigusinerminut atatillugu paasinnikkaluarluni missiliuussaq siulleq kukkusuusoq. Arbejdsmarkedets Erhvervssikringip paarlattuanik suliat taakkua Ankestyrelsimut nassiutissavai, aamma Ankestyrelsip aalajangiinissaa utaqqillugu, Arbejdsmarkedets Erhvervssikringimi aalajangiinerup nutaamik suliareqqinneqarnissaanik kinguneqarsinnaasoq.

Suliassaqartitsinermut ministereqarfiup aamma Namminersorlutik Oqartussat, nalilersueqqissinnaaneq pillugu aqqissuussineq atuuttoq, Arbejdsmarkedets Erhvervssikringip missiliuummik aalajangiinermut ilaatinneqartumik, nalilersueqqinnissaanut periarfissiinngitsoq, naapertuutinngitsoq nalilerpaat, tamanna innuttaasunut iluaqutaanngitsumik suliat sivitsuussamik suliarineqartarnerinik aamma pisariaqanngitsumik Ankestyrelsimi suliarinninnermik kinguneqartarmat. Inatsiseqarnermut suliassaqarfinni allani ilisimaneqarpoq, naammagittaalliummut atatillugu oqartussaasoqarfiup appasinnerusup missilisussanik nalilersuineri kukkusani nammineerluni aaqqiisinnaaneranut pisinnaatitaammat. Suliassaqartitsinermut ministereqarfiup aamma Namminersorlutik Oqartussat nalilerpaat, aaqqissuussinermik ataannartitsinissaq inatsiseqarnikkut isumannaatsuutitsinermi naammattumik iluaqutaassanngitsoq, Arbejdsmarkedets Erhvervssikringi aalajangiinerni missiliuussilluni nalilersuinerit pillugit nalilersueqqinnissamut periarfissaqarnani.

Inatsisissatut siunnersuutikkut siunnersuutigineqarpoq, Arbejdsmarkedets Erhvervssikringip aalajangiineq pillugu naammagittaalliummut atatillugu, aalajangiinermi pissutsit tamakkerlugit nalilersuisinnaanissaa, tassunga ilanngullugu missiliuummik atortitsineq. Imatut paasillugu, Arbejdsmarkedets Erhvervssikringip isummerfigissavaa, aalajangiinermi piviusumik tunngaveqartunik imaluunniit inatsisitigut kukkuneqarnersoq, imaluunniit aalajangiinerup aalajangiunneqarnerani kukkusumik missiliuussisoqarnersoq. Tamatuma kingorna Arbejdsmarkedets Erhvervssikringi periarfissaqarpoq aalajangiinerup nalilersoqqinnissaanut suliaq Ankestyrelsimut nassiuteqqaanngikkaluarlugu. Aalajangiineq nalilersoqqinneqarsimasoq Ankestyrelsimut naammagittaalliutigineqarsinnaassaaq, aalajangiinermik tigusisoq tassunga isumaqataanngippat.

Allannguutit kingunerissavaat sulinermi ajoqusernermut isumannaarineq pillugu inatsimmi malittarisassanik assigiilersitsineq.

Siunnersuummi § 1, nr. 23, aamma oqaaseqaatit innersuussutigineqarput.

2.8. Aningaasannngortitsinermi naleqqersuutitik nutarsaaneq

2.8.1. Inatsisit atuuttut

Inuussutissarsiorsinnaanermik annaasaqarnermut taarsiiffigitinneq tunniunneqartuaannarpoq ingerlaavartumik tunniutassannngortitsinermit, kisianni Kalaallit Nunaanni sulinermit ajoqusernermut isumannaarineq pillugu inatsimmi § 31 malillugu akuerineqarnerata kingorna ingerlaavartumik tunniutassannngortitsinertut imaluunniit ataatsikkut tunniutassannngortitsinikkut akilerneqarsinnaalluni, tak. § 21, imm. 5. Ingerlaavartumik tunniutassannngortitsineq qaammatikkaartumik akilerneqartarpoq, kisianni ataatsikkut tunniutassannngortitsineq ataasiaannartumik akilerneqartarluni.

Inuussutissarsiorsinnaanermik annaasaqarneq inaarutaasumik aalajangersarneqaraangat, inuussutissarsiorsinnaanermik annaasaqarnerup 50 pct-it inorpagit taarsiissuteqarneq ataatsikkut tunniutassannngortinneqassaaq, tak. inatsimmi § 31, imm. 1. Inuussutissarsiorsinnaanermik annaasaqarnerup 50 pct-it imaluunniit qaangerpagit, taarsiissuteqarneq ingerlaavartumik tunniutassannngortinneqassaaq. Ajoqusertut pisuni taamaattuni, inuussutissarsiorsinnaanermik annaasaqarnermi 50 pct-imut taarsiiffigitinnissamut attuumassuteqartoq ataatsikkut tunniutassannngortinneqarnissaa qinnutigisinnaavaa, tak. inatsimmi § 31, imm. 2.

Ajoqusertoq ingerlaavartumik tunniutassannngortitsinikkut taarsiiffigitinnissamut akuerineqarpat, taanna ataatsikkut tunniutassannngortinneqarsinnaanngilaq, tiguisoq ukiut marluk imaluunniit ikinnerusut qaangiunneranni soraarnerussutisiaqalertussaappat, inuussutissarsiorsinnaanermik annaasaqarnerup 50 pct-it inorneraat imaluunniit qaangerneraat apeqqutaatinnagu. Inuussutissarsiorsinnaanermik annaasaqarnermut taarsiissuteqarneq ataatsikkut tunniutassannngortinneqassaaq, ajoqusertoq piffissami aalajangiinermit ukiut 2 imaluunniit ikinnerusut qaangiunneranni soraarnerussutisiaqalertussaappat, tak. inatsimmi § 31, imm. 1, oqaaseqatigiit aappaat. Tamanna aamma atuuppoq ajoqusertumut, soraarnerussutisiaqalertumut.

Ajoqusertoq inuussutissarsiorsinnaanermik annaasaqarnermut utaqqiisaagallartumik taarsiiffigitinnissamut akuerisaappat, taanna tamatigit ingerlaavartumik tunniutassannngortinneqassaaq, ataatsikkut tunniutaassannngorsinnaanngitsumik, tak. inatsimmi § 31, imm. 1, oqaaseqatigiit pingajuat. Inuussutissarsiorsinnaanermik annaasaqarnermut utaqqiisaagallartumik taarsiiffigitinnissaaq pillugu aalajangiisoqassaaq, ajoqusertup inuussutissarsiorsinnaanikkut inissisimanera qulaajaaffigineqarsimanngippat. Tamanna nalinginnaasumik pisarpoq, ajoqusertoq assersuutigalugu piginnaanngorsartinneqarpat imaluunniit napparsimanermik ullormusiaqartinneqarpat. Inuussutissarsiorsinnaanerup killeqalernera ataavartuuppat, aamma taarsiissuteqarnerup ilaa utaqqiisaagallartuuppat, aamma ataavartumut taarsiissuteqarneq 50 pct-it inorpagit, ataatsikkut tunniutassannngortitatut akilerneqassasoq aalajangiisoqarsinnaavoq.

Aapparisamik imaluunniit inooqatigisamik pilersuisumik annaasaqarnermut taarsiiffigitinneq piffissamut aalajangersimasumut akuerineqassaaq, ataavartumik taarsiissuteqarnertut, toqusoqarneraniit sivilunerpaamik ukiuni qulini akilerneqartartussamik, tak. inatsimmi § 24, imm. 2. Pilersuisumik annaasaqarnermut taarsiissuteqarneq ingerlaavartuq atorunnaassaaq qimagaasup utoqqalinersiuteqalerneraniit qaammatip naanerani, tak. inatsimmi § 24, imm. 4.

Pilersuisumik annaasaqarnermut taarsiiffigitinneq aallaaviatigit ingerlaavartumik tunniutassannngortitsinertut akilerneqassaaq, kisianni ataatsikkut tunniutassannngortinneqarsinnaalluni qimagaasup qinnuteqarneratigit, tak. inatsimmi § 31, imm. 3, tak. § 24, imm. 3.

Inuussutissarsiorsinnaanermik annaasaqarnermut taarsiiffigitinnissaq imalunniit pilersuisumik annaasaqarnermut taarsiiffigitinnissaq ataatsikkut tunniutassanngortinneqarnissamut allanngortinneqarpat, taarsigassarsiat aningaasanngortinnerannut naleqqersuutit naatsorsukkatut aalajangersakkat atorineqassapput. Aningaasat ataatsikkut tunniussat naatsorsorneqassapput, ukiumoortumik taarsiissutit taarsigassarsiat aningaasanngortinnerannut naleqqersuutini amerlisarneqalutik, inatsisit atuuttut malillugit piffissami allanngortitsinermini immikkuualuttunik apeqqutaatitsisuusumik, tassunga ilanngullugit toqusoqartarnermut tunngatillugu piumasaqaatit aamma erniat qaffasissusaat. taarsigassarsiat aningaasanngortinnerannut naleqqersuutit aalajangersarneqassapput ukiunut iluittunut, imatut isumaqartumik, ajoquserup taarsiissutini taamaaqataanik tigusaqarluni, assersuutigalugu 43-nik aamma qaammammik ataatsimik ukioqarnera imaluunniit 43-nik aamma qaammatinik aqqanilinnik ukioqarnera apeqqutaatinnagu.

Taarsigassarsiat aningaasanngortinnerannut naleqqersuutit aalajangersarneqarnerannut toqusoqartarnermut tunngatillugu piumasaqaatit immikkuualuttutut ilaatinneqassapput. U74-imik naleqqersuutit taagorneqartoq toqusoqartarnermut tunngatillugu piumasaqaatit atorineqassaaq aamma Danmarkimi 1960-ikkunni aamma 1970-ikkunni toqusoqartarnermut alaatsinaanermik tunngaveqarluni. U74-imik naleqqersuut arnanut aamma angutitut naleqqersuutini assigiinngitsunik imaqarpoq, aamma Kalaallit Nunaanni agguaqatigiissillugu inuuneqqortussuseq angutitut sanilliullugu arnanut qaffasinneruvoq.

Tamatuma saniatigut ataatsikkut tunniutassamut immikkuualuttutut 10 pct-imik qaffasissusilittut siunissamut aalajangersagaalluni, 1970-ikkut naalernerini erniat inissisimanerattut, ataatsikkut tunniutassanngortitsinermini ukiuni tamani ilanngaataasarluni, sinneruttutut taarsiissuteqarnerup atorunnaarnissaata tungaanut.

Namminersorlutik Oqartussat isumaqatiginiareernerata kingorna suliassaqartitsinermit ministerip ingerlaavartumik tunniutassanngortitat ataatsikkut tunniutassanngortillugit allanngortinneqartarneri pillugit malittarisassat aalajangersassavai, tak. inatsimmi § 31, imm. 4, oqaaseqatigiit pingajuat. Kalaallit Nunaanni sulinermini ajoqusernermut isumannaarineq pillugu inatsit malillugu ingerlaavartumik tunniutassanngortitat ataatsikkut tunniutassanngortillugit allanngortinneqartarneri pillugu nalunaarummi nr. 1602, 18. december 2018-imeersumi malittarisassat allaqqapput.

2.8.2. Suliassaqartitsinermit ministereqarfiup isumaliuutersuutai aamma aaqqissussineq siunnersuutigineqartoq

Inatsisip taarsigassarsiat aningaasanngortinnerannut naleqqersuutai atuuttut piffissamut naleqqukkunnaarsimapput aamma inuussutissarsiorsinnaanermik annaasaqarnermut taarsiissutip nalinganik annertuumik assigiinngissuteqarnermik kinguneqarlutik, ajoquserup taarsiiffigitinnera ingerlaavartumik tunniutassanngortitatut akilerneqarnerisooq imaluunniit ataatsikkut tunniutassanngortitatut akilerneqarnerisooq apeqqutaalluni.

U74-imik naleqqersuut atuuttoq inuiaqatigiit inuuneqqortussusaannik atuuttumik eqqortumik takutitsinngilaq. Taamaaqataanik U74-imik naleqqersuut suaassutisunik immikkoortitsivoq, tamanna kinguneqarluni, angutit arnanut sanilliullugit ataatsikkut tunniutassanngortitanik annikinnerusunik tiguisarnerannik, akuersinerup nalaani ukioqatigiinnerat apeqqutaatinnagu. Tamatuma saniatigut naleqqersuutini atuuttuni assersuutigalugu akileraartarnermut tunngasut kiisalu akit aamma akissarsiat pillugit naleqqussaaneq apeqqutaatinneqanngillat.

Suliassaqartitsinermit ministereqarfiup aamma Namminersorlutik Oqartussat nalilerpaat, immikkuualuttut taarsigassarsiat aningaasanngortinnerannut naleqqersuutini ilaatinneqartut, nutarterneqartariaqartut taamaalilluni ataatsikkut tunniussilluni taarsiissuteqarnerup nalinga inatsit malillugu naatsorsorneqassalluni malittarisassat naapertuunnerusut tunngavigalugit, ukiut tamaasa nutarterneqartartussamik – aamma

taamaalilluni taarsigassarsiat aningaasanngortinnerannut naleqqersuut ullumikkumut sanilliullugu taarsiissutip assigiimmik naleqarnissaanik tunngavimmut naapertuutissasoq, ingerlaavartumik tunniutassanngortinneqarnersoq imaluunniit ataatsikkut tunniutassanngortinneqarnersoq apeqqutaatinnagu.

Taamaattumik taarsigassarsiat aningaasanngortinnerannut naleqqersuutip immikkoortuni arlalinni nutarterneqarnissaa siunnersuutigineqarpoq. Taamaalilluni taarsigassarsiat aningaasanngortinnerannut naleqqersuutip U74-imut naleqqersuutaata taarserneqarnissaa aamma inuuneqqortussutsimut tunngatillugu piumasaqaatinut Finanstilsynip pitsaassutsinut uuttuutaata atorneqalernissaa siunnersuutigineqarpoq. Aamma taarsigassarsiat aningaasanngortinnerannut naleqqersuutip erniatigut qaffasissusaata nutarterneqarnissaa aamma erniap aalajangersimasup erniamik nikerartumik taarserneqarnissaa siunnersuutigineqarpoq. Tamatuma saniatigut siunnersuutigineqarpoq, ajoquserup ukiui aalajangersarneqassasut ukiuinut aamma qaammataanut, maannakkutuunngitsaq ukiunut iluitsunut. Naggataatigut siunnersuutigineqarpoq, taarsigassarsiat aningaasanngortinnerannut naleqqersuummi immikkuualuttunik nutaanik ilanngussinissaq. Taamaalilluni taarsigassarsiat aningaasanngortinnerannut naleqqersuummi ataatsikkut tunniutassanngortitsinermut akileraartarnermik atuutilersitsilluni, ingerlaavartumik ukiumut taarsiissutitut ilanngaatineqartartumut akileraarummut assingusumik. Taamaaqataanik taarsigassarsiat aningaasanngortinnerannut naleqqersuummi ataatsikkut tunniutassanngortitani ilanngaasoqartassaaq pigisanit pissarsianit, ataatsikkut tunniutassanngortitat akilernerqarnerni anguneqartussatut naatsorsuutigineqartunit (ataatsikkut tunniussineq). Aamma taarsigassarsiat aningaasanngortinnerannut naleqqersuummi ataatsikkut tunniutassanngortitanut akitigut naleqqusaasoqassaaq, piffissap ingerlanerani nalinginnaasumik akitigut aamma akissarsiatigut qaffaanerit malitsigisaannik.

1970-ikkunni aallartittumik inuuneqqortusiartortoqarsimavoq, taamaattumik taarsigassarsiat aningaasanngortinnerannut naleqqersuutip U74-imut naleqqersuutaa inuiaqatigiinni inuuneqqortussutsimut atuuttumut tunngatillugu eqqunngitsumik takutitsisuulluni. Taamaalilluni naleqqersuut kinguneqarpoq, ajoquserup aamma qimagaasut annikinnerusunik ataatsikkut tunniutassanngortitsinikkut taarsiiffigitarnernik, toqusoqartarnermut tunngatillugu piumasaqaatinik piffissamut naleqqunnerusunik atuinnginnermi. Aamma U74-imut naleqqersuut suaassutsinik immikkoortitsivoq, tassami Kalaallit Nunaanni toqusoqartarnermut tunngatillugu arnat akornanni annikinnerummat angutit akornannut sanilliullugu.

Suliassaqartitsinermut ministereqarfiup aamma Namminersorlutik Oqartussat nalilerpaat, sulinermi ajoqusernermut tunngatillugu U74-imut naleqqersuutip inuuneqqortussutsimut tunngatillugu piumasaqaatinut Finanstilsynip pitsaassutsimik uuttuutaanik taarserneqarnissaa, taanna tunngaviummat eqqornerpaaq.

Finanstilsynip ulloq 1. januar 2011 aallarnerfigalugu maannakkut toqusoqartarnermut alaatsinaanneqartunut pitsaassutsimut uuttuut (sanilliussinermut tunngavigisassaq) aamma siunissami inuuneqqortussutsimut pitsanngorsaatisatut naatsorsuutigineqartut eqquppai, imminut sillimmasernernik ingerlatseqatigiiffiit, utoqqalinersianik ingerlatseqatigiiffiit il.il. sanilliussinissamut atugassatut. Imminut sillimmasernernik ingerlatseqatigiiffiit aamma utoqqalinersianik ingerlatseqatigiiffiit naammattumik sillimmasiinerni, ingerlatseqatigiiffiit atuutilersitaanni, pisussaaffiit naammassineqarnissaannut atugassatut immikkoortitsinissaasa qulakkeerneqarnissaata saniatigut, aaqquissuussinerup siunertarivaa ingerlatseqatigiiffiit inuuneqqortussutsimut tunngatillugu piumasaqaataanni assigiinngissutit tunngavilersorneqanngitsut nalimmassarnissaat. Imminut sillimmasernernik ingerlatseqatigiiffiit, utoqqalinersianik ingerlatseqatigiiffiit il.il. inuuneqqortussutsimut tunngatillugu piumasaqaatinut Finanstilsynip pitsaassutsimut uuttuutaa imaluunniit aaqquissuussinerup assingusup atornissaa

pisussaaffigivaat, immikkoortitsinerit, taarsiissuteqarnerit aamma imminut sillimmasernermut akít naatsorsornissaannut.

Inuuneqqortussutsimut tunngatillugu píumasagaatinut Finanstilsynip pitsaassutsimut uuttuutaa ukiumut naatsorsorneqartarpoq danskit imminut sillimmasernernik ingerlatseqatigiíffiini aamma soraarnerussutisianik ingerlatseqatigiíffiini sillimmasersimasut pillugit paasissutissat kiisalu Danmarks Statistikimi paasissutissat aallaavigalugit. Soraarnerussutisiassanik aningaasaateqarfinni paasissutissat tunngaviupput inuit katillugit 2,9 mio. pineqarlutik (2018), aamma soraarnerussutisiassanik aningaasaateqarfinnik amerlanerusunik ilaartorneqarlutik, tamannalu tunngavigalugu pitsaassutsimut uuttuut naleqqersuutaavoq qajannaatsoq aamma píffissamut naleqquttoq. Taamaattoq oqaaseqaatigineqarpoq, toqusoqartarnermut aamma inuuneqqortussutsimut píumasagaatinut tunngatillugu taamaallaat danskit pillugit paasissutissat atorineqartut, aamma Kalaallit Nunaanni inuuneqqortussutisip Danmarkimut sanilliullugu sivikinnerusoq. Allangorarnernit annikinnerusut pineqarmata, utoqqarnut suliunnaareersimasunut malunnaateqarnerusut, aamma inuusuttunut 20-niit 30-nut ukiulinnut, Kalaallit Nunaanni sulinermi ajoqusernermut isumannaarineq pillugu inatsit malillugu qaqutiguinnaq taarsiíffigitinnissamik akuerineqartartunut, aamma inuuneqqortussutsimut tunngatillugu píumasagaatinut, Kalaallit Nunaanni paasissutissanik tunngaveqartunik sulí immikkut naleqqersuuteqanngimmat, Finanstilsynip pitsaassutsimut misissuissutaa naleqqersuutit Kalaallit Nunaanni atugassatut eqqornerpaatut nalilerneqarpoq.

Ullumikkut toqusoqartarnermut alaatsinaannermut Finanstilsynip pitsaassutsimut uuttuutaa ukioqqortussuseq apeqqutaatinnagu toqusoqartarnerup akulikissusaa aalajangersimasooq aamma arnat angutillu immikkoortillugit ilusilersugaavoq. Ullumikkut toqusoqartarnermut alaatsinaannermut uuttuutaasoq danskit imminut sillimmasernermut ingerlatseqatigiíffiini aamma soraarnerussutisiassanik aningaasaateqarfiit ilaasortaminnut siinniisuusuni arlalinni paasissutissat tunngavigineqarput, Videncenter for Helbred og Forsikring og Danmarks Statistikimit kingumut ukiuni tallimani ukiumoortumillu nutarterneqartartunik suliarineqartut.

Inuuneqqortussutsimut siunissami pitsanngoriaatissatut naatsorsuutigisamut Finanstilsynip uuttuutaa ukiut apeqqutaatinnagit toqusoqartarnerup akulikissusaa ukiumut procentitigut annikilleriarnissaanik aalajangersimasumik tunngaveqarpoq aamma arnat angutillu immikkoortillugit aalajangerneqartarluni. Inuuneqqortussutsimut siunissami pitsanngoriaatissatut naatsorsuutigisamik naatsorsuineq paasissutissanik, Danmarks Statistikimit tunniunneqartunik aamma Danmarki tamakkerlugu inunmut paasissutissanik, tunngaveqarpoq. Siumut naatsorsuineq ukiuni kingullerni 20-ni paasissutissanik tunngaveqarpoq aamma ukiut tamaasa nutarsarneqartarluni.

Ilanngullugu siunnersuutigineqarpoq, inuuneqqortussutsimut tunngatillugu píumasagaatinut Finanstilsynip uuttuummut aaqqissuussinera suaassuseq apeqqutaatinnagu atorineqarnissasoq, angutit arnallu toqusarnerannik agguaqatigiisitsineq písaritsoq atorlugu. Taamaaliornikkut Kalaallit Nunaanni sulinermi ajoqusernermut isumannaarineq pillugu inatsit malillugu malittarisassat sulinermi ajoqusernermut isumannaarineq pillugu inatsit malillugu malittarisassanut assigiilissapput, taarsigassarsianik aningaasannqortitsineri naleqqersuutit suaassutsimik apeqqutaatitsinngitsunut 2015-imi nuuttoqarluni.

Ukiorpassuarni Kalaallit Nunaanni erniat qaffasissusaa malunnaatilimmik annikinnerusarpoq, maannamut 10 pct-inik ernianik qaffasissusilinnik atorineqartumut sanilliullugu. Taamaalilluni ukiorpassuarni ataatsikkut tunniutassannqortitat ilanngarneqartarsimapput, erniaqartitsinerimik qaffasinnerusumik, taarsiíffigitinnissamut písinnaatitaaffeqartut naatsorsuutigisinnaasaanniit ataatsikkut tunniutassannqortitanik/pigisanik nalilinnik inissiinerit/aningaasaliissuteqarnerit aqutugalugit.

Danmarkimi sulinerimi ajoqusernermut suliassaqarfimmi 2007-miilli ernianut piumasaqaatit piumasaqaatinut kinaassusersiunngitsunut attuumassuteqarsimapput, piffissami ukiuni kingullerni tallimani realkreditobligationinut erniat sunniuteqartut agguaqatigiissinneqarnerat atorineqarmat.

Ernianut piumasaqaatit piumasaqaatinut kinaassusersiunngitsunut attuumassuteqartinneratigut, piviusumik erniat ineriartornerannik takutitsisumik, ataatsikkut tunniutassanngortitat (ullumikkut) nalingi erniatut naatsorsuutigineqartut ilanngunnagit aamma taarsiissuteqarnerup atorunnaarnissaata tungaanut ingerlaavartumik tunniutassanngortitat akornanni annertunerusumik naapertuuttumik inissisimaneq qulakkeerneqarpoq.

Suliassaqartitsinermut ministereqarfiup aamma Namminersorlutik Oqartussat nalilerpaat, taarsigassarsiat aningaasanngortinnerannut naleqqersuummi ernianut piumasaqaatit Kalaallit Nunaanni atorineqartut, ullumikkumut naapertuuttumik qaffasissusilerlugit nutarterneqarnissaat.

Ullumikkut Kalaallit Nunaanni qularnaveeqqusiissutitalimmik taarsigassarsiat erniaanut atuuttunut naapertuuttumik naatsorsuisoqarneq ajormat, nalilernerqarpoq, Danmarkimi realkreditobligationinut pappiaqqap nalillip erniaa agguaqatigiissitaq Kalaallit Nunaanni erniat qaffasissusaannut eqqortuunerpaassasoq. Taamaattumik siunnersuutigineqarpoq, Kalaallit Nunaanni taarsigassarsiat aningaasanngortinneqarnerannut naleqqersuut, Danmarkimi realkreditobligationinut pappiaqqap nalillip erniaa agguaqatigiissitaq tunngavigalugu, nikerartumik erniaqartitsinissaq.

Ataatsikkut tunniutassanngortitsineq (ataasiartumik taarsiissuteqarneq) akileraarutitaqanngilaq aamma tigusisup isertitaanut ilaatinneqarani. Tamanna isumaqarpoq, ataatsikkut tunniutassanngortitsinerup naatsorsorneqarnerani, akileraartitsilluni ilanngaasoqarneq ajortoq, ingerlaavartumik tunniutassanngortitsinermi akileraarutaasup assinganik, taarsiissuteqarneq ataatsikkut tunniunneqarsimannippat. Ingerlaavartumik tunniutassanngortitsinermut akileraarut akissarsianut nalinginnaasunut akilerarutip assingaa.

Ataatsikkut tunniutassanngortitsineq pigisanit pissarsianik kinguneqarsinnaavoq, tamannalu ataatsikkut tunniutassanngortitsinerup annertussusaata naatsorsornerani isiginiarneqanngilaq. Tamanna isumaqarpoq ataatsikkut tunniutassanngortitsineq ukiut arlallit ingerlaneranni ingerlaavartumik taarsigassaniit annertunerusumik naleqalissasoq.

Suliassaqartitsinermut ministereqarfiup aamma Namminersorlutik Oqartussat nalilerpaat, Kalaallit Nunaanni ataatsikkut tunniutassanngortitsineq akileraarutitaqartinneqartariaqartoq ukiumut ingerlaavartumik tunniutassanngortitsinermut naapertuuttumik. Taamaaqataanik ataatsikkut tunniutassanngortitsinikkut pigisanit pissarsiat ilanngaavigineqartariaqarput, ataatsikkut tunniutassanngortitsinermi anguneqarsinnaasoq, aamma ingerlaavartumik taarsersukkat assinganik kinguneqaatigisinnaanngisaa.

Taamaattumik siunnersuutigineqarpoq, taarsigassarsiat aningaasanngortinneqarnerannut naleqqersuummi nutartikkami ilassutitut ilangaanneqassasoq akileraarummut assingusumik, atuutsinneqartussaagaluartumut taarsiissutit ingerlaavartumik tunniutassanngortinneqartussaassagalarpata. Tamanna ilanngaaneq aalajangersarneqassaaq Kalaallit Nunaanni kommuninut akileraarutit, nuna tamakkerlugu akileraarutip aamma kommuninut ataatsimoorussamik akileraarutip inissinneqarneri aallaavigalugit.

Siunnersuutigineqarpoq, ilanngaat akileraarummut assingusoq aalajangersarneqassasoq aamma ukiut tamaasa nutarterneqartassasoq kommuninut, nuna tamakkerlugu aamma kommuninut ataatsimoorussamik akileraarutip inissinneqarnerisa katinneqarnerata assinganik, kommuninut akileraarutit agguaqatigiissinnerat ilanngullugu. Ukiumut inissiinerit aalajangersarneqassapput aningaasarsiorfiusoq ukiup siulia assigalugu.

Ilanngullugu siunnersuutigineqarpoq, ataatsikkut tunniutassanngortitsinerup naatsorsorneqarnerani immikkuualuttut pigosanit pissarsianik ilanngaaniisaq, ataatsikkut tunniutassanngortitsinerumi anguneqarsinnaasunik. Ataatsikkut tunniutassanngortitsinerumi pigisanit pissarsianik akileraartitsinermik aamma ilanngaaniermik atuutilersitsineq, taarsiissuteqarnerup sapinngisamik assinganik naleqarnissaanut ikiuutaassaaq, taanna ataatsikkut tunniutassanngortitsinikkut imaluunniit ingerlaavartumik taarsigassanik akilerneqarnerisooq apeqqutaatinnagu.

Ataatsikkut tunniutassanngortitsinermik naatsorsuinerup tunngavimmi, akit aamma akissarsiat piffissap ingerlanerani qanoq ineriartornissaanut naatsorsuutiginninnissaq pillugu malittarisassat atuuttut malillugit naliliineq ilaatinneqanngilaq. Akerlianik ingerlaavartumik tunniutassanngortitsineq ukiut tamaasa naleqqussarneqartarpoq, akinik aamma akissarsianik qaffaanerup nalinginnaasup malitsigisaanik, akit ineriartornerannut naleqqersuut tunngavigalugu, ukiut tamaasa Kalaallit Nunaanni Naatsorsueqqissaartarfimmiit pissarsiarineqartartoq. Tamanna isumaqarpoq, ataatsikkut tunniutassanngortitsineq, ingerlaavartumik tunniutassanngortitsinerup akierlianik, piffissap ingerlanerani nalikilliarternissa akitigut aamma akissarsiatigut ineriartorneq nalinginnaasooq peqatigalugu, ingerlaavartumik tunniutassanngortitsinerup aamma ataatsikkut tunniutassanngortitsinerup ataatsimut nalingini assigiinngissuteqarnermik kinguneqartoq.

Suliassaqartitsinerup ministereqarfiup aamma Namminersorlutik Oqartussat nalilerpaat, taarsigassarsiat aningaasanngortinneqarnerannut naleqqersuut piffissap ingerlanerani akitigut aamma akissarsiatigut ineriartorneq pillugu nalilersuineq ilaatinneqassasoq.

Taamaalilluni siunnersuutigineqarpoq, ingerlaavartumik tunniutassanngortitsineq ataatsikkut tunniutassanngortitsinerup allanngortinneqartoq akit ineriartornissaannik naatsorsuutiginninnermut aaqqissuunneqassasoq. Tamaaliornikkut isumannaarneqassaaq, ataatsikkut tunniutassanngortitsinerup nalinga ingerlaavartumik tunniutassanngortitsinerup ataatsimut nalinganut malunnaatilimmik allaanerunnginnissa, aamma ataatsikkut tunniutassanngortitsinerup piffissap ingerlanerani pisissutaasinnaaneranik attassilluni.

Suleriaaseq atuuttoq malillugu taarsigassarsiat aningaasanngortinneqarnerannut naleqqersuut atornerqartarpoq, taarsiiffigitinnissamut pisinnaatitaaffeqartup piffissami atuutileranerani ukiorisaanut atuuttoq. Tamaattumik taarsigassarsiat aningaasanngortinneqarnerannut naleqqersuut ukiukkuutaartumik agguataarneqarpoq.

Suliassaqartitsinerup ministereqarfiup aamma Namminersorlutik Oqartussat nalilerpaat, taarsiissutissanik ataatsikkut tunniutassanngortitsinerumi eqqumaffigineqartariaqartoq, aalajangersimasumik ukioqalertoqaaqqammernersooq imaluunniit ukioqalernissaq qanillivinnerisooq (inuussiorneq).

Tamaattumik siunnersuutigineqarpoq, taarsigassarsiat aningaasanngortinneqarnerannut naleqqersuut ukiunut aalajangersarneqassasoq, kiisalu qaammatikkuutaartumik piffissami ukioqarnerit marluk akornanni. Tassa imaappoq, inummut 40-nik qaammatinillu arfinilinnik ukiulimmut, naleqqersuut immikkoortitsisoq atornerqassaaq, taarsigassarsiat aningaasanngortinneqarnerannut naleqqersuutit aalajangersakkat akornanni 40-nik ukiulinnut aamma 41-nik ukiulinnut. Tamatuma taarsiissutini iluarisarsorluni assigiinngisitsineq annikillisassavaa, qaqugukut ingerlaavartumik tunniutassanngortitsinerup ataatsikkut tunniutassanngortitsinerup allanngortinneqarnissaanut aalajangiineq piaarinaatsoornikkut aalajangerneqarnissaanut tunngatillugu.

Taarsigassarsiat aningaasanngortinneqarnerannut naleqqersuummik maannamut atorneqartumik nutarterinikkut kiisalu immikkuualuttunik ilanngussinikkut isumannaarneqassaaq, ajoqusernut aamma qimagaasunut ataatsikkut tunniutassanngortitsinerit tamarmik nalingi inuuneqqortussutisimut tunngatillugu piffissamut naleqquttoq aallaavigalugu aalajangersarneqarnissaat, kiisalu inuussutissarsiorsinnaajunnaarneq pillugu taarsiissutip nalinga, ajoqusernut ataatsikkut tunniunneqartoq, sapinngisamik assingusuussasoq, apeqqutaatinnagu taanna ataatsikkut tunniutassanngortinneqarneris imaluunniit ingerlaavartumik taarsiissutinngortinneqarneris.

Siunnersuutitigut siunniunneqarpoq, taarsigassarsiat aningaasanngortinneqarnerannut naleqqersuutit ukiut tamaasa oktoberip qaammataa naatinnagu naleqqussarneqartarnissaat, peqatigitillugu Kalaallit Nunaanni sulineri ajoqusernermut isumannaariniq pillugu inatsimmi akigitat nalimmassarneqarneri. Ilangullugu siunnersuutigineqarpoq, taarsigassarsiat aningaasanngortinneqarnerannut naleqqersuutit ukiunut aamma qaammatinut iluittunut aalajangersarneqarnissaat, tamanna isumaqarluni, ataatsikkut tunniutassanngortitsinerit ajoqusernut aamma qimagaasut ukiunut eqqortunut naleqqussarneqassasut.

Taarsigassarsiat aningaasanngortinneqarnerannut naleqqersuutit aalajangersarnerannut tunngaviit nutaat pillugit siunnersuummut attuumassuteqartumik siunnersuutigineqarpoq, inuussutissarsiorsinnaanermik annaasaqarnermi taarsigassarsiat aningaasanngortinneqarnerannik kinguneqartumik, suliani ajoqusernut ingerlaavartumik taarsigassarsitsinissaq akuerineqarsinnaasoq.

Taamaaliornikkut suliani, inuussutissarsiorsinnaanermik annaasaqarnermi ingerlaavartumik taarsigassarsitsinermik kinguneqartuni, sulineri ajoqusernermik isumannaaneriniq pillugu inatsimmi malittarisassanut assingusuusoq, naapertuuttunngortitsinermik pilersitsisoqassaaq.

Inuussutissarsiornermik annaasaqarnermi ingerlaavartumik taarsigassarsianik akuersissuteqartoqarpat, piffissami inuussutissarsiornermik annaasaqarnerup uppersarsineqarfiusumi ingerlaavartumik taarsigassarsiat aallartinneqassapput. Piffissaq tamanna taarsigassarsiat pillugit aalajangiineq sioqqullugu inissisimasinnaavoq. Taamaattoq ingerlaavartumik taarsigassarsiat sillimmasiisarfirmut imaluunniit Arbejdsmarkedets Erhvervssikringimut ajoqusernerup nalunaarutigineqarneranut piffissamiit siusinnerpaamik tunniunneqarsinnaapput.

Suliani suliareqqitassanngortinneqartuni, piffissami suliareqqitassanngortinniarlugu qinnuteqarfiusumi taarsigassarsiat siusinnerpaamik tunniunneqarsinnaapput. Suliani § 47 malillugu Arbejdsmarkedets Erhvervssikringip suliareqqitassanngortitsinerani, Arbejdsmarkedets Erhvervssikringip suliap suliareqqitassanngussanersaq pillugu aalajangiinerani piffissaq allaqqasumiit siusinnerpaamik taarsigassarsiat tunniunneqarsinnaapput.

Allannguutit sulineri ajoqusernermut isumannaariniq pillugu inatsimmi malittarisassanik assigiissaarissapput.

Siunnersuummi § 1, nr. 5, 6 aamma 9, aamma oqaaseqaatit innersuussutigineqarput.

2.9. Arbejdsmarkedets Erhvervssikringip aningaasaleeriaasiinik allanngortiterineq

2.9.1. Inatsisit atuuttut

Arbejdsmarkedets Erhvervssikringip sulineri ajoqusermik suliaqarneq akigititanik aningaasalersorneqarpoq, suliamut nalunaarutigineqartumut akiliutigineqartartunik, tak. Kalaallit Nunaanni sulineri ajoqusernermut isumannaariniq pillugu inatsimmi § 64, imm. 2. Akigitat ukiut tamaasa aalajangersarneqartarput aamma

akileqquneqartarlutik ingerlatsinermik aamma ineriartortitsinermik sulianut akiliutigigallakkatut, tak. inatsimmi § 64, imm. 4, aamma § 7, imm. 3, Arbejdsskadestyrelsenip (massakkut Arbejdsmarkedets Erhvervssikring) aamma Ankestyrelsip pisunik Kalaallit Nunaanni sulinerimi ajoqusernermut isumannaarineq pillugu inatsimmi ilaatinneqartunik ingerlatsineranut akiliineq pillugu nalunaarummi nr. 1655, 21. december 2010-meersumi.

Arbejdsmarkedets Erhvervssikringip sillimmasiisarfinni ajutoornerit pillugit sulianut aikigitinneqartut akileqqusarpai. Sillimmasiisarfii sillimmasiissutitut akiligassat akileeqqusinermut piffissarititaasut namminneerlutik aalajangersartarpaat. Arbejdsmarkedets Erhvervssikringip sulisitsisuni inuussutissarsiornermi nappaatit pillugit sulianut tunngatillugu nammineerluni akiliutit akileqqusarpai, tak. inatsimmi §§ 63 aamma 64, imm. 1, nr. 2.

Aningaasat, sillimmasiisarfii ataasiakkaat tamarmik aamma sulisitsisut Arbejdsmarkedets Erhvervssikringimut akiliinikkut akilertagaat, ukiumi atuuttumi 30. september tikillugu suliat nalunaarutigineqarsimasut tunngavigalugit aalajangersarneqartassapput. Aningaasat kingusinnerpaamik ukioq taanna ulloq 31. oktober akilerneqassaaq, tak. § 5, imm. 4, Arbejdsskadestyrelsenip aamma Ankestyrelsip pisunik Kalaallit Nunaanni sulinerimi ajoqusernermut isumannaarineq pillugu inatsimmi ilaatinneqartunik ingerlatsineranut akiliineq pillugu nalunaarummi nr. 1655, 21. december 2010-meersumi.

Arbejdsmarkedets Erhvervssikringip ukiumi tulluuttumi september naanerani ingerlatsinermut aamma ineriartortitsinermut suliassanut utaqqiisaagallartumik akiliineq kingornatigut naleqqussassavaa. Kingornatigut naleqqussaaneq sillimmasiisarfinnit aamma sulisitsisunit tamanit suliassat suliarineqarsimasut amerlassusivii aallaavigalugit ingerlanneqassaaq, akiliutinik Arbejdsmarkedets Erhvervssikringimut akiliinikkut inatsimmi § 64, imm. 1, nr. 2 malillugu, tak. § 5, imm. 5, Arbejdsskadestyrelsenip aamma Ankestyrelsip pisunik Kalaallit Nunaanni sulinerimi ajoqusernermut isumannaarineq pillugu inatsimmi ilaatinneqartunik ingerlatsineranut akiliineq pillugu nalunaarummi nr. 1655, 21. december 2010-meersumi.

Arbejdsmarkedets Erhvervssikringip pisussaaffigivaa sulinerimi ajoqusernerit pillugit suliani ajunngitsorsiassanut aamma taarsiissutitut aningaasartuutitut siumoortumik akiliussigallartarnissaq. Tassani akigititanut, ajunngitsorsianut aamma taarsiissutitut aningaasartuutit pineqarput. Tamanna assersuutigalugu atuuppoq aningaasartuutitut, ajutoorneq pillugu suliarinninnermut atatillugu aningaasartuutitut Arbejdsmarkedets Erhvervssikringimit akilerallakkanut, nammineq inigisami ikiortigisamut atorneqarsimasunut, pineqartup sulisitsisuata isumannaarinissamut pisussaaffeqarfiginngisaanut, tak. inatsimmi § 52 imm. 6, oqaaseqatigiit siulliat.

Aningaasartuutit Arbejdsmarkedets Erhvervssikringip siumoortumik akilerallarsimasai ukiunut ataasiakkaanut agguataarneqassapput. Agguaneq sillimmasiisarfinnik tamanik assigiisitsilluni ingerlanneqassaaq, sulinerimi ajutoornermut sillimmasiinermik ingerlatsisunik, tak. inatsimmi § 52, imm. 6, oqaaseqatigiit aappaat. Arbejdsmarkedets Erhvervssikringip qaammammi martsimi ukiup siuliani akilerneqarallarsimasut akileqqussavai, tak. § 4, imm. 3, sulisilluni ajoqusernermut isumannaarineq pillugu inatsit aamma sulisilluni ajoqusernerup kingunerinut isumannaarineq pillugu inatsit malillugit aningaasat Arbejdsmarkedets Erhvervssikringimit siumoortumik akilerallakkat agguataarneri aamma atorneqarneri pillugit nalunaarummi nr. 413, 24. april 2017-meersumi, tak. inatsimmi § 52, imm. 6, oqaaseqatigiit pingajuat, tak. § 4, imm. 4, oqaaseqatigiit aappaat, taarsiissutit il.il. ilaannut aningaasaliineq, sulisilluni ajoqusernermut isumannaarineq pillugu inatsit aamma sulisilluni ajoqusernerup kingunerinut isumannaarineq

pillugu inatsit malillugit Arbejdsmarkedets Erhvervssikringimit akilerneqartut pillugit nalunaarummi nr. 645, 28. juni 2019-imeersumi.

Isertitat taakkua Kalaallit Nunaanni sulinermi ajoqusernermut isumannaarineq pillugu inatsit malillugu Arbejdsmarkedets Erhvervssikringip akissaatigisai nalinginnaasumik aningaasartuutit missingersuutigineqartut assigissavai, soorluttaaq siulersuisut isumannaassagaat, qaqugukkulluunniit naammattunik aningaasaateqarnissaq, Kalaallit Nunaanni sulinermi ajoqusernermut isumannaarineq pillugu inatsit malillugu Arbejdsmarkedets Erhvervssikringip pisussaaffimminik naammassinninnissaanut.

Sulianik ingerlatsinissamut imaluunniit taarsiissuteqarnissamut il.il. naatsorsuutigeriinngisanik aningaasartuuteqarpat, taakkununga aningaasartuutitut Arbejdsmarkedets Erhvervssikringi siumoortumik akiliigallassaaq, aningaasartuutit kingorna naleqqussarniarlugit sillimmasiisarfinni akileqquneqarnissaata tungaannut aamma akiliinerit, sulisitsisut Arbejdsmarkedets Erhvervssikringimut akiligaasa akileqquneqarnissaata tungaannut, tak. inatsimmi § 64, imm. 1, nr. 2. Taamaattumik aningaasaateqarnissaq pisariaqartinneqassaaq piffissamiit, Kalaallit Nunaanni sulinermi ajoqusernermut isumannaarineq pillugu inatsit naapertorlugu Arbejdsmarkedets Erhvervssikringip siumoortumik aningaasartuutitut akiliigallarsimaneraniit, aamma akigititanut kiisalu taarsiissuteqarnissamut il.il. aningaasartuutitut akilerallakkat akileqquneqarnissaata tungaannut.

2.9.2. Suliassaqartitsinermit ministereqarfiup isumaliuutersuutai aamma aaqqissuussineq siunnersuutigineqartoq

Taarsissutitut il.il. akigititanut aamma akiliigallarnernut tunngatillugu aaqqissuussineq kinguneqarpoq, Arbejdsmarkedets Erhvervssikringip ukioq ataaseq sinnerlugu aningaasartuutitut akiliigallartarnissaa. Taamalilluni aaqqissuussinerup kingunerigivaa, Arbejdsmarkedets Erhvervssikringip aningaasanut tigoriaannarnut tunngatillugu unammilligassaqarnera.

Suliassaqartitsinermit ministereqarfiup aamma Namminersorlutik Oqartussat nalilerpaat, pisariaqartoq Arbejdsmarkedets Erhvervssikringi Kalaallit Nunaanni taarsiissutitut il.il. akigititanik aamma akilerallakkanik akileeqqusisarnissaanik periarfississallugu, Arbejdsmarkedets Erhvervssikringip aalaakkaanerumik akiliisinnaassuseqarnissaanik qulakkeerinnittumik.

Taamaattumik siunnersuutigineqarpoq, Arbejdsmarkedets Erhvervssikringip akigitinneqartunik ukiup siulliup (ukioq 1) aallartinnerani suliat Arbejdsmarkedets Erhvervssikringimut nalunaarutigineqarfianni siumoortumik akileeqqusisarnissaanut tunngavimmik pilersitsinissaa. Arbejdsmarkedets Erhvervssikringip ukiup tulliuttup aallartinnerani (ukioq 2) aningaasat sillimmasiisarfinniit ataasiakkaaniit akileqquneqartut naleqqussarsinnaavai, ukiumi 1-imi suliat nalunaarutigineqarsimasut amerlassusivii tunngavigalugit.

Piomasagaatigineqarpoq, akigitinneqartunik akileeqqusinerup annertussusaa ukiup 1-ip aallartinneraniit sulinermi ajutoornerit aamma inuussutissarsiornermi nappaatit nalunaarutigineqartussatut amerlassusissaattut naatsorsuutigineqartunik missingiussineq piviusorsiortoq tunngavigalugu annertussusilerneqartassaq. Sillimmasiisarfinniit aamma sulisitsisuniit akigititanik annertuallaartumik imaluunniit annikippallaartumik Arbejdsmarkedets Erhvervssikringimut akiliinerup kingorna ukiumoortumik naleqqussarneqartartoq, tak. § 64, imm. 1, nr. 2, ukiup 2-p aallartinnerani ingerlanneqassaaq.

Taamaaqataanik siunnersuutigineqarpoq, aningaasartuutissatut naatsorsuutigineqartunik piviusorsiortumik missingiussineq tunngavigalugu, Arbejdsmarkedets Erhvervssikringip taarsiissutissatut

akiliutigineqarallarsimasunik ukiup 1-ip aallartinnerani siumoortumik akileeqqusisinnaaneranut tunngavimmik pilersitsinissaq. Sillimasiisarfinniit aamma sulisitsisuniit ataasiakkaaniit, Arbejdsmarkedets Erhvervssikringimut akiliisartuniit, akileqquneqartunik ukiumoortumik kingorna naleqqussaaneq, tak. § 64, imm. 1, nr. 2, ukiup 2-p aallartinnerani ingerlanneqassaaq. Taarsiissutissanut il.il. akiliinermik siuartitsineq, Arbejdsmarkedets Erhvervssikringip akilerallarsimasaanik, malittarisassat atuuttut malillugit nammaqatigiittumik sillimasiisarfinniit attuumassuteqartuniit aningaasalersorneqassapput, aamma akileeqqusineq ullumikkut pissaaq qaammatisiutit ukiuanni tulluuttumi.

Allannguutit kingunerissavaat, Arbejdsmarkedets Erhvervssikringip aningaasartuutit inatsisitigut piunasaqaataasut akilernissaannut ingerlaavartumik pisariaqartumik akiliisinnaassuseqarnissaa.

Allannguutip kingunerissavaa, Arbejdsmarkedets Erhvervssikringip 2026-mi taarsiissutininik akilerallakkanik aamma 2025-mi 2026-milu akigitinneqartunik akileeqqusinissaa. Tamanna ukiuni marlunni aningaasartuutininik aamma akigititanik akileeqqusineq taamaallaat 2026-mi pissaaq. Ukiuni tulluuttuni taamaallaat ukiumi ataatsimi aningaasartuutit aamma akigitat amerlaqataannik akileeqqusisoqassaaq.

Siunnersuutip kingunerivaa, suliassaqartitsinermut ministerip akigitat angissusaannut, siumoortumik akileeqqusinermut aamma Arbejdsmarkedets Erhvervssikringimi ingerlatsinermut ineriartortitsinermullu sulianut kingorna naleqqussaanernut, aamma taarsiissutininut il.il. akiliutigigallakkanut malittarisassanik aalajangersaasussaanera, taamaalillutik akileeqqusinerit ataatsikkut pisinnaaniassammata. Taamaalilluni Kalaallit Nunaanni sulineri ajoqusernermut isumannaarineq pillugu inatsimmi § 52, imm. 6-imi aamma § 64, imm. 4-mi pisinnaatitsineq pillugu aalajangersakkat erseqqissarneqarput.

Allannguutit sulineri ajoqusernermut isumannaarineq pillugu inatsimmi malittarisassanik assigiissaarissapput.

Siunnersuummi § 1, nr. 24-26, 28 aamma 31, aamma oqaaseqaatit innersuussutigineqarput.

2.10. Sillimasiisarfik akiliisinnaajunnaaraangat imaluunniit sulineri ajutoornermut sillimasiissutininik ingerlatsinissamut akuersissummik arsaarneqaraangat, sulineri ajutoornermut sillimasiinernik aqutsinerup Erhvervssikringimiit ajutoornermut sillimasiisarfinnut Garantifondimut nuutsinneqarnera

2.10.1. Inatsisit atuuttut

Arbejdsmarkedets Erhvervssikringip sulineri ajoqusernermut sillimasiissutininik tigusinissamut pisussaaffia, sillimasiisarfup sulineri ajoqusernermut sillimasiinernik ingerlatsinissamut akuersissutaanik Finanstilsyni arsaarinnikkaangat, Kalaallit Nunaanni sulineri ajoqusernermut isumannaarineq pillugu inatsimmi § 59-imi ikkunneqarpoq inatsisikkut nr. 1528, 21. december 2010-meersukkut. Siornatigut peqqussutip § 62-ia inatsisikkut ingerlateqqinneqarpoq. Aalajangersagaq sulineri ajoqusernermut isumannaarineq pillugu inatsimmi § 54-imut siornatigut atuuttumut assinguvoq.

§ 59, imm. 1-ip kingunerivaa, ajoqusernerit tamarmik, sillimasiisarfimmut ingerlatseqatigiiffiup atorunnaarnerata kingorna nalunaarutigineqartut, sulineri ajoqusernermut sillimasiissutit Arbejdsmarkedets Erhvervssikringimut nassiunneqarnissaat, suliffeqarfiit aningaasarsiornernik ingerlataqartut pillugit inatsimmi § 250, imm. 2, imaluunniit suliffeqarfiit aningaasarsiornernik

ingerlataqartut pillugit Kalaallit Nunaannut inatsisip atuutilersinneqarnissaanut peqqussummi nr. 1252, 15. december 2004-meersumi § 275 imm. 2, malillugit sulinermi ajoqusernertut sillimmasiissutit Arbejdsmarkedets Erhvervssikringimit aqunneqalersimappata. Taamaaqataanik aningaasaatit Arbejdsmarkedets Erhvervssikringimut tunniunneqassapput, suliffeqarfiit aningaasarsiornermik ingerlataqartut pillugit inatsit naapertorlugu ingerlatseqatigiiffiup immikkoortissimasai, aamma atorunnaarsinneqarnerata nalaani inatsit malillugu ingerlatseqatigiiffiup sillimmasiissutaanut attuumassuteqartut.

Ilanngullugu § 59, imm. 2-mi allaqqavoq, sillimmasiissutit aqunneqarnerisa kingunerisaanik aningaasartuutit, Arbejdsmarkedets Erhvervssikringimit siumoortumik akilerneqartarnissaat. Sulinermi ajoqusernermut isumannaarineq pillugu inatsimmi § 48, imm. 6, oqaaseqatigiit pingajuanni malittarisassat malitsigivaat, qaammatisiutit ukiuinut tamanut aningaasartuutit sillimmasiisarfinnit tamanit agguataarneqarnissaat, sulinermi ajutoornertut sillimmasiisarfiusunit. Malittarisassat aamma taakkua malillugit aningaasat tunniunneqartut agguataarneqassapput.

Suliffeqarfiit aningaasarsiornermik ingerlataqartut pillugit inatsimmi § 250, imm. 1-imi, aamma suliffeqarfiit aningaasarsiornermik ingerlataqartut pillugit Kalaallit Nunaannut inatsisip atuutilersinneqarnissaanut peqqussummi nr. 1252, 15. december 2004-meersumi § 275, imm. 1-imi allaqqavoq, Finanstilsynip sillimmasiisarfik imminut sillimmasiinermik ingerlataqanngitsoq peqqussagaa, pisariaqartunik aaqqiinissamik, ingerlatseqatigiiffik sillimmasiinertut pisussaaffinnut tunngatillugu aningaasanik naammattunik immikkoortitsisimanngippat, ingerlatseqatigiiffiup aningaasataanik toqqissisimanartumik inissiisimanngippat imaluunniit inatsisinik eqquutsitsinngippat. Finanstilsyni qaqugu aaqqiinerit suliarineqareersimanissaat pillugu piffissarititaasumik aalajangersaassaaq.

Ilanngullugu siornatigut atuuttumi suliffeqarfiit aningaasarsiornermik ingerlataqartut pillugit inatsimmi § 250, imm. 2-mi allaqqavoq (inatsimmik nalunaarut nr. 1447, 11. september 2020-meersoq), suliffeqarfiit aningaasarsiornermik ingerlataqartut pillugit Kalaallit Nunaannut inatsisip atuutilersinneqarnissaanut peqqussummi nr. 1252, 15. december 2004-meersumi § 275, imm. 1-imut atuuttumut assingusumi, ingerlatseqatigiiffiup atorunnaarsinneqarnissaa pillugu Finanstilsynip aalajangiisinnaanera, aaqqitassatut peqqussutaasut piffissarititaasoq nallertinnagu aaqqinneqarsimanngippata, aamma aaqqiisimannginneq sillimmasersimasunut navianaateqartumik kinguneqarsinnaasutut nalilerneqarpat. Kalaallit Nunaanni sulinermi ajoqusernermut isumannaarineq pillugu inatsimmi § 59 naapertorlugu, ingerlatseqatigiiffik sulinermi ajutoornertut sillimmasiinermik ingerlataqarpat, Finanstilsynip ingerlatseqatigiiffiup sulinermi ajutoornertut sillimmasiinermik ingerlatsinissamut akuersissutaa utertissinnaavaa, tamatuma kingorna sillimmasersimasut Arbejdsmarkedets Erhvervssikringimit aqunneqalerlutik.

2.10.2. Suliassaqartitsinermit ministereqarfiup isumaliuutersuutai aamma aaqqissuussineq siunnersuutigineqartoq

Arbejdsmarkedets Erhvervssikringi sillimmasernernik ingerlatsinissamut pilersitaanngilaq, akерlianilli sulinermi ajoqusernerit pillugit sulianik ingerlatsinissamut pilersitaalluni. Ajoqusernermut sillimmasiisarfinnut garantifondi pillugu inatsisip, peqatigiiffiit aningaasaliisartut il.il. pillugit inatsisip,

aningaasanik peqquserluutitik malunnarunnaarsaasarneq pillugu inatsisip aamma inatsisit assigiinngitsut allat allanngortinneqarnissaannik inatsisikkut nr. 1163, 8. juni 2021-meersukkut, sulinerimi ajoqusernermut sillimmasiissutitik Arbejdsmarkedets Erhvervssikringip aqutsilernissamut pisussaaffeqarnera, sulinerimi ajoqusernermut sillimmasiisarfiup sulinerimi ajoqusernermut sillimmasiineramik ingerlatsinissamut akuersissutaanik arsaarneqaraangat, tak. sulinerimi ajoqusernermut isumannaarineq pillugu inatsimmi § 54 siornatigut atuuttoq, taamaattumik sulinerimi ajoqusernermut sillimmasiisarfiit Garantifondiannut nuunneqarpoq 1. juli 2021 aallarnerfigalugu. Taamaaqataanik § 54 atorunnaarsinneqarpoq aamma ajutoornermut sillimmasiissutit piusut, Arbejdsmarkedets Erhvervssikringip aqutai, sulinerimi ajoqusernermut sillimmasiisarfiit Garantifondiannut nuunneqarlutik.

Sulinerimi ajoqusernermut sillimmasiisarfiit Garantifondiata sillimmasiissutit tigoriissavai, sillimmasiisarfik sillimmasiineramik ingerlatsinissamik akuersissutaanik arsaarneqarpat. Sulinerimi ajoqusernermut sillimmasiisarfiit Garantifondip taamaalilluni aaqqissuussaavoq, sillimmasiissutitik ingerlatsinissamut piareersimasoq. Sulinerimi ajoqusernermut sillimmasiisarfiit Garantifondi inatsisikkut 2003-mi pilersinneqarpoq aamma sillimmasersimasut inatsisitigut toqqissisimanartumik inissisimanissaasa isumannaarnissaat siunertaralugu, aamma taakkua sillimmasiinermut isumaqatigiissutit malillugit isumannaarsimanissaat, sulinerimi ajoqusernermut sillimmasiisarfik akiliisinnaajunnaassagaluarpas.

Taamaalilluni ajoqusernermut sillimmasiisarfik akiliisinnaajunnaassagaluarpas aamma sillimmasiisarfiup Danmarkimi ajoqusernermut sillimmasiineramik ingerlatsinissamut akuersissutaanik arsaarneqassagaluarpas, sulinerimi ajoqusernermut sillimmasiisarfiit Garantifondiata ullumikkut suliniuteqarneq aquppa. Sulinerimi ajoqusernermut sillimmasiisarfiit Garantifondiata ajoqusernermut sillimmasiisarfiup akiliisinnaajunnaarnerani sillimmasersimasut aamma isumannaarsimasut isumaginissaat misilittagaqarfigilersimavaa. Tamanna misilittagaq Arbejdsmarkedets Erhvervssikringimi taama annertutigisumik pigineqanngilaq.

Suliassaqartitsinermit ministereqarfiup aamma Namminersorlutik Oqartussat nalilerpaat, sulinerimi ajoqusernermut sillimmasiissutitik aqutsilernissamut pisussaaffik, sulinerimi ajoqusernermut sillimmasiisarfiup Kalaallit Nunaanni sulinerimi ajoqusernermut sillimmasiineramik ingerlatsinissamut akuersissutaanik arsaarneqarpat, taamaaqataanik Arbejdsmarkedets Erhvervssikringimiit sulinerimi ajoqusernermut sillimmasiisarfiit Garantifondimut tunniunneqartariaqartoq. Tamanna aamma atuuppoq sillimmasiissutaasinnaasunut piusunut, Arbejdsmarkedets Erhvervssikringip aqulereersimasaanut sulinerimi ajoqusernermut sillimmasiisarfiit Garantifondiannut suliassamik nuussinermi. Tamatumuuna sulinerimi ajoqusernermut sillimmasiisarfik akiliisinnaajunnaarpat, imaluunniit sulinerimi ajoqusernermut sillimmasiineramik ingerlatsinissamut akuersissutaanik arsaarneqarpat, suliniuteqarneq ataatsimoortoq aamma ataqatigiissarneqartoq qulakkeerneqarpoq sillimmasersimasunut aamma isumannaarsimasunut attuumassuteqartunut iluaqutaasoq.

Taamaaqataanik aamma siunnersuut isumaqassaaq, Arbejdsmarkedets Erhvervssikringip sillimmasiineramik ingerlatsinnginnissaa, sillimmasiisarfik Kalaallit Nunaanni sulinerimi ajoqusernermut sillimmasiineramik ingerlatsisoq, taamatut ingerlatsinissamut akuersissutiminik arsaarneqarpat. Taamaalilluni Arbejdsmarkedets Erhvervssikringip qitiusumik suliassani kisiat ukkatarissavaa, tassaasoq sulinerimi ajoquserneq pillugu inatsit

malillugu attuumassuteqanngitsumik eqqortumillu aalajangiinissaq. Ilanngullugu siunnersuut isumaqassaaq, siunissami Arbejdsmarkedets Erhvervssikring Kalaallit Nunaanni aamma Danmarkimi suliaasaqarfimmi malittarisassat assigiinngitsut marluk malillugit aqutsissanngilaq.

Allannguutit sulinermi ajoqusernermut isumannaarineq pillugu inatsimmi malittarisassanik assigiissaarissapput.

Siunnersuummi § 1, nr. 23 aamma 27, § 2, imm. 2, aamma § 3, imm. 4-7, aamma oqaaseqaatit innersuussutigineqarput.

2.11. Nioqqutissianut akisussaannermut malittarisassanik ataqatigiinneq

2.11.1. Inatsisit atuuttut

Kalaallit Nunaanni sulinermi ajoqusernermut isumannaarineq pillugu inatsit malillugu taarsiiffigitinnissamut piumasaqarnerup aamma ajoqusiisutut akisussaaffeqartumit taarsiiffigitinnissamut piumasaqarnerup ataqatigiinneri Kalaallit Nunaanni sulinermi ajoqusernermut isumannaarineq pillugu inatsimmi § 70-imi aqunneqarpoq. Malittarisassat kingunerigivaat, Kalaallit Nunaanni sulinermi ajoqusernermut isumannaarineq pillugu inatsisip taarsiissuteqarnissamut akisussaaffeqarnermut tunngatillugu salliutinneqarnera, Kalaallit Nunaanni sulinermi ajoqusernermut isumannaarineq pillugu inatsit aamma nioqqutissianut akisussaaneq pillugu malittarisassat malillugit taarsiiffigitinnissamut piumasaqaateqartoqarsinnaappat, ajoqusiisutut akisussaasoqartillugu.

Inatsimmi § 70-imi malittarisassap ilanngullugu kingunerivaa, inatsit malillugu ikiorsiissutit ajoqusiisumit, ajoqusernut imaluunniit qimagaasunut taarsiissuteqarnissamut akisussaaffeqalersimasumit, taarsiiffigiteqqulluni piumasaqaatit tunngaviusinnaannginneri.

Kalaallit Nunaanni nioqqutissianut akisussaaneq pillugu malittarisassat Kalaallit Nunaanni nioqqutissianut akisussaaneq pillugu peqqussutikkut nr. 900, 30. august 2004-meersukut naammassineqarput. Malittarisassat nioqqutissianut akisussaaneq pillugu inatsimmut nr. 371, 7. juni 1989-imeersumut assingupput, nioqqutissianut akisussaaneq pillugu malittarisassat allaffissornikkut imaluunniit inatsisitigut naalagaaffiit ilaasortaasut aalajangersagaannut qanillattortitsineq pillugu EU-direktiv-imik 85/374/EØF, 25. juli 1985-imeersumik atuutilersitsisumut.

Kalaallit Nunaanni nioqqutissianut akisussaaneq pillugu inatsisip atuutilersinneqarnissaanut peqqussummi § 6-imi kinaassusersiunngitsumik ajoqusernermut akisussaaneq eqqunneqarpoq, nioqqutissiap ajoquteqarneranit pissuteqartumik. Aalajangersagaq taanna malillugu nioqqutissiamik ajoqutilimmik nioqqutissiortoq kinaassusersiunngitsumik akisussaaffeqarpoq. Peqqussummi § 10 malillugu akunnermuliuttutut niuertoq ajoqusernut aamma niuernermi kingusinnerusukut akunnermuliuttutut niuertunut akiliisussaatitaavoq.

Tamanna isumaqarpoq, ajoqusernut Kalaallit Nunaanni nioqqutissianut akisussaaneq pillugu inatsisip atuutilersinneqarnissaanut peqqussut malillugu nioqqutissiortunut, akunnermuliuttutut niuertunut imaluunniit taakkununga tamanut piumasaqaateqarsinnaanerannik, taakkuami tamarmik nammaqatigiillutik ajoqusernut akiliisussaatitaammata, tak. peqqussummi § 11. Peqqussummi § 13-imi allaqqavoq, taarsiiffigitinneq pillugu malittarisassat nalinginnaasut malillugit isumaqatigiissummi imaluunniit isumaqatigiissutitaqanngitsumik, imaluunniit malittarisassat inatsisini allani imaluunniit inatsisit allat

naapertorlugit aalajangersakkat malillugit ajoqusernut taarsiiffigitinnissamut periarfissaannik peqqussutip killilersuinnginnera.

2.11.2. Suliassaqartitsinermit ministereqarfiup isumaliuutersuutai aamma aaqqissuussineq siunnersuutigineqartoq

Kalaallit Nunaanni sulinermit ajoqusernermut isumannaarineq pillugu inatsimmi malittarisassat atuuttut kingunerivaat, sulisitsisut imaluunniit taakkua sillimmasiisarfii inatsit malillugu taarsiissuteqarlutik akiliisimasut, tunisassioortunut aamma akunnermuliuttutut niuertunut, tunisassianut akisussaaneq pillugu malittarisassat malillugit taarsiissuteqarnissamut akisussaasunut, akiliisitsinissamut piumasaqaateqarsinnaanngillat.

Suliassaqartitsinermit ministereqarfiup aamma Namminersorlutik Oqartussat nalilerpaat, sulisitsisut imaluunniit taakkua sillimmasiisarfii, tunisassianut akisussaaneq pillugu malittarisassat malillugit taarsiissuteqarnissamut akisussaasoqaraangat, Kalaallit Nunaanni tunisassioortumut imaluunniit akunnermuliuttutut niuertumut akiliisitsinissamut piumasaqaateqarsinnaanermut periarfissaqartariaqartut. Tamanna isumaqarpoq, tunisassiap ajoquteqarnerata kingunerisaanik sulinermit ajoqusertoqarpat, sillimmasiisarfiiup ajunngitsorsiaqartitsinermit aamma taarsiissuteqarnermut il.il. aningaasartuutit atorsimasai siunissami tunisassioortup imaluunniit akunnermuliuttutut niuertup matussusernissaannut peqquneqarsinnaassasut.

Taamaattumik siunnersuutigineqarpoq Kalaallit Nunaanni sulinermit ajoqusernermut isumannaarineq pillugu inatsimmi § 70, imm. 2-mi aalajangersakkamik atuutilersitsinissaq, tassani allaqqassalluni, taarsiissuteqarnissamut akisussaaffeqarneq pillugu inatsisip Kalaallit Nunaanni atulersinneqarnera pillugu peqqussut malillugu akisussaasoqaraangat, akiliisitsinissamut piumasaqaateqarsinnaaneq maannakkut inerteqqut atuutissanngitsoq. Tamanna isumaqarpoq, tunisassianut akisussaaneq pillugu malittarisassat malillugit akisussaaneq tunisassioortumit aamma akunnermuliuttutut niuertumit nassuerutigineqaraangat, imaluunniit eqqartuussutikkut aalajangerneqaraangat, tunisassioortunut imaluunniit akunnermuliuttutut niuertunut akiliisitsinissamut piumasaqartoqarsinnaasoq.

Ajoqusernut aamma qimagaasut taarsiiffigitinnissamut pisinnaatitaaffianut tunngatillugu annertussuseq apeqqutaanngilaq, taamaallaalli pineqarpoq kina taarsiissutinut il.il. naggataatigut akiliissanersoq.

Siunnersuutip kingunerissavaa, Arbejdsmarkedets Erhvervssikringip maannakkutut suliassaq ingerlatissagaa aamma Kalaallit Nunaanni sulinermit ajoqusernermut isumannaarineq pillugu inatsit malillugu taarsiiffigitinnissaq pillugu aalajangiilluni, tamatuma kingorna sillimmasiisarfiiup pineqartup, sulisitsisup imminut sillimmasersimasup imaluunniit Arbejdsmarkedets Erhvervssikringip ajoqusernut taarsiissutinik akiliinissaq pisussaaffigissallugu.

Taarsiissutit ajoqusernut tunniunneqarpata, Kalaallit Nunaanni sulinermit ajoqusernermut isumannaarineq pillugu inatsit malillugu taarsiissuteqarnissamut pisussaaffeqartoq, tamatuma kingorna tunisassioortumut, akunnermuliuttutut niuertumut imaluunniit taakkua sillimmasiisarfiiup akiliisitsinissamut piumasaqarsinnaanermut periarfissaqalissaaq. Akiliisitsinissamut piumasaqarsinnaanerp annertussusaa taarsiissutigineqartup assingaa, sulinermit ajoqusernermut isumannaarineq pillugu inatsit malillugu ajoqusernut pisinnaatitaaffigisaa aamma sulinermit ajoqusernermut sillimmasiisarfiiup il.il. akilersimasaa, taamaattoq sulisinnaajunnaarnermi ullormusiat akilernerqartut pinnagit, tak. inatsimmi § 10, nr. 2, aamma §§ 16-20. Kalaallit Nunaanni sulinermit ajoqusernermut isumannaarineq pillugu inatsit malillugu taarsiissuteqartoq, akiliisitsinissamut piumasaqarsinnaavoq, tassa ajutoornerit pineqartillugit sillimmasiisarfik aamma sulisitsisut imminnut sillimmasersimasut aamma inuussutissarsiornermi nappaatit

pineqartillugit Arbejdsmarkedets Erhvervssikringi, tak. inatsimmi § 52, imm. 1, oqaaseqatigiit aappaat, tak. § 60, aamma Gruppeforsikringi naapertorlugu suliat, tak. inatsimmi §§ 67-69.

Sulinermi ajoqusernermut sillimmasiisarfiit akiliisitsinissamut piumasaqarsinnaanermut pisussaaffeqanngillat, akiliisitsinissamut piumasaqarsinnaanermut pinngitsuuineq amerlasuunik pissuteqarsinnaammat, assersuutigalugu eqqartuussivikkut suliaqarnermi aningaasaqarnermut pissutaasut.

Tunisassioortumut imaluunniit akisussaaneq pillugu sillimmasiisarfimmut akiliisitsinissamut piumasaqarsinnaanerup piuneranik annertussusaanillu naliliinermit atatillugu akiliisitsinissamut piumasaqarsinnaaneq pillugu naliliineq, sulinermi ajoqusernermut isumannaarineq pillugu inatsit malillugu aalajangiinerunngillat. Akiliisitsinissamut piumasaqarsinnaaneq pillugu akerleriissutit eqqartuussivinni suliarineqassapput aalajangiiffigineqarlutillu.

Allannguutit sulinermi ajoqusernermut isumannaarineq pillugu inatsimmi malittarisassanik assigiissaarissapput.

Siunnersuummi § 1, nr. 34 aamma 35 aamma § 2, imm. 2, aamma oqaaseqaatit innersuussutigineqarput.

2.12. Aalajangersakkat allat

Tamatuma saniatigut siunnersuutigineqarpoq Kalaallit Nunaanni sulinermi ajoqusernermut isumannaarineq pillugu inatsimmi annikitsumik aaqqiinerit arlallit, tamarmiullutik inatsisip nutarterneqarnissaanik aamma pisariillisarneqarnissaanik siunertaqartut.

2.12.1. Inatsisit atuuttut

Akeqanngitsumik nerisaqarneq aamma ineqarneq

Inuussutissarsiorinnaanerup annaasaneqarneranut taarsiissutit naatsorneqarnerini ajoqusernut ajoquserneri sioqqullugu ukiumut aningaasarsiai ilaatinneqassapput, tak. Kalaallit Nunaanni sulinermi ajoqusernermut isumannaarineq pillugu inatsimmi § 28, imm. 1, oqaaseqatigiit siulliat. Ukiumut aningaasarsianut ilaatigut akeqanngitsumik nerisaqarnerit aamma ineqarnerit nalingi ilanngunneqassapput, tak. § 28, imm. 2.

Taamaalilluni suliasaqartitsinermut ministerip ukiut tamaasa aalajangersassavai 1. januar atuutilersumik ukiumi tulluuttumi inuit sulisitsisumi najugaqartut nerisaqarnerisa aamma ineqarnerisa nalingi.

Nerisaqarnermut aamma ineqarnermut akigitat Arbejdsmarkedets Erhvervssikringip (Sulisilluni Ajoqusernerit pillugit Sullissiviup) nittartagaani saqqummiunneqartassapput.

Taarsiissutit il.il. akilernerneqarnissaannut piffissarititaasumik allanngineq

Ullumikkut sillimmasiisarfiit il.il. ajunngitsorsianik aamma taarsiissutinik akiliisarput, ajoqusernut aamma qimagaasut Arbejdsmarkedets Erhvervssikringip aalajangiineranik nalunaarfigineqarneraniit kingusinnerpaamik sapaatip akunneri sisamat qaangiutsinnagit. Piffissarititaasoq ajoqusernut aamma qimagaasunut naammagittaalliuteqarnissamut sapaatit akunnerinik arfinilinnik piffissarititaasup sioqquppaa, taamaattumik naammagittaalliuteqarnissamut piffissarititaasup qaangiunnissaanut akiliineq nalinginnaasumik uninngatinneqartarluni. Aalajangiineq pillugu nalunaarutiginninnerup sapaatit akunneri sisamat qaangiutereerneranni aatsaat akiliineq pigaangat, ajunngitsorsiassat aamma taarsiissutissat erniaqartinneqartarput.

Suliap paasissutissiissutigineranut atasumik aningaasartuutitut akiliinermik erseqqissaaneq

Sulinermi ajoquserneq pillugu suliap suliarineqarneranut atatillugu arlalinnik aningaasartuutigineqassaaq.

Tamatumunnga ilaapput nakorsat nalunaarutaannut aningaasartuutit, tassunga ilanngullugit nakorsat immikkut ilinniarsimasut nalunaarutaat aamma toqungasumik pilattaalluni misissuineq pillugu nalunaarutit, kiisalu oqaaseqaatinut aamma uppersaatinut aningaasartuutit, tassunga ilanngullugit kukkunersiornermik naatsorsuinerit aamma nutserinerit pisariaqartinneqartut. Aningaasartuutit sillimmasiisarfinnit aamma Arbejdsmarkedets Erhvervssikringimit akilernerqassapput aamma akigitat naapertorlugit aningaasalersugaanatik, soorlu Arbejdsmarkedets Erhvervssikringip sulianik ingerlatsinera taamaattoq.

Suliamut paasissutissanik pissarsiniarneq

Arbejdsmarkedets Erhvervssikringip aamma Ankestyrelsen malittarisassat atuuttut malillugit, inunnut paasissutissanik sulineri ajoqusernit pillugit suliat ingerlanneqarnissaannut pisariaqartinneqartunik pissarsinissamut, ajoquserniti imaluunniit qimagaasunit akuersissummik pissarsiniarissaq pisussaaffiginngilaat. Kalaallit Nunaanni sulineri ajoqusernit pillugit suliat ingerlanneqarnerannut atatillugu nalunaarutiginninnerup tiguneqarsimanera pillugu ajoqusernut imaluunniit qimagaasunut allakkatigut uppersaat nassiunneqartarpoq. Tassunga atatillugu Arbejdsmarkedets Erhvervssikringip aamma Ankestyrelsen eqqumaffigeqqusarpaat, suliamik suliarinninnermut atatillugu paasissutissat suut pissarsiarineqarsinnaanersut. Tamanna assersuutigalugu ajoqusernup qanoq pisimanera pillugu paasissutissaasinnaavoq, kiisalu nakorsat paasissutissaataat soorlu nakorsat nalunaarutaat imaluunniit nakorsat nalunaarsuiffii. Peqatigalugu ajoqusernut imaluunniit qimagaasut qaqugu paasissutissanik pissarsiniarneq pillugu akertilisinnanerannut piffissarititaasoq aalajangersarneqassaaq. Taamaalluni paasissutissat pissarsiarinissaannut erseqqissumik akuersissummik pissarsiniartoqarneq ajorpoq.

2.12.2. Suliassaqartitsinnermut ministereqarfiup isumaliuutersuutai aamma aaqqissuussineq siunnersuutigineqartoq

Suliassaqartitsinnermut ministereqarfiup aamma Namminersorlutik Oqartussat naapertuuttut isigaat, Kalaallit Nunaanni sulineri ajoquserninnermut isumannaarineq pillugu inatsimmi arlalinnik allannguisoqarnissaa, inatsimmik nutarterinermik aamma naleqqussaannermik kinguneqartumik, tassunga ilanngullugu inatsisinik atuuttunik aaqqissuussineq, inatsip siunissami paasinarnerulernissaa aamma innuttaasunut suliassaqarfimmilu allanit inatsiseqarnikkut atuisunut atoruminarnerulernissaa siunertaralugu.

Akeqanngitsumik nerisaqarneq aamma ineqarneq

Suliassaqartitsinnermut ministereqarfiup aamma Namminersorlutik Oqartussat nalilerpaat, inatsimmi nerisaqarnermut aamma ineqarnermut assigiinngitsunik akigitataqarnissaq naapertuutinngitsoq. Taamaattumik siunnersuutigineqarpoq, nerisaqarnermut aamma ineqarnermut akigitat, inunnut sulisitsisuminni najugaqartunut tulluarnissaat. Tamatuma kingorna akigitat Kalaallit Nunaanni akileraartarnermut suliassaqarfimmi Kalaallit Nunaanni Akileraartarnermut Aqutsisoqarfiup akigitatut aalajangersagai malissavaat. Taamaalluni inatsimmi nerisaqarnermut aamma ineqarnermut akigitat siunissami nalunaarutikkut Suliassaqartitsinnermut ministereqarfimmit atuutilersinneqarlutik aalajangersarneqassanngillat.

Allannguutit sulineri ajoquserninnermut isumannaarineq pillugu inatsimmi malittarisassat Kalaallit Nunaanni pissutsinut naapertuuttumik assigiissarneqarnerannik kinguneqassapput.

Siunnersuummi § 1, nr. 7, aamma oqaaseqaatit innersuussutigineqarput.

Taarsiissutit il.il. akilernerqarnissaannut piffissarititaasumik allanngineq

Naammagittaalliuteqarnissamut piffissarititaasunik naatsorsuineq pillugu Justitsministereqarfiup

ilitsersuutaani nr. 9533, 26. juni 2018-imeersumi imm. 5.2-mi allaqqavoq, aalajangiinerup kingorna qarasaasiakkut naammagittaalliutit piffissarititaasup ulluata kingulliani unnuap qeqqanut killeqartut.

Akiliinissamut sapaatit akunnerini sisamani piffissarititaasup kingunerivaa, ilaannikkut akiliinissap uninngatinneqartarnera, naammagittaalliuteqarnissamut sapaatit akunnerini arfinilinni piffissarititaasup qaangiunnissaata tungaanut, suliani taamatut ittuni ernianik naatsorsuinissamik kinguneqartarluni. Taamaattumik siunnersuutigineqarpoq, ajoqusernut aamma qimagaasut aalajangiineq pillugu nalunaarutiginninnermik tigusaqareerneranniit, ajunngitsorsiassanik aamma taarsiissutissanik akiliinissamut piffissaliussap sapaatit akunnerinut arfineq-marlunnut allanngortinneqassasoq. Taamaaliornikkut naammagittaalliuteqarnissamut aamma akiliinissamut piffissarititaasoq sapaatip akunneranik ataatsimik nikisinneqarpoq. Siunnersuut akiliinissap suliarineqarnera eqqarsaatigalugu naapertuuttut nalileneqarpoq. Tamanna pissuteqarpoq, sulisitsisunit aamma naalagaaffiup suliffeqarfiinit imminnut sillimmasersimasunit naammagittaalliutit, taarsiissutinik akiliinermut tunngatillugu, kinguartitsinermik sunniuteqartarnerat. Tamanna tunngavigalugu naapertuutinnilaq, ajunngitsorsiassanik aamma taarsiissutissanik akiliinissamut piffissap naammagittaalliuteqarnissamut piffissarititaasoq sioqqullugu inissisimanera, tamanna sillimmasiisarfiup aamma Arbejdsmarkedets Erhvervssikringip, taarsiissutissat akileneqarnissaannik isumaginnittut, kukkusumik akiliisinnaaneranik imaluunniit kingusinaarluni akiliinerup erniaanik akiliisinnaaneranik kinguneqarmat.

Allannguutit sulineri ajoqusernermut isumannaarineq pillugu inatsimmi malittarisassat Kalaallit Nunaanni pissutsinut naapertuuttumik assigiissarneqarnerannik kinguneqassapput.

Siunnersuummi § 1, nr. 8, aamma tassunga oqaaseqaatit, innersuussutigineqarput.

Suliat paasissutissiissutigineranut atasumik aningaasartuutitut akiliinermik erseqqissaaneq
Kalaallit Nunaanni sulineri ajoqusernermut isumannaarineq pillugu inatsimmi erseqqissumik allaqqanngilaq, sulineri ajoqusernermut isumannaarinermut suliaasaqarfimmi, aningaasartuutit akigitatigut aningaasalersukkat saniatigut, suliamut paasissutissanut atasumik aningaasartuutit aningaasalersornissaannut sillimmasiisarfiit imaluunniit Arbejdsmarkedets Erhvervssikringi pisussaaffeqarnerisut. Taamaalilluni siunnersuutigineqarpoq, sillimmasiisarfiit ajutoornerit pillugit sulianut tunngatillugu aningaasartuutit tamaasa akilernissaannut pisussaaffeqarnerat, aamma Arbejdsmarkedets Erhvervssikringip inuussutissarsiornermi nappaatit pillugit sulianut tunngatillugu aningaasartuutit tamaasa akilernissaannut pisussaaffeqarnera erseqqissarnissaat. Tamatumani pineqarput aningaasartuutit, sulianik suliarinninnermut atatillugu toqqaannartumik aningaasartuutigineqartut, aamma suliarinninnermut akigitat atorlugit matussuserneqanngitsut. Ilaatigut pineqarput nakorsat nalunaarutaannut aamma aalajangiinerit nutserneqarnerinut akiliutit.

Allannguutit sulineri ajoqusernermut isumannaarineq pillugu inatsimmi malittarisassanik assigiissaarissapput.

Siunnersuummi § 1, nr. 16, aamma oqaaseqaatit innersuussutigineqarput.

Suliamut paasissutissanik pissarsiniarneq

Arbejdsmarkedets Erhvervssikringip aamma Ankestyrelsip pisussaaffigivaat, sulineri ajoqusernerit pillugit suliat suliarineqarnerannut atatillugu paasissutissat suut pissarsiarineqarsinnaaneri pillugit ajoqusersimasut imaluunniit qimagaasut ilisimatissallugit. Tamatumunnga atatillugu ajoqusersimasut imaluunniit qimagaasut

paasissutissanik pissarsiniarneq pillugu akerliinissaannut kingusinnerpaamik qaqugu piffissarititaasoq aalajangersarneqarpoq.

Siunnersuutigineqarpoq, Arbejdsmarkedets Erhvervssikringip aamma Ankestyrelsip ajoqusersimasunut imaluunniit qimagaasunut ilisimatitsinerminnut atatillugu erseqqissumik eqqumaffigeqqussagaat, paasissutissanik pissarsiniarneq pillugu akerliliineq suliap ingerlanneqarneranut ajoqusiinernik kinguneqarsinnaammat.

Siunnersuut Arbejdsmarkedets Erhvervssikringip imaluunniit Ankestyrelsip paasissutissanik aalajangersimasunik pissarsiniarneri pillugit ajoqusersimasut imaluunniit qimagaasut akerliliinissamut periarfissaannut sunniuteqassanngilaq, tamatuma kingorna Arbejdsmarkedets Erhvervssikringi imaluunniit Ankestyrelsi tamanna unitsissallugu. Akerlianik, paasissutissanik aalajangersimasunik pissarsiniarnissaq pillugu akerliliinissaq pillugu aalajangiinissap tunngavissaqarluarluni aalajangiunneqarnissaanut siunnersuut ikiuutaassaaq, tassani ajoqusersimasut imaluunniit qimagaasut ilisimassallugu, akerliliinerup suliap ingerlanneqarneranut ajoqusiisinaanera aamma taamaalilluni aalajangiinermut sunniuteqarsinnaalluni.

Allannguutit sulineri ajoqusernermut isumannaarineq pillugu inatsimmi malittarisassanik assigiissaarissapput.

Siunnersuummi § 1, nr. 17, aamma oqaaseqaatit innersuussutigineqarput.

3. Pisortat aningaasaqarnikkut kingunerisassai aamma piviusunnngortitsinerup kingunerisassai

Inatsisissatut siunnersuutip pisortat aningaasaqarnerannut tamakkiisumik kingunerisassai annertunngitsutut naatsorsuutigineqarput. Taamaattoq qaammatisiutit ukiuanni ataatsip ingerlanerani aningaasaqarnermut kingunerisassanik arlalinnik takkuttoqarsinnaassaaq. Aningaasartuutilli apparsinnaaneri imaluunniit qaffassinnaaneri siumoortumik naatsorsorneqarsinnaanngillat. Inatsisissatut siunnersuut annertuumik nalorninartulimmik ukiut ingerlanerini agguaqatigiissillugu ukiumut 100.000 kr-it angullugit appasinnerusumik aningaasaqarnikkut kingunerisassai naatsorsuutigineqarpoq.

Sulineri ajoqusernermut taarsiissutitut aningaasartuutaanerusinnaasut sulisitsisutut kommuninit aamma Naalakkersuisunit aningaasartuutigineqassapput. Ingerlaavartumik taarsiissutitik ataatsikkut tunniutassanngortitsinermut tunngaviit (taarsigassarsiat aningaasanngortinneqarnerannut naleqqersuutitut taagorneqartut) taarserneqarnerisa malitsigisaanik aningaasartuutit nikerarneri pisortat sulisitsisut malugissavaat aamma Kalaallit Nunaanni sulineri ajoqusernermut isumannaarineq pillugu inatsit malillugu, nerisaqarnermut aamma ineqarnermut akigititat immikkut ittut, Akileraartarnermut Aqutsisoqarfiup akigititaannik taarserneqarneri annikinnerusumik malugissavaat.

Kalaallit Nunaanni sulineri ajoqusernermut isumannaarineq pillugu inatsit malillugu piffissami tunniussineri taarsigassarsiat aningaasanngortinnerannut naleqqersuutitut atuuttunut immikkuualuttut marluk apeqqutaapput, tassunga ilanngullugit toqusoqartarnermut tunngatillugu piumasaqaatit aamma erniat qaffasissusaat. taarsigassarsiat aningaasanngortinnerannut naleqqersuutit ukiunut ilivitsunut aalajangersarneqartarput, tamanna imatut isumaqarluni, ajoquserut qaammatinngorlugit utoqqaassusaat apeqqutaatinneqarnani. taarsigassarsiat aningaasanngortinnerannut naleqqersuutini ilaapput suaassuseq apeqqutaatillugu toqusoqartarnermut tunngatillugu tunngavigisaq, U74-mut naleqqersuummik taaneqartoq, Danmarkimi 1960-ikkunni aamma 1970-ikkunni toqusoqartarnermut takussutissaasoq. Tamatuma saniatigut immikkuualuttutut ilaavoq aalajangersagaq 10 pct-imik qaffasissusilik, siunissami aningaasat

ernialersorneqarnissaannut, Danmarkimi 1970-ikkunni erniat qaffasissusaata assinga, taarsiissuteqarnermi ukiut tamaasa ataasiarluni sinneruttunut ilanngaatineqartartoq, taarsiissutit atorunnaarnissaasa tungaannut.

Siunnersuutigineqarpoq, taarsigassarsiat aningaasanngortinneqarnerannut naleqqersuutip U74-mut naleqqersuutaata taarserneqarnissaa aamma siunissami inuuneqqortussutsimut tunngatillugu piumasaqaatit aamma inuuneqqortussutsikkut pitsanngoriaatit pillugit Finanstilsynip uuttuutaata atorneqarnissaa. Ilanngullugu siunnersuutigineqarpoq, taarsigassarsiat aningaasanngortinneqarnerannut naleqqersuutip erniatigut qaffasissusaata nutarterneqarnissaa aamma erniap aalajangersimasup erniamik nikerartumik taarserneqarnissaa. Nangillugu siunnersuutigineqarpoq, ajoquserut ukiui ukiuni aamma qaammatini ukiuiinut aalajangersarneqarnissaat, maannakkutuunngitsoq ukiunut ilivitsunut. Naggataatigut siunnersuutigineqarpoq, taarsigassarsiat aningaasanngortinneqarnerannut naleqqersuummi immikkuualuttunik nutaanik arlalinnik ilanngussinissaq. Taamaalilluni taarsigassarsiat aningaasanngortinneqarnerannut naleqqersuummi ataatsikkut tunniutassanngortitanut ilanngaatuutilersinneqassalluni, ingerlaavartumik ukiumut taarsiissutitut akileraarummut ilanngaatineqartartumut assingusoq. Taamaaqataanik taarsigassarsiat aningaasanngortinneqarnerannut naleqqersuummi ataatsikkut tunniutassanngortitat ilanngarneqassapput, taakkunannga pigisanit pissarsianik ataatsikkut tunniutassanngortitsineri (ataatsikkut akiliutit) anguneqartussatut naatsorsuutigineqartunit. Naggataatigut taarsigassarsiat aningaasanngortinneqarnerannut naleqqersuummi ataatsikkut tunniutassanngortitat akinut naleqqussarneqartussaassapput, piffissap ingerlanerani akit aamma akissarsiat nalinginnaasumik qaffakkiartorerisa kingunerisaannik.

Taarsigassarsiat aningaasanngortinneqarnerannut naleqqersuutiniq nutarterinerup kingunerissavai ajoquserutitut, 53-it inorlugit ukiulinnut, ataasiarluni taarsiissuteqarnerit qaffasinnerusut aamma ajoquserutitut, 53-it sinnerlugit ukiulinnut, ataasiarluni taarsiissuteqarnerit appasinnerusut. Annertuumik qularnaatilimmik missiliuunneqarpoq, Kalaallit Nunaanni agguaqatigiissillugu ukiumut ataasiarluni ataatsimut ingerlaavartumik taarsiissutit ataatsikkut tunniutassanngortitsisarnissaq, inummut ataatsimut pisortani sulisitsisumi atorfeqarsimasumut. Taamaattumik pisortanut aningaasartuutit toqqaannartumik malitsiussapput, ukiumi ataatsimi suut aalajangiinneqarneritut, aamma tassunga ilanngullugit inuussutissarsiorsinnaanermik annaasaqarnerup annertussusaa, ajoqusinnginnermi ukiumut aningaasarsiat kiisalu ukiut.

Ajoqusersimasooq ukiunit 53-init inuusunneruppat, pisortat sulisitsisut aningaasartuutit annertunerusut nalaassavaat. Akerlianilli ajoqusersimasooq ukiunit 53-init utoqqaaneruppat, pisortat sulisitsisut aningaasartuutit appariarneri malugissallugit. Piffissami 2011-miit 2022-mut ataatsikkut tunniutassanngortitsinerimik tigusaqartut agguaqatigiissillugu 56-inik ukioqarput. Tamanna tunngavigalugu missiliuunneqarpoq, inatsisissatut siunnersuut ukiuni arlalinni pisortat aquaqatigiissillugu 100.000 kr-inik aningaasartuutigisartagaasa ukiumut appariarnerannik kinguneqassasoq.

Kalaallit Nunaanni sulineri ajoqusernermut isumannaarineq pillugu inatsit malillugu nerisaqarnermut aamma ineqarnermut akigitat immikkut ittut Akileraartarnermut Aqutsisoqarfiup akigititaanik taarserneqartussaammata, aamma aningaasartuutaanerisumik pilersitsisoqassaaq. Ajoquserup ajoqusernini sioqqullugu nerisaqarnermi aamma ineqarnermi nalingisa ukiumut aningaasarsiamitut ilanngullugit naatsorsorneqarnissaannut pisinnaatitaaffeqartillugu, pisortat sulisitsisut pisumut ataatsimut 10.000 kr-it miss. aningaasartuutaanerisut nalaassavaat. Missiliuunneqarpoq, ukiut amerlasuut ingerlaneranni ataasiaannartumik taamatut pisoqartarnissaa.

Inatsisissatut siunnersuutip inatsisinut digitalinngorsaanermut piareersimasunut tunngaviit malippai, aamma nalunaarutiginninnissamut piumasaqaatinik tulluarsaaneq nalilerneqarpoq, malittarisassat pisariitsuunissaannik aamma erseqqissuunissaannik tunngavimmuut 1-imut aamma taaguutit paasisutissallu assigiaartut tamakkerlutik imminnut atatqatigiinnissaannut tunngavimmuut 4-mut immikkut isumaginninnera.

Inatsisissatut siunnersuutip piviusunngortinneqarnera pisortanut kinguneqassanngitsoq nalilerneqarpoq.

4. Inuussutissarsiortut il.il. aningaasaqarnikkut aamma allaffissornikkut kingunerisassai

Inuussutissarsiornermut tunngatillugu uummaarissumik naleqqussaanermut tunngaviit tallimat, teknoligiit digitaliusut aamma niueriaatsit nutaat atornissaannik oqilisaassissut, inatsisissatut siunnersuummut matumunnga sunniuteqannginnissaat nalilerneqarpoq, tassami nalimmassaanerit, sulinermit ajutoornerit pillugit nalunaarutiginninnissamut malittarisassat ataatsimoorussat kingunerisaa, sulitsisut allaffissornerannut kinguneqartussaannngitsutut nalilerneqarmat.

Inatsisissatut siunnersuutip Kalaallit Nunaanni inuussutissarsiortunut aningaasaqarnikkut ataatsimut kingunerisassai annikitsuinnaasussat missiliuunneqarput. Taamaattoq qaammatisiutit ukiuanni ataatsimi aningaasaqarnikkut nikerartoqarsinnaassaaq. Siumoortumik nalileruminaappoq, aningaasartuutit appariassanersut imaluunniit qaffariassanersut. Annertuumik qularnaatilimmik missiliuunneqarpoq, inatsisissatut siunnersuut agguaqatigiissillugu, ukiut arlallit ingerlanerini, Kalaallit Nunaanni inuussutissarsiortut aningaasartuutaat annikitsumik appariarnissaat ukiumut 400.000 kr-it angullugit.

Siunnersuutip kingunerissavaa, sulisitsisut sulinermit ajoqusernernut taarsiissutitut aningaasartuuteqarnissaat. Sulisitsisut namminersortut, ingerlaavartumik taarsiissutitnik ataatsikkut tunniutassanngortitsinermit tunngaviit (taarsigassarsiat aningaasanngortinneqarnerannut naleqqersuutitut taagorneqartut) taarserneqarnerisa kingunerisaannik aningaasartuutimi nikerarnerat nalaassavaat, aamma Kalaallit Nunaanni sulinermit ajoqusernermut isumannaarineq pillugu inatsit malillugu nerisaqarnermut aamma ineqarnermut akigitit immikkut ittut Akileraartarnermut Aqutsisoqarfiup akigititaanik taarserneqarnerisa malitsigisaannik malunnaatilimmik annikinnerusumik.

Kalaallit Nunaanni sulinermit ajoqusernermut isumannaarineq pillugu inatsit malillugu taarsigassarsiat aningaasanngortinneqarnerannut naleqqersuutit atuuttut tunniussinerup nalaani immikkuualuttunik marlunnik apeqqutaatissippot, tassunga ilanngullugit toqusoqartarnermut tunngatillugu piumasaqaatit aamma erniat qaffasissusaat. taarsigassarsiat aningaasanngortinneqarnerannut naleqqersuutit aalajangersarneqartarput ukiunut ilivitsunut, tamanna isumaqarluni, ajoquserit qaammatinngorlugit utoqqaassusaata apeqqutaatinneqannginneranik. Taamaalluni taarsigassarsiat aningaasanngortinneqarnerannut naleqqersuummut ilaavoq toqusoqartarnermut tunngavik suaassutsimut tunngasoq ilaavoq, U74-imut naleqqersuutitut taagorneqartoq, Danmarkimi 1960-ikkunni aamma 1970-ikkunni toqusoqartarnermut takussutissaasoq. Tamatuma saniatigut 10 pct-imik qaffasissusilittut aalajangersarneqartoq immikkuualuttutut ilaatinneqarpoq, aningaasat siunissami ernialersorneqarnissaannut Danmarkimi 1970-ikkunni erniat qaffasissusaannut assingusumik, ataatsikkut tunniutassanngortitaniit ukiut tamaasa ilanngaatinneqartoq, taarsiissutit atorunnaarnissaasa tungaannut sinneruttunut.

Siunnersuutigineqarpoq taarsigassarsiat aningaasanngortinneqarnerannut naleqqersuutip U74-imut naleqqersuutaata taarserneqarnissaa aamma inuuneqqortussutsimut tunngatillugu piumasaqaatinut aamma inuuneqqortussutsimut tunngatillugu pitsanngoriaatinut Finanstilsynip uuttuutaata siunissami atornerarnissaa. Ilanngullugu siunnersuutigineqarpoq taarsigassarsiat aningaasanngortinneqarnerannut naleqqersuutip erniatigut qaffasissusaata nutarterneqarnissaa aamma erniat aalajangersimasut ernianik

nikerartunik taarserneqarnissaat. Nangillugu siunnersuutigineqarpoq, ajoqusernut ukiuisa ukiut aamma qaammatit atorlugit ukiuiunut aalajangersarneqarnissaat, maannakkutuunngitsoq ukiunut ilivitsunut. Naggataatigut siunnersuutigineqarpoq, taarsigassarsiat aningaasanngortinneqarnerannut naleqqersuummi immikkuualuttunik nutaanik arlalinnik ilanngussinissaq. Taamaalilluni taarsigassarsiat aningaasanngortinneqarnerannut naleqqersuummi ataatsikkut tunniutassanngortitanut akileraaruteqartitsineq atuutilersinneqassalluni, ingerlaavartumik ukiumut taarsiissutinut akileraarutitut ilanngaatineqartartumut assingusumik. Taamaaqataanik taarsigassarsiat aningaasanngortinneqarnerannut naleqqersuummi ataatsikkut tunniutassanngortitat ilanngarneqassapput, ataatsikkut tunniutassanngortitsinermi (ataatsikkut akiliutit) pigisanit pissarsiat naatsorsuutigineqartut. Naggataatigut taarsigassarsiat aningaasanngortinneqarnerannut naleqqersuummi ataatsikkut tunniutassanngortitat akitigut naleqqussarneqartussaassapput, piffissap ingerlanerani akinut aamma akissarsianut qaffaanerit nalinginnaasut kingunerisaannik.

Tamanna ajoqusernut, 53-nik ukiulinnit inuusunnerusunut, qaffasinnerusumik taarsiissuteqarnissamik aamma ajoqusernut, 53-nik ukiulinnit utoqqaanerusunut, appasinnerusumik taarsiissuteqarnissamik kinguneqassaaq. Annertuumik qularnaatilimmik missiliuunneqarpoq, ajoqusernut sulisitsisumi namminersortumi atorfeqarsimasunut tunngatillugu ukiumut agguaqatigiissillugu sisamanik allanngortitsisoqartarnissaa. Taamaattumik Kalaallit Nunaanni inuussutissarsiortunut aningaasartuutit toqqaannartumik kinguneqassapput suut aalajangiinerit ukiuni ataasiakkaani aalajangerneqartarnerannut, tassunga ilanngullugit inuussutissarsiorsinnaanermik annaasaqarnerup annertussusaa, ajoquserneq sioqqullugu ajoqusernut ukiumut akissarsiai kiisalu ukiui. Ajoqusernut 53-nik ukiulinnit inuusunneruppat, sulisitsisut namminersortut aningaasartuuteqarneruneq nalaassavaat. Akerlianik ajoqusernut 53-nik ukiulinnit utoqqaaneruppat, sulisitsisut namminersortut aningaasartuutikinneruneq nalaassavaat.

Piffissami 2011-miit 2022-mut taarsiissutinik ataatsikkut tunniutassanngortitanik tigusaqartut agguaqatigiissillugu 56-inik ukioqarput. Tamanna tungavigalugu missiliuunneqarpoq, inatsisissatut siunnersuut namminersortut inuussutissarsiortut ukiuni arlalinni ukiumut aningaasartuutaasa agguaqatigiissillugu 400.000 kr-it angullugit annikitsumik appariarnissaannik kinguneqarnissaa.

Kalaallit Nunaanni sulinerimi ajoqusernermut isumannaarineq pillugu inatsit malillugu nerisaqarnermut aamma ineqarnermut akigitat immikkut ittut Akileraartarnermut Aqutsisoqarfiup akigititaanik taarserneqarnerisa malitsigisaannik aningaasartuutaanerusut pilersinneqassapput. Ajoqusernut akeqanngitsumik nerisaqarnerup aamma ineqarnerup nalingisa pineqartup ukiumut aningaasarsiaanut ilanngunneqarnissaannik pisinnaatitaaffeqarpat, namminersortut sulisitsisut pisumi ataatsimi 10.000 kr-inik aningaasartaataanerusut nalaassinnaavaat. Missiliuunneqarpoq, pisup taamaattup taamaallaat ukiut amerlasuut ingerlaneranni pisinnaanera.

Inatsisissatut siunnersuut nalilerneqarpoq Arbejdsmarkedets Erhvervssikringimut allaffissornikkut annikitsumik kinguneqarnissaa. Kingunerisassat taakkua nalilerneqarput 4 mio. kr-it inungaatsiassagaat, taamaattumillu saniatigut naatsorsuisoqassanngitsoq.

Inatsisissatut siunnersuut nalilerneqarpoq Kalaallit Nunaanni inuussutissarsiortut allaffissornerannut kinguneqassanngitsoq.

5. Innuttaasunut allaffisornikkut kingunerisassai

Ajoqusernut imaluunniit qimagaasunut, Europap avataani najugaqartunut, naammagittaalliuteqarnissamut piffissarititaasup allanngortinneqarnissaanik siunnersuut, innuttaasunut killilimmik allaffissornikkut kinguneqassaaq.

Ajoqusertunut imaluunniit qimagaasunut naammagittaalliuteqarnissamut piffissarititaassapput sapaatip akunneri arfinillit, naammagittaalliuteqartup aalajangiinermik tigusaqarnerata kingorna, ajoqusertut imaluunniit qimagaasut najugaqarfiat apeqqutaatinnagu. Malittarisassat atuuttut malillugit ajoqusertunut imaluunniit qimagaasunut, Europap avataani najugaqartunut, naammagittaalliuteqarnissamut piffissarititaasoq qaammatit pingasuupput. Digitalinngortitsineq nalinginnaasoq isumaqarpoq, ajoqusertut aalajangiussami atuarnissaannut aamma taakkua qarasaasiat aqutigalugit naammagittaalliutiginissaannut periarfissaqarnerat, pineqartup sumi najugaqarnera apeqqutaatinnagu. Taamaattumik ajoqusertunut naammagittaalliuteqarnissamut piffissarititaasut sivitsorneqarnissat pisariaqarunnaarpoq, Europap avataani najugaqartunut. Ankestyrelsi pisuni immikkut ittuni naammagittaalliuteqarnissamut piffissarititaasunik immikkut qinnuteqarnissamut nangittumik periarfissaqassaaq.

Inatsisissatut siunnersuut nalilerneqarpoq innuttaasunut allaffissornikkut kinguneqassanngitsoq.

6. Silap pissusianut kingunerisassai

Inatsisissatut siunnersuut nalilerneqarpoq silap pissusianut kinguneqassanngitsoq.

7. Avatangiisinut aamma pinngortitamut kingunerisassai

Inatsisissatut siunnersuut nalilerneqarpoq avatangiisinut aamma pinngortitamut kinguneqassanngitsoq.

8. EU-mi inatsiseqarnermut tunngasut

Inatsisissatut siunnersuut nalilerneqarpoq EU-mi inatsiseqarnermut tunngasunut kinguneqassanngitsoq.

9. Oqartussat aamma kattuffiit il.il. tusarniaaffigineqartut

Inatsisissatut siunnersuummut missingiut piffissami ulloq xx. qaammat 20xx-miit ulloq xx. qaammat 20xx-mut tulluuttunut oqartussanut aamma kattuffinnut il.il. nassiunneqarluni tusarniutigineqarpoq:

AK (Atorfillit Kattuffiat), Ankestyrelsi, Arbejdsmarkedets Erhvervssikringi, Arbejdsmarkedets Tillægspension, Suliffigissaaneq pillugu siunnersuisoqatigiit, Kalaallit Nunaanni Ilinniagartuut Kattuffiat (ASG), Naalakkersuisut Siulittaasuata Naalakkersuisoqarfia, Aningaasaqarnermut Naalakkersuisoqarfik, Nunanut Allanut Naalakkersuisoqarfik, Aalisarnermut Piniarnermullu Naalakkersuisoqarfik, Isumaginninnermut Naalakkersuisoqarfik, Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik, Aatsitassanut Naalakkersuisoqarfik, Avatangiisinut Naalakkersuisoqarfik, Ineqarnermut Attaveqaasersuutinullu Naalakkersuisoqarfik, Peqqissutsimut Naalakkersuisoqarfik, Forsikring & Pension, Sulisitsisut, Namminersorlutik Oqartussat, IMAK (Ilinniartitsisut kattuffiat), KNAPK (aalisatut piniartullu kattuffiat), Kalaallit Nunaanni kommunit, NPK (Perorsaasut Kattuffiat), NUSUKA (sulisitsisut kattuffiat), PK (Peqqissaasut Kattuffiat), Kalaallit Nunaanni Naalagaaffiup Sinniisua, Savalimmiuni Naalagaaffiup Sinniisua, SIK (sulisartut inuussutissarsiuteqartut kattuffiat) aamma Styrelsen for Arbejdsmarked og Rekruttering (suliffeqarnermut aamma sulisussarsiornermut aqutsisoqarfik).

10. Skema eqikkagaq

	Kingunerisassat pitsaasut /anigaasartuutit annikinnerusut (aappiuppat, annertussuseq allaguk)	Kingunerisassat pitsaanngitsut /anigaasartuutaanerusut (aappiuppat, annertussuseq allaguk)
Naalakkersuisunut kommuninullu anigaasaqarnikkut kingunerisassai	Ukiumut anigaasartuutit 100.000 kr- nik annikillineri (ukiut arlallit ingerlanerannut agguaqatigiissillugu missiliuussineq)	Soqanngilaq
Naalakkersuisunut kommuninullu piviusunngortitsinikkut kingunerisassai	Soqanngilaq	Soqanngilaq
Inuussutissarsiorturnut anigaasaqarnikkut kingunerisassai	Ukiumut anigaasartuutit 400.000 kr- nik annikillineri (ukiut arlallit ingerlanerannut agguaqatigiissillugu missiliuussineq)	Soqanngilaq
Inuussutissarsiorturnut allaffissornikkut kingunerisassai	Soqanngilaq	Soqanngilaq
Innuttaasunut allaffissornikkut kingunerisassai	Soqanngilaq	Soqanngilaq
Silap pissusianut kingunerisassai	Soqanngilaq	Soqanngilaq
Avatangiisinut pinngortitamullu kingunerisassai	Soqanngilaq	Soqanngilaq

Inatsisissatut siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut

§ 6, imm. 1-imi aalajangersakkami atuuttumi allaqqavoq, ajutoorneq imatut paasineqassasoq pisoq imaluunniit sunnerneqarneq pissutigalugu inuup ajoqusernera, tassanngaannaq imaluunniit ullut tallimat iluanni pisoq. Inuup ajoqusernera ullut tallimat iluanni tassanngaannaq pisunit imaluunniit sunnerneqarnernit pissuteqassaaq. Inatsimmi § 5-imi, ajoquserneq sulinerup imaluunniit pisut nalaanni pissutsit kingunerisaannik pisimanissaanik piumasaqaat nangittumik naammassineqassaaq.

Inatsisissatut siunnersuutikkut siunnersuutigineqarpoq § 6, imm. 2-imik nutaamik ikkussinissaq, tamatuma kingorna inuup ajoqusernera, tak. imm. 1, timikkut imaluunniit tarnikkut ajoqusernerusinnaalluni aamma ataavartuusinnaalluni imaluunniit qaangiuttussaasinnaalluni. Piumasaqaataanngilaaq, inuup ajoqusernerata kingunerissagaa suliaritittariaqarneq, imaluunniit inuup ajoqusernini pillugu suliaritissimanissaa.«

Ataatsimut imm. 1 atuuttoq, nutaamut siunnersuutigineqartumut imm. 2-mut ataqatigiissillugu, inuup ajoqusernera nassuiassavaa, inatsimmut ilaatinneqartoq aamma sulinermi ajoqusernertut akuersaarneqarsinnaasoq.

Nutaamut § 6, imm. 2-mut siunnersuut, inatsit malillugu inuup ajoqusernera qanoq paasineqassanersoq, paasinninnermut erseqqinnerusumik nassuiaavoq. Taamaalluni erseqqissarneqarpoq, inuup ajoqusernera timikkut imaluunniit tarnikkut peqqissutsikkut ajoqusernerusinnaasoq.

Inatsisissatut siunnersuummi allaqqassaaq, aamma inuit ajoquserneri qaangiuttussat sulinermi ajoqusernertut akuersaarneqarsinnaaneri, ajoquserneq qaangiunniaruni suliaritinnissamik piumasaqarfiunersoq apeqquataatinnagu, aamma ajoquserneq nakorsartinnikkut suliaritissimanersoq apeqquataatinnagu. Inuup ajoqusernera qaangiuttussaq assersuutigalugu tassaasinnaavoq iki, annikitsumik pillutsinneq, qaratsamik sajuppillatsitsineq piffissap sivikitsup ingerlanerani nammineerluni qaangiuttussaq, imaluunniit artukkigaanermi qisuariaat/naleqqussarnermi qisuariaat tassanngaannaq pisumik navianartorsiorfiusumi pilersinneqartoq, peqqissutsikkut kingunerisat nakorsartinnissamik pisariaqartitsilernersut imaluunniit naamik apeqquataatinnagu. Akerlianik assersuutigalugu annikitsumik tilluusarneq, kimillanneq imaluunniit tupanneq inatsit malillugu nangittumik inuup ajoquserneratut isigineqassanngillat. Immikkoortitsinnermut aalajangiisuvoq, kingunerisat kingullertut taaneqartut ajoquserut peqqissutsikkut inissisimanerannut aamma kingorna inissisimalernerannut apeqquataanninnerat. Sunnerneqaatit kingunerisaat killigineqassaaq, nalinginnaasumik paasinnittaaseqarneq malillugu inuup ajoquserneratut isigineqanngitsoq. Imatut paasillugu, timikkut imaluunniit tarnikkut kinguneqarnani, ajoquserut nalinginnaasumik inissisimaneranut imaluunniit ulluinnarni inuunermik ingerlatsineranut, arlaannaatigulluunniit - qaangiuttussamik imaluunniit ataavartumik - sunnuteqartumik.

Ajoqusernermik taaguutip allanngortinneqarnissaanik, pisup imaluunniit sunnerneqaatip ajoqusernermik nalunaarutiginninnermik kinguneqarnissaanut naleqquttuunissaa, siunnersuutip allanngortissanngilaa. Taamaalluni piumasaqaatigineqarpoq, suleriaatsimut atuuttumut naapertuuttumik, pisup sulinermi ajoqusernertut akuersaarneqarsinnaanera pillugu nalilersuineri, nangittumik pingaartinneqarnissaa, pisoq imaluunniit sunnerneqaat ataavartumik imaluunniit qaangiuttussamik timikkut imaluunniit tarnikkut ajoqusernermik kinguneqarsimanersoq, kiisalu pisoq imaluunniit sunnerneqaat pineqartumi ajoqusernertumi inuup ajoqusernera nalunaarutigineqarsimasooq naleqquttuunersoq. Tamanna Eqqartuussiviit Qullersaata

eqqartuussutaani 9. november 2016-imeersumi allaqqavoq, Ugeskrift for Retsvæsen 2017-imi, qupperneq 516 H ilanngunneqartoq. Eqqartuussut aamma Kalaallit Nunaanni inatsiseqartitsineri pissutsinut pingaaruteqarpoq.

Ajutoornerit, kapuutitut ipertuunut kapinerup kingunerisaanik pilersut (kapilluni ajoqusernerit), qulaani allassimasut apeqqutaatinnaq sulineri ajoqusernertut akuersaarneqarsinnaassapput, ajutoornerit taamaattut ajoqusernertut peqqissusaannut sunniuteqanngikkaluarpataluunniit, tassami kapilluni ajoqusernerit sakkortuumik kinguneqartitsinissaat aarlerinaateqarsinnaammat, aatsaat kingusinnerusukkut ersiuteqalersitsisunik. Tamanna eqqartuussiviit qullersaata eqqartuussutaa sioqqullugu suleriaatsimut assinguvoq.

Ajoqusernermik taaguutip allanngortinneqarnissaanik siunnersuutip uppersaateqarnissamik piimasaqaat allanngortissanngilaa. Tamanna isumaqarpoq, nangittumik suleriaatsinut atuuttunut naapertuuttumik, paasissutissanik pigeriikkanik uppersaanaissamut tunngatillugu naliliisoqarnissaanik, aamma pisup imaluunniit sunnerneqaatip aamma inuup ajoqusernerata akornanni pissutaasunut ataqtigiiitoqarsinnaanera pillugu inatsisilerinikkut aamma nakorsaatitigut naliliisoqarnissaanik. Tassani naliliineri ilaatinneqarput pisup imaluunniit sunnerneqaatip pissusaa, ajoqusernerup suussusaa, akornutit qanga pilersimaneri aamma pissutsit allat attuumassuteqartut. Taamaalluni nakorsaatitigut pissutaasut ataqtigiinneri kisimiinngillat, kisianni immikkuaallutut arlallit akornanni ilaallutik.

Ajoqusernermik taaguutip allanngortinneqarnissaanik siunnersuutikkut piimasaqaatigineqarpoq, nakorsat peqqissaarussamik naliliinissaannik pisariaqartitsisoqannginnissaa, pisoq pineqarpat, ajoqusernermik ingerlaannaq nassuiaasinnaasoq. Tamanna suleriaatsimut assinguvoq, Eqqartuussiviit Qullersaata 2013-imi eqqartuussutaa sioqqullugu atuuttumut (saqqummiunneqartoq Ugeskrift for Retsvæsen 2014-imi, qupperneq 452 H). Eqqartuussiviit Qullersaata aalajangerpaa, ajoqusernermik taaguutip sulineri ajoqusernermut isumannaarineq pillugu inatsit malillugu taarsiissuteqariaatsinut ajoqusernertut pisinnaatitaaffigisaannut ataqtigiissillugu isigineqarnissaa, taamaalluni ajoqusernermik taaguutip, sulineri ajoqusernermut isumannaarineq pillugu inatsit malillugu ikorsiissutitut tunniunneqarsinnaasunut isigineqarluni. Eqqartuussutit kingunerivaa, anniarnertit qaangiuttussat, suliaritinnissamik pisariaqartitsinngitsut, kisianni nammineerlutik qaangiuttussat, nalinginnaasumik inuup ajoquserneratut isigineqassanngitsut. Tamatumani assersuutigalugu pineqarpoq, sanasup majuartarfinniit nakkarnera najungasualu ataatsip napinera, napisorlu suliarineqarnani mamilluni, imaluunniit quersuarmi sulisoq karsimik kivitsinerlunnera aamma ataavartumik qitimidut annialarluni, suliaritinnertaqanngitsumik piffissap ingerlanerani nammineerlutik qaangiuttussaq.

Inuit, Kalaallit Nunaanni sulinerminnut atatillugu ajoqusersimasut, Kalaallit Nunaanni sulineri ajoqusernermut isumannaarineq pillugu inatsit malillugu napparsimanersiuteqarnissamut pisinnaatitaaffeqarsinnaapput, imatut pisoqarpat ajoqusernerup kingorna minnerpaamik ullup ataatsip qaangiunnerani tamakkiisumik imaluunniit ilaannakortumik sulisinnajunnaarnermik ajoquserneq kinguneqarluni. Taamaattumik Ankestyrelsen tunngaviummik aalajangiinnermi 61-16-imi, ajoqusernermik taaguutip taarsiissuteqariaatsinut ataqtatitittutut isigineqarnissaanik tunngavik aallaavigalugu, Kalaallit Nunaanni sulineri ajoqusernermut isumannaarineq pillugu inatsit malillugu ajoqusernertut pisinnaatitaaffigisaa, aalajangerpaa, ajoquserneq qaangiuttussaq, qaangiunnissaminut suliaritinnissamik pisariaqartitsinngitsaq, Kalaallit Nunaanni sulineri ajoqusernermut isumannaarineq pillugu inatsit malillugu sulineri ajoqusernertut akuersaarneqarsinnaanera, pisumi akuersaarnertup kingunerippagu inatsit taanna malillugu ajoqusernertup ullormusiaqarnissamut pisinnaatitaaffeqalernissaa. Suleriaaseq tamanna naleqqunnerusoq taamaallaat ajoqusernermut qaangiuttussanut tunngavoq, tassani ajoqusernermik akuersaarneq kinguneqarsinnaalluni, Kalaallit Nunaanni sulineri ajoqusernermut isumannaarineq

pillugu inatsit malillugu ajoquser tup ullormusiaqarnissamut pisinnaatitaanerani. Ajoquserneq qaangiuttussaq, suliaritinnertaqanngitsumik nammineerluni qaangiuttussaq, taamaalilluni inuup ajoquserneratut isigineqassanngilaq, pisumi ajoquserneq tamakkiisumik imaluunniit ilaannakortumik ajoquser tup sulisinnaajunnaarnerani kinguneqarpat. Taamaalilluni sulii ajoqusernerneq qaangiuttussanik suliaritinnissamik pisariaqartitsinngitsunik peqarpoq, inatsisit atuuttut malillugit Kalaallit Nunaanni suliner mi ajoqusernermut isumannaarineq pillugu inatsit malillugu akuersaarneqarsinnaanngitsunik.

Allannguutissatut siunnersuutigineqartukut ajoqusernerit erseqqinnerusumik nalilersorneqarnissaat nangittumik pisariaqartinneqassaaq, avatangiisinit pissutaasut ilisimaneqanngitsut pilersimasut, aamma pisoq imaluunniit sunnerneqarneq pissutaasoq, inuup ajoquserneranut nassuiaataasinnaasoq, pillugu uppersaateqarnissamut piumasaqaat nakorsamit nalilersuinissamik kinguneqassalluni. Inuup ajoqusernera taamaattoq, avatangiisinit pissutaasut ilisimaneqanngitsut pilersimasut, assersuutigalugu nukikkut, sianiutikkut, ujalukut aamma naggussakkut inuup ajoqusernerisinnavaa. Uppersaateqarnissamut piumasaqaat pillugu malittarisassat Arbejdsmarkedets Erhvervssikringip aalajangiinissaq sioqqullugu suliat paasisimasaqarfiginissaannut pisussaaffimmut ataqatigiissillugu isigineqassapput. Tassani aamma pineqarpoq, Arbejdsmarkedets Erhvervssikringip aalajangiinissaa sioqqullugu, ajoquser tup ilanngussaqarnissamut pisinnaatitaaffiat.

Inatsit malillugu ajutoorneq suliner mi ajutoornertut itigartinneqassaaq, sunnerneqaat eqqartorneqartoq, inuup ajoquserneranut pissutaasutut naleqqutinnngippat. Naliliiner mi tassani nakorsat ilisimasaqarnerat ilaatinneqassaaq, pisumi sunnerneqaatip aamma ajoqusernerup ataqatigiinneri nalonilersitsippata. Ajutoorneq aamma itigartinneqassaaq, pisoq imaluunniit sunnerneqaat, suliner mik imaluunniit pisup nalaani pissutsinik tunngaveqanngippat.

Pisoq imaluunniit sunnerneqaat inuup ajoquserneranut pissutaasutut isigineqarsinnaavoq, uumassuseqartutigit pinnguutit aamma pissusissamisoortumik tunngavilersorluagaasumik nassuiarneqarpat, suliffimmi pisup imaluunniit sunnerneqaatip kingunerisaanik inuup ajoqusernerippagu. Naliliiner mi aamma mianerineqarsinnaavoq, pisoq imaluunniit sunnerneqaat imatut pissuseqarsimasoq annertussuseqarsimasorlu, tamanna pissutigalugu pilersimanissaa ilimanaateqarluni. Taamatut nassuiaatissartaqanngippat, tamanna pissuteqarsinnaavoq, inuup ajoqusernera ajutoortup immikkut iliuuseqarnerata kingunerisaanik pilersimanerani, inuup ajoqusernerani ineriartortitsisumik ilisimaneqartumik avatangiisinit sunnerneqaateqanngitsumik.

Makisiup annersinnera sakkortoq assersuutigalugu makisikkut annerner mut pissutaasutut naleqqutissaaq. Qitip qulaatungaatigit sakkortumik annersimagaanni, pinnguutitigit pissusissamisoorpoq aamma tunngavilersugaalluarpoq qitikkut ajoquserneq. Inuup ajoqusernera taamaattoq suliner mi ajoqusernertut akuersaarneqassaaq. Akerlianik issiavimmiit nikuinner mi annialerneq, makisikkut annialerner mut pissutaasutut isigineqarsinnaassanngilaq. Tamanna atuuppoq, anniarnelunniit pilersimagaluarpat, ajoquser tup nikuinnerani. Inuup ajoqusernerata aamma sunnerneqaatip akornanni piffissatigit atassuteqarneq ajutoornerup suliner mi ajutoornertut akuersaarneqarnissaanut naammanngilaq. Piffissami tassani pineqartup qitikkut anniartaleriartorsinnaanerani anniarnertut pissuteqarsinnaapput, aalaneq aalajangersimasoq apeqqutaatinnagu. Ajutoorneq taamaattoq sulii suliner mi ajutoornertut akuersaarneqassanngilaq.

Ajutoorneq suliner mi ajutoornertut akuersaarneqarsinnaassaaq, pissutsini toorlattuni atorussamik oqimaatsumik aamma passunneqarsinnaanngitsumik kivitsinikkut ajoquser toqarsimappat, oqimaatsumik kivitsineq taamaattoq pinnguutitigit pissusissamisoortumik aamma tunngavilersugaalluutsumik qitikkut tassanngaannartumik annialerner mik ineriartortitsinerner mut nassuiaatitut isigineqarmat. Akerlianik ajutoorneq

sulinermi ajutoornertut itigartinneqassaaq, pissutsini pitsaasuni atortussamik mikinerusumik kivitsineq pineqarpat, sunnerneqaat taamaattoq pinnguutitigut pissusissamisoortuunngitsumik aamma tunngavilersugaalluunngitsumik sunnerneqaatip inuup ajoquserneranut pissutaasutut nassuiaataammat.

Ullumikkut inatsit malillugu anniaatip ajorseriarnera inuup ajoquserneratut akuersaarneqarsinnaavoq, ajorseriarneq immi inuup ajoqusernerippagu. Tamanna Eqqartuussiviit Qullersaata eqqartuussinerani allaqqavoq, Ugeskrift for Retsvæsen 2017-imi, qupperneq 516-imi, ajorseriaat akuersaarneqarsinnaasoq, pisoq imaluunniit sunnerneqaat pissutigalugu, tassanngaannartumik pisoq imaluunniit ullut tallimat iluini. Ajunngitsorsiaqarnissaq aamma taarsiiffigitinnissaq pillugit aalajangersaanermut ajorseriaatip kingunerisai aallaaviussapput.

Inatsisissatut siunnersuummi § 1, nr. 1-ip, qaqugukkut inuk ajoqusernersoq eqqarsaatigalugu piumasaqaatit, suleriaatsimut Eqqartuussiviit Qullersaata 2013-ip eqqartuussunerata kingorna ineriartortissimasaanut tunngatillugu, oqilisaaneq kingunerivaat. Allanguutissatut siunnersuutip kingunerisaanik, inuit ajoquserneri, inatsit malillugu ajunngitsorsiaqarnissamut imaluunniit taarsiiffigitinnissamut pisinnaatitaaffiliinngitsut, sulinermi ajoqusernertut akuersaarneqarsinnaassapput. Pisumi, ajutoorneq sulinermi ajutoornertut akuersaarneqarluni, tamanna immi Kalaallit Nunaanni sulinermi ajoqusernermut isumannaarineq pillugu inatsit malillugu ajunngitsorsiaqarnissamut imaluunniit taarsiiffigitinnissamut il.il. pisinnaatitaaffimmik kinguneqanngilaq. Tamatumunnga pisinnaatitaanermut nangittsumik piumasaqaataavoq, inatsisip tamatumunnga piumasaqaataasa naammassineqarnissaat.

Aalajangersagaq siunnersuutigineqartoq sulinermi ajoqusernermut isumannaarineq pillugu inatsimmi § 6-imut assinguvoq.

Tamatuma saniatigut oqaaseqaatit nalinginnaasut innersuussutigineqarput, imm. 2.1.

Nr. 2-mut

§ 14 imm. 1, oqaaseqatigiit pingajuanni aalajangersakkami atuuttumi allaqqavoq, sungiusaqqinneq kingorna suliaritinnertut ingerlanneqassasoq nakorsamit nakkutigineqartumik napparsimanermik suliaritinnermut atatillugu.

Aalajangersagaq malillugu piumasaqaatit marluk naammassineqarsimassapput, ajoqusernut suliap ingerlanerani imaluunniit suliap suliareqqitassanngortinneqarnerani, napparsimanermik suliaritinnermut aamma sungiusaqqinnermut aningaasartuutitut taarsiiffigitinnissaanut, sungiusaqqinneq nakorsamit nakkutigineqartumik kingorna suliaritinnertut ingerlanneqarpat, aamma kingorna suliaritinneq napparsimanermik suliaritinnermut atatillugu ingerlanneqarpat.

§ 14 imm. 1, oqaaseqatigiit pingajuat malillugu aningaasartuutitut taarsiissuteqarnissamik apeqqummik nalilersuinermi Arbejdsmarkedets Erhvervssikringip nalinginnaasusutut pingaartippaa, § 14 imm. 1, oqaaseqatigiit siulliat naapertorlugu suliaritinnissamut nakorsaqarnikkut tunngavilersuuteqarnersoq. Taamaalilluni piumasaqaataavoq, suliaritinnissap pisariaqartinneqarnissaa sungiusaqqinneq pitsaanerpaaq imaluunniit ajoqusernerup kingunerisa ajorunnaarnissat angujumallugu. Nalinginnaasumik piumasaqaataavoq, ajoqusernerup aamma suliaritinnerup pissutaasutigut ataqatigiinnerat takutinneqarsinnaanissaat.

Kingorna suliaritinnissamut piumasaqaatip napparsimanermik suliaritinnermut atatillugu kingunerivaa, piffissamut tunngatillugu killiliineq, napparsimanermik suliaritinnerup aamma kingorna suliaritinnerup akornanni piffissami ingerlasumi. Oqaaseqatigiiliakkut piumasaqaatigineqarpoq, kingorna suliaritinneq

pissasoq napparsimanermik suliaritinnerup kinguninngua. Taamaattoq sulinermi ajoqusernerit pillugit suliat ingerlanneqarnerini Arbejdsmarkedets Erhvervssikringip nalinginnaasumik pingaarnerutippaa, ajoqusernerup ataavartunngornissaa sioqqullugu suliaritinneq ingerlanneqarneris, aamma taamaalilluni pisariaqartinneqarluni, tak. inatsimmi § 14 imm. 1, oqaaseqatigiit siulliat.

Inatsisissatut siunnersuummi § 1, nr. 2-kkut, siunnersuutigineqarpoq, § 14 imm. 1, oqaaseqatigiit pingajuata atorunnaarnissaa.

Allannguutissatut siunnersuutigineqartup kingunerissavaa, sungiusaqqinnerup kingorna suliaritinnertut ingerlanneqartup nakorsamit nakkutigineqarnissaa piumasaqaatigineqartarunnaassasoq. Ilanngullugu allannguutissatut siunnersuutigineqartup kingunerissavaa, napparsimanermik suliaritinnerup aamma sungiusaqqinnerup akornanni piffissamut tunngatillugu ataqatigiittoqarnissaa piumasaqaatigineqartarunnaassasoq.

Suliassaqartitsinermut ministereqarfiup aamma Namminersorlutik Oqartussat nalilerpaat, suliaritinnerup nakorsartinnikkut tunngavilersuuteqarnissaa aamma napparsimanermik suliaritinnerup aamma sungiusaqqinnerup akornanni piffissamut tunngatillugu ataqatigiissitsinissamik piumasaqaatit, suliaritinnermut aningaasartuutit taarsiissutigineqarsinnaaneri sioqqullugit, nalinginnaasumik § 14, imm. 1, oqaaseqatigiit siulliat malereeraat, aamma sulinermi ajoqusernerup kingunerisaaniit ajorunnaarneq pitsaanerpaq angujumallugu suliaritinnissap pisariaqartinneqarnissaanut innersuussineq. Taamaalillutik Suliassaqartitsinermut ministereqarfiup aamma Namminersorlutik Oqartussat nalilerpaat, § 14, imm. 1, oqaaseqatigiit pingajuat nalinginnaasumik imminermini apeqqutaanngitsoq.

§ 14, imm. 1, oqaaseqatigiit pingajuata atorunnaarsinneqarnissaanut siunnersuutitigut siunertaanngilaq kingorna suliaritinnermut il.il. aningaasartuutitut taarsiissuteqarnissamut akuersaarnermut suleriaatsip allanngortinneqarnissaa. Naqissuserneqarpoq, § 14, imm. 1, oqaaseqatigiit siulliat malillugu suliaritinnermut aningaasartuutitut taarsiiffigitinnissap angunissaanut piumasaqaatit nalinginnaasut nangittumik atuunnissaat. Aalajangersagaq malillugu taarsiiffigitinnissamut periarfissaqarnermut nangittumik piumasaqaataassaaq, suliaritinneq, taarsiiffigitinnissamut qinnuteqaatigineqartoq, sulinermi ajoqusernerup kingunerisaaniit ajorunnaarneq pitsaanerpaq angujumallugu pisariaqartinneqassasoq. Nangittumik aamma piumasaqaataassaaq, suliaritinnissamut nakorsartinnikkut tunngavilersuuteqarnissaa. Naggataatigut § 14, imm. 1, oqaaseqatigiit pingajuata atorunnaarsinneqarnerata kingunerisaanik piumasaqaatigineqarpoq, aallaaviatigut ajoqusernerup ataavartunngorsinnaanera sioqqullugu suliaritinnissaaq, aamma tamatumuuna nangittumik piumasaqaataassalluni suliaritinnerup aamma ajoqusernerup pilernerata akornanni piffissamut tunngatillugu ataqatigiittoqarnissaa.

Atorunnaarsitsinissamik siunnersuutigineqartup ilanngullugu kingunerissavaa, aalajangersakkap piumasaqaatinut Kalaallit Nunaanni inuiaqatigiinni naammassiuminaatsunut innersuussiunnaarnissaa, pingaartumik nunaqarfinni mikinerusuni nalinginnaasumik nakorsanik amigaateqartoqartillugu. § 14, imm. 1, oqaaseqatigiit pingajuata atorunnaarsinneqarnerata kingunerissavaa, § 14-i ataatsimut isigalugu Kalaallit Nunaanni pissutsinut pitsaanerusumik naapertuunnerulernissaa.

Nangittumik sillimmasiisarfiit imaluunniit Arbejdsmarkedets Erhvervssikringip nalilertassavaat, sungiusaqqinnissamut aningaasartuutitut taarsiissuteqarnissamut piumasaqaatit naammassineqarneris.

Aalajangersagaq siunnersuutigineqartoq Kalaallit Nunaanni pissutsinut tulluarsagaavoq.

Tamatuma saniatigut oqaaseqaatit nalinginnaasut innersuussutigineqarput, imm 2.4.

Nr. 3-mut

§ 15, imm. 1-imi aalajangersakkami atuuttumi allaqqavoq, napparsimaneq pissutigalugu suliaritinnerup, sungiusaqqinnerup imaluunniit piginnaanngorsaqqinnerup kingorna ajoquserup siunissami peqqissutsikkut inissisimaffigisinnaasaa aamma inuussutissarsiornissamut periarfissai pillugit missiliuusiornissamut tunngavissaqarpat, Arbejdsmarkedets Erhvervssikringip aalajangissagaa, ajoquserup § 21 malillugu inuussutissarsiorsinnaanermik annaasaqarnerminut aamma § 22 malillugu ataavartumik ajoquteqalernerminut taarsiiffigitinnissamut pisinnaatitaanersoq. Sulinerup ajoquserup nalunaarutigineqarneraniit ukiup ataatsip qaangiutinnginnerani aalajangiisoqassaaq. Inuussutissarsiornikkut nappaatinut, Erhvervssygdomsudvalgetimut saqqummiunneqartussanut, piffissarititaavoq ukiut marluk.

Aamma § 15, imm. 2-mi aalajangersakkami atuuttumi allaqqavoq, sulinerup ajoquserup toqumik kinguneqarsimappat, imm. 1-imi taaneqartutut piffissaliussat iluanni aalajangersarneqassasut, toqunerup nalunaarutigineqarneraniit naatsorsorneqartumik, toqusoqarnerani qimagaasut ikaarsaarnermi aningaasannannissamut, pilersuisumik annaasaqarnermut taarsiiffigitinnissamut aamma qimagaasunut ajunngitsorsiaqarnissamut pisinnaatitaanersut.

Taamaalilluni Arbejdsmarkedets Erhvervssikringi piffissarititaasut iluanni ajoquserup nalunaarutigineqartoq sulinerup ajoquserup akuersaarneqarsinnaanera pillugu aalajangiinissamut pisussaaffeqarpoq, tassunga ilanngullugit ajoquserup aamma qimagaasut ataavartumik ajoquteqalernerup pillugu ajunngitsorsiaqarnissamut aamma inuussutissarsiorsinnaanermik annaasaqarneq pillugu taarsiiffigitinnissamut pisinnaatitaanersut (ataatsimoorussamik aalajangiineq).

Malittarisassat atuuttut malillugit piffissarititaasut naatsorsorneqassapput piffissamiit, Arbejdsmarkedets Erhvervssikringip ajutoorneq imaluunniit napparsimanermik nalunaarutiginninnermik tigusaqarnera. Tamanna pissuteqarpoq, Arbejdsmarkedets Erhvervssikringip suliassaq nalunaarutigineqareersimatinnagu suliamik ingerlatsisinnaanngimmat.

Inatsisissatut siunnersuummi § 1, nr. 3-mi, siunnersuutigineqarpoq § 15-imi imm. 1-ip aamma 2-p atorunnaarsinneqarnissaat. Imm. 3 tamatuma kingorna imm. 1-inngussaaq.

Siunnersuut kinguneqassaaq, § 15, imm. 1 aamma 2-mi, sulinerup ajoquserup nalunaarutigineqartunik suliqaarnermut aamma inatsit malillugu ajoquserup ikiorsiinnermut pisinnaatitaaffeqarnerup pillugu aalajangiinnermut, piffissarititat inatsisitigut aalajangerneqartut atorunnaarsinneqarnerannik. Suliassat sulinerineqartarnerannik piffissaq sivikillineqarnissaa siunertaralugu, Kalaallit Nunaanni sulinerup ajoquserup isumannaallisaaneq pillugu inatsimmi suli aalajangiinnerillu assigiinngitsut akornanni annertuumik nikerarsinnaasut eqqarsaatigalugit, suliassat suliarineqartarnerannut atatillugu Arbejdsmarkedets Erhvervssikringi annertunerusumik eqaannerusumik aqqissuussinissaanut periarfissaqalissaaq. Siunnersuut Danmarkimi sulinerup ajoquserup isumaanaallisaaneq pillugu inatsit malillugu piffissarititat inatsisitigut aalajangerneqartut atorunnaarsinneqarnerat 1. juli 2024-mi sunniuteqalersumut ataqatigiissillugu isigineqassaaq.

Siunnersuutip kingunerissavaa, akuersaarnermut aamma taarsigassarsianut ajunngitsorsiassanullu apeqqutit pillugit Arbejdsmarkedets Erhvervssikringi ataatsimoorussamik aalajangiinissaanut piumasaqaateqarunnaartoq.

Siunnersuummi piumasaqaataavoq anguniakkat qulaani taaneqartut Kalaallit Nunaanni sulinerup ajoquserup isumannaarineq pillugu inatsimmi sulianut ilaatinneqartunut aallaaviatigut aamma

atuutissammata, Kalaallit Nunaanni pissutsit eqqarsaatigalugit aamma Kalaallit Nunaanni Namminersorlutik Oqartussat oqaloqatigalugit Kalaallit Nunaanni sulinermi ajoqusernermut isumannaarineq pillugu inatsit malillugu suliani suliasat suliarineqartarnerannut piffissamut immikkut ittunik aalajangersaasoqanngippat. Ilanngullugu piumasaqaataavoq, ingerlatsinermi inatsisitigut tunngaviusut najoqqutassallu Kalaallit Nunaannut atuuttut naapertorlugit sulinermi ajoqusernermut suliasaqarfimmi suliasanut assigiinngitsunut ataasiakkaanut suliasat suliarineqartarnerat pillugu anguniagassaliornissaq, tamanut tikinneqarsinnaasariaqartut, aamma suliasat suliarineqartarnerannut piffissaq naatsorsuutigisaq pillugu Arbejdsmarkedets Erhvervssikringip suliami peqataasut ilisimatittariaqarlugit. Ilanngullugu piumasaqaataavoq, suliami aalajangersimasumi suliasat suliarineqartarnerannut piffissaq naatsorsuutigineqartutut nalunaarutigineqartoq eqquutsinneqarsinnaanngippat, Arbejdsmarkedets Erhvervssikringip suliami peqataasut nalunaaruteqarfigissagai. Ingerlatsinermi inatsisitigut tunngaviusut aamma suleriaatsut atuuttut malillugit Arbejdsmarkedets Erhvervssikringip sulinermi ajoqusernermik suliani aalajangiisarnissaa piffissami naapertuuttumik pisarnissaanut siunnersuutip allanngortinnavianngilaa.

Tamatumunnga § 1, nr. 19-imut oqaaseqaatit aamma oqaaseqaatit nalinginnaasut, imm. 2.2, innersuussutigineqarput.

Nr. 4-mut

§ 16-i atuuttoq malillugu ajoqusernerup kingunerisaani ajoqusertoq tamakkiisumik ilaannakortumilluunniit sulisinnaajunnaarnermini ullormusianik pisinnaatitaavoq. Ullormusiat § 18 malillugu suliffeerunnermi ikiorsiissutinut akigititaq qaqugukkulluunniit atuuttoq annertoqatigaat, tak. suliffeerunnermi ikiorsiissutit pillugit inatsisartut inatsisaat nr. 2, 15. maj 2014-imeersoq. Ajoqusertup napparsimanermut nalunaaruteqarneq sioqqullugu sapaatit akunnerini 13-ini agguaqatigiissillugu nalunaaquttap akunneri sulineranut atatillugu akigititaq atorneqassaaq, taamaattoq amerlanerpaamik nalunaaquttap akunneri 40-t ikinnerpaamillu nalunaaquttap akunneri 20-t. Suliffeerunnermi ikiorsiissutinut nalunaaquttap akunnermut akigititaq tassaavoq sulisartut ilinniarsimanngitsut pillugit akissarsiat pillugit SIK'p aamma Inatsisartut akornanni isumaqatigiissut malillugu akissarsiat ikinnerpaaffiisa 90 %-ii.

Inatsisissatut siunnersuummi § 1, imm. 4-mi siunnersuutigineqarpoq § 18, oqaaseqatigiit siullerni, »suliffeerunnermi ikiorsiissutit« allanngortinneqassasoq ima »suliffissarsiortunut ikiorsiissutit pillugit Inatsisartut inatsisaat nr. 7, 20. juni 2022-meersumi napparsimanermi suliffissarsiortunut ikiorsiissutit«.

Namminersorlutik Oqartussat nalunaaruteqarnikkut nr. 78, 14. december 2023-imeersukku, suliffeerunnermi ikiorsiissutit pillugit Inatsisartut inatsisaat nr. 2, 15. maj 2014-imeersoq atorunnaarsinneqartoq peqatigalugu, suliffissarsiortunut ikiorsiissutit pillugit Inatsisartut inatsisaat nr. 7., 20. juni 2022-meessut ulloq 1. januar 2024-mi atuutilersinneqarnerata allannguneq kinguneraa. Taamaalilluni suliffissarsiortunut ikiorsiissutit suliffeerunnermi ikiorsiissutit taarserpaat. Suliffissarsiortunut ikiorsiissutit pillugit Inatsisartut inatsisaat nr. 7, 20. juni 2022-meersumi § 20, imm. 1 malillugu suliffissarsiortunut ikiorsiissutinut akigititaq procentinngorlugu naatsorsorneqartarpoq, sulisartut ilinniarsimanngitsut pillugit akissarsiat pillugit SIK aamma Naalakkersuisut akornanni isumaqatigiissut malillugu nalunaaquttap akunneranut akissarsiat ikinnerpaaffiusut tunngavigalugit aamma napparsimanermi nalunaaquttap akunneranut akissarsiat ikinnerpaaffiisa 90 %-ii.

Siunnersuut isumaqarpoq, siunissami ajoqusertunut ullormusianut akigititat suli sulisartut ilinniarsimanngitsunut isumaqatigiissut atuuttoq malillugu napparsimanermi akigititaq tunniunneqartartoq,

nalunaaquttap akunneranut ikinnerpaaffittut akissarsiaritinneqartoq malillugu nalimmassarneqartassasoq, taamaalilluni ullormisuanut akigitap annertussusia maannakkutut attanneqarluni.

Nr. 5-imut

§ 21, imm. 7, oqaaseqatigiit aappaata atuuttup kinguneraa, ajoqusertumut piffissamut aalajangiiffiusumut, tak. imm. 1, utoqqalinersiaqalernissamut ukiorititat ukiut marluinnangorpagit sivikinnerullunuunniit, taarsigassarsiat § 31, imm. 4-mi malittarisassat malillugit tunniunneqartassasut, taarsigassarsiat aningaasannngortilugit ukiumut ingerlaavartumik taarsigassarsianik tunniussisarnep annertoqataanik, tak. imm. 6.

Aalajangersakkap kinguneraa, ajoqusertoq, utoqqalinersiaqarnissamut ukiorititat ukiunik marlunnik sivikinnerusumik pisinnaatitaaltussaq, pisuni tamani inuussusissarsionermik annaasaqanermut taarsigassarsiasani taarsigassarsiat aningaasannngortillugit tunineqassasoq, ingerlaavartumik taarsigassarsiat ukiumut tunniunneqartartut annertoqataanik. Tamanna aamma atuuppoq ajoqusertunut, utoqqalinersiaqalereertunut, inuussutissarsionermik annaasaqarnera 50 %-i qaangerneraa inorneraaluunniit apeqqutaatinnagu aamma atuulluni.

Inatsisissatut siunnersuummi § 1, imm. 5-ikkut siunnersuutigineqarpoq, §21, imm. 7, oqaaseqatigiit aappaat atorunnaarsinneqassasoq taarsiullugulu ima oqaasertalerneqarluni, ajoqusertoq piffissami aalajangiiffiusumi utoqqalinersiaqarnissamut ukiorititat ukiunik marlunnik sivikinnerusumilluunniit angussappagit, tak. utoqqalinersiaqarneq pillugu Inatsisartut inatsisaat, taarsigassarsiat § 31, imm. 4-mi malittarisassat malillugit tunniunneqartassasut taarsigassarsiat aningaasannngortilugit naleqqersuutilerlugit inummut ataatsimut utoqqalinersiaqalernissamik ukiorititat ukiut marluk qaangiunneranni anguneqartussatut aalajangersarneqartut, ukiumut ingerlaavartumik taarsigassarsiat annertoqataanik amerlisarlugit.

Siunnersuut kinguneqassaaq, taarsigassarsiat aningaasannngortinneqarnerannut naleqqersuutip, ajoqusertup utoqqalinersiaqarnissamut ukiorititat angunissaannut ukiut marluinnangorpata, appasinnerulernissaa malittarisassanut atuuttunut naapertuuttumik pinngitsoortinneqassasoq. Kalaallit Nunaanni utoqqalinersiaqalernissamut ukiorititat tassaapput ukiut 67-it, tamannalu kingunerivaa, ajoqusertoq 65-inik ukioqalerpat taarsigassarsiat aningaasannngortinneqarnerannut naleqqersuut appasinnerulissanngitsoq. Peqatigalugu siunnersuutip kingunerissavaa, ingerlaavartumik taarsigassarsiat aningaasannngortinneqarnerannut allannguinermi, taarsigassarsiat aningaasannngortinneqarnerannut naleqqersuummik naatsorsueriaatsip allanngortinneqarnera. Siunnersuut siunnersuummi § 1, nr. 9-mut ataqatigiissillugu isigineqassaaq, tamatuma kingorna taarsigassarsiat aningaasannngortinneqarnerannut naleqqersuutip sillimasiinermik naatsorsuisarnermut tunngatillugu tunngaviit aallaavigalugit aalajangersarneqarnissaa aamma ukiumiit ukiumut nikerartuussalluni. Tamanna kingunerissavaa, inatsit atuuttoq malillugu naleqqersuummik aalajangersimasumik aalajangersaasoqarsinnaanngitsoq. Akerlianik innersuussutigineqarpoq § 31-mi malittarisassat malillugit, inummut utoqqalinersiaqarnissamut ukiorititat angunissaannut ukiut marluinnangorpagit, naleqqersuut. Naleqqersuut taanna ukiumut aalajangersarneqartarpoq.

Oqaaseqaatinut nalinginnaasunut, imm. 2.8, innersuussisoqarpoq.

Nr. 6-imut.

Kalaallit Nunaanni sulinermi ajoqusernermut isumannaarineq pillugu inatsit malillugu ullumikkut Arbejdsmarkedets Erhvervssikring inatsisitigut tunngavissaqanngilaq, inuussutissarsiorsinnaanermik annaasaqarneq pillugu inaarutaasumik naliliinissamut, peqatigalugu taarsiissutit inaarutaasut pillugit aalajangiineq sioqqullugu piffissamut inuussutissarsiorsinnaanermik annaasaqarnermut ingerlaavartumik taarsiissutininik akuersissuteqarneq.

Inatsisissatut siunnersuummi § 1, nr. 6-imi, siunnersuutigineqarpoq § 21-mi *immikkoortumik 8-mik* nutaamik ikkussisoqassasoq, tamatuma malitsigissallugu § 31, imm. 1, oqaaseqatigiit siullerni malittarisassat malillugit taarsiissutit aningaasanngorlugit ataatsikkut tunniutassat tunniunneqarpata, ajoqusertoq piffissamiit inuussutissarsiornermik annaasaqarnerani uppersarsineqarfianiit ingerlaavartumik taarsiissutininik pisinnaatitaassasoq, taamaattoq piffissamiit sulinermi ajoqusernerup nalunaarutigineqarnera sioqqullugu pinnagu, aamma piffissamut taarsiissutininik tunniutassanngortitsiffiusoq tikillugu.

Ilanngullugu siunnersuutigineqarpoq, § 21-mi *immikkoortumik 9-mik* nutaamik ikkussisoqassasoq, tamatuma kingorna §§ 46 aamma 47 malillugit suliat suliareqqitassanngortuni imm. 7-mi 8-milu malittarisassat assinganik atornerarlutik. Suliani taakkunani piffissaq suliareqqitassanngorlugu qinnuteqarfiusoq sioqqullugu, imaluunniit Arbejdsmarkedets Erhvervssikringip suliaq suliareqqilernissaa sioqqullugu, tak § 47, taarsiissutininik tunniussisoqarneq ajorpoq.

Imm. 8 tamatuma kingorna imm. 10-nngussaaq.

Siunnersuutikkut suliani ajoqusernumut inuussutissarsiornermik annaasaqarnermut ingerlaavartumik taarsiissutit pillugit akuerineqarsinnaasuni, taarsiissutit aningaasanngorlugit tunniunneqartussanngortuni, periarfissamik pilersitsisoqassaaq, tamatuma suliani inuussutissarsiornermik annaasaqarnermut ingerlaavartumik taarsiissutininik tunniunneqartussanngortuni naapertuuttumik pisoqarnissaanik qulakkeerissalluni.

Inuussutissarsiornermik annaasaqarnermut ingerlaavartumik taarsiissutininik akuersisoqartillugu, ingerlaavartumik taarsiissutit aallartinneqassapput, piffissamiit inuussutissarsiornermik annaasaqarnerup uppersarsineqarfianiit. Piffissaq tamanna taarsiissutit pillugit aalajangiineq sioqqullugu inissisimasinnaavoq. Taamaattoq ingerlaavartumik taarsiissutit siusinnerpaamik tunniunneqarsinnaapput, piffissamiit ajoquserneq sillimmasiisarfinnut imaluunniit Arbejdsmarkedets Erhvervssikringimut nalunaarutigineqarfianiit.

Suliani suliareqqitassanngortuni, taarsiissutit siusinnerpaamik tunniunneqarsinnaapput, piffissamiit suliamik suliareqqitassanngorlugu qinnuteqarfiusumiit. Suliani Arbejdsmarkedets Erhvervssikringi nammineq iliuuseqarneratigut suliareqqitassanngortuni, taarsiissutit siusinnerpaamik tunniunneqarsinnaapput, piffissamiit suliap suliareqqitassanngornera pillugu Arbejdsskadestyrelsen aalajangiinerani piffissaq allaqqasoq malillugu.

Siunnersuut sulinermi ajoqusernermik isumannaarineq pillugu inatsimmi malittarisassanik atuuttunik naapertuuppoq.

Inatsisissatut siunnersuummi imm. 2.8-mut oqaaseqaatit nalinginnaasut innersuussutigineqarput.

Nr. 7-imut

§ 28, imm. 2, oqaaseqatigiit aappaanni aalajangersakkami atuuttumi allaqqavoq, suliaasaqartitsineranut ministerip inuit sulisitsisuminni najugaqartut nerisaqarnerisa aamma ineqarnerisa nalingi aalajangersassagai.

Suleriaaseq nalinginnaasoq malillugu, Kalaallit Nunaanni sulinermi ajoqusernermut isumannaarineq pillugu inatsimmi § 29, imm. 1-imi naleqqussaanerit allat assingannik periuseqarluni, nerisaqarnermut aamma ineqarnermut akigititat naleqqussarneqartarput. Aalajangersakkami innersuussutigineqarput sulinermi ajoqusernermut isumannaarineq pillugu inatsimmi § 25, imm. 1-imi malittarisassat, tamatuma kingorna akigititat ukiut tamaasa 1. januar naleqqussarneqartarlutik ukiumut naatsorsuiffiusumut pineqartumut procentitigut 2,0 pct.-inik tulluarsarneqartarlutik, tak. akigititanik naleqqussaanermi procenti pillugu inatsimmi § 2.

Suliassaqartitsinermit ministeri ukiut tamaasa ukiup tulliani 1. januar atuutilertussamik inuit sulisitsisuminniittut nerisaqarnerisa aamma ineqarnerisa nalinginik aalajangersaasarpoq. Ukioq 2022-mut nerisaqarnermut aamma ineqarnermut akigititat Sulisilluni Ajoqusernerit pillugit Sullissiviup nittartagaani saqqummiunneqarput. Inunnut sulisitsisuminniittunut nalingi ukiumut 43.800 kr-inut annertussusilerneqarput, nerisaqarnermuinnarli nalinga ullormut 98 kr-inut annertussusilerneqarluni.

Inatsisissatut siunnersuummi § 1, nr. 7-mi, siunnersuutigineqarpoq, § 28, imm. 2, oqaaseqatigiit aappaat ima allanneqassasoq: »Inuit sulisitsisuminniittut nerisaqarnerinut aamma ineqartinnerinut naliusutut akigitinneqartut, Kalaallit Nunaanni Akileraartarnermut Aqutsisoqarfiup ukiumut pineqartumut aalajangersagaat akigititat assingaat.«

Akeqanngitsumik nerisaqarnerup aamma ineqarnerup nalingi ajoquserup ukiumut akissarsiaanut ilaatinneqassapput, inuussutissarsiorsinnaanermik annaasaqarnermut taarsissutissanik naatsorsuinermit atorineqartut.

Siunnertuutitigut ajoquserup ataasiakkaat sulisitsisuminni nerisaqarnerisa aamma ineqarnerisa nalingi Kalaallit Nunaanni Akileraartarnermut Aqutsisoqarfiup akileraartarnermi nerisaqarnermut aamma ineqarnermut akigititat aalajangersagaat malissavaat. Taamaaliornikkut ajoquserup akeqanngitsumik nerisaqarnermut aamma ineqarnermut akigititat akornanni assigiinngissutaasunik misigisaqassanngillat, pineqartup akileraartarneranik naatsorsuinermit atorineqartunik, aamma akeqanngitsumik nerisaqarnermut aamma ineqarnermut akigititat, sulinermi ajoquserneq pillugu taarsiiffigitinnermik aalajangersaanermut atorineqartunik. Taamaallilluni allannguutissatut siunnersuutigineqartoq, Kalaallit Nunaanni sulinermi ajoqusernermut aamma akileraartarnermut tunngatillugu, akeqanngitsumik nerisaqarnermut aamma ineqarnermut akigititanik tulluarsaanermik kinguneqassaaq.

Kalaallit Nunaanni Akileraartarnermut Aqutsisoqarfiup najoqqutassatut innersuussinikkut akigititat aalajangersassavai. Ajoquserup sulisitsisuminni akeqanngitsumik nerisaqartunut aamma ineqartunut, najoqqutassatut innersuussuummi akigititat eqimattakkaat sisamat aallaaviusumik attuumassuteqassapput. Pineqarput imm. A (akeqanngitsumik ineqarnerup nalinga), imm. B (akeqanngitsumik nerisaqarnerup nalinga), imm. D (aatsitassanut aamma kommunit agguataarnerisa avataannut akeqanngitsumik nerisaqarner aamma ineqarner) aamma imm. E (pisortanut aamma akunnittarfinni pisortanut il.il. akeqanngitsumik najugaqarner).

Suleriaaseq nalinginnaasoq malillugu Kalaallit Nunaanni Akileraartarnermut Aqutsisoqarfiup nerisaqarnermut aamma ineqarnermut akigititat Kalaalli Nunaanni Naatsorsueqqissaartarfiup atuisunut akit naleqqersuutaat tamakkiisoq tunngavigalugu naleqqussaanikkut aalajangersartarpai (”nioqqutissat aamma sullissinerit tamakkerlugit”) kisitsisit 2008-minngaanneersut tunngavigalugit, ukiut tamaasa nallimmassarneqartartut. Akigititanik nutaanik naatsorsuinermit atuisunut akit naleqqersuutaata allannguutaa ilanngunneqartarpoq imaluunniit ilanngaaticigineqarluni.

Siunnersuutip akigititanik naleqqussaaneq kingunerissavaa, Kalaallit Nunaanni sulinermi ajoqusernermut isumannaarineq pillugu inatsit malillugu akigititat atuuttut aallaaviusumik, Kalaallit Nunaanni Akileraartarnermut Aqutsisoqarfimmiit saqqummiunneqartuniit, akigititanit appasinnerummata.

Kalaallit Nunaanni sulinermi ajoqusernermut suliassaqarfimmi nerisaqarnerup aamma ineqarnerup 2022-mi nalingi, tak. nalunaarut nr. 140, 8. oktober 2021-meersoq, inunnut sulisitsisuminniittunut ukiumut 43.800 kr-inut aalajangersarneqarput. Kalaallit Nunaanni akileraartarnermut suliassaqarfimmi tamakkiisumik nerisaqarnermut aamma ineqarnermut 2022-mi nalingititai katillugit ukiumut 55.100 kr-inut aalajangersarneqarput, tak. imm. A aamma B Akileraartarnermut Aqutsisoqarfiup 2022-mut najoqqutassatut innersuussutaat. Taamaalilluni inuit ajoquserneq sioqqullugu akeqanngitsumik nerisaqartut aamma ineqartut ukiumut aningaasarsiaat aalajangersarneqassapput 11.000 kr-inik qaffasinnerusumik, inuussutissarsiorsinnaanermik annaasaqarnermut taarsiissuteqarnissamut aningaasartuutit annikitsumik qaffannissaannik kinguneqartussamik. Taamaattoq taarsiissuteqarnissamut aningaasartuutit qaffasinnerusut annikitsuinnaanissaat nalilerneqarpoq, ajoquserneq sioqqullugu sulisitsisuminni akeqanngitsumik nerisaqartut aamma ineqartut ikitsuinnaammata.

Inuit eqimattat pineqartillugit, Kalaallit Nunaanni Akileraartarnermut Aqutsisoqarfiup najoqqutassatut innersuussutaani imm. D-mi ilaatinneqartut, tamakkiisumik ineqarnermut aamma nerisaqarnermut nalingi ukiumut ataatsimoortillugit 2022-mi 40.400 kr-inut aalajangersarneqarput. Taamaalilluni inuit eqimattat taakkua aningaasartuutaat aningaasaqarnikkut annikitsumik annikillititsissapput. Taamaattoq taarsiissuteqarnissamut aningaasartuutit annikinnerusut annikitsuinnaanissaat nalilerneqarpoq.

Taamaalilluni siunnersuut ataatsimoorullugu inuussutissarsiorsinnaanermik annaasaqarnermut taarsiissuteqarnissamut qaffasinnerusumik aamma appasinnerusumik aningaasartuuteqarnissamik killilimmik kinguneqassaaq.

Taamaalillutik inatsisip nerisaqarnermut aamma ineqarnermut akigititai siunissami Suliassaqartitsinermut ministereqarfimmit nalunaarutikkut atuutilersinneqartukkut aalajangersarneqartassanngillat, kisianni Kalaallit Nunaanni Akileraartarnermut Aqutsisoqarfimmiit najoqqutassatut innersuussutaani allaqqasassallutik, Naalakkersuisut ukiumut pineqartumut aalajangigaat tunngavigalugit.

Aalajangersagaq siunnersuutigineqartoq Kalaallit Nunaanni pissutsinut tulluarsagaavoq.

Tamatuma saniatigut oqaaseqaatit nalinginnaasut innersuussutigineqarput, imm. 2.12.

Nr. 8-mut

§ 30, imm. 4, oqaaseqatigiit siullianni aalajangersakkami atuuttumi allaqqavoq, aningaasat imm. 1-imi taaneqartut, akuerineqarnerisa nalunaarutigineqarneraniit sapaatit akunneri sisamat qaangiutereerneranni akilerneqarpata, aningaasat ernialersorneqassapput sapaatip akunnerinik sisamanik piffissarititaasup qaangiunneraniit, aningaasat akilerneqarnissaata tungaannut, ukiumut ernialerlugit erniamut, kingusinaarluni akiliinnermut il.il. erniaritinneqartut pillugit inatsimmi aalajangersarneqartumut, assingusumik.

Aningaasat pineqartut Kalaallit Nunaanni sulinermi ajoqusernermut isumannaarineq pillugu inatsit malillugu taarsiissutaapput aamma ajunngitsorsiaapput.

Aalajangersakkap siunertaraa aalajangiisoqartillugu taarsiissutinik aamma ajunngitsorsianik ajoqusertunut aamma qimagaasunut piaartumik akiliisarnissap isumannaarneqarnissaa.

Taamaattumik ajoqusertumut taarsiissutissat aamma ajunngitsorsiasat sapaatip akunnerinik sisamanik piffissarititaasup qaangiunneraniit ernialersorneqassapput. Tamanna isumaqarpoq, ullumikkut piffissap ernialersuilerfiusussap, ajoqusertut aamma qimagaasut aalajangiineq pillugu naammagittaalliteqarnissannut sapaatip akunnerinik arfinilinnik piffissarititaasooq, sapaatit akunnerinik marlunnik sioqqullugu, inissisimanera, tak. inatsimmi § 49, imm. 2, oqaaseqatigiit aappaat.

Taarsiissutininik imaluunniit ajunngitsorsianik akiliinissaq pinngitsoortinniarlugu, naammagittaalliutaasinnaasup kingunerisassaa apequtaatillugu, akilerneqartussaannikkaluakkanik, sillimmasiisarfiit taarsiissutininik imaluunniit ajunngitsorsianik akiliinissaq utaqqisussaassavaat, naammagittaalliteqarnissamut sapaatip akunnerinik arfinilinnik piffissarititaasup qaangiunnissaata tungaanut. Sillimmasiisarfiup naammagittaalliteqarnissamut piffissarititaasup qaangiunnissaa utaqqippagu, akiliinissamut sapaatip akunnerinik sisamanik piffissarititaasooq naapertorlugu akiliisoqassanngilaq. Akiliinissamut piffissarititaasooq qaangerneqarpat, ernialersorneqassaaq, pisuni taamaattuni erniassat naatsorsorneqarnissaannik kinguneqartussamik.

Taamaattumik ullumikkut aaqqissuussineq, taarsiissutininik akiliinissamut sapaatit akunneri sisamat piffissarititaallutik, kisianni naammagittaalliteqarnissamut sapaatip akunneri arfinillit piffissarititaallutik, siunertamut naapertuutinnngitsutut nalilerneqarpoq.

Inatsisissatut siunnersuummi § 1, nr. 8-imi, § 30, imm. 4, oqaaseqatigiit siullianni siunnersuutigineqarpoq »sapaatit akunneri sisamat« allanngortinneqassasooq »sapaatit akunneri arfineq-marluk«-mut, aamma »sapaatit akunneri sisamanik piffissarititaasooq« allanngortinneqassasooq »sapaatit akunneri arnieq-marlunnut piffissarititaasooq«-mut.

Siunnersuutikkut akiliinissamut piffissarititaasooq sapaatit akunnerinut arfineq-marlunnut aalajangersarneqarpoq aamma taamaalilluni naammagittaalliteqarnissamut piffissarititaasumut sanilliullugu sapaatip akunnerinik sivilunerulluni. Taamaaliornikkut sillimmasiisarfiit aamma Arbejdsmarkedets Erhvervssikringi il.il. taarsiissutininik aamma ajunngitsorsianik akiliinissaq utaqqissussinnaalissavaat, piffissarititaasup qaangiunnissaata tungaanut. Taamaalilluni qulakkeerneqassaaq, naammagittaalliteqarnissamut piffissarititaasup qaangiutereernerani akiliinissap eqqortuunissaa, aamma anigaasat, ullormiit akuersissutigineqarnerisa nalunaarutigineqarneraniit sapaatit akunneri arfineq-marluk qaangiutereerneranni ernialersorneqannginnissaat.

Taamaalilluni siunnersuut isumaqarpoq, sapaatit akunnerini arfineq-marlunni piffissap kingorna aatsaat kingusinaartumik akiliinermut ernialersuisoqarnissaa.

Aalajangersagaq siunnersuutigineqartoq Kalaallit Nunaanni pissutsinut tulluarsagaavoq.

Tamatuma saniatigut oqaaseqaatit nalinginnaasut innersuussutigineqarput, imm. 2.12.

Nr. 9-mut

Sulinermi ajoqusernerup ajoqusertup sulinikkut isertitaqarsinnaassusia appartissimappagu, ajoqusertoq inuussutissarsiorsinnaanermik annaasaqarnerminut taarsiiffigitinnissamut pisinnaatitaaffeqarpoq. Malittarisassat atuuttut malillugit ajoqusertup imaluunniit taassuma qimatai inuussutissarsiorsinnaanermik annaasaqarnermut taarsiiffigitinnissamut akuersaarneqassapput, ajoqusertup toquneratigut pilersuisumik annaasaqarsimasut.

Taarsiissuteqarneq ingerlavartumik taarsiissutitut imaluunniit ataatsikkut tunniutassanngortitatut akilerneqarsinnaapput. Ingerlaavartumik taarsiissuteqarneq qaammatikkaarlugit akilerneqartarpoq, tiguisup utoqqalinersiuteqalernissaata tungaanut imaluunniit ingerlaavartumik taarsiissuteqarnerup atorunnaarnissaata tungaanut. Taarsiissutit ataatsikkut tunniutassanngortitat ataasiartumik akilerneqassapput.

Kalaallit Nunaanni sulinermi ajoqusernermut isumannaarineq pillugu inatsimmi § 21 malillugu 50 procent inorlugu inuussutissarsiorsinnaanermik annaasaqarnermut taarsiissuteqarnissaq inaarutaasumik akuersissutigineqartoq, nalinginnaasumik, aamma taarsiiffigitinnissamut pisinnaatitaasoq akuersiteqqaarnagu, ataatsikkut tunniutassanngortinneqassaaq, tak. Kalaallit Nunaanni sulinermi ajoqusernermut isumannaarineq pillugu inatsimmi § 31, imm. 1, oqaaseqatigiit siulliat.

50 procentimik imaluunniit taanna qaangerlugu inuussutissarsiorsinnaanermik annaasaqarnermut taarsiissuteqarnissaq inaarutaasumik akuersissutigineqartoq, taarsiiffigitinnissamut pisinnaatitaasup noqqaassuteqarneratigut ataatsikkut tunniutassanngortinneqarsinnaavoq, tak. Kalaallit Nunaanni sulinermi ajoqusernermut isumannaarineq pillugu inatsimmi § 31, imm. 2, oqaaseqatigiit siulliat. Taamaattoq taarsiissutissat inuussutissarsiorsinnaanermik annaasaqarnerup 50 procenti angullugu nalingi annerpaamik ataatsikkut tunniutassanngortinneqarsinnaapput.

Pilersuisumik annaasaqarnermut taarsiissutit piffissami aalajangersimasumi ingerlaavartumik taarsiissutitut akuersissutigineqassapput, ulloq toquffimmiit atuuttumik akilerneqartussat aamma sivisunerpaamik ukiuni qulini, tak. Kalaallit Nunaanni sulinermi ajoqusernermut isumannaarineq pillugu inatsimmi § 24, imm. 2. Pilersuisumik annaasaqarnermut taarsiissutit aallaaviatigut ingerlaavartumik taarsiissutitut akilerneqassapput, kisinni qimagaasup noqqaassuteqarneratigut ataatsikkut tunniutassanngortinneqarsinnaallutik, tak. Kalaallit Nunaanni sulinermi ajoqusernermut isumannaarineq pillugu inatsimmi § 24, imm. 3, tak. § 31, imm. 3.

Kalaallit Nunaanni sulinermi ajoqusernermut isumannaarineq pillugu inatsimmi § 31, imm. 4, oqaaseqatigiit siullianni allaqqavoq, ingerlaavartumik taarsiissutitik ataatsikkut tunniutassanngortitsineq allanngortitsinerup nalaani ikiorsiissutit angissusaat tunngavigalugit pissasoq, tassa piffissami, aningaasat akilerneqarsinnaaffianni.

Ingerlaavartumik taarsiissutitik ataatsikkut tunniutassanngortitsinermi taarsigassarsiat aningaasanngortinneqarnerannut naleqqersuutit atorneqassapput, aalajangersakkamut inatsimmi oqaaseqatit malillugit toqusoqartarnermut tunngatillugu piumasaqaatinik aamma erniat qaffasissusaannik imaqartut. Taarsigassarsiat aningaasanngortinneqarnerannut naleqqersuutit aalajangersarneqarput siumoortumik naatsorsuinermit tunngaviit malillugit aamma ullumikkut naliusup naatsorsorneqarnissaanut, taarsiiffigitittussap pissarsiassai nangittumik ingerlaavartuugaluarpata. Aalajangersakkami allanneqarpoq, piffissaq allanngortitsiffiusoq tassaammat piffissaq, aningaasat akilerneqarsinnaaffiat, imatut isumaqartoq, piffissami tassani ajoqusertup inuussutissarsiornikkut atugai naammattumik erseqqissarneqassasut.

Taarsigassarsiat aningaasanngortinneqarnerannut naleqqersuutitik aalajangersaanermut tunngaviit 1978-imiilli allanngortinneqanngillat aamma tunngavinnut assingullutik, sulinermi ajoqusernermut isumannaarineq pillugu inatsit malillugu atorneqartunut, taassuma 2007-mi allanngortinneqarnissaa sioqqullugu.

Allanngortitsinermi taarsigassarsiat aningaasanngortinneqarnerannut naleqqersuutitut immikkuualuttut arlallit apeqqutaapput, siunissami taarsiissutissat naatsorsorneqarsinnaanissaat siunertaralugu, tiguisussap utoqqalinersiuteqalernissaata tungaanut. Immikkuualuttut tulluittut marluk aalajangersakkami ilaapput:

- Toqusoqartarnermut tunngatillugu piumasagaatit: U74-imut naleqqersuutitut taagorneqartoq, Danmarkimi 1960-ikkunni aamma 1970-ikkunni toqusoqartarnermut alaatsinaannermik tunngaveqarpoq, aamma angutit arnallu immikkoortinneqarlutik, naatsorsueqqissaarnikkut Kalaallit Nunaanni arnani toqusoqartarnera annikinnerummat angutitut sanilliullugu. U74-imut naleqqersuummi toqusoqartarnermut tunngatillugu ilimaginninneq piffissamut naleqqutinnilaq, ukiut inuuffigineqartartut qaffasinnerummata, 1960-ikkunni aamma 1970-ikkunni ukiunut inuuffigineqartartut sanilliullugit. Toqusoqartarnermut tunngatillugu ilimaginninnermik U74-imut naleqqersuummik atuinerup kingunerivaa, ataatsikkut tunniutassanngortitat nalinginnaasumik appasippallaarnerat, ingerlaavartumik taarsiissutitut sanilliullugit, aamma piffissamut naleqquttumik naatsorsuisarnermut tunngatillugu.
- Erniat qaffasissusaat: aningaasat siunissami ernialersornissaannut 10 procentimik qaffasissusilimmik aalajangersaaneq, tassani ukiut tamaasa erniat ataatsikkut taarsiissutiniit ilanngaatineqassallutik taarsiissutit atorunnaarnissaata tungaannut. Erniat qaffasissusaannik atuinerup kingunerivaa, ataatsikkut taarsiissutininngaanniit ilanngaaneq, ernialersuummit qaffasinnerusumik, ataatsikkut taarsiissutini/pigisanik nalilinnik inissiinnikkut/aningaasaliinnikkut taarsiiffigitinnissamut pisinnaatitaasut naatsorsuutigisinnaasaannik.

Tamatuma saniatigut taarsigassarsiat aningaasanngortinneqarnerannut naleqqersuutit ukiunut ilivitsunut aalajangersarneqassapput aamma taamaallutik ajoquserup ukiutim eqqortumik apeqqutaatitsinatik, tassunga ilanngullugu pineqartoq ukioqaleqqamminersoq imaluunniit ukioqalissanersoq assersuutigalugu qaammatit marluk iluanni. Tamanna isumaqarpoq, ajoquserup ataatsikkut taarsiissutissamik assinginnik tigussisoq, apeqqutaatinnagu tigussisoq assersuutigalugu 43-nik ukioqarnera aamma qaammammik ataatsimik qaammateqarnera imaluunniit 43-nik ukioqarnera aamma qaammatinik aqqanilinnik qaammateqarnera.

Taarsiissutit ataatsikkut tunniunneqarpata akileraaruteqassanngillat, akernianilli akileraasusigassaallutik, ingerlaavartumik taarsiissutitut akilernerqarpata. Taarsigassarsiat aningaasanngortinneqarnerannut naleqqersuutini tamanna apeqqutaatinneqassanngilaq, tamatumalu kingunerissavaa, akileraartitsilluni ilanngaasoqassannginnera, ingerlaavartumik ukiumut taarsiissutinit akileraarutissap akilernerqartup assinganik. Tamanna isumaqarpoq, taarsiissutit ataatsikkut tunniutassanngortitat naleqarnerusut, ingerlaavartumik taarsiissutitut sanilliullugit.

Kalaallit Nunaanni sulinerimi ajoqusernermut isumannaarineq pillugu inatsimmi § 31, imm. 4, oqaaseqatigiit aappaanni atuuttumi ilanngullugu allaqqavoq, taarsiissutiniq allanngortitsineq taamaallaat siunissamut sunniuteqassasoq. Tamanna isumaqarpoq, siunissami taarsiissutit taamaallaat ataatsikkut tunniutassanngortinneqarsinnaaneri, tassami ingerlaavartumik taarsiissuteqarneq piffissami aallartittussaammat, inuussutissarsiornermik annaasaqarnerup takussutissartaqalernerani. Piffissaq taarsiiffigitinnissaq pillugu aalajangiineq sioqqullugu inissisimasinnaavoq, taamaattoq siusinnerpaamik piffissami, ajoqusernerup sillimmasiisarfirmut imaluunniit Arbejdsmarkedets Erhvervssikringimut nalunaarutigineqareernerani.

Kalaallit Nunaanni sulinerimi ajoqusernermut isumannaarineq pillugu inatsimmi § 31, imm. 4, oqaaseqatigiit pingajuanni atuuttumi naggataatigut allaqqavoq, suliaqartitsinerup ministeri Namminersorlutik Oqartussat isumaqatigiinniarfigereerlugit, ingerlaavartumik ikiorsiissutiniq ataatsikkut tunniutassanngortitsilluni allanngortitsineq pillugu malittarisassamik aalajangersaassasoq.

Taamaalilluni suliassaqartitsinermit ministeri Namminersorlutik Oqartussat isumaqatigiinniartigereerlugit, qanoq ililluni inuussutissarsiorsinnaanermik annaasaqarnermut ingerlaavartumik taarsiiffigitinnerup ataatsikkut tunniutassanngortitsilluni allannngortinneqarnissaat pillugu malittarisassanik erseqqinnerusunik aalajangersaanissamut pisinnaatitaavoq, tak. Kalaallit Nunaanni sulinermit ajoqusernermut isumannaarineq pillugu inatsimmi § 31, imm. 4, oqaaseqatigiit pingajuat. Ingerlaavartumik taarsiissutit ataatsikkut tunniutassanngortillugit allannngortitsineq pillugu malittarisassat, Kalaallit Nunaanni sulinermit ajoqusernermut isumannaarineq pillugu inatsit malillugu ingerlaavartumik ikiorsiissutit ataatsikkut tunniutassanngortillugit allannngortitsineq pillugu nalunaarummik nr. 1602, 18. december 2018-imeersumik aallaaveqarput.

Inatsisissatut siunnersuummi § 1, nr. 9-mi, siunnersuutigineqarpoq, § 31, imm. 4 imatut allanneqassasoq: »Ingerlaavartumik taarsiissutit aningaasanngorlugit ataatsikkut tunniutassanngortinneqarneranni, piffissami tunniutassanngortitsinermit taarsiissutissat annertussusaat tunngavigalugit tunniutassanngortitsisoqassaaq, piffissaq aningaasat tunniunneqarsinnaaffiat, tassaavoq piffissaq tunniutassanngortitsivik. Tunniutassanngortitsineq taamaallaat siunissamut sunniteqassaaq. Ingerlaavartumik taarsiissutit aningaasanngorlugit tunniutassanngortitsinermit naleqqersuutit, qaammatinut aamma ukiunut tamakkiisunut, sillimmasiinermit naatsorsuisarnermut tunngatillugu tunngaviit tunngavigalugit aalajangersarneqassapput. Ingerlaavartumik taarsiissutit aningaasanngorlugit ataatsikkut tunniussisoqartarnissaanut malittarisassat, Suliassaqartitsinermit ministerip Namminersorlutik Oqartussat isumaqatigiinniartigereerlugit aalajangersassavai.«

Siunnersuutip ilaatigut kingunerissavaa, § 31 imm. 4-mi taaguutit »taarsiissutit« aamma »ikiorsiissutit«, assigiissarneqarnissaat taamaalilluni taaguut »taarsiissutit« kisimi atornerqarlerluni. Taaguutit marluullutik, sulinermit ajoquserneq pillugu suliamut atatillugu ajoqusernut imaluunniit qimagaasunut akilerneqartunut, inuussutissarsiorsinnaanermik annaasaqarneq pillugu taarsiiffigitinnermut imaluunniit pilersuisumik annaasaqarneq pillugu taarsiiffigitinnermut ilaapput.

Taaguutit marlunnik atuinermit pisoq aamma taanna pineqarpoq, ingerlaavartumik qaammammut taarsiissutit ataatsikkut tunniutassanngortillugit allannngortitsineq. Taaguutit assigiissarinnerup imarisaanik allannguinerit kingunerissanngilai, aamma taamaallaat pineqarluni oqaatsitsigut allannguineq, aalajangersakkamik pisariillisaasoq.

§ 31 imm. 4, oqaaseqatigiit siulliannut siunnersuutip nangittumik kingunerissavaa, ingerlaavartumik taarsiissutit ataatsikkut tunniutassanngortillugit allannngortitsinerup, allannngortitsinerup nalaani taarsiissutit annertussusaat tunngavigalugit pinissaa, tassaasoq piffissaq, ataatsikkut tunniussilluni akiliisinnaalerneq.

Tamanna isumaqarpoq, inatsit atuuttut allannngortinneqassanngitsut, tamatuma kingorna piffissaq allannngortitsineq tassaasoq piffissaq, ataatsikkut tunniussilluni akiliisinnaalerneq. Ajoqusernut inuussutissarsiornikkut atugai piffissami tassani naammattumik erseqqissarneqarsimassapput.

§ 31 imm. 4, oqaaseqatigiit aappaannut siunnersuutip kingunerissavaa, aalajangersakkap ilusilersugaanerata ingerlateqqinneqarnissaa, taamaalilluni taarsiissutit allannngortitsineq taamaallaat siunissamut sunniteqassalluni.

Tamatuma kingunerissavaa, ajoqusernut imaluunniit qimagaasut nangittumik taarsiissutit ingerlaavartumik allannngortitsisinnaannginnerat, ataatsikkut tunniutassanngortitat akilerneqarsinnaanerata sioqqullugu piffissami, ataatsikkut tunniutassatut. Tamanna taarsiissutit akilerneqarsimanerit imaluunniit naamik apeqquataatinngu atuuppoq.

Ilanngullugu siunnersuutip kingunerissavaa, § 31 imm. 4-mi nutaamik oqaaseqatigiit pingajuannik ikkussinissaq, tassani allaqqalluni, ingerlaavartumik taarsiissutit ataatsikkut tunniutassanngortillugit allanngortitsinermut naleqqersuutit, siumoortumik naatsorsuinerit tunngaviit tunngavigalugit ukiunut aamma qaammatinut ilivitsunut aalajangersarneqarnissaat.

Taamaalilluni siunnersuutigineqarpoq, suleriaatsinut atuuttunut naapertuuttumik toqqaannartumik aalajangersakkami allaqqassasoq, taarsigassarsiat aningaasanngortinneqarnerannut naleqqersuutit siumoortumik naatsorsuinerit tunngaviit malillugit aalajangersarneqassasut aamma tamatuma saniatigut, ukiunut aamma qaammatinut ilivitsunut aalajangersaanissaq, ukiunuinnaanngitsunut suleriaatsit atuuttut malillugit. Taamaaliornikkut qulakkeerneqassaaq, ataatsikkut tunniutassanngortitsinerup ajoqusertup ukiunut eqqortunut tulluarsarneqarnissaat.

Matumuuna siunnersuutigineqarpoq, taarsigassarsiat aningaasanngortinneqarnerannut naleqqersuutit atuuttut erniat qaffasissusaannik aamma U74-imik naleqqersuutit imaqartut, taarsigassarsiat aningaasanngortinneqarnerannut naleqqersuutit piffissamut naleqqunnerusunik aamma eqqunnerusunik taarserneqarnissaat. Siunnersuutigineqarpoq, ataatsikkut tunniutassanngortitat aalajangersarneqarnerit immikkuualuttut tulliuttut ilaatinneqarnissaat:

- Inuuneqqortussutisimut tunngatillugu piumasaqaatinut Finanstilsynip uuttuutaa
- Suiaassutisimik apeqqutaatitsinnginneq
- Pigisat pissarsiat naatsorsuutigineqartut, erniat annertussusiat tunngavigalugit naatsorsorneqartut ukiut siuliini tallimani Danmarkimi ukiunut 30-nut realkreditobligationinut erniat ukiumut agguaqatigiissitsinikkut aalajangersarneqartut
- Pigisanit pissarsiat naatsorsuutigineqartut akileraaruserneri ukiup isertitsiviusup siuliani Kalaallit Nunaanni akileraarutigittinneqartut katinnerisut aalajangersarneqartut
- Ilanngaat ikiorsiissutit ingerlaavartut akileraaruserneqarnerit assingusoq ukiup isertitsiviusup siuliani Kalaallit Nunaanni akileraarutigittinneqartut katinnerisut aalajangersarneqartut
- Naleqqussaaneq ukiuni tallimani Kalaallit Nunaanni akit ineriartornerit naleqqersuutip agguaqatigiissinneranut assingusoq, Arbejdsmarkedets Erhvervssikringip ukiut tamaasa Kalaallit Nunaanni Naatsorsueqqissaartarfimmiit pissarsiarisartagaa, aamma Kalaallit Nunaanni ingerlaavartumik taarsissutit naleqqussarneqartarnerit atorineqartareersoq
- Ajoqusertup ukiui aamma qaammatai

Ullumikkut Finanstilsynip inuuneqqortussutisimut tunngatillugu piumasaqaatinut uuttuutini ukiumut ataasiarluni aalajangersartarpaa. Inuuneqqortussutisimut tunngatillugu piumasaqaatinut tunngaviupput danskit paasissutissaataat aamma Kalaallit Nunaanni inuuneqqortussuseq Danmarkimut sanilliullugu sivikinnerugaluartoq, pineqarput nikinganerit annikitsut, Kalaallit Nunaanni sulineri ajoqusernerit isumannaarineq pillugu inatsit malillugu qaqutigunnaq taarsiiffigitinnissamut akuerineqartartunut eqimattanut ukioqatigiiaanut malunnaateqarnerusut. Kalaallit Nunaanni eqimattani ukioqatigiiaani aalajangersimasuni toqusoqartarnera pisunut aalajangersimasunut annerusumik attuumassuteqarsinnaavoq, taamaalillunilu Kalaallit Nunaanni toqusoqartarnerani nikerarnernik naatsorsuinerit nalaatsornermik aamma nalorninartumik mikinngitsumik sunnerneqarsimassallutik. Tamanna tunngavigalugu Kalaallit Nunaanni

inuuneqqortussutsip qaffasissusaanut inuuneqqortussutsimut tunngatillugu piumasaqaatinut Finanstilsynip uuttuutaa piffissamut naleqqunnerpaatut aamma eqquunnerpaatut nalilerneqarpoq.

Inuuneqqortussutsimut tunngatillugu piumasaqaatinut Finanstilsynip uuttuutaa immikkuualuttunik marlunnik tunngaveqarpoq; ullumikkut toqusoqartarnera alaatsinaanneqartumut uuttuut aamma siunissami inuuneqqortussutsimut pitsanngoriaatissatut naatsorsuutigineqartumut uuttuut.

Ullumikkut toqusoqartarnermut alaatsinaannermut Finanstilsynip uuttuutaa ukioqqortussutsini tamani toqusoqartarnera pillugu aalajangersakkanik iluseqarpoq aamma arnanut angutinullu immikkut aalajangersarneqartarluni. Ullumikkut toqusoqartarneranik alaatsinaannermut uuttuummut tunngaviupput danskit imminut sillimmasiisarfiisa aamma soraarnerussutisiaqalernissamut aningaasaateqarfiisa arlallit paasissutissaataat aamma pineqarlutik inuit katillugit 2,9 millionit (2018), ingerlaavartumik ilaartorneqartut. Tamatuma kingorna ukiuni tallimani kingullerni paasissutissat aamma ukiut tamaasa nutarterneqartartut Videncenter for Helbred og Forsikringimit aamma Danmarks Statistikimit suliarineqartarput.

Videncenter for Helbred og Forsikringimiit paasissutissat inersimasunut taamaallaat ilaatinneqarmata, Finanstilsynip 0-25 ukiullit pillugit toqusoqartarnera pillugu naatsorsuinermini Danmarki tamakkerlugu inuuneqqortussutsimut paasissutissat Danmarks Statistikimit tussarsiarineqartut atorpai.

Inuuneqqortussutsimut tunngatillugu siunissami pitsanngoriaataasussatut naatsorsuutigineqartunut uuttuut toqusoqartarnerata ukiumut annikilleriarneranik procentimik aalajangersaanermik tunngaveqarpoq aamma arnanut angutinullu immikkut aalajangersarneqartarluni. Inuuneqqortussutsimut tunngatillugu siunissami pitsanngoriaataasussatut naatsorsuutigineqartunut Finanstilsynip uuttuutaa paasissutissanik tunngaveqarpoq, Danmarks Statistikimit pissarsiarineqartunik aamma Danmarki tamakkerlugu innuttaasut pillugit paasissutissanik tunngaveqarluni. Siumut naatsorsuinermut ukiuni kingullerni 20-ni paasissutissat tunngaviupput, ukiut tamaasa nutarterneqartartut.

Taamaattumik inuuneqqortussutsimut tunngatillugu piumasaqaatinut Finanstilsynip uuttuutaa, ullumikkut toqusoqartarnermut tunngatillugu alaatsinaannermut uuttuummik aamma inuuneqqortussutsimut tunngatillugu siunissami pitsanngoriaataasussatut naatsorsuutigineqartunut tunngatillugu uuttuummik ilaqartoq, Kalaallit Nunaanni toqusoqartarnermut tunngatillugu ullumikkut nassuiaammik pitsaanerpaamik takutitsivoq aamma siunissami taamaaginnarnissaa naatsorsuutigineqarluni, paasissutissammi ukiut tamaasa nutarterneqartarmata.

Tamatuma malitsigisaanik piumasaqaatigineqarpoq, Arbejdsmarkedets Erhvervssikringip taarsiissutit ingerlaavartut ataatsikkut tunniutassanngortillugit allanngortitsinerminut inuuneqqortussutsimut tunngatillugu piumasaqaatinut Finanstilsynip uuttuutaanik atuinermini, ullumikkut toqusoqartarnermut tunngatillugu alaatsinaannermut uuttuut aamma inuuneqqortussutsimut tunngatillugu siunissami pitsanngoriaataasussatut naatsorsuutigineqartunut tunngatillugu uuttuut ilaatittassagai.

Sulinermi ajoqusernermut tunngatillugu taarsigassarsiat aningaasanngortinnerannut naleqqersuutit U74-imi naleqqersuut toqusoqartarnermut ilimaginninnermiit inuuneqqortussutsimut tunngatillugu piumasaqaatinut Finanstilsynip uuttuutaanut allannguinnissamut siunnersuutip kingunerissavaa ajoquserturnut aamma qimagaasunut taarsiissutininik ataatsikkut tunniussineq piffissamut naleqqunnerusoq. Tamatumunnga pissutaavoq, U74-imi naleqqersuummik toqusoqartarnermut ilimaginninnermut sanilliullugu inuuneqqortussutsimut tunngatillugu piumasaqaatinut Finanstilsynip uuttuutaa malillugu toqusoqartarnermut annertunerusumik ilimanaateqartitsinera, aamma uuttuutip ingerlaavartumik nutarterneqartarnera.

Taarsiissutini ataatsikkut tunniussinerit nangittumik nikerassapput, tiguisussap ukiui aamma taarsiissutit atorunnaaneri naleqqersuutitut apeqqutaammata.

Inuuneqqortussutisimut tunngatillugu piumasaqaatinut Finanstilsynip uuttuutaa Finanstilsynip ataatsimoorussamik ilusiliineq tunngavigalugu atorneqarpoq, suaassuseq apeqqutaatinnagu agguaqatigiissillugu inuuneqqortussutisimik takutitsisoq.

Taarsigassarsiat aningaasannortinnerannut naleqqersuutit suaassutsimik apeqqutaatitsinngitsunik atuinnermi Kalaallit Nunaanni sulinnermi ajoqusernermut isumannaarineq pillugu inatsit sulinnermi ajoqusernermut isumannaarineq pillugu inatsit malillugu sulinnermi ajoqusernermut taarsiissutini ataatsikkut tunniutassannortitsinnermut malittarisassanut assingulissaaq, 1. marts 2015-imiilli taarsigassarsiat aningaasannortinnerannut naleqqersuutit suaassutsimik apeqqutaatitsinngitsut atorneqarmata.

Siunnersuutikkut siunissami aningaasat ernialersorneqarnissaannut erniat qaffasissusaat nutarterneqassaaq. Piffissami siusinnerusumi erniat qaffasissuserisaat aallavigalugu erniat qaffasissusaat aalajangersarneqassaaq. Ukiuni 30-ni realkreditobligationimut erniaritneqartut agguaqatigiissinnerat erniassatut siunertarineqassaaq, ukiuni tallimani agguaqatigiissitsineq tunngavigalugu. Tamatuma kingunerissavaa, tunngaviumik erniap aalaakkaanerunissaa, ukiut akornanni nikerarnerit naleriissarneqarmata. Piffissaq illuatunaaniittoq ungasippallaanngilaq nalinginnaasutut sunniutissat annaaneqarnaviaralik.

Ernianut tunngatillugu piumasaqaatinut kinaassusersiunngitsumik piumasaqaatit apeqqutaatillugit, Danmarkimi erniat ineriartornerannik ilumoortumik takutitsisunut, qulakkeerneqarpoq, taarsiissutit ataatsikkut tunniussat piffissami atuuttumi (ullutsinni) nalingisa, ernialersuinissaaq naatsortuutigineqartoq ilanngunnagu aamma ingerlaavartumik taarsiissutit akornanni, taarsiissutit atorunnaanissaata tungaannut naapertuunnerusumik inissisimaneq.

Tamatuma saniatigut siunnersuutikkut pigisanit pissarsiat naatsorsuutigisat akileraarusersorneqassapput, pigisanit pissarsiat akileraarusersorneqarneranni akileraarutit procentinngorlugit agguaqatigiissinnerat atorneqarlutik, tassaasut kommunimut, nuna tamakkerlugu aamma kommuninut ataatsimut akileraarutit, pigisanit pissarsiat akileraaruserneqarneranni atorneqartussat.

Tamanna ataatsimut isumaqarpoq, inuit taarsiiffitiginneri ukiualunnguit qaangiunnerini atorunnaartussaasut, annikinnerusumik taarsiiffigitissasut, ernianut appasinnerusumik ilanngaateqarnermi pissarsiassaaq tamakkiisumik akileraarutitut ilanngaammit appasinnerusussaammat. Inuit ukiorpassuarni tulliuttuni taarsiiffitiginneri aatsaat qaangiuttussat, nangittumik ataatsimut isigalugu ataatsikkut taarsiissutit malunnaatilimmik qaffasinnerulissasut misigissavaat.

Ilanngullugu siunnersuutikkut ingerlaavartumik taarsiissutit akileraarusersorneqarnerinut assingusumik ilanngaasoqassaaq, ingerlaavartumik taarsiissutit akileraaruserernerisa kingorna naatsorsuinnermi akileraarutit procentinngorlugit agguaqatigiissinneri atorneqassallutik. Kalaallit Nunaanni akileraarutit procentinngorlugu agguaqatigiissinneri atorneqassapput, tassaasut kommunimut, nuna tamakkerlugu aamma kommuninut ataatsimut akileraarutit.

Ataatsimut isigalugu taarsigassarsiat aningaasannortinnerannut naleqqersuummut akileraaruummut ilanngaammik ilanngussineq ataatsikkut taarsiissutini annikinnerusunik akiliinermik kinguneqassaaq, siusinnerusukkat Kalaallit Nunaata taarsigassarsiat aningaasannortinnerannut naleqqersuummut akileraarutit eqqarsaatigineqanngimmata. Ataatsikkut taarsiissutini ilanngaammik ilanngussinerup

isumannaassavaa, ataatsikkut taarsiissutit aamma ingerlaavartumik taarsiissutit nalingisa annertunerusumik assigiissarneqarneri.

Siunnersuutikkut ingerlaavartumik taarsiissutit ataatsikkut tunniutassanngortitsilluni allanngortitsineq ilanngullugu naleqqussarneqassaaq akit ineriartornissaannut naatsorsuutiginninnermut tunngatillugu. Tamanna pissaaq akit ineriartornerannut naleqqersuutit agguaqatigiissinneqarnera tunngavigalugu, Arbejdsmarkedets Erhvervssikringip ukiut tamaasa pissarsiarisartagaa, aamma ilaatigut Kalaallit Nunaanni sulinermi ajoqusernermut isumannaarineq pillugu inatsit malillugu ingerlaavartumik taarsiissutit ukiumoortumik naleqqussarneqarneranni atorineqartartoq. Siunnersuutigineqarpoq, ukiut siuliini tallimani naleqqersuutit tunngavigalugu agguaqatigiissitsinerup naatsorsorneqartarnissaa, taamaaliornikkut ineriartorneq kingulleq eqqarsaatigineqartarmat, kisianni peqatigalugu ukiuni ataasiakkaani nikerarnerit assigiissarneqartarlutik.

Naggataani siunnersuutit kingunerissavaa, ajoquserut ukiui ukiunut qaammatinullu iluittunut aalajangersarneqartarnissaa. Ilitsersuutit ukiumoortuni, taarsigassarsiat aningaasanngortinnerannut naleqqersuutit saqqummiunneqartarfiini, ukiunut iluittunut naleqqersuutit taamaallaat allaqqasarpit. Ajoquserut ukiui ukiunut aamma qaammatinut naatsorsorneqarpata, aamma ukiorisat ukiut ilitsersuutit saqqummiunneqartut akornaniippata, naleqqersuutit akornaniittut assingusut atorineqassapput, ajoquserut ukiuinik tunngaveqartut, ukiunut aamma qaammatinut naatsorsorneqarlutik. Taakkua naleqqersuutit akornaniittut Arbejdsmarkedets Erhvervssikringip nittartagaani pissarsiarineqarsinnaapput.

Ukiunut aamma qaammatinut iluittunut aalajangersaanerup taarsiissutit assigiinngittarneri annikillissavai, ingerlaavartumik taarsiissutit ataatsikkut tunniutassanngortinnissaannut qaqugukkulluunniit aalajangiinnermut tunngatillugu, assersuutigalugu ajoquserut inuuissiorinissaa sioqqullugu imaluunniit kingoqqullugu. Taamaaliornikkut qularnaarneqassaaq immikkoortitsinissaa inummik, assersuutigalugu ukiunik 40-nik qaammammillu ataatsimik ukiulimmik aamma inummik, ukiunik 40-nik qaammatinillu 11-nik ukiulimmik, taamaalilluni taarsiissutit uuttortarneqarneranni eqqarsaatigineqassalluni, inuup aappaa inummut aappaanut sanilliullugu ukiumik ataasingajammik nukarliunera taamaattumillu utoqqalinersiuteqalernissaanut piffissaq ukiumik ataasingajammik sivisunerussalluni.

Taarsigassarsiat aningaasanngortinnerannut naleqqersuutit nutartikkanik atuutilersitsineq, taarsiissutit ataatsikkut tunniussineq peqatigalugu pissaaq. Tamanna isumaqarpoq, qaavatigut aningaasartuutit ingerlaavarumik atuutilersinnissaa, ingerlaavartumik taarsiissutit ataatsikkut tunniutassanngortitsilluni inissiinnikkut allanngortitsineq peqatigalugu. Sillimmasiisarfiit piffissami ajoqusernermut aningaasartuutit tamarmik siullertut inissinneqarneranni tamanna eqqumaffigisussaasavaat.

Naggataatigut § 31 imm. 4, oqaaseqatigiit sisamaanni siunnersuutigineqarpoq, aalajangersakkap taamatut isikkoqartillugu ingerlateqqinneqarnissaa. Taamaalilluni siunnersuutit kingunerivaa, suliaaqqartitsinerit ministerip Namminersorlutik Oqartussat isumaqatigiinniarfigereerlugit ingerlaavartumik taarsiissutit ataatsikkut tunniutassanngortillugit allanngortitsinerit malittarisassanik aalajangersaanissaa.

Tamanna isumaqarpoq, suliaaqqartitsinerit ministeri tamanna tunngavigalugu pisinnaatinneqartoq ingerlaavartumik taarsiissutit ataatsikkut tunniutassanngortillugit allanngortitsinerit malittarisassanik erseqqinnerusunik nalunaarummi aalajangersaanissamut, ingerlaavartumik taarsiissutit ataatsikkut tunniutassanngortillugit allanngortitsineq pillugu Kalaallit Nunaanni sulinermi ajoqusernermut isumannaarineq pillugu inatsit malillugu nalunaarut kingulleq nr. 1602, 18. december 2018-imeersoq.

Taarsigassarsiat aningaasanngortinnerannut naleqqersuutit ukiumoortut siunissami siunnersuummik aamma nalunaarummi tunngaviit nutaat malillugit naatsorsorneqassapput aamma tamatuma saniatigut siunissami ukiumoortumik ilitersuummi Arbejdsmarkedets Erhvervssikringip siulersuisuiniit inassuteqarneq tunngavigalugu piviusunngortinneqassallutik. Sulinermi ajoqusernermik isumannaarineq pillugu inatsimmi suleriaatsimut assinguvoq.

Aalajangersagaq siunnersuutigineqartoq sulinermi ajoqusernermut isumannaarineq pillugu inatsimmi § 27-mut assinguvoq.

Tamatuma saniatigut oqaaseqaatit nalinginnaasut innersuussutigineqarput, imm. 2.8.

Nr. 10-mut

Kalaallit Nunaanni sulinermi ajoqusernermut isumannaarineq pillugu inatsimmi § 35, imm. 1-imi aalajangersakkami atuuttumi allaqqavoq, sulinermi ajutoorneq, inatsit malillugu ikiorsiissuteqarnissamut piumasaqaateqarsinnaanermut tunngaviusinnaasoq, piaarnerpaamik aamma ajoqusernermiit kingusinnerpaamik ullut qulingiluat qaangiunneranni nalunaarutigineqassasoq. Tamatuma saniatigut inatsimmi § 35, imm. 2-mi aalajangersakkami atuuttumi allaqqavoq, sulinermi ajutoorneq imm. 1 malillugu nalunaarutigineqarsimanngippat, aamma ajoqusertoq ullormiit ajoquserfimminiit kingusinnerpaamik sapaatit akunneri tallimat qaangiunneranni nalinginnaasumik tamakkiisumik suleqqilersimanngippat, tamatuma kingorna kingusinnerpaamik ullut qulingiluat qaangiutsinnagit ajoqusernerup nalunaarutigineqassasoq.

Inatsit malillugu ajoqusernumut aamma qimagaasunut taarsiiffigitinnermik aamma ajunngitsorsiaqarnermik il.il. kinguneqarsinnaappat, imaluunniit ajoqusertoq ullormiit ajutoorfimminiit kingusinnerpaamik sapaatit akunneri tallimat qaangiunneranni nalinginnaasumik tamakkiisumik suleqqilersimanngippat, taamaalilluni aalajangersagaq atuuttoq malillugu, ajoquserneq nalunaarutigineqassaaq. Aalajangersakkami taamaallaat pineqarput sulinermi ajutoornerit. Aalajangersagaq atuuttoq malillugu nalunaarutiginninnissamut piumasaqaat pingaarneq tassavoq, sulinermi ajutoorneq pissutigalugu ajunngitsorsiaqarnissaq piumasaqaataanersoq, aappaattullu piumasaqaat pingaarneq tassalluni, ajoquserup ullormiit ajoquserfimminiit sapaatit akunneri tallimat qaangiunneranni sulit nalinginnaasumik tamakkiisumik sulileqqissinnaannginnera.

Sulinermi ajutoorneq inatsisit atuuttut malillugit inuup ajoqusernerivaa, tassanngaannartumik pisup imaluunniit sunnerneqaatip kingunerisaa, sivisunerpaamik ulluni tallimani atuuttoq, aamma sulinerup kingunerisaa. Taamaalilluni piumasaqaataavoq, ajutoorneq pisimassasoq ajoquserup sulinera pissutigalugu imaluunniit pissutsit sulinermi atuuttut pissutigalugit. Taamaattumik sulinerup avataani timikkut nakuuserneq, sioorasaarineq aamma kanngunarsaalluni pissusilersorneq alla ilaatinneqassapput, tamanna sulisitsisumut sullissinnermut attuumassuteqarpat. Oqaaseqaatigineqassaaq, inuup ajoquserneranik taaguut aamma taamaalilluni akuersaarnissamut apeqqut inatsisissatut siunnersuummi matumani sakkukillineqassammata, tak. inatsisissatut siunnersuummi § 1, nr. 1.

Sulisitsisoq kinaluunniit nalunaarutiginninnissamut pisussaaffeqarpoq, nunami maani sullissinnermini inunnik sulisitsisoq, sulineq akissarsiaqaataanersoq, akissarsiaqaataannginnerneq, ataavartuunersoq, utaqqiisaagallartuunersoq imaluunniit qaangiuttusaanersoq apeqqutaatinnagu. Tamanna sulisitsisumut ilanngullugu atuuppoq, sullissinnermini inunnik Kalaallit Nunaanni umiarsuarmini sulisunik sulisitsisumut, tak. Kalaallit Nunaanni sulinermi ajoqusernermut isumannaarineq pillugu inatsimmi § 53, imm. 3.

Inummut inuup nammineq angerlarsimaffiani sulisumut imaluunniit nammineq inuttut sulinermi kiffartuussisumut, sillimmasernissamut pisussaaffeqanngitsumut, tak. § 36, imm. 2, sulisitsisoq nalunaarutiginninnissamut pisussaaffeqarpoq. Ajoqusertumut, § 36, imm. 3 malillugu immiut isumannaarsimasumut, aamma inummut, nunami maani inuup inuuneranik annaassiniartumut, tamanna nalinginnaasumik suliffianut ilaangikkaluartoq, tak. inatsimmi § 4, imm. 2, nr. 4, pineqartup nammineerluni imaluunniit taassuma qimataasa nalunaarutiginninneq isumagissavaat.

Inatsisissatut siunnersuummi § 1, nr. 10-mi, siunnersuutigineqarpoq, § 35 imm. 1-miit 3-mut atorunnaarsinneqarnissasut aamma taarsiullugu ikkunneqassasoq: »Sulisitsisup ullormiit sulinngiffiusumiit siullermiit kingusinnerpaamik ullut 14-it qaangiutsinnagit sulinermi ajutoorneq nalunaarutigissavaa, ullup ajoquserfiup saniatigut, ajutoorneq ajoquserup nalinginnaasumik sulisarneraniit sulinngitsoormik kinguneqarpat.

Imm. 2. Sulinermi ajutoornerit, sulinngitsoormik kinguneqanngitsut, kisianni inatsit malillugu ikiorsiissutinik pisartagaqarnissamut piumasaqaateqarfiusinnaasutut nalilerneqartut, tak. § 10, kingusinnerpaamik ullormiit ajoquserfiusumiit ullut 14-it qaangiutsinnagit sulisitsisumit nalunaarutigineqassapput.«

Imm. 4 imm. tamatuma kingorna imm. 3-nngussaaq.

§ 35, imm. 1-mi allannguutissatut siunnersuutigineqartup kingunerissavaa, ajutoorneq ullup ajoquserfiusup saniatigut ajoquserup nalinginnaasumik suliffianiit sulinngitsoormik kinguneqarsimappat, sulisitsisup ulloq sulinngiffiusoq siullermiit kingusinnerpaamik ullut 14-it qaangiutsinnagit sulinermi ajutoorneq nalunaarutiginninnissaa.

Siunnersuutip kingunerissavaa, nalunaarutiginninnissamut pisussaaffik nangittumik sulisitsisumiissasoq, Kalaallit Nunaanni sulinermi ajoqusernermut isumannaarineq pillugu inatsimmi § 46, imm. 1 malillugu isumannaarinissamut pisussaaffeqartitsisoq.

Ilanngullugu siunnersuutip kingunerissavaa, ullup ajoquserfiup saniatigut ajutoorneq ajoquserup nalinginnaasumik suliffimmini sulinngitsoormik kinguneqarpat, sulisitsisup sulinermi ajutoorneq nalunaarutigissagaa. Tamatumunnga atatillugu aalajangiisuvoq, sulisoq ullup ajoquserfiup kingorna nalinginnaasumik suliassaminik piffissami nalinginnaasumi ingerlatsisinnaanersoq, ajoquserup sulinngiffeqarnersoq, assersuutigalugu sapaatip akunnerata naanera imaluunniit sulinngiffeqarneq pissutigalugit apeqqutaatinnagu. Taamaattumik sulinngitsoornertut isigineqarpoq, ajoquserup ajutoornerup kingorna taamaallaat ilaannakortumik suliassaminik nalinginnaasunik ingerlatsisinnaappat, sulisoq saniatigut allanik suliagarnersoq apeqqutaatinnagu aamma taamaalilluni piffissaq suliffigisassani nalinginnaasoq naammassillugu. Taamaattumik ajoquserup sulinngitsoortutut isigineqarsinnaavoq, ajoquserup suligaluarpuunniit, piffissaq suliffiusoq sivikinnermik imaluunniit qajassuussilluni mianerinninnermik pissuteqartoq. Apeqqutaanngilaq, ullormi ajoquserfimi ajoquserup sulinini tamakkiisumik ingerlatileqqilersimaneraa.

Siunnersuutip kingunerissavaa, sulisitsisup sulinermi ajutoorneq nalunaarutigissagaa ulloq sulinngitsoorfik sullermiit kingusinnerpaamik ullut 14-it qaangiutsinnagit. Taamaalilluni piffissamut nalunaarutiginniffiusumut ulloq sulinngitsoorfik siulleq aalajangiisuvoq. Ajutoornerit nangittumik Arbejdsmarkedets Erhvervssikringimut nalunaarutigineqartassapput, tassunga ilanngullugu Sulisilluni Ajoqusernerit pillugit Sullissivik, qarasaasiat aqutigalugit imaluunniit pappialanngorlugit immikkut immersugassat atorlugit, Sulisilluni Ajoqusernerit pillugit Sullissivimmit, sillimmasiisarfinnit imaluunniit

Sullivinnik Nakkutilliisoqarfimmit tunniunneqartut. Qarasaasiat aqqutigalugit www.anmeld.gl-ikkut nalunaarutiginnittoqarsinnaavoq.

Kalaallit Nunaanni sulinermi ajoqusernermut isumannaarineq pillugu inatsimmi § 40 malillugu, sulisitsisup ajutoorneq eqqortumik nalunaarutigisimanngippagu, ajutoornerup pinerata kingorna ukioq ataaseq qaangiutsinnagu, ajoquserut imaluunniit qimagaasut inatsit malillugu piumasaqaateqarsinnaapput. Taamaattoq ukiumik ataatsimik piffissarititaasoq eqqortinneqanngippat, ajoquserut ajutoornera aamma ajoquserut imaluunniit qimagaasut taarsiiffigitinnissamut pisinnaatitaaffeqarnerat uppersarsarneqarpat piffissarititaasumiit immikkut akuersisoqarnissanut periarfissaqarpoq.

§ 35, imm. 2-mi aalajangersakkap siunnersuutigineqartup kingunerivaa, ajutoornerit, sulinngitsoornermik kinguneqarsimanngitsut, kisianni inatsimmi § 10 malillugu piumasaqaateqarnermut tunngaviusinnaasutut ilimagineqartut, ulloq ajoquserfimmiit kingusinnerpaamik ullut 14-it qaangiutsinnagit sulisitsisumit nalunaarutigineqassasut.

Siunnersuutip kingunerissavaa, sulineq imaluunniit sulinermi pissutsit kingunerisaanik ajutoorneq, ajutoorneq sulinngitsoornermik kinguneqanngikkaluarpalluunniit, sulisitsisup ajutoorneq nalunaarutigissagaa, ajutoorneq makkununga pisinnaatitaaffeqalersitsinissaa naatsorsuutigineqarpat:

- 1) napparsimaneq pissutigalugu suliaritinnermut, sungiusaqqinnermut aamma ikiuutitut il.il. aningaasartuutitut akiliineq, tak. § 15,
- 2) inuussutissarsiornermi annaasaqarnermut taarsiissutit, tak. § 21,
- 3) ataavartumik ajoquteqalernermit ajunngitsorsiasat, tak. § 22.

Sulisitsisup suliffimmi toqusqarnerit tamaasa nangittumik nalunaarutigisassavai, tak. inatsimmi § 48, imm. 4.

Taamaalilluni siunnersuutigineqartoq § 35 imm. 2 malillugu apeqqutaassanngilaq, sulisup piffissami pisarnermisut nalinginnaasumik sulinini ingerlassinnaaneraa. Siunnersuutip kingunerissavaa, sulisitsisup sulinermi ajutoorneq nalunaarutigissagaa ullormit ajoquserfiusumit kingusinnerpaamik ullut 14-it qaangiutsinnagit.

§ 35, imm. 3-mi aalajangersakkap atorunnaarsinneqarnissaanik siunnersuutip kingunerissavaa, inuussutissarsiornermi nappaatinik nalunaarutiginninnissamut piffissarititaasoq inatsimmi toqqaannartumik allaqqajunnaassammat.

§ 35 imm. 3-mi aalajangersagaq atuuttoq, immi sunnuteqanngilaq, tassami nalunaarutiginninnermut piffissap qaqugumiit naatsorsorneqarnissaa il.il. pillugit nalunaarutiginninneq aamma aalajangersaaneq pillugit malittarisassanik aalajangersagaqarmat, Kalaallit Nunaanni sulinermi ajoqusernermut isumannaarineq pillugu inatsit malillugu, nakorsat aamma kigutit nakorsaat inuussutissarsiornermi nappaatinik Arbejdsskadestryelsenimut nalunaarutiginninnissamut pisussaaffiat pillugu nalunaarummi nr. 1624, 31. december 2010-meersumi. Taamaattumik § 35, imm. 3-p atorunnaarsinneqarnissaanik siunnersuut inatsimmik pisariillisaaqataassaaq aamma inatsisinik paasiuminarnerulertissalluni.

Nalunaarutiginninneq pillugu § 35-mi malittarisassat allanngortinneqarnissaannik siunnersuutitigut, § 35, imm. 1-mi sulinngitsoorneq pillugu nalunaarutiginninnissamut piumasaqaat pingarneq kinaassusersiortuussanngilaq, aamma ajutoornerit tamarmik, ullup ajoquserfiusup saniatigut sulinngitsoornermik kinguneqartut Sullivinnik Nakkutilliisoqarfimmut nalunaarutigineqartarnissaat pillugu sullivimmi avatangiisit pillugit inatsimmi malittarisassanut assingussalluni. Taamaattoq sulisitsisut § 35,

imm. 2 malillugu, nangittumik sulinermit ajutoornerit nalunaarutigisassavaat, taarsiiffigitinnissamut pisinnaatitaanermik kinguneqartussat naatsorsuutigineqartut, naak ajutoorneq sulinngitsoornermik kinguneqanngikkaluartoq.

Sulisitsisup nangittumik ajutoornerit Arbejdsmarkedets Erhvervssikringimut (Sulisilluni Ajoqusernerit pillugit Sullissivik) nalunaarutigisassavai. Sulisitsisut tamarmik, sullissinermini inunnik sulisoqartoq, Kalaallit Nunaanni sulinermit ajoqusernermut isumannaarineq pillugu inatsimmi § 52 malillugu, tak. aamma sulinermit ajoqusernermut isumannaarineq pillugu inatsimmi § 2, sillimmasernissamut pisussaaffeqarpoq. Sillimmasertoqarsimanngippat, ajutoorneq aamma Arbejdsmarkedets Erhvervssikringimut nalunaarutigineqassaaq.

Nalunaarutiginninneq pillugu malittarisassanut allannguutissatut siunnersuutit nalunaarutikkut nutaakkut piviusunngortinneqassapput Kalaallit Nunaanni sulinermit ajoqusernermut isumannaarineq pillugu inatsimmi § 39 malillugu aamma nalunaarutikkut nutaakkut Kalaallit Nunaanni sulinermit ajoqusernermut isumannaarineq pillugu inatsimmi § 58 malillugu. Nalunaarutit aamma pillaneq pillugu aalajangersakkanik imaqqassapput, tak. Kalaallit Nunaanni sulinermit ajoqusernermut isumannaarineq pillugu inatsimmi § 75, imm. 3, aamma Kalaallit Nunaanni sullivimmi avatangiisit pillugit inatsimmi § 67.

Aalajangersagaq siunnersuutigineqartoq sulinermit ajoqusernermut isumannaarineq pillugu inatsimmi § 31-mut assinguvoq.

Tamatuma saniatigut oqaaseqaatit nalinginnaasut innersuussutigineqarput, imm. 2.3.

Nr. 11-mut

Malittarisassat atuuttut malillugit Arbejdsmarkedets Erhvervssikringi toqusoqarnera pillugu nalunaaquttap akunnerit 48-t qaangiutsinnagit nalunaarfigineqassaaq, sulinermit ajoqusernermik pissuteqarsinnaasoq, tassunga ilanngullugu suliffimmi toqusoqarnerit tamaasa. Kalaallit Nunaanni sulinermit ajoqusernermut isumannaarineq pillugu inatsimmi § 35, imm. 4, oqaaseqatigiit aappaanni aalajangersakkami atuuttumi allaqqavoq, nalunaarutiginnittoqassasoq, sulinermit ajoquserneq, toqusoqarneranik kinguneqarsinnaasoq, nalunaarutigineqareeraluarpalluunniit imaluunniit imm. 1-imiit 3-mut malillugit nalunaarutigineqartussaagaluarpalluunniit.

Inatsisissatut siunnersuutip § 1, nr. 11-ni siunnersuutigineqarpoq, § 35, imm. 4, oqaaseqatigiit aappaanni, imm. 3, oqaaseqatigiit aappaanngortussami »imm. 1-3« imatut allanngortinneqassasoq: »imm. 1 aamma 2 kiisalu § 38«.

Inatsisissatut siunnersuummi § 1, nr. 10-imi allannguutissatut siunnersuutit siunnersuutip kingunerivai, § 35, imm. 3 atorunnaarsinneqarluni, taamaalilluni inuussutissarsiornermi nappaatinik nalunaarutiginninneq pillugu malittarisassat § 38-mi allaqqallutik, kiisalu Kalaallit Nunaanni sulinermit ajoqusernermut isumannaarineq pillugu inatsit malillugu nakorsat aamma kigutit nakorsaat inuussutissarsiornermi nappaatinik Arbejdsskade styrelsenimut nalunaarutiginninnissamut pisussaaffiat pillugu nalunaarummi nr. 1624, 21. december 2010-meersumi.

Siunnersuut sulinermit ajoqusernerup kingunerisinnaasaanik, ajutoornernik toqumik kinguneqartunik, nalunaarutiginninnissamut pisussaaffik pillugu malittarisassat imarisaanut tunngatillugu allannguisoqassanngilaq, tassunga ilanngullugu suliffimmi toqusoqarnera. Taamaattumik toqusoqartillugu Arbejdsmarkedets Erhvervssikringi nangittumik nalunaaruteqarfigineqassaaq, sulinermit ajoqusernermik pissuteqarsinnaasoq, tassunga ilanngullugu suliffimmi toqusoqarnera, naak sulinermit ajoquserneq,

toqunermik kinguneqarsinnaasoq, sulinerimi ajutoornernik imaluunniit inuussutissarsiornermi nappaatinik nalunaarutiginninneq pillugu malittarisassat malillugit nalunaarutigineqareeraluartoq.

Aalajangersagaq siunnersuutigineqartoq sulinerimi ajoqusernermut isumannaarineq pillugu inatsimmi § 31-mut assinguvoq.

Tamatuma saniatigut oqaaseqaatit nalinginnaasut innersuussutigineqarput, imm. 2.3.

Nr. 12-mut

Kalaallit Nunaanni sulinerimi ajoqusernermut isumannaarineq pillugu inatsimmi § 36, imm. 1-imi aalajangersakkami atuuttumi allaqqavoq, ajutoornerit pineqartillugit sulisitsisoq isumannaarinissamut pisussaaffeqartoq nalunaarutiginninnermut pisussaaffeqarmat.

Taamaalilluni aalajangersagaq atuuttoq malillugu sulisitsisup isumannaarinissamut pisussaaffeqartup, tassanngaannartumik pisoq imaluunniit sunnerneqaat pissutigalugu inuup ajoqusernera, sivilunerpaamik ulluni tallimani atuussimasoq, aamma sulinerimik pissuteqartoq nalunaarutigissavaa. Sulisitsisoq isumannaarinissamut pisussaaffeqartoq tassaapput sulisitsisut tamarmik, sullissinerminni inunnik nunami maani sulisitsisut, sulineq akissarsiaqaataanersoq, akissarsiaqaataannginnersoq, ataavartuunersoq, utaqqiisaagallartuunersoq imaluunniit qaangiuttussaanersoq apeqqutaatinnagu. Tamanna ilanngullugu atuuppoq sulisitsisumut, sullissinermini inunnik Kalaallit Nunaanni umiarsuarmi sulisunut sulisitsisumut.

Inatsisissatut siunnersuutip § 1, nr. 12-ani siunnertuutigineqarpoq, § 36, imm. 1, atorunnaarsinneqassasoq.

Imm. 2 aamma 3 tamatuma kingorna imm. 1 aamma 2-nngussapput.

Atorunnaarsitsinerup kinguneqaraa, sulisitsisup isumannaarinissamut pisussaaffeqartup ajutoornernik nalunaarutiginninnissamut pisussaaffeqarnera pillugu malittarisassat, siunnersuummi § 35, imm. 1-imut aamma 2-mut ikkunneqarnissaannik siunnersuuteqarneq, tak. inatsisissatut siunnersuut § 1, nr. 5. Taamaalilluni § 36, imm. 1-imi aalajangersagaq pisariaqarunnaassaaq. Siunnersuutikkut ajutoornernut tunngatillugu nalunaarutiginninnissamut pisussaaffik nangittumik allanngornani sulisitsisumiiginnassaaq.

Aalajangersagaq siunnersuutigineqartoq sulinerimi ajoqusernermut isumannaarineq pillugu inatsimmi § 32-mut assinguvoq.

Tamatuma saniatigut oqaaseqaatit nalinginnaasut innersuussutigineqarput, imm. 2.3.

Nr. 13-mut

Kalaallit Nunaanni sulinerimi ajoqusernermut isumannaarineq pillugu inatsimmi § 37, imm. 1-imi aalajangersakkami atuuttumi allaqqavoq, sulisitsisup nalunaarutiginninnissamut pisussaaffeqartup, tak. § 36, aamma nammeneq piumassutsiminik isumannaarinittup, tak. § 52, imm. 2, Arbejdsmarkedets Erhvervssikringimut ajutoorneq nalunaarutigissagaat.

Taamaalilluni aalajangersagaq atuuttoq malillugu sulisitsisoq isumannaarinissamut pisussaaffeqartoq, Arbejdsmarkedets Erhvervssikringimut ajutoornernik nalunaarutiginnittuussaaq. Sulisitsisoq isumannaarinissamut pisussaaffeqartoq tassaavoq sulisitsisoq kinaluunniit, sullissinermini inunnik nunami maani sulisitsisoq, sulineq akissarsiaqaataanersoq, akissarsiaqaataannginnersoq, ataavartuunersoq, utaqqiisaagallartuunersoq imaluunniit qaangiuttussaanersoq apeqqutaatinnagu, kiisalu sulisitsisoq kinaluunniit, sullissinermini inunnik Kalaallit Nunaanni umiarsuami sulisunik sulisitsisoq. Tamatuma

saniatigut inuussutissarsiorlutik namminersortut namminneq piumassutsiminnik isumannaarinnittut aamma aapparisaatut suleqataasut ajutoornernik Arbejdsmarkedets Erhvervssikringimut nalunaarutiginnissapput.

Inatsisissatut siunnersuutip §, nr. 13-mi siunnertuutigineqarpoq, § 37, imm. 1-imi allaqqasoq »Sulisitsisoq nalunaaruteqartussaataasooq, tak. § 36« allanngortinneqassasoq imatut: »Sulisitsisoq, tak. § 35, imm. 1 aamma 2«.

Siunnersuutip kingunerissavaa, sulisitsisup ajutoorneq Arbejdsmarkedets Erhvervssikringimut nangittumik nalunaarutigissagaa, ilanngullugu tamanna nangittumik atuutissasoq nammineq piumassutsiminik isumannaarinnittumut. Sullivimmi avatangiisit pillugit inatsit malillugu ilanngullugu sulisitsisoq Sullivinnik Nakkutilliisoqarfimmut ajutoornernik nalunaarutiginninnissamut pisussaaffeqarpoq.

Siunnersuut taaguutinik assigiissaarinikkut inatsisip pisariillisarnissaanik kissaateqarnermik aallaaveqarpoq. Taamaalluni nalunaarutiginninnermik pisussaaffeqarneq pillugu aalajangersakkani allani taaguutinik sulisitsisumik aamma sulisitsisumik nalunaarutiginnittussaataasumik immikkoortitsisoqanngilaq.

Siunnersuutikkut siunertarineqanngilaq suleriaatsinik atuuttunik allanngortitsinissaq. Siunnersuutikkut nangittumik taannaassaaq sulisitsisoq, nunami maani imaluunniit Kalaallit Nunaanni umiarsuarimi inunnik sulisitsisoq, Arbejdsmarkedets Erhvervssikringimut nalunaarutiginnittussaq. Ilanngullugu nangittumik atuutissaaq, inuussutissarsiorlutik namminersortut aamma aapparisaatut suleqataasut nammineq piumassutsiminnik isumannaarinnittut ajoqusernernik Arbejdsmarkedets Erhvervssikringimut nalunaarutiginnittarnerat.

Aalajangersagaq siunnersuutigineqartoq sulinerimi ajoqusernermut isumannaarineq pillugu inatsimmi § 33-mut assinguvoq.

Inatsisissatut siunnersuummi § 1, nr. 12-imut oqaaseqaatit aamma oqaaseqaatit nalinginnaasut innersuussutigineqarput, imm. 2.3.

Nr. 14-mut

Kalaallit Nunaanni sulinerimi ajoqusernermut isumannaarineq pillugu inatsimmi § 38-mi aalajangersakkami atuuttumi allaqavoq, suliasaqaartitsinermit ministeri Namminersorlutik Oqartussat isumaqatigiinniarfigereerlugit nakorsat aamma kigutit nakorsaata inuussutissarsiornermi nappaatinik erseqqissunik imaluunniit ilimagineqartunik sulinerminnut atatillugu ilisimalikkaminnik Arbejdsmarkedets Erhvervssikringimut aamma Sullivinnik Nakkutilliisoqarfimmut nalunaarutiginnittarnissaat pillugu malittarisassanik aalajangersaassasoq.

Aalajangersagaq atuuttoq malillugu nakorsap imaluunniit kigutit nakorsaata nappaammik ilisimasaqalernerani inuussutissarsiornermi nappaatinik nalunaarutiginnittoqartarnissaanut aamma nappaatip sulinermit ataqatigiissinnaanera pillugit malittarisassanik suliasaqaartitsinermit ministeri aalajangersaavoq. Arbejdsmarkedets Erhvervssikringimut qarasaasiat aqutigalugit nalunaarutiginnittoqarsinnaavoq www.anmeld.gl aqutigalugu imaluunniit pappialanngorlugu immersugassat immikkut sanaat atorlugit. Tamatumunnga malittarisassat Kalaallit Nunaanni sulinerimi ajoqusernermut isumannaarineq pillugu inatsit malillugu nakorsat aamma kigutit nakorsaata inuussutissarsiornermi nappaatinik Arbejdsskade Styrelsenimut nalunaarutiginninnissamut pisussaaffiat pillugu nalunaarummi nr. 1624, 21. december 2010-meersumi aalajangersarneqarput.

Inatsisissatut siunnersuutip § 1, nr. 14-ani siunnersuutigineqarpoq, § 38, imm. 1-imi, »Namminersorlutik Oqartussat isumaqatigiinni arfigereerlugit suliaasaqartitsinermit ministeri malittarisassanik aalajangersaassaaq, nakorsat« allanngortinneqassasoq imatut: »Nakorsat«.

Siunnersuutikkut nakorsat aamma kigutit nakorsaasa nalunaarutiginninnermik pisussaannerat toqqaannartumik § 38-mi allaqqassaaq, taamalillutik nakorsat aamma kigutit nakorsaat inuussutissariornermi nappaatinik erseqqissunik imaluunniit ilimagineqartunik sulinerminnut atatillugu ilisimalikkaminnik Arbejdsmarkedets Erhvervssikringimut aamma Sullivinnik Nakkutilliisoqarfimmut nalunaarutiginnittassasut. Siunnersuut nakorsat imaluunniit kigutit nakorsaata inatsisitigut inissisimanerannut sunniuteqassanngilaq.

Siunnersuutip ilanngullugu kingunerissavaa, nakorsat aamma kigutit nakorsaat inuussutissarsiornermi nappaatinik erseqqissunik imaluunniit ilimagineqartunik sulinerminnut atatillugu ilisimalikkaminnik nalunaarutiginnittarnissaat pillugu suliaasaqartitsinermit ministerip malittarisassanik aalajangersaanissamut tunngavia aalajangersakkamiit peerneqarnissaa. Sulinermit ajutoornernik aamma inuussutissarsiornermi nappaatinik nalunaarutiginninneq paasissutissanik sunik imaqassanersoq pillugu suliaasaqartitsinermit ministerip malittarisassanik aalajangersaanissamut pisinnaatitaanera, inatsisissatut siunnersuummi § 1, nr. 15-imi siunnersuutigineqarpoq, taarsiullugu aalajangersakkamut siunnersuutigineqartumut § 39, imm. 1, oqaaseqatigiit siulliannut ikkunneqassasoq.

Taamaalilluni § 38, imm. 1-imi nakorsat aamma kigutit nakorsaat inuussutissarsiornermi nappaatinik nalunaarutiginnittarnissaat pillugu suliaasaqartitsinermit ministerip malittarisassanik aalajangersaanissamut pisinnaatitaanera peerneqassaaq, aamma nalunaarut atuuttoq § 38, imm. 1 malillugu atuutilersinneqartoq, siunnersuummi § 39, imm. 1, oqaaseqatigiit siulliat malillugu taarsiullugu pisinnaatitsissutaassaaq, tak. inatsisissatut siunnersuummi § 1, nr. 12. Taamaaliornikkut pisinnaatitsissutit aalajangersakkami ataatsimi § 39, imm. 1, oqaaseqatigiit siullianni ataatsimoortinneqassapput, tak. inatsisissatut siunnersuummi § 1, nr. 12.

Aalajangersagaq siunnersuutigineqartoq sulinermit ajoqusernermit isumannaarineq pillugu inatsimmi § 34-mut assinguvoq.

Inatsisissatut siunnersuummi § 1, nr. 15-imut oqaaseqaatit aamma oqaaseqaatit nalinginnaasut innersuussutigineqarput, imm. 2.3.

Nr. 15-imut

Kalaallit Nunaanni sulinermit ajoqusernermit isumannaarineq pillugu inatsimmi § 39, imm. 1, oqaaseqatigiit siullianni aalajangersakkami atuuttumi allaqqavoq, suliaasaqartitsinermit ministeri Namminersorlutik Oqartussat isumaqatigiinni arfigereerlugit, nalunaarutiginninnerit sunik paasissutissanik imaqarnissaannut, aamma qanoq nalunaarutiginnittoqarnissaanut malittarisassanik aalajangersaassasoq. Allaqqasinnaavoq, sulinermit ajutoornerit qarasaasiat aqqutigalugit nalunaarutigineqarsinnaasut.

Taamaalilluni aalajangersagaq atuuttoq malillugu ilaatigut suliaasaqartitsinermit ministeri Namminersorlutik Oqartussat isumaqatigiinni arfigereerlugit, ajutoornernik nalunaarutiginninnerup qarasaasiat aqqutigalugit imaluunniit pappialatigut immikkut immersugassatigut pisinnaanera pillugu malittarisassanik aalajangersaavoq. Arbejdsmarkedets Erhvervssikringimut nalunaarutiginnittoqassaaq. Qarasaasiat aqqutigalugit nalunaarutiginnittoqassaaq www.anmeld.gl aqqutigalugu, pappialatigullu nalunaarutiginninneq pissalluni immersugassat Sulisilluni Ajoqusernerit pillugit Sullissivimmiit, sillimmasiisarfinniit imaluunniit Sullivinnik Nakkutilliisoqarfimmiit tunniunneqartut atorlugit. Tamatumunnga malittarisassat Kalaallit Nunaanni sulinermit ajoqusernermit isumannaarineq pillugu inatsit

malillugu sulinermit ajutoornernik nalunaarutiginnittarneq pillugu nalunaarummi nr. 1656, 21. december 2010-meersumi aalajangersarneqarput.

Inuussutissarsiornermi nappaatinik nalunaarutiginninnerit paasissutissanik sunik imaqaarnissaannut aamma qanoq nalunaarutiginnittoqarnissaanut malittarisassat, Kalaallit Nunaanni sulinermit ajoqusernermut isumannaarineq pillugu inatsit malillugu nakorsat aamma kigutit nakorsaat inuussutissarsiornermi nappaatinik Arbejdsskade styrelsenimut nalunaarutiginninnerimut pisussaaffiat pillugu nalunaarummi nr. 1624, 21. december 2010-meersumi aalajangersarneqarpoq.

Inatsisissatut siunnersuutip § 1, nr. 15-ani siunnertuutigineqarpoq, § 39, imm. 1, oqaaseqatigiit 1-anni »Nalunaarutit« kingorna »sunik« peerneqassasoq, ikkunneqarlunilu: »sulinermit ajutoornerit aamma inuussutissarsiornermi nappaatit pillugit«.

Siunnersuutip kingunerissavaa, aalajangersakkami erseqqissumik allaqqanissaa, nalunaarutiginnittarneq pillugu malittarisassanik aalajangersaanissamut pisinnaatitaanermut sulinermit ajutoornerit aamma inuussutissarsiornermi nappaatit ilaatinneqarneri. Taamaalilluni pisinnaatitsineq malillugu sulinermit ajutoornernik aamma inuussutissarsiornermi nappaatinik nalunaarutiginninnerit paasissutissanik sunik imaqaarnissaat pillugu aamma qanoq sulinermit ajutoornernik aamma inuussutissarsiornermi nappaatinik nalunaarutiginnittoqarnissaa pillugu malittarisassanik aalajangersaasoqarsinnaavoq.

Suliassaqartitsinermut ministerip aamma Namminersorlutik Oqartussat sulinermit ajutoornernik aamma inuussutissarsiornermi nappaatinik nalunaarutiginninnerit paasissutissanik sunik imaqaarnissaat pillugu aamma qanoq sulinermit ajutoornernik aamma inuussutissarsiornermi nappaatinik nalunaarutiginnittoqarnissaa pillugu malittarisassanik aalajangersaanissamut pisinnaatitaanerat, § 38-mi aamma § 39, imm. 1, oqaaseqatigiit siulliani allaqqasuni pisinnaatitaanernut atuuttunut assinguvoq.

Siunnersuutip pisinnaatitaanerit imarisaatigut allanngortitsinnginnermik kinguneqarpoq.

Aalajangersagaq siunnersuutigineqartoq sulinermit ajoqusernermut isumannaarineq pillugu inatsimmi § 35, imm. 2-mut assinguvoq.

Inatsisissatut siunnersuummi § 1, nr. 14-mut oqaaseqaatit aamma oqaaseqaatit nalinginnaasut innersuussutigineqarput, imm. 2.3.

Nr. 16-imut

Kalaallit Nunaanni sulinermit ajoqusernermut isumannaarineq pillugu inatsimmi § 39, imm. 4-mi aalajangersakkami atuuttumi allaqqavoq, sillimmasiisarfiup aamma Arbejdsmarkedets Erhvervssikringip nakorsat nalunaarutaannut aningaasartuutit akilissagaat, tassunga ilanngullugit nakorsat immikkut ilinniarsimasut nalunaarutaat aamma toqusumik pilattaalluni misissuinnermik nalunaarutit, aamma oqaaseqaatit uppersaasatillu allat, tassunga ilanngullugit kukkunersiuisut nalunaarutaat aamma nutserinerit pisariaqartut.

Aalajangersakkami atuuttumi allaqqanngilaq, suliani sorlarni sillimmasiisarfik aamma Arbejdsmarkedets Erhvervssikringi aningaasartuutitut akiliissanersut, assersuutigalugu nakorsat nalunaarutaannut, oqaaseqaatinut aamma uppersaasinut allanut.

Inatsisissatut siunnersuutip § 1, nr. 16-ani siunnertuutigineqarpoq, § 39, imm. 4, imatut allanneqassasoq: »Imm. 4. Ajutoornerit pillugit suliani paasissutissanut tunngasut akiligassat tamaasa sillimmasiisarfiup

akilissavai. Inuussutissarsiornermi nappaatit pillugit suliani paasissutissanut tunngasut akiligassat tamaasa Arbejdsmarkedets Erhvervssikringip akilissavai. Oqaaseqatigiit siullianni aamma aappaanni akiligassanut ilaatigut tunngapput nakorsat nalunaarutaannut, tassunga ilanngullugit nakorsat immikkut ilinniarsimasut nalunaarutaat aamma toqusumik pilattaalluni misissuinerimik nalunaarutit, aamma oqaaseqaatinut uppersaatinullu allanut, tassunga ilanngullugit kukkunersuisut naatsorsuutaat aamma nutserinerit pisariaqartut.«

Siunnersuutikkut inatsimmi allaqqalissaaq, inatsimmi aningaasaliinermut tunngaviit atuuttut naapertorlugit, Arbejdsmarkedets Erhvervssikringip sulinerim ajutoornerit pillugit sulianik ingerlatsineranut atatillugu aningaasartuutit tamaasa sillimmasiisarfiit akilissagaat. Taamaaqataani Arbejdsmarkedets Erhvervssikringip sulisitsisuniit akiliisoqarneratigut inuussutissarsiornermi nappaatit pillugit sulianut aningaasartuutit akilissavai.

Aalajangersagaq siunnersuutigineqartoq suliami paasissutissanut aningaasartuutitut aamma aningaasartuutitut allanut tunngavoq, sulianik ingerlatsisinnaanissamut aamma suliani aalajangiisinnaanissamut pisariaqartunut. Assersuutigalugu taaneqarsinnaapput nakorsat aamma kigutit nakorsaata inuussutissarsiornermik nappaatit pillugit nalunaarutaannut aningaasartuutit, nakorsat immikkut ilinniarsimasut nalunaarutaannut aningaasartuutit aamma nutserinermut aningaasartuutit akilerneqartussat, ajoqusernumut aalajangiinerup nalunaarutigineqarnissanut pisariaqartut. Taaguineq tamakkiisuunngilaq.

Sillimmasiisarfiit aamma Arbejdsmarkedets Erhvervssikringip aningaasartuutit taaneqartunik akiliinissamut pisussaaffiat, sulianik nutaanik ingerlatsinerimut, nalilersueqqinnerimut aamma sulianik siornatigut naammassineqartunut suliareqqitassanngortitsinerimut atuuppoq.

Siunnersuutikkut allannguinnissaq siunertarineqanngilaq, kisianni suleriaatsinik nalinginnaasunik erseqqissaanissaq aamma aqqissuussinnissaq taamaallaat pineqarluni.

Aalajangersagaq siunnersuutigineqartoq sulinerim ajoqusernerimut isumannaarineq pillugu inatsimmi § 35, imm. 7-imut assinguvoq.

Oqaaseqaatit aamma oqaaseqaatit nalinginnaasut innersuussutigineqarput, imm. 2.12.

Nr. 17-imut

Kalaallit Nunaanni sulinerim ajoqusernerimut isumannaarineq pillugu inatsimmi § 42-mi aalajangersakkami atuuttumi allaqqavoq, § 41 malillugu Kalaallit Nunaanni sulinerim ajoqusernerit pillugit sulianik ingerlatsinerimut paasissutissanik pissarsiniarnissamut akuersissut imatut pissarsiarineqassasoq, ajoquseritut imaluunniit qimagaasut nalunaarutiginninnermik tiguneqarneranik allakkatigut uppersaamma eqqumaffinneqqullugit, paasissutissat sorliit pissarsiarineqarnissaat pisariaqartinneqalersinnaasoq, aamma tamatumunnga akerliliisinnaanermut piffissalerneqarlutik.

Inatsisissatut siunnersuutip § 1, nr. 17-ani siunnertuutigineqarpoq, § 42 imatut allanneqassasoq:

»Arbejdsmarkedets Erhvervssikring imaluunniit Ankestyrelsi § 41 malillugu paasissutissanik pissarsiniartinnani, Arbejdsmarkedets Erhvervssikring imaluunniit Ankestyrelsi paasissutissat qanoq ittut pissarsiniarinissaat pisariaqalersinnaanera pillugu ajoqusertoq imaluunniit qimagaasut allakkatigut ilisimatitsissaaq. Arbejdsmarkedets Erhvervssikring imaluunniit Ankestyrelsi aamma ajoqusertoq imaluunniit qimagaasut tamatumunnga akerliliilluni nalunaaruteqarsinnaanermut piffissarititaasumik

tunniussissaaq aamma ajoqusertoq imaluunniit qimagaasut tamatumuunakkut eqqartuussivinni suliaassanngortitsinermit ajoqutaasinnaasut pillugit ilisimatitsilluni.«

Siunnersuutikkut Arbejdsmarkedets Erhvervssikringi aamma Ankestyrelsi siunissami ajoquseritut aamma qimagaasut ilisimatitsissaaq, § 41 malillugu paasissutissanik pissarsiniarnermut akerliliinerit eqqartuussivinni suliaassanngortitsinermit ajoqutaasinnaaneri pillugit. Tamanna ajoquseritunut aamma qimagaasunut ilisimatitsissut tunniunneqassaaq, paasissutissanik pissarsiniarneq pillugu ilisimatitsinermit peqatigalugu.

Siunnersuutikkut § 41 malillugu sulinermit ajoqusernerit pillugit sulianik ingerlatsinermit atatillugu Arbejdsmarkedets Erhvervssikringip aamma Ankestyrelsip paasissutissanik nangittumik pissarsisinnaanerat allanngortinneqanngilaq, ajoquseritumit imaluunniit qimagaasunit akuersisummik piniaqqaanngikkaluarlutik. Arbejdsmarkedets Erhvervssikringip aamma Ankestyrelsip ilanngullugu nangittumik ajoquseritut aamma qimagaasut allakkatigut ilisimatittassavaat, suliami paasissutissanik sorlernik pissarsiniarnissaaq pisariaqalersinnaanersoq. Naggataatigut Arbejdsmarkedets Erhvervssikringip aamma Ankestyrelsip nangittumik piffissarititaasumik aalajangersaasassapput, ajoquseritut imaluunniit qimagaasut kingusinnerpaamik qaqugu paasissutissanik pissarsiniarnermut akerliliisinnaassanerit pillugu.

Siunnersuutip sunnissanngilaa ajoquseritut imaluunniit qimagaasut Arbejdsmarkedets Erhvervssikringip imaluunniit Ankestyrelsip paasissutissanik piniarnerat pillugu akerliisinnaanerat, tamatuma kingorna Arbejdsmarkedets Erhvervssikringi imaluunniit Ankestyrelsi tamatuminnaga unitsitsissallutik. Siunnersuutip tamatuma illuatungerisaanik iluaqutaassaaq, paasissutissanik aalajnagersimasuni piniarneq pillugu akerliliinissaaq pillugu aalajangerneq, paasissutissanik tunngaveqarluni aalajangiinerussasoq, tassani ajoquseritut imaluunniit qimagaasut ilisimassallugu, akerliliinerit eqqartuussivinni suliaassanngortitsinermit ajoqutaasinnaaneri aamma taamaalillutik aalajangiinissamut sunnuteqarsinnaallutik.

Aalajangersagaq siunnersuutigineqartoq sulinermit ajoqusernermit isumannaarineq pillugu inatsimmi § 37 a-mut assinguvoq.

Oqaaseqaatinut nalinginnaasunut innersuussisoqarpoq, imm. 2.12.

Nr. 18-imut

§ 43, imm. 2, oqaaseqatigiit siullianni aappaannilu aalajangersakkani atuuttuni allaqqavoq, imm. 1 malillugu ajoquseritut nakorsamit suliaritinnermit atatillugu angalanermit aningaasartuutitut akiliunneqarnissamut pisinnaatitaaffeqartut, nakorsamit suliaritinneq il.il. Arbejdsmarkedets Erhvervssikringip imaluunniit Ankestyrelsip noqqaassuteqarneratigut pippat. Imm. 1 malillugu ajoquseritut suliaritinnermit il.il. atatillugu sulinngitsoorneq minnerpaamik nalunaaquttap akunneranik marlunnik sivilissuseqarpat, sulisinnaajunnaarnermit uppersarsarneqartumut tunngatillugu taarsiiffigitinnissamut ilanngullugu pisinnaatitaapput.

§ 43, imm. 2-mi aalajangersagaq § 43, imm. 1-mi aalajangersakkamut atuuttumut ataqatigiittutut isigineqassaaq, sulinermit ajoqusernerup pineraniit sapinngisamik piaartumik nakorsamit misissortinnermit ajoquseritup peqataanissaanik peqqussuteqartoq aamma tamatuma kingorna nakorsamit suliaritinnissaanik imaluunniit sungiusaqqinnissaanik, nakorsap imaluunniit Arbejdsmarkedets Erhvervssikringip pisariaqartutut naliligaanik.

Pisuni arlalinni nakorsamit misissortinnermut taamaattumut ajoqusertoq namminersuutigisaminik peqataasinnaassanngilaq. Tamanna sulinermi ajoqusernermik imaluunniit pissutsinik allanik pissuteqarsinnaavoq. Taamaattumik ajoquserup, misissortinnerup naammassineqarsinnaanissaanut pisariaqartissinnaavaa misissortinnissamut ingiaqateqarnissani, assersuutigalugu misissortinnissamut angalanermut atatillugu imaluunniit oqalutseqarnissamut.

Ingiaqatigisap taamaalilluni qulakkeersinnaava, misissortinnerup naammassineqarnissaa sapinngisamik piaartumik aamma pisariaqanngitsumik kinguarsaanertaqanngitsumik, aamma nakorsap imaluunniit napparsimmaviup misissortinnermi immikkut ikiuteqarnissaq imaluunniit oqalutseqarnissaq eqqarsaatigisariaqarnagu.

§ 43, imm. 2-p atuuttup kingunerivaa, ajoquserut angalanermut aningaasartuutiminnut aamma sulinikkut akissarsiat annaenerinut akiliunneqarnissaat, kisianni aalajangersagaq ingiaqatigisamut aningaasartuutit akilerneqarnissaannut tunngavimmik imaqqanngilaq. Taammaattoq ukiorpassuarni suleriaasiuvoq angalanermut aningaasartuutinut aamma sulinikkut akissarsianik annaasanut akiliussisoqartarluni, kiisalu akunnermusiassanut aamma ullormusiassanut, aamma ingiaqatigisinnaasamut atugassanik.

Suliassaqartitsinnermut ministereqarfiup aamma Namminersorlutik Oqartussat nalilerpaat, § 43, imm. 2, atituumik nassuiarneqassasoq, taamaalilluni "sulinikkut akissarsiat annaasat aamma angalanermut aningaasartuutit", aalajangersimasumik siunertaqarluni nassuiaaneq aallaavigalugu, ajoquserup misissortissinnaanissaanut, aningaasartuutit, pisariaqartut, tamakkerlugit ilaatinneqarlutik. Taamaalilluni sulinikkut akissarsianik annaasanut aamma ingiaqatigisap angalaneranut aningaasartuutinut atuuppoq, ingiaqateqarneq nakorsamit misissortinnissap naammassineqarnissaanut pisariaqarpat.

Inatsissatut siunnersuutip § 1, nr. 18-ani siunnertuutigineqarpoq, § 43, imm. 2, *oqaaseqatigiit siullianni aappaannilu*, »Ajoqusersimasoq« kingorna ikkunneqassasoq: »aamma ingiaqatigisap pisariaqartoq«.

Tamatumuunakkut suleriaatsitut sivisuumik atuussimasumut tunngavimmik erseqqarissumik pilersitsoqassaaq, tamatuma kingorna aamma ingiaqatigisap pisariaqartup angalanermut aningaasartuutai aamma sulinikkut akissarsianik annaasai akilerneqarsinnaalissallutik ajoquserumut malittarisassat taamaaqatai malillugit.

Suliani ataasiakkaani ingiaqateqarnissamik pisariaqartitsineq pingaartinneqarpoq. Tamanna pillugu nalilersuineri immikkuualuttut arlallit ilaatinneqassapput, tassunga ilanngullugu ajoqusernerup qanoq issusaa aamma annertussusaa, ajoquserup misissortinnissamut peqataanissamut periarfissai, tassunga ilanngullugu ingiaqateqarnani misissortiffissamut aamma misissortiffimminngaanniit angalaneq, aamma ingiaqateqarnani misissortinnerup naammassineqarnissaanut periarfissat allat. Ataatsimoorussamik nalilersuinissaq pineqarpoq, immikkuualuttut ataasiakkaat assigiinngitsumik pingaarnersiorneqarsinnaasut ilaatinneqassallutik.

Siunnersuutip kingunerissavaa, sulineri ajoquserneq pillugu suliamik ingerlatsinissamut misissortinnerup naammassineqarnissaa pisariaqartinneqaraangat, ajoquserup misissortinneranut atatillugu ingiaqatigisap pisariaqartup angalanermut aningaasartuutaanik aamma sulinikkut akissarsianik annaasanut akiliunneqarsinnaanera. Taamaalilluni siunnersuutip qulakkiissavaa, misissortinnissap siunertaata kinguarsannginnissaa imaluunniit maanngaannartinnnginnissaa.

§ 43, imm. 1-imi siunertaavoq, ajoquser tup peqqissutsikkut inissisimanager pillugu paasissutissat aqqu tissiunneqarnissat, akuersaarneqarnissaq, ajunngitsorsiaqarnissaq aamma taarsiiffigitinnissaq pillugit aalajangiinissamut tunngaviusinnaasut. Tamatumunnga piumasaqaataasinnaavoq, ajoquser tup nakorsamit misissorneqarnissaa. Ajoqusernermiit misissuinerit sapinngisamik piaartumik ingerlanneqassapput. Tamanna misissuinerup siunertaata maanngaannartinneqarsinnaanerani pissuteqarpoq.

Taamaalilluni ajoquser tunik misissuiner nut tunngatillugu, pisuni arlalinni nakorsamit misissortinnermut nammineerluni peqataasinnaanninnermi, kinguarsaanertaqanngitsumik naammassineqarsinnaanissaannut siunnersuut ikorfartuissaaq.

Angallannermut aningaasartuutitut aamma sulinikkut akissarsianik annaasanut sillimmasiisarfiit akiliissapput. Taamaattumik ajoquser toq imaluunniit ingiaqatigisat pisariaqartoq sillimmasiisarfiimmut siumoortumik akuersissummik pissarsinnaapput, ingiaqatigisat pisariaqartup akiliunneqarnissaanut.

Aalajangersagaq siunnersuutigineqartoq suliner mi ajoqusernermut isumannaarineq pillugu inatsimmi § 38-mut assinguvoq.

Oqaaseqaatinut nalinginnaasunut innersuussisoqarpoq, imm. 2.5.

Nr. 19-imut

§ 44-mi aalajangersakkami atuuttumi allaqqavoq, ajoquser neq nalunaarutigineqartoq inatsimmi ilaatinneqanngitsaq paasineqarpat, taava Arbejdsmarkedets Erhvervssikringi tamanna pillugu aalajangiissasoq. § 6 ajutoornertut tunngasoq malillugu suliani suliarineqartuni aalajangiineq pissaaq, Arbejdsmarkedets Erhvervssikringip nalunaarutiginninnermik tigusaqarneraniit kingusinnerpaamik qaammatit pingasut qaangiutsinnagit. § 7, imm 1, nr. 1, inuussutissarsiornermi nappaatit allattorsimaffiannut tunngasoq malillugu suliat suliarineqartut, piffissarititaavoq qaammatit arfinillit. Inuussutissarsiornermi nappaatit pillugit sulianut, § 7, imm. 1, nr. 2 aamma § 7, imm. 2 malillugit suliarineqartunut, Erhvervssygdomsudvalgimut saqqummiunneqartussanut, ukiuni marlunni piffissarititaasoq kisimi atuuppoq, tak. inatsimmi § 15, imm. 1.

Toqusoqarnerup inatsimmi ilaatinneqannginnera pillugu piffissarititaasut qimagaasunut nalunaaruteqarnermut assinganik atuupput, tak. § 44, imm. 2. Piffissarititaasut naatsorsorneqartarput toqusoqarnera pillugu Arbejdsmarkedets Erhvervssikringimut nalunaarutiginnittoqaraangat.

Imm. 1 aamma 2 malillugit piffissarititaasut iluanni aalajangiisoqarsinnaanngikkaangat, ajoquser toq imaluunniit qimagaasut tamanna pillugu nalunaarfigineqassapput. Nalunaarutiginninneq aalajangiinerunngilaq, naammagittaalliututiginneqarsinnaasoq.

Inatsisissatut siunnersuutip § 1, nr. 19-ani siunnertuutigineqarpoq, § 44 atorunnaarsinneqassasoq.

Siunnersuutip kingunerissavaa, suliner mi ajoqusernerit nalunaarutigineqartut suliarinerannut aamma ajoquser tup inatsip malillugit ikiorsiissutinik pisinnaatitaanersoq pillugu aalajangiineq, § 15, imm. 1 aamma 2-mi piffissarititat inatsisitigut aalajangerneqartut atorunnaarsinneqarnerannik. Piffissaq suliassat suliarineqartarnerannut atorneqartoq sivikillisarneqarnissaa siunertaralugu, Kalaallit Nunaanni suliner mi ajoqusernermik isumannaarineq pillugu inatsimmi suliat aalajangiinerillu assigiinngitsut akornanni nikerarnerit annertuut eqqarsaatigalugit, suliassat suliarineqartarnerat aqqissuunnissaanut atatillugu Arbejdsmarkedets Erhvervssikringi eqaannerusumik inissisimalissaaq. Piffissarititat inatsisitigut

aalajangerneqartut, Danmarkimi sulinerimi ajoqusernermik isumannaarineq pillugu inatsimmi 1. juli 2024-miit sunniuteqartumik atorunnaarsinneqartunut siunnersuut ataqatigiissillugu isigineqassaaq.

Siunnersuummi piumasaqaataavoq, qulaani taaneqartut aallaaviatigut Kalaallit Nunaanni sulinerimi ajoqusernermik isumannaarineq pillugu inatsimmi sulianut ilaatinneqartunut aamma atuutissasut, Kalaallit Nunaanni sulinerimi ajoqusernermik isumannaarineq pillugu inatsit malillugu sulianut tunngatillugu, Kalaallit Nunaanni pissutsit eqqarsaatigalugit aamma Namminersorlutik Oqartussat oqaloqatigalugit, suliassat sulinerineqartarnerannut anguniakkanik immikkut ittunik aalajangersaasoqassanngippat. Ilanngullugu piumasaqaataavoq, suliami aalajangersimasumi suliassat sulinerineqarnerannut piffissaq naatsorsuutigineqartoq pillugu nalunarutigineqartoq eqquutsinneqarsinnaanngippat, Arbejdsmarkedets Erhvervssikringip suliami pineqartut nalunaarfigissagai.

Siunnersuutip allanngortissanngilai, ingerlatsinerimi inatsisitigut tunngaviusut aamma suleriaatsit atuuttut malillugit piffissap naapertuuttup iluani Arbejdsmarkedets Erhvervssikring sulinerimi ajoqusernerup nalunaarutigineqartup akuerineqarnissaa pillugu apeqqummik sulii aalajangiisarnissaa.

Inatsisissatut siunnersuummi § 1, nr. 3-mut oqaaseqaatit aamma oqaaseqaatit innersuussutigineqarput, imm. 2.2.

Nr. 20-imut

§ 49, imm. 2, oqaaseqatigiit pingajuanni aalajangersakkami atuuttumi allaqqavoq, ajoquserut imaluunniit qimagaasut Europap avataani najugaqarpata, taava Arbejdsmarkedets Erhvervssikringip aalajangeri pillugit naammagittaalliuteqarnissamut piffissarititaasoq qaammatit pingasut.

Inatsisissatut siunnersuutip § 1, nr. 20-ani siunnertuutigineqarpoq, § 49, imm. 2-mi, oqaaseqatigiit pingajuat atorunnaarsinneqassasoq.

§ 49, imm. 2, oqaaseqatigiit pingajuat atorunnaarsinneqarnissaanik siunnersuutip kingunerissavaa, ajoquserutut imaluunniit qimagaasunut naammagittaalliornissamut sapaatit akunneri arfinillit piffissarititaassasut, aalajangiinerup tiguneqarneraniit, ajoquserut aamma qimagaasut sumi najugaqarneri apeqqutaatinnagit, tak. § 49, imm. 2, oqaaseqatigiit aappaat.

Ajutoornerit pillugit suliani sillimmasiisarfinimut, inuussutissarsiornermi nappaatit pillugit suliani Arbejdsmarkedets Tillægspensionip siulersuisuinit, aamma sulisitsisumut, sulinerimi ajutoornerit akuersaarneqarnissaannut aalajangiinerit pineqartillugit, nangittumik naammagittaalliuteqarnissamut piffissarititaavoq sapaatip akunneri sisamat, tak. § 49, imm. 2, oqaaseqatigiit siulliat.

Naammagittaalliuteqarnissamut piffissarititaasoq qaammatinik pingasunik sivitsugaq, inatsimmi § 49, imm. 2, oqaaseqatigiit pingajuat malillugu, aalajangiinerit aamma naammagittaalliutit allakkatigut nassiunneqartarallanneranniit piffissaminngaanneerpoq, taamaattumillu ajoquserutut imaluunniit qimagaasut najugaqarfigisaat, pineqartut aamma Arbejdsmarkedets Erhvervssikringip qanoq sukkatigisumik attaveqatigiittarnerinut apeqqaalluni.

Pisuni aalajangiineq allakkatigut nassiunneqartillugu, aalajangiineq pillugu naammagittaalliutit eqqortumik tiguneqarnera pillugu nalilersuinerimut, aalajangiinerup tigusisussamut qanga apuussinnaanerata missiliuutigineqarnera apeqqutaassaaq. Tamatumunnga atatillugu ajoquserutumut nunami allamiittumut aalajangiinerup kingusissukkat apuussimanera pillugu paasisstissaaq apeqqutaatinneqarsinnaavoq. Akerlianik qarasaasiakkut attaveqatigiinnermi periarfissaavoq aalajangiinnermik piffissap nassiussiviusup

aamma naammagittaalliummik piffissap tigusiffiusup eqqoqqissaartup nalunaarsorneqarsinnaaneri. Taamaattumik naammagittaalliuteqarnissamut piffissarititaasoq naatsorsorneqartariaqarpoq, nalunaarutip tigusisussamit qarasaasiakkut pissarsiarineqarsinnaalerneraniit, ullup qanoq ilinerani nalunaarut tiguneqarnersoq apeqqutatinnagu.

Ullumikkut ajoquserut aamma qimagaasut oqartussaqaarfinnik attaveqaqatigiinneq allakkat aamma e-mailit digitaliusut atorsinnaavaat. Ajoquserut imaluunniit qimagaasut Europap avataani najugaqartillugit, tamanna qaqugu aalajangiinerup imaluunniit naammagittaalliuteqarnerup apuunnissaannut apeqqutaajunnaassaaq. Taamaalilluni inuiaqatigiinni digitalinngorsaanerup aamma pisortani attaveqaqatigiinnerup, Europap avataani najugaqarnermut tunngatillugu, qaammatini pingasuni naammagittaalliuteqarnissamut piffissarititaasoq sivitsugaq pisariaqartikkunnaarpat.

Aalajangiinerup tiguneraniit ajoquserut imaluunniit qimagaasut naammagittaalliuteqarnissamut piffissarititaasumik sapaatit akunnerinut arfinilinnut inissiinikkut assigiissarineq, suliani ataasiakkaani naammagittaalliuteqarnissamut piffissarititaasut pillugit isummernissamik pisariaqartitsiunnaarnermik isumaqassaaq, ajoquserut imaluunniit qimagaasut Europap avataani najugaqarnersut najugaqannginnerisulluunniit apeqqutaatinnagu.

Pisuni immikkut ittuni Ankestyrelsi naammagittaalliuteqarnissamut piffissarititaasunik immikkut akuersissuteqarsinnaavoq, tak. Kalaallit Nunaanni sulinermi ajoqusernermut isumannaarineq pillugu inatsimmi § 49, imm. 3. Naammagittaalliuteqarnissamut piffissarititaasunik immikkut akuerineqarnissamut tunngavissaqarnersoq Ankestyrelsip nalilersuinermini immikkut eqqumaffigissavaa, ajoquserut imaluunniit qimagaasut Europap avataani najugaqarnerat, naammagittaalliuteqarnissamut sapaatit akunnerinik arfilinnik piffissarititaasumut naleqqiullugu, suliani allannguummi ilaatinneqartuni naammagittaalliutip piffissaq eqqorlugu tiguneqannginneranut pissutaanersoq.

Nalilerneqarpoq inatsisitigut isumannaassutsimut tunngatillugu naammagittaalliuteqarnissamut piffissarititaasup qaammatini pingasuni sivitsukkap atorunnaarsinneqarnissaanik siunnersuut ippinnartoqanngitsaq, ajoquserut imaluunniit qimagaasut Europap avataani najugaqartillugit.

Aalajangersagaq siunnersuutigineqartoq Kalaallit Nunaanni pissutsinut naleqqussagaavoq.

Oqaaseqaatinut nalinginnaasunut innersuussisoqarpoq, imm. 2.6.

Nr. 21-imut

§ 49, imm. 1-imi aalajangersakkami atuuttumi allaqqavoq, Kalaallit Nunaanni sulinermi ajoqusernermut isumannaarineq pillugu inatsit malillugu Arbejdsmarkedets Erhvervssikringip aalajangiineri ajoquserunit imaluunniit qimagaasunit Ankestyrelsimut, ajutoornerit pillugit suliani sillimmasiisarfinnut, inuussutissarsiornermi nappaatit pillugit suliani Arbejdsmarkedets Tillægspensionip siulersuisuinut, aamma sulisitsisunut tunniunneqarsinnaaneri, sulinermi ajutoornerit akuersaarneqarnissaat pillugu aalajangiinerit pineqartillugit.

Inatsisitigut isumannaatsuuneq aamma inunnik isumaginninnermi allaffissorneq pillugit inatsimmi kapitali 9-mi aamma §§ 68-imi 70-imilu malittarisassat malillugit, Arbejdsmarkedets Erhvervssikringip sulinermi ajoqusernerit pillugit suliani aalajangiinerinut naammagittaalliutit, suleriaatsit atuuttut malillugit Ankestyrelsip suliarisarpai, Kalaallit Nunaanni sulinermi ajoqusernermut isumannaarineq pillugu inatsit malinneqartussaangikkaangat. Tamanna sulinermi ajoqusernermut isumannaarineq pillugu inatsit malillugu sulianik ingerlatsisarnermut naapertuuppoq.

Inatsisissatut siunnersuutip § 1, nr. 21-ani siunnertuutigineqarpoq, § 49-mi imm. 3-p kingorna immikkoortutut nutaatut ikkunneqassasoq: »Imm. 4. Ankestyrelsip inatsit manna malillugu sulianik ingerlatsinerani inatsisitigut isumannaatsuuneq aamma inunnik isumaginninnermi allaffissorneq pillugit inatsimmi kapitali 9 kiisalu §§ 68 aamma 70 atuutissapput, imaassimanngippat inatsisip matuma alla malitsigigaa.«

Siunnersuutip suleriaatsinik atuuttunik aaqquissuussinissaq kingunerissavaa, tamatuma kingorna inatsisitigut isumannaatsuuneq aamma inunnik isumaginninnermi allaffissorneq pillugit inatsimmi kapitali 9-mi aamma §§ 68-imi 70-imilu malittarisassat malillugit, Arbejdsmarkedets Erhvervssikringip sulinermi ajutoornerit pillugit suliani aalajangiinerinut naammagittaalliutit Ankestyrelsip suliarissallugit, Kalaallit Nunaanni sulinermi ajoqusernermut isumannaarineq pillugu inatsit malinneqartussaannngikkaangat.

Taamaalilluni § 49, imm. 4-mi siunnersuut, taamaallaat suleriaatsinik atuuttunik aaqquissuussineruvoq aamma Ankestyrelsip naammagittaalliutininik suliaqarneranut apeqqutaanani.

Aalajangersagaq siunnersuutigineqartoq sulinermi ajoqusernermut isumannaarineq pillugu inatsimmi § 44, imm. 4-mut assinguvoq.

Nr. 22-imut

§ 49, imm. 6-imi aalajangersakkami atuuttumi allaqqavoq, imm. 1 malillugu Ankestyrelsi naammagittaalliummik suliaqalinnginnerani, Arbejdsmarkedets Erhvervssikringip naammagittaalliteqartup tamakkiisumik imaluunniit ilaannakortumik tapersissallugu tunngavissaqarnerisooq nalilissavaa. Taamaattumik naammagittaalliut Arbejdsmarkedets Erhvervssikringimut nassiuunneqassaaq.

Aalajangersagaq atuuttoq malillugu Arbejdsmarkedets Erhvervssikringi aalajangiinernik piviusunik tunngaveqartunik imaluunniit inatsisitigut kukkunilinnik allannguinnissaq taamaallaat periarfissarivaa. Taamaalilluni Arbejdsmarkedets Erhvervssikringi § 49, imm. 6 malillugu naammagittaalliummik nalilersueqqinnermini aalajangiinermik eqqunngitsumik allannguinnissamut tunngavissaqanngilaq, aalajangiineq kukkulluni missiliuussinermik tunngaveqarpat. Taamaattumik Arbejdsmarkedets Erhvervssikringip suliat taamaattut Ankestyrelsimut ingerlateqqissavai.

Piviusunik tunngaveqartunik imaluunniit inatsisitigut kukkunernut assersuutaasinnaavoq, Arbejdsmarkedets Erhvervssikringip ukiumut akissarsianik naatsorsuineri sulisitsisumiit utoqqalinersianut akiliutinik ilanngussisimannginnera, Arbejdsmarkedets Erhvervssikringi suliami pappialaati paasissutissanik takunngitsuuissimammat, imaluunniit Arbejdsmarkedets Erhvervssikringip aalajangiinermi Kalaallit Nunaanni sulineri ajoqusernermut isumannaarineq pillugu inatsimmi ukiumut akissarsianik naatsorsuineri malittarisassa kukkusumik atorsimammagu.

Inatsisissatut siunnersuutip § 1, nr. 22-ani siunnertuutigineqarpoq, § 49, imm. 6-mi, imm. 7-nngortussami, oqaaseqatigiit pingajuattut ikkunneqassasoq: »Arbejdsmarkedets Erhvervssikringip aalajangiineq pillugu nalilersuineri immikkuualuttut piviusunik tunngavillit aamma inatsisinut tunngasut kiisalu missiliuussinerit isummerfigisinnaavai.«

Siunnersuutip kingunerissavaa, Arbejdsmarkedets Erhvervssikringip naammagittaalliutininut atatillugu aalajangiinermi immikkuualuttut tamaasa pillugit nalilersueqqinnissamut periarfissaqalernera, tassunga ilanngullugu missiliuussineq, taamaalillunilu nammineeeluni aalajangiineq allanngortissinnaalerlugu.

Aalajangiinermi missiliuussinermut assersuutaasinnaavoq, Arbejdsmarkedets Erhvervssikringip ajoqutip annertussusaanik nalilersuinermini, missiliuullugu nalilerpagu, ajoquserup sananeqaatimigut kingornussaata affai pissutsinut atuutereersunut pissuteqarsinnaaneri.

Taamaalilluni Arbejdsmarkedets Erhvervssikringi naammagittaalliummik tigusinermini isummerfigissavaa, aalajangiinermi piviusunik tunngaveqartunik imaluunniit inatsisitigut kukkuneqarnerisq, imaluunniit kukkulluni missiliuussisoqarnerisq. Tamatuma kingorna Arbejdsmarkedets Erhvervssikringi aalajangiinerup nalilersoqqinnissaanut periarfissaqarpoq, suliaq Ankestyrelsimut nassuteqqaanngikkaluarlugu. Aalajangiineq nalilersoqqitaq Ankestyrelsimut naammagittaalliutigineqarsinnaavoq, aalajangiinermik tigusisq tassunga isumaqataanngippat.

Nalilerneqarpoq, siunnersuutip kingunerissagaa, naammagittaalliutit ilaannik suliarinninnermut piffissaq atorqartoq sivikinnerulissasoq.

Siunnersuut innuttaasut inatsisitigut isumannaatsuunerannut kinguneqassanngilaq, nangittumik aalajangiineq nalilersoqqitaq Ankestyrelsimut sulit tunniussinnaassammassuk.

Aalajangersagaq siunnersuutigineqartoq sulinermini ajoqusernermut isumannaarineq pillugu inatsimmi §44, imm. 7-imut assinguvoq.

Oqaaseqaatinut nalinginnaasunut innersuussisoqarpoq, imm. 2.7.

Nr. 23-mut

Kalaallit Nunaanni sulinermini ajoqusernermut isumannaarineq pillugu inatsimmi § 49-mi sulinermini ajoqusernerit pillugit suliani kikkut naammagittaalliuteqarnissamut pisinnaatitaanersut tamakkiisumik nalunaarsuiffimmi allattorneqarput. Suliami illuatungeriit kisimiillutik naammagittaalliuteqarnissamut pisinnaatitaaneranni, pingaarnertut ingerlatsinermini inatsisitigut tunngavimmut nalinginnaasumut assinguvoq. Tamatumani sulinermini ajoqusernerup akuersaarneqarnissaanut apeqqut pineqartillugu, sulisitsisoq suliami illuatungiuunngikkaluarluni naammagittaalliuteqarnissamut pisinnaatitaavoq.

§ 49, imm. 1, nr. 2-mi aalajangersakkami atuuttumi allaqqavoq, § 45 malillugu Arbejdsmarkedets Erhvervssikringip ajutoornerit pillugit suliani aalajangiineri sillimmasiisarfinniit Ankestyrelsimut suliassanngortinneqarsinnaasut.

Inatsisissatut siunnersuutip § 1, nr. 23-ani siunnertuutigineqarpoq, § 51-imi imm. 2-tut ikkunneqassasoq: »Imm. 2. Ajoqusernermut sillimmasiisarfinnut Garantifondi pillugu inatsit malillugu, ajoqusernermut sillimmasiisarfinnut Garantifondip ingerlataani, ajoqusernermut sillimmasiisarfinnut Garantifondi § 49-mi taaneqartutut sulinermini ajoqusernerit pillugit sulianik naammagittaalliuteqarsinnaatitaavoq.«

Siunnersuut inatsisissatut siunnersuummi § 1, nr. 27-mi Kalaallit Nunaanni sulinermini ajoqusernermut isumannaarineq pillugu inatsimmi § 59-p atorunnaarsinneqarnissaanik siunnersuummut ataqatigiittutut isigineqassaaq.

Tamatuma malitsigisaanik inatsisissatut siunnersuummi § 3, imm. 4-mi aamma 5-imi siunnersuutigineqarpoq, ajutoornermut sillimmatinik tigusinerup kingunerisaanik, § 59 malillugu

Arbejdsmarkedets Erhvervssikringi pigisanik nalilinnik aamma pisinnaatitaaffinnik tigusisimappat aamma pisussaaffeqarlarsimalluni, taakkua ajoqusernermut sillimmasiisarfinnut Garantifondimut tunniunneqassasut.

Taamaalilluni ajoqusernermut sillimmasiisarfinnut Garantifondi pisinnaatitaaffinnik aamma pisussaaffinnik sillimmasiisarfiup tigummisimasaanik tigusissaaq, tigusineq sioqqullugu sillimmasiisarfiup tigummisimasaanik.

Siunnersuutikkut qulakkeerneqassaaq, ajoqusernermut sillimmasiisarfinnut Garantifondi, ajutoornerit pillugit suliani taarsiissutitut il.il. aningaasatuutinik akiliisoq, ajutoornermut sillimmatinik tigusinerup kingorna, Arbejdsmarkedets Erhvervssikringip aalajangiineri pillugit naammagittaalliuteqarnissamut sillimmasiisarfitulli periarfissaqarnissaa.

Aalajangersagaq siunnersuutigineqartoq sulineri ajoqusernermut isumannaarineq pillugu inatsimmi § 46 imm. 2-mut assinguvoq.

Oqaaseqaatinut nalinginnaasunut innersuussisoqarpoq, imm. 2.10.

Nr. 24-mut

§ 52, imm. 6, oqaaseqatigiit aappaanni aalajangersakkami atuuttumi allaqqavoq, sulineri ajutoornernut tunngatillugu aningaasartuutit, nammineq angerlarsimaffimmi imaluunniit nammineq kiffartuussineri sulineri ikiortimut atorneqartut, ukiumut sullissineri akunnerit 400-t anguneqanngippata, Arbejdsmarkedets Erhvervssikringimit siumoortumik akilerneqartassasut sillimmasiisarfinnilu tamani ukiut qaammatisiutaannut ataasiakkaanut agguataarneqarlutik, Kalaallit Nunaanni sulineri ajutoornermut sillimmasiisartunut.

Inatsisissatut siunnersuutip § 1, nr. 24-ani siunnertuutigineqarpoq, § 52, imm. 6, oqaaseqatigiit aappaat, atorunnaarsinneqassasoq, aamma taarsiullugu ikkunneqassasoq: »Sulineri ajutoornermut aningaasartuutit, ikiorteqarnermik qaangiisut, tak. oqaaseqatigiit siulliat, Arbejdsmarkedets Erhvervssikringimit akilerneqassapput. Oqaaseqatigiit aappaat malillugu aningaasartuutitut aningaasaliinerit, ukiumi aningaasartuuteqarfiusup aallartinnerani, sillimmasiisarfinni tamani, Kalaallit Nunaanni sulineri ajoqusernermut sillimmasiisnermik ingerlatsisuni, acontomik akileeqquneqassapput, kingornalu ukiumi tulluuttumi naleqqussarneqarlutik.«

Imm. 2-5 tamatuma kingorna imm. 3-6-nngussapput.

§ 52, imm. 6, oqaaseqatigiit aappaanni aamma pingajuanni aalajangersakkatut nutaatut siunnersuutip, inatsimmi atuuttumi § 52, imm. 6, oqaaseqatigiit aappaat taarserpaat.

Allannguutissatut siunnersuutigineqartup kingunerissavaa, Arbejdsmarkedets Erhvervssikringip ukiumi aningaasartuuteqarfiusup aallartinnerani (ukioq 1), sillimmasiisarfinni aningaasartuutissatut naatsorsuutigineqartunik ukiumoortumik acontomik akileeqqusisalnissaa.

Arbejdsmarkedets Erhvervssikringip taarsiissutitut il.il. tunngatillugu allanngortitsinikkut ukiumoortumik ukioq 1-ip aallartinnerani acontomik aningaasartuutitut akileeqqusineri aamma ukiumut 2-mut kingorna naleqqusaaqarnamut piumasaqaataavoq, ukiup sisamararterutaasa siulliup naannginnerani akileeqqusinissaq aamma naleqqusaaqarnissaa.

Taarsiissutissanut aningaasartuutitut il.il. acontomik akileeqqusineq ukiumoortoq, ukiumi siullermi (ukioq 1) taarsiissutissanut aningaasartuutissanik il.il. pivusorsioortumik missiliuussineq tunngavigalugu pissaaq, minnerpaamik ulluni 14-ini akiliinissamat piffissaqartitsilluni.

Ukiup tullittup aallartinnerani (ukioq 2) Arbejdsmarkedets Erhvervssikringi sillimmasiisarfinniit acontomik qaffasippallaamik imaluunniit appasippallaamik akiliutinik ukiumoortumik kingornatigut naleqqussaasassaaq. Arbejdsmarkedets Erhvervssikringi ukioq 2-mi kingornatigut naleqqussaanermi taarsiissutissanut il.il. aningaasartuutitut akileeqqusisinnaassaaq ukioq 1-ip ingerlanerani sillimmasiisarfinninganniit sulineri ajutoornernut sillimmasertarfiusut nutaajusuniit aningaasartuutigineqartunik. Ukioq 1-imut tunngatillugu piffissami akileeqqusineri peqatigalugu naleqqussaasoqarnissaanik piumasaqaateqarpoq.

Sillimmasiisarfii, sulineri ajutoornernut sillimatinik aqutsineri allanut tunniussisimasut, assersuutigalugu sillimmasiissutinik tuniniaasunut, taarsiissutitut il.il. assinganik akiliissapput, aamma Arbejdsmarkedets Erhvervssikringip aningaasat, sillimmasiissutinik tuniniaasuniit imaluunniit allamiit sillimmasiisarfik sinnerlugu sillimmasiissutinik aqutsisumiit akileeqqusinnaavai.

Taamaalluni siunissami Arbejdsmarkedets Erhvervssikringip ukioq 2024-minngaanniit ukiumi aningaasartuutissanut naatsorsuutigineqartunik missiliuussineq pivusorsioortoq tunngavigalugu §§ 52, 56 aamma 64 malillugit aningaasat acontonngorlugit akileeqqusassaavai, ukiup taassuma aningaasartuuteqarfiusussap aallartinnerani.

Piumasaqaatigineqarpoq, Suliassaqartitsineri ministereqarfiup sulineri ajoquserneri isumannaariniq pillugu inatsit aamma sulineri ajutoornerup kingunerisaanut isumannaariniq pillugu inatsit malillugit Arbejdsmarkedets Erhvervssikringimit akilerneqartut, taarsiissutit aalajangersimasut il.il. ilaannut aningaasaliineq pillugu nalunaarutaa nr. 645, 28. juni 2019-imeersoq malillugu kiisalu Arbejdsskade Styrelse aamma Ankestyrelse pisunik Kalaallit Nunaanni sulineri ajoquserneri isumannaariniq pillugu inatsimmi ilaatinneqartunik aqutsineranut akiliineq pillugu nalunaarutaa nr. 1655, 21. december 2010-meersoq malillugit § 52, imm. 6, oqaaseqatigiit pingajuannut aamma sisamaannut aalajangersakkatut siunnersuutigineqartoq naapertorlugu aallanngortinneqarnissaat, tak. inatsisissatut siunnersuummi § 1, nr. 25-mut oqaaseqaatit.

Nalilerneqarpoq, allannguut peqatigitillugu ataani ingerlatsineri ineriartornermullu aningaasartuutitut, malittarisassat atuuttut malillugit siumoortumik Arbejdsmarkedets Erhvervssikringip akilerallartagaanut, akigititanut taaneqartunut akileeqqusineri siuartitsineri, Arbejdsmarkedets Erhvervssikringip akiliisinnaassusaanut malunnaatilimmik pitsanngorsaataassasoq, Arbejdsmarkedets Erhvervssikringip kingumoortumut taarsiullugu siumoortumik akigitit akileeqqusinnaalissammagit.

Siunnersuutip malitsigisaanik inatsisissatut siunnersuummi § 1, nr. 31-mi siunnersuutigineqarpoq, § 64, imm. 4, oqaaseqatigiit siulliat malillugu akigititanik akileeqqusineq, Arbejdsmarkedets Erhvervssikringip ingerlatsineranut aamma ineriartorneranut allanngortinneqassasoq, taamaallutik akigitit acontomik assinganik akileeqquneqartalerlutik ukiup aallartinnerani, suliat Arbejdsmarkedets Erhvervssikringimut nalunaarutigineqarfianni (ukioq 1), aamma ukiumi tullittumi (ukioq 2) kingornatigut naleqqusarneqarlutik. Aalajangersakkamat matumunnga allannguutissatut siunnersuutigineqartup kingunerissavaa, akigititanik akileeqqusineq pisinnaasoq Arbejdsmarkedets Erhvervssikringip akilerallarsimasaanut aningaasartuutitut matussutissatut siumoortumik akileeqqusineri peqatigitillugu.

Aalajangersagaq siunnersuutigineqartoq sulinermi ajoqusernermut isumannaarineq pillugu inatsimmi § 48, imm. 6-imi, oqaaseqatigiit aappaannut assinguvoq.

Inatsisissatut siunnersuummi § 1, nr. 25-mut aamma 31-mut oqaaseqaatit aamma oqaaseqaatit nalinginnaasut innersuussutigineqarput, imm. 2.9.

Nr. 25-mut

§ 52, imm. 6, oqaaseqatigiit pingajuanni aalajangersakkami atuuttumi allaqqavoq, sulinermi ajoqusernermut isumannaarineq pillugu inatsimmi § 48, imm. 6, oqaaseqatigiit pingajuat malillugu, Arbejdsmarkedets Erhvervssikringip malittarisassat aalajangersagai malillugit Finanstilsyni suleqatigalugu aningaasartuutit agguarneqassasut.

Aalajangersakkap atuuttup sulinermi ajutoornermut atatillugu aningaasartuutit agguataarneqarnissaannut aalajangersaaneq malittarisassiorpaa, nammineq illugisami sulinermi imaluunniit kiffartuussinermi ikiorteqarnermut atorneqartunik, sulinerup katillugit qaammatisiutit malillugit ukiumut nalunaaquttap akunneri 400-t qaanginnippagit. Arbejdsmarkedets Erhvervssikringip Finanstilsyni suleqatigalugu innersuussutigisai tunngavigalugit malittarisassat suliaasaqartitsinermit ministerimit aalajangersarneqartut malillugit, qaammatisiutit malillugit ukiut tamaasa aningaasartuutit sillimmasiisarfinnut sulinermi ajutoornermut sillimmasiisartunut tamanut agguataarneqassapput.

Inatsisissatut siunnersuutip § 1, nr. 25-ani siunnertuutigineqarpoq, § 52, imm. 6, oqaaseqatigiit pingajuanni, oqaaseqatigiit sisamaanngortussami »Arbejdsmarkedets Erhvervssikring« imatut allanngortinneqassasoq: »suliaasaqartitsinermit ministeri Arbejdsmarkedets Erhvervssikringip siulersuisuisa inassuteqarnerat malillugu« aamma »oqaaseqatigiit pingajuat« imatut allanngortinneqassaaq: »oqaaseqatigiit sisamaat«

Sulinermi ajoqusernermut isumannaarineq pillugu inatsimmi § 48, imm. 6, oqaaseqatigiit pingajuat inatsisikkut nr. 550, 7. maj 2019-imeersukkt § 48, imm. 6, oqaaseqatigiit sisamaanngorlugu allanngortinneqarnerata siunnersuut kingunerivaa. Siunnersuutip aningaasartuutitik agguataarinermut malittarisassat imarisaatigut allanngortissanngilai. Sulinermi ajoqusernermut isumannaarineq pillugu inatsimmi § 48, imm. 6, oqaaseqatigiit sisamaannik allanngortitsinikkut, aalajangersakkami pineqarput agguataarineq, acontomik akiliineq aamma kingornatigut naleqqussaaneq. Taamaattumik Arbejdsmarkedets Erhvervssikringip siulersuisuisa innersuussuteqarnerisa kingorna, sulinermi ajoqusernermut sillimmasiisarfiit akornanni ukiumoortumik aningaasartuutitik agguataarisarnermut malittarisassat erseqqinnerusut suliaasaqartitsinermit ministerip Finanstilsyni suleqatigalugu aalajangersassavai. Agguataarinermut tunngatillugu pineqarput sulinermi ajutoornernut aningaasartuutit, ikiorteqarnermut atorneqartut kiisalu acontomik akiliinermut malittarisassat erseqqinnerusut aamma kingornatigut naleqqussaaneq. Tamatuma kingorna aningaasat akilerallakkat ukiup atuuttup aallartinnerani aningaasartuutit atorneqarfissaanni akileqquneqassapput.

Sulinermi ajoqusernermut isumannaarineq pillugu inatsimmi § 48, imm. 6, oqaaseqatigiit sisamaanni piumasaqaatigineqarpoq, pisinnaatitsineq imatut piviusunngortinneqassasoq, erseqqissumik allaqqassalluni, Arbejdsmarkedets Erhvervssikringip ukiut aallartinneri tamaasa, missiliuussineq piviusorsiortoq tunngavigalugu, sillimmasiisarfinnut sulinermi ajutoornernut sillimmasiisermik ingerlatsisunut tamanut siumoortumik acontomik akileeqqusisarnissaa. Sillimmasiisarfiit, sulinermi ajutoornernut sillimmasiissutitik aqutsinermik allanut tunniussisimasut, assersuutigalugu sillimmasiissutitik tuniniaasartunut, assinganik aningaasartuutitut akiliisussaapput, aamma Arbejdsmarkedets Erhvervssikringip aningaasat

sillimmasiisarfinminngaanniit imaluunniit allamiit sillimmasiisarfik sinnerlugu sillimmasiissutiniq aqutsisumiit akileeqqusinnaavai.

Tamatuma saniatigut piumasaqaatigineqarpoq, pisinnaatitaanerup qaffasippallaamik imaluunniit appasippallaamik acontomik akiliineq pillugu ukiumut tulluuttumut ukiumoortumik kingornatigut naleqqussaannermut malittarisassanik aalajangersaanissamut atorneqarnissaa. Siunnersuutigineqarpoq, taamaallaat ukiumut ataasiarluni akileeqqusineqartassasoq, aamma akileeqqusinnermut, §§ 52, 56 aamma 64 malillugit aningaasartuutit saniatigut, § 64 malillugu Arbejdsmarkedets Erhvervssikringimi aamma Ankestyrelsimi suliamik ingerlatsinnermut tunngatillugu akigititanik akileeqqusineq ilaatinneqarluni.

§ 1, nr. 24-mi allannguutissatut siunnersuutigineqartup siunnersuut kingunerivaa, aamma piumasaqaatigalugu Suliassaqartitsinnermut ministereqarfiup sulinnermi ajoqusernermut isumannaarineq pillugu inatsit aamma sulinnermi ajutoornerup kingunerisaanut isumannaarineq pillugu inatsit malillugit Arbejdsmarkedets Erhvervssikringimit akilernerqartut, taarsiissutit aalajangersimasut il.il. ilaannut aningaasaliineq pillugu nalunaarutaa nr. 645, 28. juni 2019-imeersoq malillugu kiisalu Arbejdsskadebystyrelsen aamma Ankestyrelsen pisunik Kalaallit Nunaanni sulinnermi ajoqusernermut isumannaarineq pillugu inatsimmi ilaatinneqartunik aqutsinneranut akiliineq pillugu nalunaarutaa nr. 1655, 21. december 2010-meersoq malillugit siunnersuutigineqartoq naapertorlugu allanngortinneqarnissaat.

Inatsisissatut siunnersuummi § 1, nr. 24-mut aamma 31-mut oqaaseqaatit aamma oqaaseqaatit nalinginnaasut innersuussutigineqarput, imm. 2.9.

Nr. 26-mut

§ 56, imm. 4-mi aalajangersakkami atuuttumi allaqqavoq, imm. 1 malillugu aningaasat Arbejdsmarkedets Erhvervssikringimit tunniunneqartut, § 52, imm. 6, oqaaseqatigiit aappaanni aamma pingajuanni malittarisassat malillugit, imm. 2 malillugu aningaasat utertinneqarsimasinnaasut ilanngaatigalugit, sillimmasiisarfinnut Kalaallit Nunaannut sulinnermi ajutoornernut sillimmasiisartunut tamanut agguanneqassasut.

Inatsisissatut siunnersuutip § 1, nr. 26-ani siunnertuutigineqarpoq, § 56, imm. 4-mi, »§ 52, imm. 6, oqaaseqatigiit aappaat aamma pingajuat« allanngortinneqassasoq imatut: »§ 52, imm. 6, oqaaseqatigiit aappaanniit sisamaannut«

§ 1, nr. 25-mi allannguutissatut siunnersuutigineqartup siunnersuut kinguneraa, § 52, imm. 6, oqaaseqatigiit aappaat aamma pingajuat malillugit aningaasartuutiniq agguasarneq pillugu aalajangersakkap allanngortinneqarnissaa siunnersuutigineqarluni, siunnersuutip kingorna oqaaseqatigiit aappaanniit aamma sisamaanngortussat.

§ 1, nr. 24-mi aamma 25-mi siunnersuutini, § 52, imm. 6, oqaaseqatigiit aappaanni aamma pingajuanni aalajangersakkat allanngortinneqarnissaat siunnersuutigineqarpoq. Allannnguutissatut siunnersuutit kingunerivaat, § 52, imm. 6-mi agguaanissamut aalajangersakkat attuumassuteqartut siunnersuutip kingorna § 52, imm. 6, oqaaseqatigiit aappaanniit sisamaannut nassaassalissammata.

Inatsisissatut siunnersuummi § 1, nr. 24-mut aamma 25-mut oqaaseqaatit aamma oqaaseqaatit nalinginnaasut innersuussutigineqarput, imm. 2.9.

Nr. 27-mut

§ 59, imm. 1-imi aalajangersakkami atuuttumi allaqqavoq, sulineri ajutoornernut sillimmasiissutit suliffeqarfiit aningaasarsiornermik ingerlataqartut pillugit inatsimmi § 250, imm. 2 imaluunniit suliffeqarfiit aningaasarsiornermik ingerlataqartut pillugit inatsisip Kalaallit Nunaannut atuutilersinneqarnissaanut peqqussummi nr. 1252, 15. december 2004-meersumi § 275 imm. 2 malillugu Arbejdsmarkedets Erhvervssikringimit aqunneqalerpata, ajoqusernerit tamarmik, sillimasiisarfiimut sillimmasiisarfiup ullup atorunnaarsinneqarfiata kingorna nalunaarutigineqartut, Arbejdsmarkedets Erhvervssikringimut nassiunneqassasut. Peqatigitillugu aningaasat ingerlatseqatigiiffiup, suliffeqarfiit aningaasarsiornermik ingerlataqartut pillugit inatsit naapertorlugu illuartissimasai, aamma piffissaq atorunnaarsitsinerup kingorna inatsit malillugu ingerlatseqatigiiffiup sillimmasiinerinut attuumassuteqartut, Arbejdsmarkedets Erhvervssikringimut tunniunneqassapput.

Aamma § 59, imm. 2-mi aalajangersakkami atuuttumi allaqqavoq, sillimmasiissutinik aqutsineri aningaasartuutit, Arbejdsmarkedets Erhvervssikringimit siumoortumik akilerneqartassasut, aamma sulineri ajoquserneri isumannaariniq pillugu inatsimmi § 48, imm. 6, oqaaseqatigiit pingajuanni malittarisassat malillugit qaammatsiutit malillugit ukiunut tamanut sillimmasiisarfinni tamani, sulineri ajutoornernut sillimmasiisartuni agguanneqarlutik. Aningaasat tunniunneqartut malittarisassat taakkua atorlugit agguanneqassapput.

Kalaallit Nunaanni sulineri ajoquserneri isumannaariniq pillugu inatsimmi § 59 sulineri ajoquserneri isumannaariniq pillugu inatsimmi § 54-imut imarisaanut tunngatillugu assinguvoq, taanna 1. juli 2019 tikillugu taamatut allassimalluni. Aalajangersagaq aamma taassumunnga piareersarluni sulineq, sillimasiisarfiup Alpha Insurance A/S-ip 2018-imi akiliisinnaajunnaarneri atitillugu aalajangersakkap matussusiineri sanilliullugu ersernerluttoq paasinarsivoq. Taamaattumik akiliisinnaajunnaarneri atitillugu Suliassaqartitsineri ministereqarfik aalajangersakkap nassuiaatigineqarneri ilanngussivoq, immikkuualuttut tulliuttut ilanngunneqarlutik:

- 1) Finanstilsynip sillimmasiisarfiup sulineri ajutoornernut sillimmatinik ingerlatsinissamut akuersissutaanik arsaarpagu, Arbejdsmarkedets Erhvervssikringip sillimmasiisarfiimut sulineri ajutoornernut sillimmasiineri sillimmasiissutit tamakkerlugit tigunissaat pisussaaffigivaa.
- 2) Arbejdsmarkedets Erhvervssikringip pisussaaffiginngilaa sulineri ajutoornernut sillimmasiissutinut ilassutaasinnaasut tigunissai, sillimmasiisarfiup tunisimasinnaasai.
- 3) Arbejdsmarkedets Erhvervssikringip sulianik aqutsineq tigussavaa, sillimmasiissutit ataasiakkaat qaangiunnissaata tungaannut. Tamanna isumaqarpoq, Arbejdsmarkedets Erhvervssikringip, sulineri ajoquserneri isumannaariniq pillugu inatsimmi § 54 malillugu, ajoqusernerit pisimasut aamma sillimmasiinerit kingorna ajoqusernerit, sulit atuuttut aqunneqarneri tigussagai, ingerlatseqatigiiffiup sulineri ajutoornernut sillimmasiissutinik tuniniaasinnaarneri Finanstilsynip utertitsinerata kingornatigut ajoqusernerit aatsaat pisimanerat apeqqutaatinngu.
- 4) Sulineri ajoquserneri isumannaariniq pillugu inatsimmi § 54-imik siunertaavoq, sillimmasiisarfiup atorunnaarsinneqarneri sillimmasersimasut sillimmasernerup atorunnaarsinneqarnissaanut illersorneqarnissaat. Tamanna suliffeqarfiit aningaasarsiornermik ingerlataqartut pillugit inatsimmi § 230-p siunertaanut assinguvoq. Tamanna akiliisinnaajunnaariniq sioqqullugu ajoquserneri tigusinissamik killiliinissamut akerliuvoq.
- 5) Sillimmasiissutinik paasinninnermi, pingaartinneqassapput isumaqatigiissutit aalajangersimasut, sillimmasiisarfiup aamma sillimmasertut akornanni sillimmasiissutit isumaqatigiissutit ataasiakkaat atuuffii pillugit, ingerlatseqatigiiffiup sulineri ajoquserneri isumannaariniq pillugu inatsit malillugu sillimmasiissutinik atulersitsinnaarneri akuersissutaata atorunnaarsinneqarneri.

Taamaalilluni Arbejdsmarkedets Erhvervssikringip sulineri ajutoornermut sillimmasiissutini tigusernerminut atatillugu, sillimmasiisarfiup tunniussinissaq sioqqullugu, sulineri ajutoornermut sillimmasiinnermik ingerlatsinerminut tunngatillugu pisinnaatitaaffigisai aamma pisussaaffigisai tigussavai. Tamanna taarsiissuteqarnissamut piumasaqaatinut matussuserneqarsimanngitsunut matussusiinnermut aamma ajoqusernerit piareersaataasumik suliarineqarnerinut atuuppoq, tassunga ilanngullugit nalunaarutiginninnermik suliaqarneq aamma suliaritinnermut aningaasartuutitut apequtit pillugit isummerneq, aamma suliami paasissutissanut, ikiuutitut il.il. akiliutit.

Arbejdsmarkedets Erhvervssikringip aningaasartuutit aningaasaliiffigissavai, sulineri ajutoornermut sillimmasiissutini tigusernerup malitsigisai aamma pigisat nalillit, tassunga ilanngullugit sillimmaseqqinnermik isumaqatigiissutini pissamaatit, sillimmasiisarfiimut imaluunniit tassannga suliffeqarfiimut tunniunneqarsimasumit nuunneqartut. Arbejdsmarkedets Erhvervssikringip aningaasartuutit akilerallassavai, sulineri ajutoornermut sillimmasiissutini il.il. tigusernerup malitsigisai, pigisanik nalilinnik imaluunniit pigisanik nalilinnik naammanngitsunik sillimmasiisarfiimut imaluunniit taassuma qimataanit nuunneqarsimanngitsut piffissamiit, aningaasartuutit akilerneqarfissaanni aamma pigisat nalillit pisariaqartinneqartut tigunissaasa tungaannut. Aningaasartuutit, Arbejdsmarkedets Erhvervssikringip akiligai, sillimmasiisarfinnit tamanit sulineri ajutoornermut sillimmasiinnermik ingerlatsisunit aningaasaliiffigineqassapput.

Inatsisissatut siunnersuutip § 1, nr. 27-ani siunnertuutigineqarpoq, § 59-ip atorunnaarsinneqarnissaa.

Suliffeqarfiit aningaasarsiornermik ingerlataqartut pillugit inatsimmi § 250, imm. 2 malillugu, ajoqusernermut sillimmasiisarfinnut garantifondini pillugu inatsisip allanngortinneqarnissaanut inatsisikkut nr. 1163, 8. juni 2021-meersukkut, aningaasaliisartut peqatigiiffii il.il. pillugit inatsisikkut, aningaasanik peqquserluutiniq malunnarunnaarsaasarneq pillugu inatsisikkut, Danmarks Grønne Investeringsfondi pillugu inatsisikkut aamma inatsisikkut allatigut assigiinngitsukkut, Finanstilsynip sillimmasiisarfiup sulineri ajoqusernermut sillimmasiisarnermik ingerlatsinissamut akuersissutaa utertippagu, Arbejdsmarkedets Erhvervssikringip sulineri ajoqusernermut isumannaarineq pillugu inatsit malillugu sulineri ajoqusernermut sillimmasiissutiniq aqutsilernissamut pisussaaffia, 1. juli 2021-imi ajoqusernermut sillimmasiisarfiit Garantifondiannut nuutsinneqarnerata siunnersuut kingunerivaa. Inatsit nr. 1163, 8. juni 2021-meersumi § 17, imm. 3-mi allaqqavoq, Finanstilsynip sillimmasiisarfiup sulineri ajoqusernermut sillimmasiisarnermik ingerlatsinissamut akuersissutaa utertippagu, ajoqusernermut sillimmasiisarfiit Garantifondiata ajoqusernermut sillimmasiissutiniq tigusinissamut pisussaaffeqarnera pillugu aalajangersakkat, kunngip peqqussutaatigut ilanngullugu Kalaallit Nunaannut atuutilersinneqarsinnaaneri. Siunertaavoq, danskit aamma kalaallit suliaqarfiimut malittarisassaasa akornanni sammiveqatigiinnermik pilersitsiniarluni tamanna pissasoq. Nalorninarloqarmat, kunngip peqqussutaata matumalu inatsisissatut siunnersuutip ataatsikkut atuutilersinneqarsinnaaneri, inatsisissatut siunnersuummi § 2, imm. 2-mi peqatigalugu siunnersuutigineqarpoq, suliaqartitsineri ministeri § 59-ip atorunnaarsinneqarnissaata atuutilersinneqarnissaanut piffissamik aalajangersaassasoq. Inatsisissatut siunnersuummi § 3, imm. 5-imiit 8-mut oqaaseqaatit aamma oqaaseqaatit nalinginnaasut innersuussutigineqarput, imm. 2.10.

Nr. 28-mut

§ 62, imm. 4-mi aalajangersakkami atuuttumi allaqqavoq, imm. 1 malillugu Arbejdsmarkedets Erhvervssikringimit aningaasat tunniunneqartut, imm. 2 malillugu aningaasat utertinneqarsinnaasut

ilanngaatigalugit § 52, imm. 6, oqaaseqatigiit sisamaanni aamma tallimaanni malittarisassat malillugit agguanneqassasut.

Inatsisissatut siunnersuutip § 1, nr. 28-ani siunnertuutigineqarpoq, § 62, imm. 4-mi, »§ 52, imm. 6, oqaaseqatigiit sisamaat aamma tallimaat« allanngortinneqassasoq imatut: »§ 52, imm. 6, oqaaseqatigiit tallimaat aamma arferngat«.

Inatsisissatut siunnersuummi § 1, nr. 24-mi aamma 25-mi allannguutissatut siunnersuutit siunnersuut kingunerivaa, § 52, imm. 6, oqaaseqatigiit aappaat aamma pingajuat malillugit sulineri ajutoornernut aningaasartuutini akileeqqusineq aamma agguaneq pillugit aalajangersakkat allanngortinneqarlutik, siunnersuutip kingorna oqaaseqatigiit aappaanniit sisamaannortussat. Allannguutit kingunerivaat, § 52, imm. 6-mi agguaanermut aalajangersakkat attuumassuteqartut, siunnersuut malillugu inuussutissarsiornermi nappaatit pineqartillugit, § 52, imm. 6, oqaaseqatigiit tallimaanni aamma arfernganni nassaassaalernerat.

Aalajangersagaq sulineri ajoqusernermut isumannaarineq pillugu inatsimmi § 57, imm. 4-mut assinguvoq.

Inatsisissatut siunnersuummi § 1, nr. 24-mut aamma 25-mut oqaaseqaatit aamma oqaaseqaatit nalinginnaasut innersuussutigineqarput, imm. 2.9.

Nr. 29-mut aamma 30-mut

§ 64, imm. 1-mi aalajangersakkami atuuttumi allaqqavoq, Arbejdsmarkedets Erhvervssikringip aamma Ankestyrelsip pissutsinik inatsimmi ilaatinneqartunik ukua aningaasaliiffigissagaat:

- 1) Sillimmasiisarfiit sulineri ajutoornermut sillimmasiisartut, sulineri ajutoornerit pillugit suliat pineqartillugit, pineqartunut attuumassuteqartut,
- 2) Arbejdsmarkedets Erhvervssikringi inuussutissarsiornermi nappaatinut tunngatillugu aningaasartuutit aningaasaliiffigineqarnissaannut tapiissutitut, tak. sulineri ajoqusernermut isumannaarineq pillugu inatsimmi § 55, inuussutissarsiornermi nappaatit nalunaarutigineqartut pineqartillugit aamma
- 3) Naalagaaffik, Kalaallit Nunaanni Namminersorlutik Oqartussat aamma kommunit, imminut sillimmasersinnaaneq atorineqaraangat, tak. § 52, imm. 5.

Kalaallit Nunaanni sulineri ajoqusernermut isumannaarineq pillugu inatsimmi § 67-mi aalajangersakkami atuuttumi allaqqavoq, Arbejdsmarkedets Erhvervssikringi tassaasoq sulisitsisut aamma atorfilittat ataatsimoorussamik sillimmasiinerinik isumannaarisoq, tassunga ilanngullugit aapparisaatut suleqataasut, § 52, imm. 4-mi taaneqartut. Sulisitsisut namminersortutut inuussutissarsiortutut atorfilinnut isumannaarinissamut pisussaaffitsik naammassisinnaavaat aamma imminut isumannaarsinnaallutik suliffeqarfimmi nammineerlutik peqataagaangamik, ataatsimoorussamik sillimmasiineri, tak. § 67. Ataatsimoorussamik sillimmasiinerup iluani isumannaarinermut aamma saniatigut sulineq ilaatinneqarpoq, pingaarnertut inuussutissarsiornermut attuumassuteqartoq.

Namminersorlutik inuussutissarsiortut sorliit ataatsimoorussamik sillimmasiineriut ilaasortaasinnaanerat, aamma ataatsimoorussamik sillimmasiineriut ilanngunneq, aamma akiliutissanik akileeqqusineq aamma ilaasortaajunnaaneq pillugit malittarisassat erseqqinnerusut suliasaqaartitsineriut ministerimit Namminersorlutik Oqartussat suleqatigalugit aalajangersarneqassapput, tak. § 69.

Tamanna isumaqarpoq, namminersorlutik inuussutissarsiortunut il.il. ataatsimoorussamik aamma atorfilittat sillimmasiineriut akiliisartunut tunngatillugu, tassunga ilanngullugit aapparisaatut suleqataasut, Arbejdsmarkedets Erhvervssikringi sillimmasiisarfiittut inissisimassasoq.

Ataatsimoorussamik sillimmasiinermit ilaatinneqarpoq kinaluunniit, nammineq akilikkamini imaluunniit allat peqatigalugit inuussutissarsiutigalugu aalisarnermik, piniarnermik aamma assigisaanik kiisalu savaateqarnermik ingerlatsisoq. Assinganik atuuppoq kimulluunniit, umiarsuarmik ingerlatsisumut, aamma nammineerluni umiarsuarmi sulisartumut, imaassimangippat umiarsuaq nuannaariutaannartut atorneqartoq. Ilaasortaaneq atuuppoq inunntu imaluunniit ingerlatseqatigiiffinnut, Namminersorlutik Oqartussaniit inuussutissarsiornermik taaneqartuni ingerlatsinissamut akuersissuteqartunut. Umiarsuarnut piginnittut, 15 meterinik imaluunniit qaangerlugu takissuseqartunut, ataatsimoorussamik sillimmasiinermit ilaasortaasinnaangillat. Ataatsimoorussamik sillimmasiinerup iluani isumannaarineq aamma atuuppoq saniatigut suliffeqarnermut, pingaarnertut inuussutissarsiummut attuumassuteqartumut.

Ataatsimoorussamik sillimmasiinermit tarsiissutitut aningaasartuutit il.il. inatsimmi § 68 malillugu, inunntu taakkununga ataatsimoorussamik sillimmasiinermit ilaatinneqartunut, præmienik akiliuteqarnikkut aningaasaliiffiqeqassapput. Præmiet angissusaat suliaaqqartitsinermit ministerimit aalajangersarneqassapput, Arbejdsmarkedets Erhvervssikringip siulersuisuisa innersuussuteqarnerisigut, aamma Namminersorlutik Oqartussat isumaqatiginiareernerisigut. Ataatsimoorussamik sillimmasiinermit tarsiissutitut aningaasartuutitut il.il. præmiet matussusiinissamut naammangippata, aningaasat amigaatigineqartut naalagaaffimmiit akilernerneqassapput. Aammattaaq suliffeqarfinnut inunntu ataasiakkaanit ingerlanneqartunut ataatsimoorussamik sillimmasiinermit præmiet annikillisinneqarnissaannut naalagaaffik tapiissuteqassaaq. Tapiissut sulisitsisup nammineq inuttut aamma suliffeqarfimmi atorfillit isumannaarneqarnissaannut atugassanngortinneqassapput. Tapiissutit præmiet tallimararterutaata aappaarat (2/5).

Ajoqusernerit pillugit sulianik aqutsineq, ajoqusernut tunngatillugu, ataatsimoorussamik sillimmasiinermit ilaatinneqartunut malittarisassat atuuttut malillugit Arbejdsmarkedets Erhvervssikringimit § 64, imm. 1, nr. 1 akilernerneqassaaq, Arbejdsmarkedets Erhvervssikringi sillimmasiisarfit pineqarmat, suliat ataatsimoorussamik sillimmasiinermit ilaatinneqartut pineqartillugit.

Inatsissatut siunnersuutip § 1, nr. 30-ani siunnertuutigineqarpoq, § 64, imm. 1-imi, nr. 2-p kingorna nutaatut normutut ikkunneqassasoq: »3) § 68 malillugu Arbejdsmarkedets Erhvervssikringimit aningaasat, ataatsimoorussamik sillimmasiineq malillugu suliat pineqartillugit, tak. §§ 67-69 aamma«.

Siunnersuutikkut Kalaallit Nunaanni sulinermit ajoqusernermit isumannaarineq pillugu inatsimmi § 67-69 malillugit Arbejdsmarkedets Erhvervssikringip sulianik ataatsimoorussamik sillimmasiinermit ilaasortanut tunngassuteqartunut akiliinissamut pisussaaffilerneqarnissaanut tunngavimmik erseqqarissumik pilersitsisoqassaaq. Tassa namminersorlutik inuussutissarsiuteqartut il.il., ataatsimoorussamik sillimmasiinermit akiliisartut, aamma atorfilittaminnut, tassunga ilanngullugit apparisatut suleqataasut.

Siunnersuutip erseqqissarpaa, inuit ataatsimoorussamik sillimmasiinnikkut isumannaarneqarsimasut pillugit suliat aqunneqarnerinut akiliinissamut Arbejdsmarkedets Erhvervssikringip pisussaaffieqarnera.

Siunnersuutip aamma erseqqissarpaa, Arbejdsmarkedets Erhvervssikringip § 68 malillugu ataatsimoorussamik sillimmasiinermit præmie akilernerneqarsimasooq aqutigalugu sulianik aqutsineq aningaasaliiffiqeqassagaa. Tamanna isumaqarpoq, Arbejdsmarkedets Erhvervssikringimi aamma Ankestyrelsimi aqutsineq præmienik aningaasaliiffiqeqassasoq, sulisitsisut akiligaannik, ataatsimoorussamik sillimmasiinermit ilaatinneqartut, aamma naalagaaffik aningaasanik amigaataasunik akiliissalluni, præmiet akiliutigineqartut aningaasartuutit matussusiinissamut naammangippata.

Siunnersuut ajoqusertut imaluunniit qimagaasut taarsiiffigitinnissamut pisinnaatitaaffiannut apeqqutaanngilaq. Siunnersuut aningaasaqarnikkut kinguneqanngilaq, suleriaatsinut atuuttunut naapertuuttumik erseqqissaaneq pineqarmat.

Inatsisissatut siunnersuutip § 1, nr. 29-ani siunnertuutigineqarpoq, § 64, imm. 1, nr. 2-mi peerneqassasoq: »aamma«.

Siunnersuut § 1, nr. 30-imi siunnersuutip kingunerisaanik allannguineruvoq.

Oqaaseqaatit nalinginnaasut innersuussutigineqarput, imm. 2.12.

Nr. 31-mut

§ 64, imm. 4, oqaaseqatigiit siullianni aalajangersakkami atuuttumi allaqqavoq, suliasaqartitsinermut ministeri akiliinermut, akigititat annertussusissaannut aamma taakkuninnga akiliisitsiniartarnermut malittarisassanik aalajangersaassasoq, tassunga ilanngullugit Ankestyrelsimut malittarisassat, social aamma indenrigsministerip isumaqatiginiareerneratigut.

§ 64, imm. 4, oqaaseqatigiit aappaanni aamma allaqqavoq, Arbejdsmarkedets Erhvervssikringip siulersuisuisa innersuussuteqareernerisigut suliasaqartitsinermut ministerip ukiumut ataasiarluni akigititat annertussusissaat nalunaarutigisassagai, tassunga ilanngullugit Ankestyrelsip akigitai, social aamma indenrigsministerip isumaqatiginiareerneratigut.

Akigititat Arbejdsmarkedets Erhvervssikringip ingerlatsinermut aamma ineriartornermut aningaasartuutaanut matussutissatut akileeqquneqartassapput. Sulinermi ajutoornermut aningaasartuutitut sillimmasiisarfiit akileeqquneqartassapput. Sillimmasiisarfiup sulinermi ajutoornermut sillimmasiissutinik aqutsineq allanut tunniussimappagu, assersuutigalugu sillimmasiissutinik tuniniaasartunut, taakkua assinganik aningaasartuutitut akiliissapput. Inuussutissarsiornermi nappaatinut atatillugu aningaasartuutitut Arbejdsmarkedets Erhvervssikringi akileeqquneqartassaaq, sulisitsisunit aningaasaliiffigineqartunik Arbejdsmarkedets Erhvervssikringimut tapiissutit aqutigalugit, tak. Kalaallit Nunaanni sulinermi ajoqusernermut isumannaarineq pillugu inatsimmi § 60.

Inatsisissatut siunnersuutip § 1, nr. 31-ani siunnertuutigineqarpoq, § 64, imm. 4, oqaaseqatigiit siullianni, »akiliineq,« peerneqassasoq, aamma »aamma tamatuminnga akiliisitsiniarneq« allanngortinneqassasoq imatut: », acontonngorlugu akiliisitsiniarneq aamma kingornatigut naleqqussaaneq«.

Allannguutissatut siunnersuutigineqartup kingunerissavaa, Arbejdsmarkedets Erhvervssikringip qaammatsiutini ukiup aallartinnerani, aningaasartuutit sumi atorineqarnissaannut tunngatillugu (ukioq 1), aningaasartuutunik naatsorsuutigineqartunik ukiumut akigititatigut acontomik akileeqqusisarsinnaanera pillugu Suliffissaqartitsinermut ministerip malittarisassanik aalajangersaasinnaanissaa.

Piumasaqaatigineqarpoq, Suliffissaqartitsinermut ministerimut pisinnaatitsineq allanngortinneqartup kingunerissagaa, ullumikkut oktoberip qaammataani ukiumoortumik akileeqqusinermik, ukiumi suliat Arbejdsmarkedets Erhvervssikringimut (ukioq 1) nalunaarutigineqarfiani aaqqissuussinerup, ukiup aallartinnerani ukiumoortumik acontomik akileeqqusinermut allanngortinneqarnissaanut malittarisassanik aalajangersaanissaaq. Ajutoornerit pillugit suliani sillimmasiisarfinnut, aamma inuussutissarsiornermi nappaatit pillugit suliani Arbejdsmarkedets Erhvervssikringimut, nangittumik akigititanik akiliineq ukiumut

ataasiarluni pisartussaassaaq, taamaattoq § 64, imm. 4, oqaaseqatigiit siulliannik allanngortitsinikkut akileeqqusineq acontomik pisassalluni, siumoortumik ukioq 1-ip aallartinnerani.

Arbejdsmarkedets Erhvervssikringip ingerlatsinermut aamma ineriartornermut aningaasartuutitut tunngatillugu akigititanik akileeqqusisarneranik, ukioq 1-ip aallartinnerani ukiumut acontomik akileeqqusisarnermut aamma ukioq 2-p aallartinnerani kingornatigut naleqqussaannermut allanngortitsinikkut, piumasaqaatigineqarpoq, akileeqqusisarneq aamma naleqqussaaneq ukiup sisamararterutaata siulliup naannginnerani pisarnissaat.

Ukiumoortumik ukiumi siullermi (ukioq 1) acontomik akileeqqusisarneq, sillimmasiisarfiit sulinerimi ajutoornernik nalunaaruteqartarnerinik aamma Arbejdsmarkedets Erhvervssikringip inuussutissarsiornermi nappaatinik nalunaaruteqartarneranik piviusorsioertumik missiliuussinerit tunngavigalugit pisassaaq. Tamatumunnga missiliuussinerimut, ilaatigut ukiuni kingullerni sillimmasiisarfiit ataasiakkaat aamma Arbejdsmarkedets Erhvervssikringip nalunaaruteqartarneranni misilittakkat tunngaviusassapput, assersuutigalugu Arbejdsmarkedets Erhvervssikringip nalunaarutiginneriaatsinik allannguutit pillugit ilisimasai aamma sillimmasiisarfiit suliassaasa annertussusaanni allannguutit, sulinerimi ajutoornerit pillugit suliassat aamma inuussutissarsiornermi nappaatit pillugit suliassat qassit ukiumi tulliuutumi suliarineqarnissaannut naatsorsuutit pillugit naqqiiffigineqarsinnaasunik.

Ukiup tulliuutup aallartinnerani (ukioq 2) Arbejdsmarkedets Erhvervssikringi sillimmasiisarfinniit aamma Arbejdsmarkedets Erhvervssikringimiit ukioq 1-imi akigititanut akiliinernut qaffasippallaanut imaluunniit appasippallaanut ukiumoortumik kingornatigut naleqqussaassaaq. Ukiumut 1-imut tunngatillugu naleqqussaaneq akileeqqusinerlu piffissamut tunngatillugu ataatsikkut pissassasut piumasaqaataavoq. Kingornatigut naleqqussaaneq aningaasanut akileeqqusanut nassuiaammik immikkoortitikkamik ilalerneqassaaq.

Taamaalilluni Arbejdsmarkedets Erhvervssikringi siunissami 2024-minngaanniit, § 64 naapertorlugu ingerlatsinermut aamma ineriartornermut aningaasartuutissatut missiliuussat piviusorsioertut tunngavigalugit ukiumi aningaasartuutit atorineqarfissaanni akigititat akileeqqusassavai.

Piumasaqaatigineqarpoq, Suliassaqartitsinermut ministereqarfiup, Arbejdsskade styrelsen aamma Ankestyrelsen Kalaallit Nunaanni sulinerimi ajoqusernermut isumannaarineq pillugu inatsimmi ilaatinneqartunik pissutininik aqutsinerinut akiliineq pillugu nalunaarutaa nr. 1655, 21. december 2010-meersoq allanngortinneqassasoq, ukiumoortumik akigititanik acontomik ukiup 1-p aallartinnerani akileeqqusisarneq pillugu siunnersuummut naapertuuttumik, tassunga ilanngullugu tamatuma ukiup sisamararterutaasa siulliup naannginnerani pinissaa naatsorsuutigineqarluni.

Nalilerneqarpoq, allannguut, taarsiissutitut il.il. aningaasartuutininik akileeqqusinermik siuartitsinermut ataani taaneqartut peqatigalugit, Arbejdsmarkedets Erhvervssikringip malittarisassat atuuttut malillugit siumoortumik akilerallartagai, Arbejdsmarkedets Erhvervssikringip akiliisinnaassusaanut malunnaatilimmik pitsanngorsaataassasoq, Arbejdsmarkedets Erhvervssikringip akigititat kingumoorumut taarsiullugu siumoortumik akileeqqusarsinnaassammagit.

Siunnersuutip kingunerisaanik § 1, nr. 24-mi aamma 25-mi siunnersuutigineqarpoq, Arbejdsmarkedets Erhvervssikringip taarsiissutitut il.il. aningaasat akilerallagaanik akileeqqusineq, tak. § 52, imm. 6, allanngortinneqassasoq, taamaalillutik aningaasartuutit ukiup aallartinnerani assigisaanik acontomik akileeqquneqartassallutik, aningaasartuutit atorineqarfiani (ukioq 1) aamma ukiup tulliani (ukioq 2) kingornatigut naleqqussarneqarlutik. Aalajangersakkap allanngortinneqarnissaanut siunnersuutip

kingunerissavaa taarsiissutissanut il.il. aningaasanik akileeqqusineq Arbejdsmarkedets Erhvervssikringip ingerlatsinermut aamma ineriartornermut aningaasartuutaanut matussutissatut aningaasanik siumoortumik akileeqqusinermut peqatigalugu pisinnaanera.

Aalajangersagaq sulinermi ajoqusernermut isumannaarineq pillugu inatsimmi § 59, imm. 5, oqaaseqatigiit siulliannut assinguvoq.

Inatsisissatut siunnersuummi § 1, nr. 24-mut aamma 25-mut oqaaseqaatit aamma oqaaseqaatit nalinginnaasut innersuussutigineqarput, imm. 2.9.

Nr. 32-mut aamma 33-mut

Kalaallit Nunaanni sulinermi ajoqusernermut isumannaarineq pillugu inatsimmi § 65-imi aalajangersakkami atuuttumi allaqqavoq, aningaasat, § 30, imm. 2, § 52, imm. 6, § 56, imm. 1 aamma 5, aamma § 62 malillugit Arbejdsmarkedets Erhvervssikringimit siumoortumik akilerallarneqartut, ukiumut erniamik ernialersorneqassasut, ullormiit ullormut aningaasanik niuernermt erniaritinneqartut agguaqatigiissinneqarnerannik assingusumik, Nationalbankimiit naatsorsorneqartunik. Erniat naatsorsorneqassapput, sulinermi ajoqusernermut isumannaarineq pillugu inatsimmi § 60, imm. 1 malillugu malittarisassat suliaassaqartitsinermut ministerimit aalajangersarneqartut malillugit, tak. inatsimmi § 65, oqaaseqatigiit aappaat. Malittarisassap atuuttup suliaassaqartitsinermut ministeri kisiat pisinnaatippaa erniat naatsorsorneqarnissaat pillugu malittarisassanik aalajangersaanissamut.

23. november 2015-imi Nationalbankip ullormiit ullormut aningaasanik niuernermt erniarititanik katersuineq, naatsorsuineq aamma saqqummiussineq NASDAQ OMX-imut nuunneqarput aamma erniaritinneqartut taakkua ullumikkut Tomorrow/Next ernianik taagorneqarput.

Inatsisissatut siunnersuutip § 1, nr. 32-ani aamma nr. 33-ani siunnertuutigineqarpoq, § 65, oqaaseqatigiit siullianni aamma aappaanni », Nationalbankip ullormiit ullormut ernialiuttagaata agguaqatigiissinneranut naapertuuttunik« peerneqassasoq, aamma »naatsorsorneqassapput« allanngortinneqassasoq imatut: »aalajangersarneqassapput«.

Taamaalilluni ullormiit ullormut aningaasanik niuernermt erniarititat, Nationalbankimiit naatsorsorneqartut, erniaritinneqartussanik aalajangersaanermut atugassatut naatsorsorneqartarunnaarnerisa siunnersuuteqarnermik kinguneqarpoq.

§ 65, oqaaseqatigiit aappaanni aalajangersakkap allanngortinneqarnissaanik siunnersuutip kingunerissavaa, aalajangersakkap oqaasertaasa sulinermi ajoqusernermt isumannaarineq pillugu inatsimmi § 60, imm. 1, oqaaseqatigiit aappaannut innersuussutigineqartumut tulluarsarneqarnissaat.

Sulinermi ajoqusernermt isumannaarineq pillugu inatsimmi § 60, imm. 1, oqaaseqatigiit aappaat malillugu, suliaassaqartitsinermut ministeri ernianik ukiumoortunik aalajangersaanermut malittarisassanik erseqqinnerusunik aalajangersaanissamut pisinnaatitaavoq, tassunga ilanngullugit § 30, imm. 2, § 52, imm. 6, § 56, imm. 1 aamma 5 aamma § 62 malillugit ernialersuinermt erniat ukiumoortut Arbejdsmarkedets Erhvervssikringip akilerallarsimasai qanoq naatsorsorneqassanersut aamma saqqummiunneqassanersut.

Suliaassaqartitsinermut ministeri malittarisassat atuuttut malillugit ernialersuineq pillugu malittarisassanik erseqqinnerusunik aalajangersaanissaavaq. Taamaattoq pisinnaatitsinerup allanngortinneqarnissaa siunnersuutaavoq, suliaassaqartitsinermut ministeri erniat aalajangersarneqarnissaannut malittarisassanik

aalajangersaasinnaangortillugu, tassunga ilanngullugit ernianik atorneqartussanik aalajangersaaneq, naatsorsuineq aamma saqqummiussineq.

Suliassaqartitsinermut ministereqarfiup aamma Namminersorlutik Oqartussat nalilerpaat, NASDAQ OMX-imiit Tomorrow/Next erniat tassaasut erniat, maannakkut pitsaanerpaamik ernialersuinnermut tunngaviusumut taarsiissutaasinnaasut. Taamaattumik piumasaqaatigineqarpoq, § 30, imm. 2, § 52, imm. 6, § 56, imm. 1 aamma 5 aamma § 62 malillugit Arbejdsmarkedets Erhvervssikringip aningaasanut akilerallarsimasaanut ernianik aalajangersaaneq NASDAQ OMX-imiit Tomorrow/Next erniat tunngavigalugit pissasoq. NASDAQ OMX-imiit Tomorrow/Next ernianik katersuineq, naatsorsuineq imaluunniit saqqummiussineq allanngortinneqarpata, imaluunniit ernianik saqqummiussinissamik suliassaq NASDAQ OMX-iunngitsumut allanut tunniunneqarpata, taamaalilluni suliassaqartitsinermut ministeri aningaasanut Arbejdsmarkedets Erhvervssikringip akilerallarsimasaanut ernialersuinnermut malittarisassanik allanik aalajangersaasinnaassaaq. Taamaattoq matumani pisumi piumasaqaatigineqarpoq, NASDAQ OMX-imiit Tomorrow/Next ernianut periarfissat allat NASDAQ OMX-imiit Tomorrow/Next ernianut tunngavinnut assingunissaat.

Aalajangersakkat siunnersuutigineqartut sulineri ajoqusernermut isumannaarineq pillugu inatsimmi § 60, imm. 1-imut assingupput.

Suliassaqartitsinermut ministereqarfiup nalunaarutaa nr. 413, 24. april 2017-imeersaq Kalaallit Nunaanni sulineri ajoqusernermut isumannaarineq pillugu inatsimmi § 52, imm. 6 malillugu aningaasanik agguaanermi aamma ernialersuinnermi nangittumik atorneqassaaq, tak. Suliassaqartitsinermut ministereqarfiup nalunaarutaani nr. 645, 28. juni 2019-imeersumi § 4, imm. 4, oqaaseqatigiit aappaat.

Piumasaqaatigineqarpoq, suliassaqartitsinermut ministereqarfiup nalunaarutaani nr. 645, 28. juni 2019-imeersumi § 4, imm. 4, oqaaseqatigiit aappaat, siunnersuutip atuutilersinneqarneranut atatillugu atorunnaarsinneqassasoq.

Nr. 34-mut

Kalaallit Nunaanni sulineri ajoqusernermut isumannaarineq pillugu inatsimmi § 70, oqaaseqatigiit siullianni aalajangersakkami atuuttumi allaqqavoq, inatsit malillugu ikiorsiissutit aallaaviatigut ajoqusiisumut, ajoqusernumut aamma qimagaasunut taarsiissuteqarnissamut pisussaaffeqalartumut, akiliisitsinissamut piumasaqaarsinnaanermut tunngavigineqarsinnaanngitsut. Taamaalillutik inatsimmi malittarisassat atuuttut kingunerivaat, sulisitsisut imaluunniit taakkua sillimmasiisarfii, inatsit naapertorlugu taarsiissutinik tunniussisut, tunisassiorumut imaluunniit akunnermuliuttutut niuertumut, tunisassianut akisussaaneq pillugu malittarisassat malillugit taarsiissuteqarnissamut akisussaaffeqartunut, akiliisitsinissamut piumasaqaarsinnaanerat pisinnaanngitsaq.

Inatsisissatut siunnersuutip § 1, nr. 34-ani siunnertuutigineqarpoq, § 70, oqaaseqatigiit siullianni, »qimagaasut« kingorna ikkunneqassasoq: », taamaattoq tak. imm. 2«.

Siunnersuut § 1, nr. 32-mi siunnersuummut ataqatigiissillugu isigineqassaaq, § 77, imm. 2-mi sulineri ajoqusernermut sillimmasiisarfiit il.il. tunisassiorumut imaluunniit akunnermuliuttutut niuertumut, tunisassianut akisussaaneq pillugu malittarisassat malillugit taarsiissuteqarnissamut akisussaaffeqartumut, akiliisitsinissamut piumasaqaarsinnaanerat pillugu aalajangersakkamik atuutilersitsisoqassasoq. Taamaalilluni siunnersuutigineqarpoq, akiliisitsinissamik piumasaqaarsinnaanerp inerteqqutaanerani ilaatitsinnginneq atuuttoq annertusineqassasoq, tunisassianut akisussaaneq pillugu malittarisassani ilaatinneqartunut, ajoqusernermut atatillugu taarsiiffigitinnermik ilanngussinnermik.

Siunnersuut isumaqassaaq, sulinermi ajoqusernermut sillimmasiisarfiit il.il. tunisassioortumut imaluunniit akunnermuliuttutut niuertumut akisussaasumut, tunisassianut akisussaaneq pineqartillugu, akiliisitsinissamut piumasaqarsinnaanerat.

Aalajangersagaq sulinermi ajoqusernermut isumannaarineq pillugu inatsimmi § 77-imut assinguvoq.

Inatsisissatut siunnersuummi § 1, nr. 35-mut oqaaseqaatit aamma oqaaseqaatit nalinginnaasut innersuussutigineqarput, imm. 2.11.

Nr. 35-mut

Kalaallit Nunaanni sulinermi ajoqusernermut isumannaarineq pillugu inatsimmi § 70-imi aalajangersakkami atuuttumi allaqqavoq, inatsit naapertorlugu ikiorsiissutit ajoqusiisumut, ajoqusernumut aamma qimagaasunut taarsiissuteqarnissamut pisussaaffeqalertumut, akiliisitsinissamut piumasaqarsinnaanermut tunngavigineqarsinnaanngitsut. Ajoqusernut imaluunniit qimagaasut piumasaqaataat taarsiissuteqarnissamut akisussaasumut appartinneqassapput, inatsit manna malillugu akiliisoqarsimappat imaluunniit ikiorsiissutinik pineqartunut akiliinissaq pisussaaffiuppat.

Tamanna isumaqarpoq, Kalaallit Nunaanni taarsiissuteqarnissaq pillugu malittarisassat nalinginnaasut malillugit taarsiissuteqarnissamut akisussaaffeqarnermut naleqqiullugu, Kalaallit Nunaanni sulinermi ajoqusernermut isumannaarineq pillugu inatsit pingaarnersooq, tassunga ilanngullugit inatsit allat. Taamaallutik ajoqusernut Kalaallit Nunaanni sulinermi ajoqusernermut isumannaarineq pillugu inatsimmi malittarisassat malillugit tamatigut taarsiissutinik tunineqassapput, sulisitsisuniit aningaasaliiffigineqartunik, sulisitsisuunngitsumik, kisianni inuk pingajuusumik, ajoqusiisutut akisussaasuuppat apeqqutaatinnagu. Tamatuma aamma kingunerivaa, ajoqusiisutut akisussaasumut akiliisitsinissamik piumasaqartoqarsinnaannginnera.

Ajoqusiisutut akisussaasoq, Kalaallit Nunaanni taarsiissuteqarneq pillugu malittarisassat nalinginnaasut malillugit, taamallat taarsiissutaasinnaasut assigiinngissutaannik akiliinissamut pisussaaffeqarpoq. Taarsiissutit assigiinngissutaannik piumasaqartoqartarpoq, taarsiissutit taarsiissuteqarnissamut akisussaaffeqarneq pillugu inatsisip Kalaallit Nunaanni atuutilersinneqarnera pillugu peqqussut nr. 1078, 15. september 2015-imeersoq malillugu annertussusilerneqartut, Kalaallit Nunaanni sulinermi ajoqusernermut isumannaarineq pillugu inatsit malillugu taarsiissutit annertussusilerneqartut qaangerpatigit. Tamanna naatsorsuinnermut malittarisassat assigiinngitsut pissutigalugit assersuutigalugu inuussutissarsiorsinnaanermik annasaqarnermut taarsiissuteqarnermut attuumassuteqarsinnaavoq.

Tunisassianut akisussaaneq pillugu inatsisikkut nr. 371, 7. juni 1989-imeersukkut, ajoqusernermut kinaassusersiunngitsumik akisussaanermik eqqussisoqarpoq, tunisassiani ajoqutinit pissuteqartunik, tak. tunisassianut akisussaaneq pillugu inatsimmi § 6. Inatsit naammassineqarpoq tunisassianut akisussaaneq pillugu inatsisip Kalaallit Nunaannut atuutilersinneqarneranut peqqussutikkut nr. 900, 30. august 2004-imeersukkut. Peqqussummi § 6 malillugu kinaassusersiunngitsumik akisussaaffik tunisassiamik tunisassioortumi inissisimavoq. Ilanngullugu peqqussummi § 10-p malitsigivaa, akunnermuliuttutut niuertup niueqatigiiaannermi ajoqusernumut akiliisussaataitanera aamma kingusinnerusukkut akunnermuliuttutut niuertunut.

Tamanna isumaqarpoq, tunisassianut akisussaaneq pillugu inatsisip Kalaallit Nunaannut atuutilersinneqarneranut peqqussut malillugu ajoqusernut toqqarsinnaagaa tunisassioortumut, akunnermuliuttutut niuertumut imaluunniit taakkununga marluutillugit taarsiiffigitinnissamut

piumasaqarnissani, marluullutik nammaqatigiillutik ajoqusernut akiliisussaammata, tak. peqqussummi § 11. Peqqussummi § 13-imi allaqqavoq, peqqussut killiliissutissartaqanngilaq ajoqusernut taarsiissuteqartarnek pillugu isumaqatigiisummi imaluunniit isumaqatigiissutip avataani malittarisassat nalinginnaasut malillugit imaluunniit malittarisassat inatsisini allani aalajangersagaasut imaluunniit inatsisit allat naapertorlugit taarsiiffigineqarsinnaaneranut.

Kalaallit Nunaanni sulinermi ajoqusernermut isumannaarinek pillugu inatsimmi malittarisassat atuuttut malillugit, taarsiissutit assigiinngissutaat pillugit piumasaqaat pineqarpat, tunisassiorturnut aamma akunnermiliuttut nuertunut taamaallaat akiliisitsinissamut piumasaqartoqarsinnaavoq.

Kalaallit Nunaanni sulinermi ajoqusernermut isumannaarinek pillugu inatsisikkut eqqarsaataanngilaq, sulisitsisut aamma sulinermi ajoqusernermut sillimmasiisarfiit tunisassianut akisussaaneq pillugu inatsisip Kalaallit Nunaannut atuutilersinneqarneranut peqqussummi malittarisassat malillugit annaasami matussuserneqarnissat pillugu qinnuteqarnissamut.

Inatsisissatut siunnersuutip § 1, nr. 35-ani siunnertuutigineqarpoq, § 70-imi imm. 2-tut ikkunneqassasoq: »Imm. 2. Imm. 1, oqaaseqatigiit siullianni malittarisassaq atuutissanngilaq imaattoqarpat, tunisassianut akisussaaneq pillugu inatsimmi taarsiissuteqarnissamut akisussaasoqartoq imaluunniit akisusaanissamut peqqusisoqartoq.«

Siunnersuut ajoqusernut imaluunniit qimagaasut taarsiiffigitinnissamut pisinnaatitaaffiannut tunngatillugu annertussusissaanut sunniuteqassanngilaq, taamaallaalli pineqarluni, naggataatigut kina taarsiissutissanut il.il. akiliissanersoq.

Siunnersuutip kingunerissavaa, Arbejdsmarkedets Erhvervssikringi, Kalaallit Nunaanni sulinermi ajoqusernermut isumannaarinek pillugu inatsimmi §§ 14 aamma 21-27 malillugit, taarsiiffigitinnissaq il.il. pillugit aalajangiisimappat, aamma sillimmasiisarfiup il.il. taarsiissutissat imaluunniit ajunngitsorsiasat tunniussimappagit, aamma tunisassianut akisussaasoqartillugu, sillimmasiisarfiit il.il. tunisassiamik ajutoormik kinguneqartumut tunisassiorturnut imaluunniit akunnermiliuttut nuertumut, akiliisitsinissamut piumasaqarsinnaanermut periarfissaqalernerat. Siunnersuutip ilanngullugu kingunerivaa, sillimmasiisarfiit, tunisassiamik ajutoormik kinguneqartumut, tunisassiorturnut imaluunniit akunnermiliuttut nuertumut akiliisitsinissamut piumasaqarsinnaanermut periarfissaqarnerat, sillimmasiisarfik imaluunniit Arbejdsmarkedets Erhvervssikringi §§ 16-20 malillugit ullormusianik tunniussisimatillugu, imaluunniit ajoqusernerup sulinermi ajoqusernerut akuersaarneqarnissaa sioqqullugu kommunip akilersimasaanik ullormusianik utertisisimatillugu.

Tunisassiorturnut imaluunniit akunnermiliuttut nuertumut, tunisassianut akisussaaneq pillugu malittarisassat malillugit akisusaanini nassuerutigippagu, imaluunniit akisussaaneq eqqartuussutikkut aalajangerneqarsimappat, akiliisitsinissamut piumasaqartoqarsinnaavoq. Imatut paasillugu, sulinermi ajutoornerit pineqartillugit sillimmasiisarfimmiit, pisortat sulisitsisuiniit aamma sulisitsisuiniit namminersortuniit imminnut sillimmasersimasuniit, aamma inuussutissarsiornermi nappaatit pineqartillugit Arbejdsmarkedets Erhvervssikringimiit, akiliisitsinissamut piumasaqartoqarsinnaavoq, tak. § 52 imm. 1, oqaaseqatigiit aappaat, tak. Kalaallit Nunaanni sulinermi ajoqusernermut isumannaarinek pillugu inatsimmi § 60. Arbejdsmarkedets Erhvervssikringip inuussutissarsiornermi nappaatit pillugit suliani aamma inatsit malillugu suliani allani taarsiissutinik il.il. tunniussissaaq, assersuutigalugu suliani ataatsimoorussamik sillimmasiinnermut ilaatinneqartuni, suliani sillimmasiinissamut pisussaaffeqanngitsuni, imaluunniit suliani sillimmasernissamut pisussaaffimmik naammassineqarsimatinnagu taarsiissutinik il.il. tunniussissalluni.

Akiliisitsinissamut piumasaqarsinnaanerup annertussusissaa taarsiissutisinermut assinguvoq, ajoqusernut sulinermi ajoqusernermut isumannaarineq pillugu inatsit malillugu pisinnaatitaafigisaanut, aamma sulinermi ajoqusernermut sillimmasiisarfiup il.il. tunniussimasaanut, taamaattoq sulisinnaajunnaanermi ullormusiat tunniunneqarsimasut pinnagit, tak. inatsimmi § 10, nr. 2, aamma §§ 16-20. Akiliisitsinissamut piumasaqarsinnaanermi, tunisassiorup imaluunniit akunnermuliuttutut niuertup tunisassianut akisussaaneq pillugu inatsit malillugu pisussaaffittut akiligassai, aningaasat qaangersinnaanngilai, tak. tunisassianut akisussaaneq pillugu inatsisip Kalaallit Nunaannut atuutilersinneqarnera pillugu peqqussummi § 6.

Siunnersuutip sillimmasiisarfiit il.il. akiliisitsinissamut piumasaqarsinnaanermut inerteqqutip peerneratigut akiliisitsinissamut piumasaqarsinnaanermut periarfissippai. Akerlianik pineqanngilaq, sillimmasiisarfiit il.il. akiliisitsinissamut piumasaqarsinnaanermut pisussaaffilerlugit peqquneqarnissaat.

Akiliisitsinissamut piumasaqarsinnaavoq, Kalaallit Nunaanni sulinermi ajoqusernermut isumannaarineq pillugu inatsit malillugu taarsiissuteqarnissaq imaluunniit ajunngitsorsiaqarnissaq pillugu aalajangiisoqaraangat, aamma sulinermi ajoqusernermut sillimmasiisarfik il.il., tunisassianut akisussaaneq pillugu malittarisassat tunngavigalugit akiliisitsinissamut piumasaqarsinnaanermut tunngavissaqarnera pillugu nalilersuinnissamut periarfissaqarsimappat. Tamanna isumaqarpoq, taarsiissuteqarnissaq imaluunniit ajunngitsorsiaqarnissaq pillugu aalajangiinerit saniatigut, ullormi atuutilerfiusumi aalajangerneqartut, tassunga ilanngullugit suliat suliareqqitassanngortitat, akiliisitsinissamut piumasaqarsinnaanermut aamma periarfissaassasoq, aalajangiinerit ulloq atuutilerfiusoq sioqqullugu aalajangiunneqarsimasut pineqartillugit, aamma sulinermi ajoqusernermut sillimmasiisarfiup ullormi atuutilerfiusumi imaluunniit kingusinnerusukkut nalilerpagu, akiliisitsinissamut piumasaqartoqarsinnaasoq. Taamaattoq akiliisitsinissamut piumasaqarsinnaaneq pisoqalisoorinissaq pillugu malittarisassanit killilerneqarpoq, tak. tunisassianut akisussaaneq pillugu inatsisip Kalaallit Nunaannut atuutilersinneqarnera pillugu peqqussummi § 14. Tamanna isumaqarpoq, sulinermi ajoqusernermut sillimmasiisarfiup piffissarititaasoq qaaniutsinnagu piumasaqarsimanngippat, akiliisitsinissamut piumasaqarsinnaaneq pisoqalisimasoq.

Tunisassiorumut imaluunniit akisussaaneermut sillimmasiisarfimmu akiliisitsinissamut piumasaqarsinnaaneq pillugu aalajangiineq, aamma tamatumunnga atatillugu, akisussaasoqarnerasoq aamma qanoq annertutigisumik piumasaqaataasinnaasoq pillugit naliliineq, Kalaallit Nunaanni sulinermi ajoqusernermut isumannaarineq pillugu inatsit malillugu aalajangiinerunngillat. Akiliisitsinissamut piumasaqarsinnaaneq pillugu akerleriinneit eqqartuussivinnit suliarineqartussaassapput aamma aalajangiiffigineqartussaallutik.

Inatsimmi § 70-imi aalajangersagaq atuuttoq atatiinnarneqassaaq. Tamanna isumaqarpoq, malittarisassaq nalinginnaasoq nangittumik tassaammat, inatsisit allat malillugit taarsiissuteqarnermut naleqqiullugu, Kalaallit Nunaanni sulinermi ajoqusernermut isumannaarineq pillugu inatsit malillugu taarsiissuteqarneq pingaarnerusoq. Taamaalilluni isumaqarpoq, sulinermi ajoqusernermut sillimmasiisarfik, tassunga ilanngullugu sulisitsisut imminnut isumannaarsimasut aamma Arbejdsmarkedets Erhvervssikringi, nangittumik Kalaallit Nunaanni sulinermi ajoqusernermut isumannaarineq pillugu inatsit malillugu, tunisassianut akisussaaffeqartoqanngippat, suliani akiliisitsinissamut piumasaqarsinnaassanngitsut taarsiissutinut tunniunneqartunut tunngatillugu.

Siunnersuutip kingunerivaa, Kalaallit Nunaanni sulinermi ajoqusernermut isumannaarineq pillugu inatsimmi tunisassianut akisussaaneq pillugu malittarisassat, EU-p eqqartuussiviata 21. december 2011-mi (C-495/10) eqqartuussutaanit aallaaveqartunut, sulinermi ajoqusernermut isumannaarineq pillugu inatsimmi malittarisassanut tunngaviatigut assingunerat.

Aalajangersagaq sulinermi ajoqusernermut isumannaarineq pillugu inatsimmi § 77-imut assinguvoq.

Oqaaseqaatit nalinginnaasut innersuussutigineqarput, imm. 2.11.

§ 2-mut

Imm. 1-mi siunnersuutigineqarpoq, inatsit atuutilissasoq ulloq 1. januar 2026, taamaattoq tak. imm. 2.

Tamatuma kingunerivaa, inatsisissatut siunnersuummi immikkuualuttut tulluuttut ulloq 1. januar 2026 atuutilersinneqassasut aamma sulianut tamanut sunniuteqassasut:

- Napparsimanermik katsorsaanerup sungiusarnerullu piffissamut tunngatillugu ataqatigiinnerat pillugu piumasaqaatip atorunnaarsinneqarnera, tak. § 1, nr. 2, suliani, Arbejdsmarkedets Erhvervssikringip 1. januar 2026 aallarnerfigalugu aalajangiiffigisaanut sunniuteqassaaq.
- Piffissarititanik inatsisitigut aalajangerneqartunik, tak. § 1, nr. 3 aamma 19, ajutoornerit pillugit sulianut aamma inuussutissarsiornermi nappaatit pillugit sulianut sunniutaa, ullormi atuutilerfiusumi imaluunniit kingusinnerusukkut nalunaarutigineqartumi, atorunnaarsinneqarput.
- Ullormusianut akigititat pillugit aalajangersaanermut inatsisitigut tunngaviup allanngortinneqarnera, tak. § 1, nr. 4, 1. januar 2026-miit sunniuteqalissaaq.
- Akeqanngitsumik nerisaqarnermut ineqarnermullu akigititanik nutarsaaneq, tak. § 1, nr. 7, ajutoornerit pillugit sulianut, ajutoornerit pisimareertillugit, aamma inuussutissarsiornermi nappaatit pillugit sulianut, ullormi atuutilersiusumi kingusinnerusukkulluunniit nalunaarutigineqartunut, sunniuteqarpoq.
- Inatsit malillugu taarsiissutininik, ajunngitsorsianik aamma ullormusianik tunniussinissamut piffissarititaasup allanngortinneqarnera, tak. § 1, nr. 8, sulineri ajoqusernerit pillugit suliani Arbejdsmarkedets Erhvervssikringip aalajangiinerinut atuutissapput, ullormi imaluunniit kingusinnerusukkut atuutilerfiusumi.
- Ajutoornerit pillugit nalunaarutiginninnermut piumasaqaatit allanngortitat, § 1 nr. 10-15-ikkut atuutilersinneqartut, ajutoornernut aamma inuussutissarsiornermi nappaatinut, ullormi atuutilerfiusumi imaluunniit kingusinnerusukkut nalunaarutigineqartunut, atuutissapput. Tamatuma kingunerissavaa, ajutoornerit pillugit suliat, ulloq 1. januar 2026 sioqqullugu atuutilertut, aamma aatsaat ulloq 1. januar 2026 kingornatigut nalunaarutigineqartut, malittarisassatut siunnersuutigineqartut malillugit aamma nalunaarutigineqarnissaat. Tassa piffissaq nalunaarutiginniffiusoq aalajangiisuuvoq, nalunaarutiginninnermut malittarisassat sorliit atorneqarnissaannut tunngatillugu. Tamatumuuna qulakkeerneqarpoq malittarisassat maannamut atuuttut aamma nutaat akornanni pisariitsumik ikaarsaaneq. Erseqqissarneqarpoq, § 1, nr. 10-miit 15-mut siunnersuutit, ajoqusertup pisinnaatitaaffiinik imaluunniit pisussaaffiinik allanngortitsinnginnerat, kisianni nalunaarutiginninnermi suleriaatsinik taamaallaat allanngortitsisoqarluni. Taamaalilluni inatsisitigut isumannaatsuunermut tunngatillugu ajornartorsiutaassanngilaq nalunaarutiginninnermut malittarisassat nutaat atorneqarnissaat, aamma ajoqusernerit ulloq atuutilerfissaq 1. januar 2026 sioqqullugu pisunut.

- Suliami paasissutissanut tunngatillugu aningaasartuutitut akiliinissamut pisussaaffiup erseqqissarneqarnera, tak. § 1 nr. 16, ullormi atuutilerfiusumi imaluunniit kingusinnerusuklut aningaasartuutit akiliinermi atorpeqassaaq.
- Paasissutissanik pissarsiniarneq pillugu ajoqusernut aamma qimagaasunut allakkatigut ilisimatitsineq, tak. § 1, nr. 17, suliasani nutaani tamani atorpeqassaaq, Arbejdsmarkedets Erhvervssikringip imaluunniit Ankestyrelsen ulloq 1. januar 2026-miit paasissutissanik pissarsinissaani, piffissaq tamanna sioqqullugu sulineri ajutoorneq pisimanersoq imaluunniit inuussutissarsiornermi nappaat nalunaarutigineqarsimanersoq apeqquaatinnagu.
- Misissortinnermut atatillugu ingiaqatigisap pisariaqartup angalaneranut aamma sulinikkut akissarsianik annaasaanut akiliinernik malittarisassiorneq, tak. § 1, nr. 18, ullormi atuutilerfiusumi imaluunniit kingusinnerusuklut aningaasartuutit akiliinermi atorpeqassaaq.
- Europap avataani najugaqarnermut atatillugu naammagittaalliuteqarnissamut piffissarititaasup sivitsukkap atorunnaarsinneqarnera, tak. § 1, nr. 20, suliani tamani, 1. januar 2026-miit Arbejdsmarkedets Erhvervssikringip aalajangiiffigisaani, atorpeqassaaq.
- Naammagittaalliuteqarnermik suliarinninnermut atatillugu isumaginninnermut suliassaqarfimmi inatsisitigut isumannaatsuuneq aamma aqutsineq pillugit inatsit atorpeqarnissaanik erseqqissaaneq, tak. § 1, nr. 21.
- Naammagittaalliuteqarnermik aaqqissuussinerup pisariillisarneqarnera, tak. § 1, nr. 22, isumaqarpoq, Arbejdsmarkedets Erhvervssikringi, naammagittaalliuutinik nalilersueqqinnerni tamani, ulloq 1. januar 2026 suliarineqartuni, imaluunniit ulloq 1. januar 2026 imaluunniit kingusinnerusuklut tiguneqartuni, immikkuualuttut piviusut aamma inatsisit aamma aalajangiinermi missiliuussinerit immikkuualuttut pillugit isummersinnaassasoq.
- Arbejdsmarkedets Erhvervssikringip aningaasaliisarnermut aaqqissuussineranut tunngatillugu allannguinerup (ukiumoortumik siumoortumik akileeqqusineq), tak. § 1, nr. 24-26, 28 aamma 31, kingunerissavaa, Arbejdsmarkedets Erhvervssikringip 2026-mi taarsiissutit akilerallakkat aamma 2025-mi aamma 2026-mi akigitat akileeqqussagai. Tamanna ukiuni marlunni aningaasartuutitut aamma akigititanut aningaasanik akileeqqusineq taamaallaat 2026-mi pissaaq. Ukiuni tulluttuni taamaallaat ukiumut ataatsimut aningaasartuutitut aamma akigititanut aningaasanik akileeqqusisoqassaaq.
- Arbejdsmarkedets Erhvervssikringip innunut ataatsimoorussamik sillimmasiinnikkut isumannaarneqartunut tunngatillugu sulianik ingerlatsinnermut akiliinissamut pisussaaffianik erseqqissaaneq, tak. § 1, nr. 29 aamma 30, ataatsimoorussamik sillimmasiineq malillugu ullormi atuutilerfiusumi imaluunniit kingusinnerusuklut suliarineqartunut sulianik aqutsinnermut atorpeqassaaq.
- Ullormiit ullormut aningaasanik niuernermut erniaritinneqartut, Nationalbankimiit naatsorsorneqartut tunngavigalugit ernialersuinerup aalajangersarneqarnera NASDAQ OMX-imut nuunneqassaaq, erniaritinneqartut Tomorrow/Next erniatut taaneqartut, tak. § 1, nr. 32 og 33, ullormi

atuutilerfiusumi imaluunniit kingusinnerusukkut aningaasat ernialersorneqarnerinut atorneqassallutik.

Imm. 2-mi siunnersuutigineqarpoq, § 1, nr. 23-p, 27-p, 34-p aamma 35-p piffissaq atuutilerfissaat suliassaqartitsinermut ministerip aalajangersassagaa.

Kalaallit Nunaanni sulinermi ajoqusernermut isumannaarineq pillugu inatsimmi allannguutinik atuutilersitsinissamut apeqqutaavoq, tak. § 1, nr. 23 aamma 27, Inuussutissarsiornermut ministereqarfiup (Finanstilsynip) ajoqusernermut sillimmasiisarfinnut garantifondi pillugu inatsisip Kalaallit Nunaannut atuutilersinneqarnissaanut peqqussutip atuutilersinneqarnissaa, ajoqusernermut sillimmasiisarfinnut il.il. garantifondini pillugu inatsimmi nr. 1163, 8. juni 2021-meersumi § 2-p malitsigisaanik allannguutit ilanngullugit. Ajoqusernermut sillimmasiisarfinnut garantifondi pillugu inatsimmi allannguutit Danmarkimut atuutilerput ulloq 1. juli 2021 aamma peqqussutip atuutilersinneqarneratigut Kalaallit Nunaannut atuutissallutik. Matumuuna Kalaallit Nunaanni sillimmasiisarfiup Kalaallit Nunaanni sulinermi ajutoornermut sillimmasiinermik ingerlatsinissamut akuersissutaa utertinneqarsimappat, ajoqusernermut sillimmasiisarfinnut garantifondip sulinermi ajutoornermut sillimmasiinernik tigusinissaa tunngavissinneqarpoq.

Kalaallit Nunaanni sulinermi ajoqusernermut isumannaarineq pillugu inatsimmi allannguutinik atuutilersitsinermut piumasaqaataavoq, tak. § 1, nr. 34 aamma 35, taarsiissuteqarnissamut akisussaaneq pillugu inatsisip Kalaallit Nunaannut atuutilersinneqarnissaanut peqqussutip atuutilersinneqarnissaa, taarsiissuteqarnissamut akisussaaneq pillugu inatsimmi allannguutit ilanngullugit, sulinermi ajoqusernermut isumannaarineq pillugu inatsisip allanngortinneqarnissaanut inatsisip, Arbejdsmarkedets Erhvervssikringi imminut pigisoq pillugu inatsisip aamma taarsiissuteqarnissamut akisussaaneq pillugu inatsisip nr. 2200, 29. december 2020-meersup malitsigisaannik. Matumuuna tunngavik pilersinneqassaaq, taarsiissuteqarnissamut akisussaaneq pillugu inatsisip Kalaallit Nunaannut atuutilersinneqarneranut peqqussummi § 17, imm. 1, oqaaseqatigiit siulliat Kalaallit Nunaanni sulinermi ajoqusernermut isumannaarineq pillugu inatsit malillugu ikiorsiissutinut atuutinnginneranut, tunisassianut akisussaaneq pillugu inatsit malillugu taarsiissuteqarnissamut akisussaaffeqarpat, taamaalillunilu § 1, nr. 34-mi aamma 35-mi allannguutissatut siunnersuutigineqartunut naapertuuttumik pilersitsisoqarluni. Tamatuma kingorna § 1, nr. 34 aamma 35 suliani tunisassiorlutut, akunnermiliuttutut niuertumut imaluunniit taakkua sillimmasiisarfiannut akiliisitsinissamut piumasaqarfiusinnaasuni atuutissapput, ullormi imaluunniit kingusinnerusukkut atuutilerfiusumi. Allannguutit taarsiissuteqarnissamut akisussaaneq pillugu inatsisip allanngortinneqarnerata atuutilersinneqarsinnaanngornera peqatigalugu atuutilissapput.

§ 3-mut

Imm. 1-mi siunnersuutigineqarpoq, § 1, nr. 1-mi siunnersuut, ajutoornerit pillugit sulianut, ulloq 1. januar 2025 sioqqullugu aallartinneqarsimasunut, atuutissanngitsoq. Sulianut taakkununga malittarisassat maannamut atuuttut atuutissapput.

Siunnersuutip kingunerissavaa, ajutoornerit akuersaarneqarnissaat pillugit suliat ingerlasut, ulloq 1. januar 2026 sioqqullugu aallartinneqarsimasut, malittarisassat 1. januar 2026 tungaanut atuuttut tunngavigalugit nalilersorneqassasut.

Imm. 2-mi siunnersuutigineqarpoq, § 1, nr. 3-mi, 5-imi, 6-imi, 7-imi, 9-mi aamma 19-imi siunnersuut, ajutoornerit pillugit sulianut, ulloq 1. januar 2026 sioqqullugu aallartinneqarsimasunut, aamma inuussutissarsiordermi nappaatit pillugit sulianut, ulloq 1. januar 2026 sioqqullugu nalunaarutigineqarsimasunut atuutissanngitsut. Sulianut taakkununga malittarisassat 1. januar 2026 tungaanut atuuttut atuutissapput.

Siunnersuummi § 1, nr. 3-mi aamma 19-imi, Kalaallit Nunaanni sulineri ajoqusernermut isumannaarineq pillugu inatsimmi § 15, imm. 1-ip aamma 2-p, aamma § 44-p, piffissaritit inatsisigut aalajangerneqartut atorunnaarsinissai, taamaallunilu kingunerisaanik ataatsimoorussamik aalajangiinissamut piumasaqaat atorunnaarsillugu, ajutoornerit pillugit sulianut, ulloq 1. januar 2026 imaluunniit kingusinnerusukkut suliarineqalertunut aamma inuussutissarsiordermi nappaatit pillugit sulianut, ulloq 1. januar 2026 imaluunniit kingusinnerusukkut nalunaarutigineqarsimasunut, atuutissapput.

Ilanngullugu § 3, imm. 2-p kingunerivaa, inunnut sulisitsisuminni najugaqartunut, nerisaqarnermut ineqarnermullu akigitit pillugit § 1, nr. 7-p, sulianut ingerlasunut, inatsisip ulloq 1. januar 2026 atuutilernerani, sunniteqassanngitsaq. Taakkununga sulianut 1. januar 2026 tungaanut malittarisassat atuuttut nangittumik atuutissapput.

- Kalaallit Nunaanni sulineri ajoqusernermut isumannaarineq pillugu inatsimmi § 31, imm. 4-ip allanngortinneqarnissaanik siunnersuutip kingunerivaa, § 1 nr. 6, aningaasaqatit akiliutaasunik allanngortitsinissap tungaanut taarsiissuteqartuarnernik akiliuteqartarnerit pillugit, aamma § 1, nr. 9, taarsigassarsiat aningaasannngortinnerannut naleqqersuutit nutarterneqartunut aamma tamatumunga attuumassuteqartunut allannguutitut, tak. § 1, nr. 5, tunngatillugu, sulineri ajutoornernut tunngatillugu ulloq 1. januar 2026 imaluunniit kingusinnerusukkut aallartinneqartunut, aamma inuussutissarsiordermi nappaatitut, ulloq 1. januar 2026 imaluunniit kingusinnerusukkut nalunaarutigineqartunut, atuutissasut. Kalaallit Nunaanni sulineri ajoqusernermut isumannaarineq pillugu inatsimmi § 31-mi malittarisassat maannamut atuuttut, ajutoornerit pillugit suliani, ulloq 1. januar 2026 sioqqullugu aallartinneqartunut, aamma inuussutissarsiordermi nappaatitut, ulloq 1. januar 2026 sioqqullugu nalunaarutigineqartunut atuutinneqassapput. Immikkut ilitsersuummik nutaamik suliaqartoqassaaq, ulloq 1. januar 2026-miit sulianut nutaanut taarsigassarsiat aningaasannngortinnerannut naleqqersuutit nutartikkanik imaqartumik.

§ 3, *imm. 3-mi* siunnersuutigineqarpoq, § 1, nr. 8-imi taarsiissutit aamma ajunngitsorsianik tunniussinissamut piffissarititaasup allanngortinneqarnissaanut, aamma § 1, nr. 20-mi ajoquseritut aamma qimagaasunut Europap avataani najugaqartunut naammagittaalliuuteqarnissamut piffissarititaasup allanngortinneqarnissaaanut siunnersuutit, Arbejdsmarkedets Erhvervssikringip sulineri ajoquserit pillugit suliani tamani aalajangiineritut, ulloq 1. januar 2026 sioqqullugu aalajangiiffiusimasunut atuutissanngitsut. Aalajangiinnerut taamaattunut maannamut maliitarisassat atuuttut atuutissapput.

Siunnersuummi imm. 3-p kingunerissavaa, tak. § 1, nr. 20, taarsiissutit il.il. tunniussinissamut piffissarititaasup aamma qaqugu ernialersuisoqarnissaanut piffissaq, suliani taarsiissuteqarnissaq pillugu 1. januar 2026 sioqqullugu aalajangiisoqarsimatillugu, 1. januar 2026-p tungaanut malittarisassat atuuttut naapertorlugit aalajangiinerup ajoquseritut nalunaarutigineqarneraniit, nangittumik sapaatit akunneri sisamaassasut.

Siunnersuummi imm. 3-p, tak. § 1, nr. 20, ilanngullugu kingunerissavaa, suliani tamani naammagittaalliuuteqarnissamut piffissarititaasup, ajoquseritut aamma qimagaasut Europap avataani

najugaqartillugit aamma ulloq 1. januar 2026 sioqqullugu aalajangiisoqartillugu, nangittumik qaammatinik pingasunik sivilissuseqarnera, naammagittaalliuuteqarnissamut piffissarititaasut 1. januar 2026-p tungaanut atuuttut naapertorlugit. Pisuni taamaattuni 1. januar 2026-miit naammagittaalliuuteqarnissamut piffissarititaasoq sapaatit akunneranik arfinilinnik sivilissusilerlugu allanngortinneqassaaq.

Imm. 4-mi siunnersuutigineqarpoq, Kalaallit Nunaanni sulinermi ajoqusernermut isumannaarineq pillugu inatsimmi § 59 naapertorlugu, sulinermi ajoqusernermut sillimmasiinernik tigusinerup kingunerisaanik, Arbejdsmarkedets Erhvervssikringi pigisanik nalilinnik aamma pisinnaatitaaffinnik tigusaqarsimaguni, ajoqusernermut sillimmasiisarfinnut Garantifondimut tunniunneqassasut. Tunniussinermut peqatigalugu ajoqusernermut sillimmasiisarfinnut garantifondi pillugu inatsisip, aningaasaliisartut peqatigiiffii il.il. pillugit inatsisip, aningaasanik peqquserluutinik malunnarunnaarsaasarneq pillugu inatsisip aamma inatsisit assigiinngitsut allat allanngortinneqarnissaannut inatsimmi nr. 1163, 8. juni 2021-meersumi § 1 Kalaallit Nunaannut atuutilersinneqassaaq, tak. inatsimmi § 17, imm. 3.

Tamanna ilaatigut isumaqarpoq, ajoqusernermut sillimmasiisarfinnut Garantifondi nalinginnaasumik pisortat ingerlatsineranni illuatungeriittut pisinnaatitaaffeqalernissaa, sillimmasiisarfiup suliani, Kalaallit Nunaanni sulinermi ajoqusernermut isumannaarineq pillugu inatsit malillugu suliarineqartuni, pisinnaatitaaffeqarneratut.

Imm. 4-p ilanngullugu malitsigaa, ajoqusernermut sillimmasiisarfinnut Garantifondip, Arbejdsmarkedets Erhvervssikringip sillimmaseqqittarfinnut piumasaqaataanut aamma akiligassaqarfiit piumasaqaataanu tamani sillimmasiisarfiup akiliisinnaajunnaarsimanerani ilanngussinnaanera, Kalaallit Nunaanni sulinermi ajoqusernermut isumannaarineq pillugu inatsimmi § 59 malillugu Arbejdsmarkedets Erhvervssikringip sillimmasiinernik tigusaqarsimatillugu, ajutoornermut sillimmasiisarfik akiliisinnaajunnaarneq pissutigalugu sulinermi ajutoornermut sillimmasiinerinik ingerlatsinissamut akuersissutaanik arsaarneqarnera pissutigalugu.

Imm. 5-imi siunnersuutigineqarpoq, Kalaallit Nunaanni sulinermi ajoqusernermut isumannaarineq pillugu inatsimmi § 59 naapertorlugu Arbejdsmarkedets Erhvervssikringi sillimmasiinernik tigusaqarnermi kingunerisaanik pisussaaffilerneqarsimappat, pisussaaffiit piusut aamma siunissamut atuuttut ajoqusernermut sillimmasiisarfinnut Garantifondimut tunniunneqassasut. Tunniussineq peqatigalugu ajoqusernermut sillimmasiisarfinnut garantifondi pillugu inatsisip, aningaasaliisartut peqatigiiffii il.il. pillugit inatsisip, aningaasanik peqquserluutinik malunnarunnaarsaasarneq pillugu inatsisip aamma inatsisit assigiinngitsut allat allanngortinneqarnissaannut inatsimmi nr. 1163, 8. juni 2021-meersumi § 1, Kalaallit Nunaannut atuutilersinneqassaaq, tak. inatsimmi § 17, imm. 3.

Tamatuma ilaatigut kingunerivaa, ajoqusernermut sillimmasiisarfinnut Garantifondimut pisussaaffiit tigussagai, Kalaallit Nunaanni sulinermi ajoqusernermut isumannaarineq pillugu inatsimmi § 59 malillugu, ajoqusernerit pillugit sulianik ingerlatsineq pineqartillugu, Arbejdsmarkedets Erhvervssikringimut peqqussutaasinnaasut. Pineqarput suliassat, Kalaallit Nunaanni sulinermi ajoqusernermut isumannaarineq pillugu inatsit malillugu sillimmasiisarfinniit tiggummineqartut, tassunga ilanngullugit nalunaarutiginninnernik suliaqarneq, paasissutissanik suliaqarneq, § 14 malillugu suliarinninnermut aningaasartuutit aamma ikiuutitut aningaasartuutit matussuserneqarnissaat pillugu apeqqutitut isummerit, kiisalu § 10, § 39, imm. 4 aamma §§ 43 aamma 64 malillugit taarsiissutitik aamma ajunngitsorsianik il.il. tunniussinermut atatillugu aningaasartuutit. Ilanngullugu ingerlatseqatigiiffiup sulinermi ajutoornermut sillimmasiinerinik tigusinerup kingunerisaanik akiliisinnaajunnaarnermut

tunngatillugu Arbejdsmarkedets Erhvervssikringip tigummisinnaasai, ajoqusernermut sillimmasiisarfinnut Garantifondip isumaqatigiissutaasinnaasut aamma pisussaaffiusinnaasut tigussavai.

Imm. 5-ip aamma kingunerivaa, ajoqusernermut sillimmasiisarfinnut Garantifondip ikiorsiissutitut, Kalaallit Nunaanni sulinermi ajoqusernermut isumannaarineq pillugu inatsimmi allaqqasunut, pisussaaffiit tigusinnaassagai. Imaassimangippat ajoqusernermut sillimmasiisarfinnut Garantifondip pillugu inatsit, imaluunniit ajoqusernermut sillimmasiisarfinnut Garantifondip pillugu inatsisip Kalaallit Nunaannut atuutilersinneqarneranut peqqussut malillugu Garantifondip tamatumunnga pisussaataitanerani, taamaalilluni ajoqusernermut sillimmasiisarfinnut Garantifondip inatsisip allat imaluunniit sillimmasiinerit allat malillugit pisussaaffiit tigussanngilai, pisussaaffiit sulinermi ajoqusernermut tunngassuteqarneri apeqqutaatinagu. Tamanna assersuutigalugu taarsiissuteqarnissamut akisussaaneq pillugu inatsit malillugu piumasaqaatinut (taarsiissutit assigiinngissutaat) aamma ilassutitut sillimmasiinerit atuuppoq.

Imm. 6-imi siunnersuutigineqarpoq, ajoqusernermut sillimmasiisarfinnut garantifondip pillugu inatsisip, aningaasaliisartut peqatigiiffii il.il. pillugit inatsisip, aningaasanik peqquserluutiniq malunnarunnaarsaasarneq pillugu inatsisip aamma inatsisip assigiinngitsut allat allanngortinneqarnissaannut inatsimmi nr. 1163, 8. juni 2021-meersumi § 1-ip Kalaallit Nunaannut atuutilersinneqarneraniit, tak. inatsimmi § 17, imm. 3, aamma qaammatit arfinillit ingerlareernerini, Arbejdsmarkedets Erhvervssikringip sillimmasiinerusinnaasunut atortut ajoqusernermut sillimmasiisarfinnut garantifondimut tunniutissavai, tak. § 3 imm. 4 aamma 5, Arbejdsmarkedets Erhvervssikringi taakkuninnga tigummisaqarpat, tassunga ilanngullugit inunntut paasissutissat, sulinermi ajutoornerit pillugit sulianut attuumassuteqartut. Tunniussinermi ilaatinneqarput taamaallaat atortut, Kalaallit Nunaanni sulinermi ajoqusernermut isumannaarineq pillugu inatsimmi § 59 malillugu Arbejdsmarkedets Erhvervssikringip sillimmasiinerit aqutsineranut attuumassuteqartut, aamma ilaatinneqarnatik atortut, Arbejdsmarkedets Erhvervssikringip qitiusumik suliaasaanut attuumassuteqartut. Arbejdsmarkedets Erhvervssikringi piffissami ajoqusernermut sillimmasiisarfinnut garantifondip pillugu inatsisip, aningaasaliisartut peqatigiiffii il.il. pillugit inatsisip, aningaasanik peqquserluutiniq malunnarunnaarsaasarneq pillugu inatsisip aamma inatsisip assigiinngitsut allat allanngortinneqarnissaannut inatsimmi nr. 1163, 8. juni 2021-meersumi § 1-ip Kalaallit Nunaannut atuutilersinneqarneraniit, tak. inatsimmi § 17, imm. 3, aamma qaammatit arfinillit ingerlareernerini, pisariaqartitsineq naapertorlugu sulinermi ajutoornerit pillugit suliaasinnaasut, tunniussinerit ilaatinneqartut, ingerlaannarnissaannik Garantifondip suliaqarnerit ikiortassavaa, ajoqusernermut sillimmasiisarfinnut Garantifondip nammineerluni suliaasanik ingerlatseriaatsinik il.il. pilersitsinissaata tungaanut.

Siunnersuutip kingunerissavaa, Arbejdsmarkedets Erhvervssikringip aamma ajoqusernermut sillimmasiisarfinnut Garantifondip ataatsimoorlutik toqqissisimanartumik sulinermi ajutoornermut sillimmasiinerit tunniussinerit naammassinnissinnaanerit, taamaalillutik ajoquserit tunniussinerit sunnerneqaqqunagit. Siunnersuut isumaqassaaq, Arbejdsmarkedets Erhvervssikringip qaammatini arfinilinni piffissami pisussaaffinnik aamma pisinnaatitaaffinnik tamanik tunniussinissamut aamma naammassinninnissamut periarfissaqarnissaa, Arbejdsmarkedets Erhvervssikringip Kalaallit Nunaanni sulinermi ajoqusernermut isumannaarineq pillugu inatsimmi § 59 naapertorlugu tigummisinnaasaanik. Piffissami tassani Arbejdsmarkedets Erhvervssikringip sulinermi ajutoornermut sillimmasiinerit eqimattaasinnaasunik, tunniussinerit ilaatinneqartunik, nuussineq angumerisinnaassavaa.

Ajutoornermut sillimmasiinerit eqimattaasinnaasunik ajoqusernermut sillimmasiisarfinnut Garantifondimut tunniussisoqarpat aamma tamatumunnga inunntut paasissutissat ilaatinneqarpata, inunntut paasissutissanik

suliarinnittarneq pillugu inatsisip Kalaallit Nunaannut atuutilersinneqarneranut peqqussummi nr. 1238, 14. oktober 2016-meersumi malittarisassat eqqumaffigalugit tunniussineq ingerlanneqassaaq.

Kalaallit Nunaanni sulineri ajoqusernermut isumannaarineq pillugu inatsimmi § 59 malillugu Arbejdsmarkedets Erhvervssikringi sulineri ajutoornermut sillimmasiinernik aqutsisimappat, ulloq tunniussivissaq inaarutaasoq ajoqusernermut sillimmasiisarfinnut Garantifondimut isumaqatigiissutigineqassaaq. Tunniussineq piffissami ajoqusernermut sillimmasiisarfinnut garantifondi pillugu inatsisip, aningaasaliisartut peqatigiiffii il.il. pillugit inatsisip, aningaasanik peqquserluutininik malunnarunnaarsaasarneq pillugu inatsisip aamma inatsisit assigiinngitsut allat allanngortinneqarnissaannut inatsimmi nr. 1163, 8. juni 2021-meersumi § 1-ip Kalaallit Nunaannut atuutilersinneqarneraniit, tak. inatsimmi § 17, imm. 3, qaammatit arfinillit angullugit ingerlassaaq.

Arbejdsmarkedets Erhvervssikringi sulineri ajutoornermut sillimmasiinernik tigusaqarsimappat, aamma tamatumunnga atatillugu sillimmasiisarfinniit imaluunniit sillimmasiisarfiup qimataaniit pigisanik nalilinnik imaluunniit pigisanik nalilinnik naammattunik nuussisoqarsimanngippat, Arbejdsmarkedets Erhvervssikringip aningaasartuutit akilerallassavai, pigisat nalillit pisariaqartinneqartut sillimmasiisarfinniit tiguneqarnissaasa tungaanut.

Kalaallit Nunaanni sulineri ajoqusernermut isumannaarineq pillugu inatsimmi § 59 malillugu aningaasartuutit Arbejdsmarkedets Erhvervssikringimit akilerneqartut, sillimmasiisarfinnit sulineri ajutoornermut sillimmasiinernik ingerlatsisuusunit tamanit aningaasaliiffigineqassapput, sulineri ajoqusernermut isumannaarineq pillugu inatsimmi § 48, imm. 6, oqaaseqatigiit pingajuanni agguataarineq malillugu. Aningaasaliineq pissaaq, Arbejdsmarkedets Erhvervssikringip ukiup aallartinnerani aningaasartuutit atorineqarfiani, sillimmasiisarfinni tamani, sulineri ajutoornermut sillimmasiinernik ingerlatsisuni, aningaasartuutininik acontomik akileeqqusineratigut, ukiumi tulluuttumi naleqqussarneqarlutik.

Arbejdsmarkedets Erhvervssikringip aningaasartuutai ilaqarsinnaapput, ajoqusernermut sillimmasiisarfinnut Garantifondimut sillimmasiinernik tunniussinermut attuumassuteqarsinnaasunik, tassunga ilanngullugit sillimmasiinernik tunniussinermut aamma naatsorsuutininik naammassinninnermut atatillugu aningaasatuutit. Taamaattunik aningaasartuuteqartillugu Arbejdsmarkedets Erhvervssikringi aningaasartuutit matussuserneqarnissaat aamma pisariaqartitsissaaq.

Imm. 7-mi siunnersuutigineqarpoq, Kalaallit Nunaanni sulineri ajoqusernermut isumannaarineq pillugu inatsimmi § 59 malillugu aningaasanik kingornatigut naleqqussaaneermi, tak. inatsimmik nalunaarut nr. 75, 16. januar 2017-meersoq, sulineri ajoqusernermut isumannaarineq pillugu inatsimmi § 48, imm. 6, oqaaseqatigiit pingajuanni aningaasanik kingornatigut naleqqussaaneq pillugu aalajangersagaq assinganik atuutissaaq, tak. inatsimmik nalunaarut nr. 1186, 19. august 2022-meersoq. Aalajangersagaq assinganik atuutissaaq ukiumi, ajoqusernermut sillimmasiisarfinnut garantifondi pillugu inatsisip, aningaasaliisartut peqatigiiffii il.il. pillugit inatsisip, aningaasanik peqquserluutininik malunnarunnaarsaasarneq pillugu inatsisip aamma inatsisit assigiinngitsut allat allanngortinneqarnissaannut inatsimmi nr. 1163, 8. juni 2021-meersumi § 1-ip Kalaallit Nunaannut atuutilersinneqarfiani, tak. inatsimmi § 17, imm. 3, ukiut tulluuttut marluk ilanngullugit. Piffissami tassani aningaasat sinneruttuusinnaasut, Kalaallit Nunaanni sulineri ajoqusernermut isumannaarineq pillugu inatsimmi § 59 malillugu Arbejdsmarkedets Erhvervssikringip akileeqqusinnaasai, aningaasanik allanik siumoortumik akileeqqusinermut tunngavimmut ilaasinnaapput, Arbejdsmarkedets Erhvervssikringip sulineri ajoqusernermut isumannaarineq pillugu inatsimmi § 48, imm. 6, oqaaseqatigiit pingajuanni kingornatigut naleqqussaaneq pillugu aalajangersakkamik assinganik atuinnikut akileeqqusai.

Imm. 7-mut siunnersuutip kingunerissavaa, sulinerimi ajoqusernermut isumannaarineq pillugu inatsimmi § 48, imm. 6, oqaaseqatigiit pingajuanni aningaasaliisanermut ilusiliinerup assinganik atuunnissaa ukiumi, ajoqusernermut sillimmasiisarfinnut garantifondi pillugu inatsisip, aningaasaliisartut peqatigiiffii il.il. pillugit inatsisip, aningaasanik peqquserluutinik malunnarunnaarsaasarneq pillugu inatsisip aamma inatsisit assigiinngitsut allat allanngortinneqarnissaannut inatsimmi nr. 1163, 8. juni 2021-meersumi § 1-ip Kalaallit Nunaannut atuutilersinneqarfiani, tak. inatsimmi § 17, imm. 3, ukiut tulliuttut marluk ilanngullugit, Kalaallit Nunaanni sulinerimi ajoqusernermut isumannaarineq pillugu inatsimmi § 59 naapertorlugu aningaasaatigineqarsinnaasunik kingornatigut naleqqussaannikkut. Tamanna aamma atuutissaaq aningaasartuutinik ilaasoqarpat, Arbejdsmarkedets Erhvervssikringimiit ajoqusernermut sillimmasiisarfinnut Garantifondimut sillimasiinernik tunniussinermut attuumassuteqartunik.

Kalaallit Nunaanni sulinerimi ajoqusernermut isumannaarineq pillugu inatsimmi § 59 naapertorlugu aningaasartuutinik ilaasoqarpat aamma ajoqusernermut sillimmasiisarfinnut Garantifondimut sillimasiinernik tunniussisoqarpat, kingornatigut naleqqussaannermut kingusinnerusumi ukiumi, ajoqusernermut sillimmasiisarfinnut garantifondi pillugu inatsisip, aningaasaliisartut peqatigiiffii il.il. pillugit inatsisip, aningaasanik peqquserluutinik malunnarunnaarsaasarneq pillugu inatsisip aamma inatsisit assigiinngitsut allat allanngortinneqarnissaannut inatsimmi nr. 1163, 8. juni 2021-meersumi § 1-ip Kalaallit Nunaannut atuutilersinneqarfiani, tak. inatsimmi § 17, imm. 3, siunnersuutigineqarpoq, Arbejdsmarkedets Erhvervssikringip aningaasartuutinik ilaasoqarpat taamaattut aamma ukiuni tulliuttuni marlunni kingornatigut naleqqussaannermut ilanngussinnaagai.

Peqatigitillugu siunnersuutigineqarpoq, aningaasat sinneruttut, Kalaallit Nunaanni sulinerimi ajoqusernermut isumannaarineq pillugu inatsimmi § 59 malillugu Arbejdsmarkedets Erhvervssikringip akileqqusimasinnaasai, aningaasanik allanik, sulinerimi ajoqusernermut isumannaarineq pillugu inatsimmi § 48, imm. 6, oqaaseqatigiit pingajuat malillugu akileqquneqartunik, acontomik akileqqusinermit ilaatinneqarnissaat ukiumi, ajoqusernermut sillimmasiisarfinnut garantifondi pillugu inatsisip, aningaasaliisartut peqatigiiffii il.il. pillugit inatsisip, aningaasanik peqquserluutinik malunnarunnaarsaasarneq pillugu inatsisip aamma inatsisit assigiinngitsut allat allanngortinneqarnissaannut inatsimmi nr. 1163, 8. juni 2021-meersumi § 1-ip Kalaallit Nunaannut atuutilersinneqarfiani, tak. inatsimmi § 17, imm. 3, ukiut tulliuttut marluk ilanngullugit. Tamatuminnga siunertaavoq, pisariitsumik naammassinninnissamik qulakkeerineq, § 59 malillugu Arbejdsmarkedets Erhvervssikringi suliaasaqartillugu.

Siunnersuutikkut qulakkeerineqarpoq, Arbejdsmarkedets Erhvervssikringip Kalaallit Nunaanni sulinerimi ajoqusernermut isumannaarineq pillugu inatsimmi § 59 malillugu sillimmasiinernik aqutsisinnaanerup matuneqarnissaanut aningaasaqarnikkut pisariaqartinneqartunik aningaasaateqarnissaq, aamma tamatuminnga ajoqusernermut sillimmasiisarfinnut Garantifondimut tunniussinissamut.

Oqaaseqaatit nalinginnaasut innersuussutigineqarput, imm. 2.10.

Inatsisissatut siunnersuut inatsimmut atuuttumut sanilliullugu

Oqaasertat atuuttut

Inatsisissatut siunnersuut

Kalaallit Nunaanni sulinermi ajoqusernermut isumannaarineq pillugu inatsimmi, tak. inatsimmik nalunaarut nr. 75, 16. januar 2017-meersoq kingusinnerusukkut allannguutit ilanngullugit, tulluuttut allanngortinneqassapput:

Suliassaqartitsinermit ministereqarfik

§ 1

Kalaallit Nunaanni sulinermi ajoqusernermut isumannaarineq pillugu inatsit

§ 6. ---

Imm. 2. Ajoqusernermut tunngatillugu inatsisip matuma atuutilerfia tassaavoq ulloq ajoquserfik, imaluunniit sunnigaanerup ajoquserneqarnermut pissutaasup qaangiuffia, aatsaalli inatsimmi allamik aalajangersaasoqarsimanngippat.

1. § 6-imi imm. 1-ip kingorna immikkoortut nutaatut ikkunneqassaaq:
»*Imm. 2.* Inuup ajoqusernera, tak. imm. 1, timikkut imaluunniit tarnikkut ajoqusernerusinnaavoq aamma ataavartuusinnaavoq imaluunniit qaangiuttussaq. Piumasaqaataannigilaq, inuup ajoqusernera suliaritittariaqarnermik kinguneqarnissaa, imaluunniit inuup ajoqusernerata suliarineqareersimanissaa.«

Imm. 2 tamatuma kingorna imm. 3-nngussaaq.

§ 14. [...] Sungiusarneqarneq nakorsat nappaammik katsorsaanerannut malitsigitinneqartoq nakorsanit nakkutigineqartumik ingerlanneqassaaq.

2. § 14, imm. 1-imi, oqaaseqatigiit pingajuat, atorunnaarsinneqassaaq.

Imm. 2-7. ---

§ 15. Nappaatip katsorsareerneratigut, sungiusaaqqereernikkut imaluunniit piginnaangorsaaqqereernikkut ajoquserut siunissami peqqissutsikkut atugarisassai inuussutissarsiorsinnaaneralu naliliiffigissallugit tunngavissaqarpat Arbejdsmarkedets Erhvervssikringip aalajangissavaa ajoqusertoq inuussutissarsiorsinnaanermik annaasaqarnermut taarsiissutinik § 21 naapertorlugu taarsiiffigineqarsinnaanersoq aamma ataavartumik ajuuteqalerneq pillugu ajunngitsorsianik § 22 naapertorlugu tunineqarsinnaanersoq. Sulinermi ajoqusernerup nalunaarutigineqarneraniit ukioq ataaseq qaangiutsinnagu aalajangiiniartoqartassaaq.

3. § 15, imm. 1 aamma 2, atorunnaarsinneqassapput.

Imm. 3 tamatuma kingorna imm. 1-inngussaaq.

Inuussutissarsiornikkut nappaatit,
Erhvervssygdomsudvalgimut
saqqummiunneqartussat, piffissarititaasoq
ukiut marluupput.

Imm. 2. Sulinermi ajoquserneq toqumik
kinguneqarsimappat, imm. 1-imi
taaneqartutuut piffissat taakkua
ingerlaneranni, toqunerup
nalunaarutigineqarneraniit naatsorsorlugu,
toqusup qimatai toqusoqarnerani
ikaarsaariarnermi tunniunneqartartunik,
pilersuisorisamik annaasaqarnermi
taarsiissutinik aamma qimagaasunut
ajunngitsorsianik tunineqarsinnaanersut
aalajangerneqassaaq.

Imm. 3. ---

§ 18. Ullormusiat suliffissarsiortunut
ikiorsiissutini nalunaaquttap akunneranut
aningaasat, qaqugukkulluunniit
aalajangersarneqartartut aamma ullut 14-it
tamaasa kingumut, tunniunneqartartut
annertoqatigaat. [...]

§ 21.---

4. § 18, oqaaseqatigiit siullianni,
»suliffeerunnermi ikiorsiissutit«
allanngortinneqassapput: »suliffissarsiortunut
ikiorsiissutit«.

5. § 21, imm. 7, oqaaseqatigiit aappaat,
*atorunnaarsinneqassaaq taarsiullugulu
ikkunneqarluni* »Ajoqusertup piffissamik
aalajangiinermit ukiut marluk imaluunniit
sivikinnerusumik utoqqalinersiaqarnissamut
ukioritat angussappagit, tak. utoqqalinersiaqarneq
pillugu Inatsisartut inatsisaat, taarsiissutissat § 31,
imm. 4-mi malittarisassat malillugit
tunniunneqassapput, inummut
utoqqalinersiaqarnissamut ukiorititat ukiut marluk
qaangiunneranni angusussaappagit,
aningaasanngorlugit ataatsikkut tunniutassatut
naleqqersuut atorlugu, ukiumoortumik
ingerlaavartumik taarsiissutinik amerlisarlugu.«.

6. § 21, imm. 7-ip kingorna, immikkoortutut
nutaatut ikkunneqassapput:
»Imm. 8. Taarsiissutit § 31, imm. 1, oqaaseqatigiit
siullianni malittarisassat malillugit
aningaasanngorlugit ataatsikkut
tunniutassanngortinneqarpata, ajoqusertoq
piffissamiit inuussutissarsiornermik
annaasaqarnerup uppersineqarneraniit
ingerlaavartumik taarsiiffigineqarnissamut

§ 28. ---

Stk. 2. [...] Suliassaqartitsinermut ministerip inuit sulisitsisuminni najugaqarallartut nerisaqarnerisa ineqarnerisalu nalingat aalajangersassavaa.

Imm. 3-8. ---

§ 30. ---

Imm. 4. Aningaasat imm. 1-imi pineqartut ullormit aningaasat pisassanngortinneqarnerannik nalunnaaruteqarfiusumiit sapaatit akunnerinit sisamanit kingusinnerusumik tunniunneqarpata, aningaasat sapaatit akunnerinik sisamanik piffissarititaasup naaneraniit tunniunneqarnissaat tikillugu erniat ukiumoortut, kingusinaarluni

pisinnaatitaavoq, taamaattoq sulinermi ajoqusernerup nalunaarutigineqarnera piffissaq sioqqullugu minillugu, aamma taarsiissutit aningaasanngortinneqarnerannut piffissaq angullugu.

Imm. 9. *Imm. 7-mi 8-milu malittarisassat §§ 46 aamma 47 malillugit sulianut suliareqqitassanngortinneqartunut atuutissapput. Suliareqqitassanngortitsinermut qinnuteqarnermut piffissaq sioqqullugu imaluunniit Arbejdsmarkedets Erhvervssikringip suliaq suliareqqittussaappagu, tak. § 47, suliiani taakkunani taarsiissutinik tunniussisoqarnej ajorpoq.«*
Imm. 8 tamatuma kingorna *imm. 10-nngussaaq.*

7. § 28, imm. 2, oqaaseqatigiit aappaat, ima oqaasertaqassaaq:

»Inunnut sulisitsisuminni najugaqartunut nerisaqarnermut ineqarnermullu akigititat, Kalaallit Nunaanni Akileraartarnermut Aqutsisoqarfimmit ukiumut pineqartumut akigititat aalajangersarneqartut annertoqatigivaat.«

8. § 30, imm. 4, oqaaseqatigiinni siullerni, allanngortinneqassapput »Sapaatit akunneri sisamat« uunga: »sapaatit akunneri arfineq-marluk«, aamma »sapaatit akunnerinut sisamanut piffissarititaq« allanngortinneqassaaq imaalillugu: »sapaatit akunnerinut arfineq-marlunnut piffissarititaq«.

akiliinermi il.il. ernialersuisarneq pillugu
inatsit naapertorlugu annertussusiligaasut
annertoqqataannik ernialersorneqassapput.
[...]

Imm. 5-6. ---

§ 31. ---

Imm. 4. Ingerlaavartumik pisartagarititat
anigaasanngorlugit ataatsikkut
tunniutassanngortinneqarneranni,
pisartagarisat piffissami anigaasanngorlugit
ataatsikkut tunniunneqarfigisaanni
annertussusiat tunngavigineqassaaq,
piffissaq tassaalluni piffissaq
anigaasanngorlugit ataatsikkut
tunniunneqartussat
tunniunneqarfigisinnaasaat. Taarsiissutininik
anigaasanngorlugit ataatsikkut
tunniussassanngortitsisarneq taamaallaat
siunissami pisussanut atuutissaaq.
Ingerlaavartumik pisartagarititanik
anigaasanngorlugit ataatsikkut
tunniussisoqartarnissaanut maleruagassat,
Suliassaqartitsinermut ministerip
aalajangersassavai Nammisorlutik
Oqartussat isumaqatigiinniarfigereerlugit.

Imm. 5. ---

§ 35. Sulinermi ajoquserneq inatsit
naapertorlugu anigaasanik
pisartagaqarnissamik
piumasaqarfusinnaassangatitaaq
sapinngisamik piaarnerpaamik
kingusinnerpaamillu ajoqusernermiit ullut
qulingiluat qaangiutinnginneranni
nalunaarutigineqassaaq.

Imm. 2. Sulinermi ajoquserneq imm. 1
naapertorlugu nalunaarutigineqanngitsoq,
ajoqusernerullu pineraniit sapaatip

9. § 31, imm. 4, imatut allanneqassaaq:
»*Imm. 4.* Ingerlaavartumik taarsiissutit
anigaasanngorlugit ataatsikkut
tunniutassanngortinneqarneranni, piffissami
tunniutassanngortitsinermi taarsiissutissat
annertussusaat tunngavigalugit
tunniutassanngortitsisoqassaaq. Piffissaq
anigaasat tunniunneqarsinnaaffiat, tassaavoq
piffissaq tunniutassanngortitsivik.
Tunniutassanngortitsineq taamaallaat siunissamut
sunniuteqassaaq. Ingerlaavartumik taarsiissutininik
anigaasanngorlugit tunniutassanngortitsinermut
naleqqersuutit, qaammatinut aamma ukiumut
tamakkiisunut, sillimmasiinernik
naatsorsuisarnermut tunngatillugu tunngaviit
tunuliaqutaralugit aalajangersarneqassapput.
Ingerlaavartumik taarsiissutininik
anigaasanngorlugit ataatsikkut
tunniussisoqartarnissaanut malittarisassat,
Suliassaqartitsinermut ministerip
Namminersorlutik Oqartussat
isumaqatigiinniarfigereerlugit
aalajangersassavai.«

10. § 35, imm. 1-3, atorunnaarsinneqassapput,
aamma taarsiullugu ikkunneqassaaq:
»Sulisitsisup, ullormiit sulinngiffiusumi
siullermiit kingusinnerpaamik ullut 14-it
qaangiutsinnagit sulinermi ajutoorneq
nalunaarutigissavaa, ajutoorneq ajoqusernut
nalinginnaasumik sulisarnermiit
sulinngitsoorneranik kinguneqarpat, ullup
ajoquserfiup saniatigut.

Imm. 2. Sulinermi ajutoornerit,
sulinngitsoornermik kinguneqanngitsut, kisianni
inatsit malillugu ikiorsiissutininik

akunnerisa tallimat qaangiunneranni
ajoquser tup tamakkiisumik
nalinginnaasumik
sulilersinnaasimannginneranik nassataqartoq
kingusinnerpaamik tamatuma
qaangiunnerani ullut qulingiluat
qaangiutinnginneranni
nalunaarutigineqassaaq.

Imm. 3. Imm. 1 aamma 2 aamma atuuppoq
inuussutissarsiornermi nappaatigilikkanut,
taamaattorli nalunaaruteqarnissamut
piffissarititaq piffissamit
nalunaarutiginninnissamut pisussaasup
nappaatip inuussutissarsiornermik
pissuteqarsorineqarneranik
ilisimasaqalerfigisaaniit aallartittumik
naatsorsorneqassaaq.

Imm. 4. Nalunaaruteqarneq pissaaq sulinermi
ajoquserneq toqnermik
kinguneqarsimagaluarpalluunniit, imm. 1-3
malillugit
nalunaarutigineqareersimagaluarpalluunniit
imaluunniit nalunaarutigineqassappat.

§ 36. Sulilluni ajutoornernik
nalunaaruteqartussaataitaavoq sulisitsisoq
isumannaarinissamut pisussaataitaasoq, tak. §
52.

Imm. 2-3. ---

§ 37. Sulisitsisup
nalunaaruteqartussaataitaasup, tak. § 36,
aamma inuup imminut
isumannaariffigisimasup, tak. § 52, imm. 2
aamma 4, ajoqusernerit Arbejsskadets
Erhvervssikringimut nalunaarutigissavaat.

Imm. 2. ---

§ 38. Nakorsat kigutillu nakorsaasa
inuussutissarsiornermi nappaatigilikkat
qularnaatsut taamatullu pasitsaassat,
inuussutissarsiornermikkut ilisimalikkatik
pillugit Arbejdsmarkedets
Erhvervssikringimut aamma Kalaallit

pisartagaqarnissamut
piumasaqaateqarfiusinnaasutut nalilerneqartut,
tak. § 10, kingusinnerpaamik ullormiit
ajutoorfiusumiit ullut 14-it qaangiutsinnagit
sulisitsisumit nalunaarutigineqassapput.«

Imm. 4 tamatuma kingorna imm. 3-nngussaaq.

11. § 35, imm. 4, oqaaseqatigiit aappaanni, imm.
3, oqaaseqatigiit aappaanngortussami, »imm. 1-3«
imatut allanngortinneqassaaq: »imm. 1 aamma 2
kiisalu § 38«.

12. § 36, imm. 1, atorunnaarsinneqassaaq.

Imm. 2 aamma 3 tamatuma kingorna imm. 1
aamma 2-nngussapput.

13. § 37, imm. 1-imi, »Sulisitsisoq
nalunaaruteqartussaataitaasoq, tak. § 36« imatut
allanngortinneqassaaq: »Sulisitsisoq, tak. § 35,
imm. 1 aamma 2«.

14. § 38, imm. 1-imi, »Suliassaqartitsiner
ministeri Namminersorlutik Oqartussat
isumaqatigiinniarfigereerlugit malittarisassanik
aalajangersaassaaq, nakorsat« ima
allanngortinneqassaaq: »Nakorsat«.

Nunaanni Sullivinnik Nakkutilliisoqarfimmut
nalunaaruteqartarnissaat pillugu
maleruagassat Namminersorlutik Oqartussat
isumaqatigiinni arfigereerlugit
suliassaqartitsinermut ministerip
aalajangersassavai.

§ 39. Nalunaarutit sunik
paasissutissartaqarnissaat qanorlu
nalunaaruteqartoqartarnissaa pillugit
maleruagassat Namminersorlutik Oqartussat
isumaqatigiinni arfigereerlugit
suliassaqartitsinermut ministerip
aalajangersassavai.
[...]

Imm. 2-3. ---

Imm. 4. Nakorsat uppersaatinut
oqaaseqaataannut, matumani aamma nakorsat
immikkut ilisimasallit uppersaatinut
oqaaseqaataannut toqusimasunillu
pilattaalluni misissuinerit pillugit
oqaaseqaatinut, aammattaarlu oqaaseqaatinut
allagartatigullu uppersaasiussanut allanut,
matumani aamma naatsorsuutini
kukkunersuiusut naatsorsuinerannut
pisariaqartunut nutserinermullu
aningaasartuutit sillimmasiisarfiup aamma
Arbejdsmarkedets Erhvervssikringip
akilissavaat.

§ 42. Kalaallit Nunaanni sulineri
ajoqusernerit pillugit sulianik suliarinninnermi
§ 41 malillugu paasissutissanik
pissarsinissamut akuersissut
pissarsiarineqarsinnaavoq,
nalunaaruteqartoqarsimaneranik
allaganngorlugu uppersaanikkut,
ajoquseritoq imaluunniit qimagaasut
paasissutissat qanoq ittut
pissarsiarineqassanersut
erseqqissaavigineqarpat, tamatumunngalu
akerlilisinnaanermut piffissarititamik
tunineqarluni.

15. § 39, imm. 1, oqaaseqatigiit siullianni,
»Nalunaarutit« kingorna »sunik« peerneqassasoq,
ikkunneqarlunilu: »sulineri ajutoornerit aamma
inuussutissarsiornermi nappaatit pillugit«.

16. § 39, imm. 4, imatut allanneqassaaq:
»Imm. 4. Ajutoornerit pillugit suliani
sillimmasiisarfiup akiligassat suliani
paasissutissanut tunngasut tamaasa akilissavai.
Inuussutissarsiornermi nappaatit pillugit suliani
Arbejdsmarkedets Erhvervssikringip akiligassat
suliani paasissutissanut tunngasut tamaasa
akilissavai. Oqaaseqatigiit siullianni aamma
appaanni akiligassat ilaatigut tunngapput
nakorsat nalunaarutaannut akiligassat, tassunga
ilanngullugit nakorsat immikkut ilinniarsimasut
nalunaarutaat aamma toqusumik pilattaalluni
misissuinerimik nalunaarutit, aamma
oqaaseqaatinut aamma uppersaatinut allanut,
tassunga ilanngullugit kukkunersuiusut
naatsorsuutaat pisariaqartinneqartut aamma
nutserinerit.«

17. § 42 imatut allanneqassaaq:
»§ 42. Arbejdsmarkedets Erhvervssikringip
imaluunniit Ankestyrelsen § 41 malillugu
paasissutissanik pissarsitinnani,
Arbejdsmarkedets Erhvervssikringip imaluunniit
Ankestyrelsen paasissutissat qanoq ittut
pissarsiarinissanut pisariaqalersinnaanera pillugu
ajoquseritoq imaluunniit qimagaasut allakkatigut
ilisimatissavai. Arbejdsmarkedets
Erhvervssikringip imaluunniit Ankestyrelsen
aamma ajoquseritoq imaluunniit qimagaasut
tamatumunnga akerliliilluni
nalunaaruteqarsinnaanermut piffissarititaasumik
tunissavai aamma ajoquseritoq imaluunniit

qimagaasut tamatumuunakkut eqqartuussivinni
suliassanngortitsinermi ajoqutaasinnaasut pillugit
ilisimatissavai.«

§ 43. ---

Imm. 2. Nakorsamit katsorsarneqarneq il.il.
Arbejdsmarkedets Erhvervssikringip
imaluunniit Ankestyrelsip piumasaqarnera
malillugu pippat ajoqusertoq nakorsamit
katsorsarneqarnerminut il.il., tak. imm. 1,
atatillugu angalanermut aningaasartuutitut
akiliunneqarnissaminut pisinnaatitaavoq.
Aammattaaq qimagusimaneq minnerpaamik
nalunaaquttap akunnerinik marlunnik
sivisussuseqarsimappat ajoqusertoq
katsorsartinnermini il.il. sulinikkut
iluanaarutissaagaluanit annaasanut
uppersaasikkanut
taartisiaqarsinnaatitaavoq, tak. imm. 1,
oqaaseqatigiit aappaat pingajuilu.
[... .]

Imm. 3-5.---

§ 44. Paasinarsippat ajoquserneq
nalunaarutigineqartoq inatsimmi
ilaatinneqanngitsoq, tamanna pillugu
Arbejdsmarkedets Erhvervssikringi
aalajangiissaaq. Sulianut, ajutumeernerit
pillugit § 6 malillugu suliarineqartunut,
kingusinnerpaamik Arbejdsmarkedets
Erhvervssikringip nalunaarummik
tiguserernerata kingorna qaammatit pingasut
qaangiutsinnagit aalajangiisoqassaaq.
Sulianut, inuussutissarsiornermi
nappaataalersut allattorsimaffiat pillugit § 7,
imm. 1, nr. 1 malillugu suliarineqartunut,
piffissaliussaq qaammatit arfiniliupput.
Inuutissarsiornermi nappaataalersunut, § 7,
imm. 1, nr. 2 aamma § 7, imm. 2 malillugit
suliarineqartunut,
Erhvervssygdomsudvalgimut
saqqummiunneqartussanut, § 15, imm. 1-imi
taaneqartoq ukiunik marlunnik
piffissarititaasoq taamaallaat
atuutinneqassaaq.

Imm. 2. Ajoqusertoq ajoqusernerup
nalunaarutigineqareerneratigut toquppat,
toqqutaasup inatsimmi pineqartunut

18. § 43, imm. 2, oqaaseqatigiit siullianni
»Ajoqusersimasooq« kingorna ikkunneqassaaq:
»aamma ingiaqatigisaq pisariaqartinneqartoq«.

19. § 44 atorunnaarsinneqassaaq.

ilaatinneqarsinnaaneraniq qimagaasunut
nalunaaruteqarnissami imm. 1-imi
piffissaritat taamatulli atuutissapput.
Taamaattoqartillugu piffissaritat toqunerup
Arbejdsmarkedets Erhvervssikringimut
nalunaarutigineqarneraniit
naatsorsorneqassapput.
Imm. 3. Imm. 1 aamma 2 naapertorlugit
aalajangiinissaq piffissaritat
naannginneranni pisinnaanngippat
ajoqusertoq qimagaasulluunniit
tamatuminnga ilisimatinneqassapput.
Ilisimatitsissut taamaattoq tassaannngilaq
aalajangiineq
naammagittaalliuutigineqarsinnaasoq.

§ 49. ---

Imm. 2 [...] Ajoqusersimasoq imaluunniit
qimagaasut Europap avataaniippata,
piffissarititaasoq qaammatit pingasuupput.

Imm. 3. ---

Imm. 4-5. ---

Imm. 6. Ankestyrelsi imm. 1 naapertorlugu
naammagittaalliummik suliaqartinnagu
Arbejdsmarkedets Erhvervs- sikringip
nalilissavaa naammagittaalliortoq
tamakkiisumik ilaannakuusumilluunniit
tapersissallugu tunngavissa- qarnersoq.
Taamaattumik naammagittaalliuut
Arbejdsmarkedets Erhvervssikringimut
nassiunneqassaaq.

Imm. 7-8. ---

§ 51. ---

20. § 49, imm. 2, oqaaseqatigiit pingajuat,
atorunnaarsinneqassaaq.

21. § 49-mi imm. 3-p kingorna immikkoortutut
nutaatut ikkunneqassaaq:
»*Imm. 4.* Ankestyrelsip inatsit manna malillugu
sulianik ingerlatsinerani inatsisitigut
isumannaatsuuneq aamma inunnik
isumaginninnermi allaffissorneq pillugit
inatsimmi kapitali 9 kiisalu §§ 68 aamma 70
atuutissapput, imaassimanngippat inatsisip
matuma alla kingunerigaa.«

Imm. 4-8 tamatuma kingorna imm. 5-9-
nngussapput.

22. § 49, imm. 6-mi, imm. 7-nngortussami,
oqaaseqatigiit pingajuattut ikkunneqassaaq:
»Nalilersuinnermi Arbejdsmarkedets
Erhvervssikringip aalajangiinnermini
isummerfigisinnaavai immikkuualuttut piviusunik
tunngavillit aamma inatsisinut tunngasut kiisalu
missiliuussinerit.«

§ 52. ---

Imm. 6. [...] Sulisorisat taakku sulisillutik ajoqusernerini aningaasartuutit Arbejdsmarkedets Erhvervssikringimit siumoortumik tunniunneqassapput, qaammatisiutillu malillugit ukiuni tamani sillimmasiisarfinnut sulinermi ajoqusernissamut sillimmasiiffiusartunut tamanut agguanneqartassallutik. Aningaasartuutit Arbejdsmarkedets Erhvervssikringip Finanstilsyni suleqatigalugu, sulinermi ajoqusersinnaanermut isumannaarineq pillugu inatsimmi § 48, imm. 6, oqaaseqatigiit pingajuat naapertorlugu maleruagassiai naapertorlugit agguanneqartassapput. [...]

§ 56. ---

Imm. 4. Aningaasat Arbejdsmarkedets Erhvervssikringip imm. 1 naapertorlugu tunniussimasai § 52, imm. 6, oqaaseqatigiit aappaanni pingajuinilu maleruagassat naapertorlugit, aningaasanik imm. 2 naapertorlugu utertinneqarsimajunnartunik ilanngarlugit sillimmasiisarfinnut sulinermi ajoqusersinnaanermut sillimmasiiffiusartunut tamanut agguanneqassapput.

Imm. 5. ---

§ 59. Sulinermi ajoqusersinnaanermut sillimmasiissutit aningaasarsiornermik

23. § 51-imi *imm. 2*-tut ikkunneqassaaq:
»*Imm. 2.* Ajoqusernermut sillimmasiisarfinnut Garantifondi § 49-mi taaneqartutut sulinermi ajutoornerit pillugit sulianik suliassanngortitseqqiisinnaavoq, ajoqusernermut sillimmasiisarfinnut Garantifondip, ajoqusernermut sillimmasiisarfinnut Garantifondi pillugu inatsit malillugu, ingerlataani.«

24. § 52, *imm. 6*, oqaaseqatigiit aappaat, atorunnaarsinneqassaaq, aamma taarsiullugu ikkunneqassaaq:
»Sulinermi ajutoornermut aningaasartuutit, ikiorteqarnermik qaangiisut, tak. oqaaseqatigiit siulliat, Arbejdsmarkedets Erhvervssikringimit akilerneqassapput. Oqaaseqatigiit aappaat malillugu aningaasartuutitut aningaasaliinerit, ukiumi tassani aningaasartuuteqarfiusumi, sillimmasiisarfinni tamani, Kalaallit Nunaanni sulinermi ajoqusernermut isumannaarinermik ingerlatsisuni, aconto-tut akileqquneqassapput, kingornalu ukiumi tullittumi naleqqussarneqarlutik.«

25. I§ 52, *imm. 6*, oqaaseqatigiit pingajuanni, oqaaseqatigiit sisamaanngortussami
»Arbejdsmarkedets Erhvervssikring« imatut allanngortinneqassaaq: »suliassaqartitsinermit ministeri Arbejdsmarkedets Erhvervssikringip siulersuisuisa inassuteqarnerat malillugu« aamma »oqaaseqatigiit pingajuat« imatut allanngortinneqassaaq: »oqaaseqatigiit sisamaat«

26. § 56, *imm. 4*-mi, »§ 52, imm. 6, oqaaseqatigiit aappaat aamma pingajuat« imatut allanngortinneqassaaq: »§ 52, imm. 6, oqaaseqatigiit aappaanniit sisamaanut«

27. § 59 atorunnaarsinneqassaaq.

ingerlataqarneq pillugu inatsimmi § 250, imm. 2 naapertorlugu imaluunniit aningaasarsiornermik ingerlataqarneq pillugu inatsisip Kalaallit Nunaanni atuutilernissaanik pillugu peeqqussut nr. 1252, 15. december 2004-meersumi § 275, imm. 2 naapertorlugu Arbejdsskade styrelsesimit aqutassanngortinneqarsimappata, ajoqusernerit, ullup sillimmasiisarfiup atorunnaarfiata kingornatigut sillimmasiisarfiimmut nalunaarutigineqartut tamarmik Arbejdsmarkedets Erhvervssikringimut nassiunne- qassapput. Tamatumunnga peqatigitillugu aningaasaatit sillimmasiisarfiup, aningaasarsiornermik ingerlataqarneq pillugu inatsit naapertorlugu immikkoortissimasai, sillimmasiisarfiullu atorunnaarnerata nalaani inatsit naapertorlugu sillimmasiissutitut pigisaanut tunngasuusut Arbejdsmarkedets Erhvervssikringimut tunniunneqassapput.

Imm. 2. Sillimmasiissutit aqunneqarnerannut atatillugu aningaasartuutit Arbejdsmarkedets Erhvervssikringimit siumoortumik tunniunneqartassapput, qaammatisiutillu malillugit ukiuni tamani sillimmasiisarfinnut, sulinermi ajoqusersinnaanermut sillimmasiiffiusartunut tamanut, sulinermi ajoqusersinnaanermut isumannaarineq pillugu inatsimmi § 48, imm. 6, oqaaseqatigiit aappaanni pingajuannilu maleruagassat naapertorlugit agguataarneqassallutik. Aningaasaatit tunniunneqarsimasut maleruagassat taakku malillugit agguataarneqassapput.

§ 62. ---

Imm. 4. Aningaasat Arbejdsmarkedets Erhvervssikringip imm. 1 naapertorlugu akilersimasai § 52, imm. 6, oqaaseqatigiit sisamaanni tallimaannilu maleruagassat naapertorlugit, aningaasat imm. 2 naapertorlugu utertitsissutaasimasinnaasut ilanngaatilugit agguataarneqassapput.

Imm. 5. ---

28. § 62, imm. 4-mi, »§ 52, imm. 6, oqaaseqatigiit sisamaat aamma tallimaat« imatut allanngortinneqassaaq: »§ 52, imm. 6, oqaaseqatigiit tallimaat aamma arferngat«

§ 64. ---

1) ---

2) Inuussutissarsiornermi nappaatigilikkat nalunaarutigineqartut pillugit suliat eqqarsaatigalugit inuussutissarsiornermi nappaatigilikkaning aningaasartuutit aningaasalersornerisa ilaannut Arbejdsmarkedets Erhvervssikringi, tak. sulinermit ajoqusersinnaanermi isumannaarineq pillugu inatsimmi § 55 aamma

3) ---

Imm. 2-3. ---

Imm. 4. Akiliisarneq, akigititat annertussusaat taakkuninngalu akileeqqusineq pillugu maleruagassanik suliaaqqartitsinnermut ministeri aalajangersaassaaq, matumunga ilanngullugu Ankestyrelsi pillugu maleruagassat eqqarsaatigalugit isumaginninnermut nunamullu namminermut ministeri isumaqatigiinniarfigereerlugu. [...]

§ 65. Aningaasat Arbejdsmarkedets Erhvervssikringip § 30, imm. 2, aamma § 52, imm. 6 aamma § 56, imm. 1 aamma 5 aamma § 62 naapertorlugit siumoortumik akilerallarsimasaat ukiumoortumik ernianik, aningaasat niuerutigiissutaaneranni Nationalbankip ullormiit ullormut ernialuuttagaasa agguaqatigiissinnerannut naapertuuttunik ernialersorneqassapput. Ernial sulinermit ajoqusersinnaanermut isumannaarineq pillugu inatsimmi § 60, imm. 1 naapertorlugu suliaaqqartitsinnermut ministerimit maleruagassiat aalajangersarneqartut naapertorlugit naatsorsorneqassapput.

§ 70. Inatsit naapertorlugu pisartagarititat ajoqusiisumut, ajoqusertumut taassumaluunniit qimataanut taarsiisussanngortitaasimasumut akilersinniarneqarnissaat piumasarineqarsinnaanngilaq. [...]

29. § 64, imm. 1, nr. 2-mi,

»inuussutissarsiornermi nappaatit aamma« imatut allanngortinneqassaaq: »inuussutissarsiornermi nappaatit,«.

30. § 64, imm. 1-imi, nr. 2-p kingorna nutaatut normutut ikkunneqassaaq: »3) § 68 malillugu Arbejdsmarkedets Erhvervssikringimit aningaasat, ataatsimoorussamik sillimmasiineq malillugu suliat pineqartillugit, tak. §§ 67-69 aamma«.

Nr. 3 tamatuma kingorna nr. 4-nngussaaq.

31. § 64, imm. 4, oqaaseqatigiit siullianni, »akiliineq,« piissaaq, aamma »aamma tamatuminna akiliisitsiniarneq« imatut allanngortinneqassaaq: », aconto-nngorlugu akiliisitsiniarneq aamma kingornatigut naleqqussaaneq«.

32. § 65, oqaaseqatigiit siullianni, », Nationalbankip ullormiit ullormut erniaritittagaasa agguaqatigiissinnerannut naapertuuttunik« peerneqassaaq.

33. § 65, oqaaseqatigiit aappaanni, »naatsorsorneqassapput« imatut allanngortinneqassaaq: »aalajangersarneqassapput«.

34. § 70, oqaaseqatigiit siullianni, »qimataat« kingorna ikkunneqassaaq: », taamaattoq tak. imm. 2«.

35. § 70-imi imm. 2-tut ikkunneqassaaq: »Imm. 2. Imm. 1, oqaaseqatigiit siullianni, malittarisassaaq atuutissanngilaq imaattoqarpat,

nioqqutissanut akisussaaneq pillugu inatsimmi
taarsiissuteqarnissamut akisussaasoqartoq
imaluunniit akisusnaanissamut
inassuteqartoqartoq.«

*Atuutilersitsinermut ikaarsaarnermullu
aalajangersakkat*

§ 2

Imm. 1. Inatsit atuutilissaaq ulloq 1. januar 2026,
taamaattoq tak. imm. 2.

Imm. 2. Suliassaqartitsinermut ministerip § 1, nr. 23-p, 27-p, 34-p aamma 35-p atuutilernissaannut piffissaq aalajangersassavaa. Ministerip aalajangersarsinnaavaa, aalajangersakkat piffissani assigiinngitsuni atuutilernissaat.

§ 3

Imm. 1. § 1, nr. 1, ajutoornerit pillugit sulianut, 1. januar 2026 sioqqullugu pisimasunut, atuutissanngilaq. Sulianut taakkununnga malittarisassat maannamut atuuttut atuutissapput.

Imm. 2. § 1, nr. 3, 5, 7, 9 aamma 19, ajutoornerit pillugit sulianut, 1. januar 2026 sioqqullugu pisimasunut, imaluunniit inuussutissarsiornermi nappaatit pillugit sulianut, 1. januar 2026 sioqqullugu nalunaarutigineqarsimasunut, atuutissanngillat. Sulianut taakkununnga malittarisassat maannamut atuuttut atuutissapput.

Imm. 3. § 1, nr. 8 aamma 20, Arbejdsmarkedets Erhvervssikringip sulinermi ajoqusernerit pillugit suliani aalajangiinerinut, Arbejdsmarkedets Erhvervssikringip 1. januar 2026 sioqqullugu aalajangiiffigisaanut, atuutissanngillat. Aalajangiinernut taakkununnga malittarisassat maannamut atuuttut atuutissapput.

Imm. 4. § 59 naapertorlugu, Arbejdsmarkedets Erhvervssikringip sulinermi ajutoornermut sillimmasiinernik tigusaqarnerata kingunerisaanik, pigisanik nalilinnik aamma pisinnaatitaaffinnik pigisaqalersimaguni, taakkua

ajoqueusernermut sillimmasiisarfinnut
Garantifondimut tunniunneqassapput.
Tunniussinermit peqatigitillugu, ajoqueusernermut
sillimmasiisarfinnut Garantifondi pillugu inatsisip
allanngortinneqarnissaanut inatsimmi nr. 1163, 8.
juni 2021-meersumi § 1, peqatigiiffiit
aningaasaliisartut il.il. pillugit inatsit,
aningaasanik peqquserluutinik
malunnarunnaarsaasarneq pillugu inatsit aamma
inatsisip assigiinngitsut allat Kalaallit Nunaannut
atuutilersinneqassapput, tak. inatsimmi § 17,
imm. 3.

Imm. 5. § 59 malillugu, imeersoq,
Arbejdsmarkedets Erhvervssikringi sulinermit
ajutoornermut sillimmasiinernik tigusaqarnerata
kingunerisaanik pisussaaffilerneqarsimaguni,
pisussaaffiit atuuttut aamma atuutilertussat
ajoqueusernermut sillimmasiisarfinnut
Garantifondimut tunniunneqassapput.
Tunniussinermit peqatigitillugu, ajoqueusernermut
sillimmasiisarfinnut Garantifondi pillugu inatsisip
allanngortinneqarnissaanut inatsimmi nr. 1163, 8.
juni 2021-meersumi § 1, peqatigiiffiit
aningaasaliisartut il.il. pillugit inatsit,
aningaasanik peqquserluutinik
malunnarunnaarsaasarneq pillugu inatsit aamma
inatsisip assigiinngitsut allat Kalaallit Nunaannut
atuutilersinneqassapput, tak. inatsimmi § 17,
imm. 3.

Imm. 6. Arbejdsmarkedets Erhvervssikringi
sillimmasikkanut tunngasunik atortunik
tigusaqarsimaguni, tassunga ilanngullugit inunnut
paasissutissat, sulinermit ajutoornermut
tigussaasunut tunngasunik, tak. imm. 4 aamma 5,
taakkua ajoqueusernermut sillimmasiisarfinnut
Garantifondimut tunniunneqassapput piffissamiit,
ajoqueusernermut sillimmasiisarfinnut Garantifondi
pillugu inatsisip allanngortinneqarnissaanut
inatsimmi nr. 1163, 8. juni 2021-meersumi § 1-ip,
peqatigiiffiit aningaasaliisartut il.il. pillugit
inatsisip, aningaasanik peqquserluutinik
malunnarunnaarsaasarneq pillugu inatsisip
aamma inatsisip assigiinngitsut allat Kalaallit
Nunaannut atuutilersinneqarneranniit qaammatit
arfinillit angullugit, tak. inatsimmi § 17, imm. 3.
Arbejdsmarkedets Erhvervssikringi piffissami
tassani suliamik ingerlatsinikkut ikiuissaaq,
imaassimappat sulinermit ajutoornerit pillugit
sulianik ajoqueusernermut sillimmasiisarfinnut
Garantifondimut nuussisoqartoq.

Imm. 7. Sulinermi ajoqusernermut isumannaarineq pillugu inatsimmi § 59 malillugu kingorna aningaasanik naleqqussaanneri, tak. inatsimmik nalunaarut nr. 75, 16. januar 2017-meersaq, sulinermi ajoqusernermut isumannaarineq pillugu inatsimmi § 48, imm. 6, oqaaseqatigiit pingajuanni naleqqussaaneq pillugu aalajangersagaq assinganik atuutissaaq, tak. inatsimmik nalunaarut nr. 1186, 19. august 2022-meersaq. Aalajangersagaq assinganik atuutissaaq ukiumi, ajoqusernermut sillimmasiisarfinnut Garantifondi pillugu inatsisip allanngortinneqarnissanut inatsimmi nr. 1163, 8. juni 2021-meersumi § 1, peqatigiiffiit aningaasaliisartut il.il. pillugit inatsit, aningaasanik peqquserluutinik malunnarunnaarsaasarneq pillugu inatsit aamma inatsisit assigiinngitsut allat Kalaallit Nunaannut atuutilertinneqarfianni, tak. inatsimmi § 17, imm. 3, kiisalu ukiuni marlunni tulliuttuni. Piffissami tassani aningaasat sinneruttuusinnaasut, Arbejdsmarkedets Erhvervssikringip § 59 malillugu akiliisitsiniutigisinnaasai, aningaasanik siumoortumik akiliisitsiniarnermut tunngavigisamut ilaatinneqassapput, sulinermi ajoqusernermut isumannaarineq pillugu inatsimmi § 48, imm. 6, oqaaseqatigiit pingajuanni naleqqussaaneq pillugu aalajangersakkap assinganik Arbejdsmarkedets Erhvervssikringip akilertinniagaanut, tak. inatsimmik nalunaarut nr. 1186, 19. august 2022-meersaq.